



# SEREGA

NYA AMAT

# NYATA!

**International  
Best-Seller!**

**HEAVEN IS SO REAL!**

*Choo Thomas*

Jaku Penulu

Rev. Dr. David Yonggi Cho

## CHOO THOMAS NYERITAKA BARU SITI CHERITA DIRI EMPU TI NGALITKA ATI TENTANG BAKA NI IYA MEDA KRISTUS TI IDUP, NGABAS NERAKA, SERETA BEJALAI DI SEREGA.

"Lebuh 19 Januari 1996, aku dani jam pukul 3 pagi. Tubuh aku begetar ... aku ngalihka pala aku di panggah deka meda ke tunga munyi nya, lalu dia, semua bekilat, bisi siti tubuh ngena gari burak. IYA NYA TUHAN ..."

Baka ni tu ulih nyadi ba aku? Aku alit ati ... lebuh aku belabuh begetar ... lalu nyabak ai mata pengerindu enggau pengaga.

"Anak ... Aku tu Tuhan nuan, lalu Aku deka bejaku enggau nuan. Aku deka ngabas nuan sebedau pengawa tu tembu."

"Pangka nyawa Iya, Jaku Iya, Pesan Iya negu aku enggau kuasa ti luar biasa ..."

Ukai sekali ukai dua kali, tang sepuluh kali dalam bulan nya, Tuhan Jesus ayan semak tempat tinduk iya lalu bejaku enggau iya.

### UDAH NYA PEJALAI NYA BELABUH ...



Choo Thomas

Tuhan Iya empu mai aku ke serega 17 kali dalam maya ti enda sama, di dalam tubuh roh ti udah betukar, lebuh umur kira-kira 15 tauka 16 taun lalu nunjukka aku hal-hal ti mayuh di serega ti udah disediaka Iya ka orang Iya, sereta nunjukka aku neraka dua kali. Iya mega nunjukka aku hal-hal lebuh maya pemedis, sepengudah Iya mai orang Iya ke serega.

Udah pengujung semua genera tu, Iya nunjukka aku pengangkat ...

Iya menuhka 100% ari tiap enggau semua semaya ti udah digaga Iya ngagai aku ka bup tu, singkang-sesingkang ari pun datai ke ujung bup tu dichelak. Aku semina nulis utai ti ditunjuk sereta dipadahka Iya ngagai aku. Bup tu tau nyadika perengka kena nyelamatkan mayuh samengat. Pengarap aku iya nya nengah bup tu, mayuh samengat deka diselamatkan lalu semua orang Kristin enggau ruang bilik sida deka diangkatka.

Serega Nya Amat Nyata bup pengujung dunya Tuhan. Iya dekaka semua ti arap enggau ti enda arap macha iya lalu nyendiaka penatai Iya.

Semua basa, puji enggau mulia ka Nama Nuan ti Kudus!!



Email: ewebb@ericane.com

ISBN 983-40689-5-6



9 789834 068950





# SEREGA

NYA AMAT

# NYATA!

*Choo Thomas*

HEAVEN IS SO REAL by Choo Thomas

*Published by Charisma House*

*A Strang Company*

*600 Rinehart Road*

*Lake Mary, FL 32746*

*HYPERLINK "http://www.creationhouse.com" www.creationhouse.com*

*This book or parts thereof may not be reproduced in any form, stored in a retrieval system or transmitted in any form by any means-electronic, mechanical, photocopy, recording or otherwise-without prior written permission of the publishers, except as provided by United States of America copyright law.*

*Copyright © 2006 by Ericane JC Publishing*

*All rights reserved*

*Library of Congress Control Number: 203104166*

*International Standard Book Number: 983-40689-5-6*

*Published in Malaysia (2006) by*

*Ericane JC Publishing*

*47, Jalan 6/31*

*46000 Petaling Jaya, Selangor DE, Malaysia*

*Tel: (603) 7781 0009*

*Fax: (603) 7783 8906*

*e-mail: [ewebb@ericane.com](mailto:ewebb@ericane.com)*

*Translated by Rev. Trevor Tinda from St. Faith Church, Kuching, Sarawak*

*Distribution Contact: Sandy Kang (email: [sandykang@yahoo.com](mailto:sandykang@yahoo.com))*

*Printed in Malaysia*



## **Jaku Penulu**

*Serega nya Amat Nyata, oleh Choo Thomas*

Serega! Semina nyebut jaku tu ngasuh ati enggau runding kitai bejalai. Kitai belagu pasal iya, ninga jaku ajar pasal iya, orang ti dikerindu kitai bisi dia. Siti ari ila kitai ngarapka diri kia. Tang ni penyata Serega?

*Serega* endang amat bisi ba penulis tu laban iya betemu enggau Jesus Kristus. Bup tu mansutka cherita Choo Thomas iya empu ti bejalai ke Serega enggau Jesus beberapa kali, lalu Jesus mai iya bejalai meda utai di Serega. Nuan deka tebacha tentang pengarap iya ti kering tentang Serega, perintah Tuhan, ti ulih ngasuh orang ti arap ngasaika guna betemu enggau Tuhan secara pribadi lalu nerima saut ari Iya nengah sampi. Enggau pengalaman pengarap bakatu, orang deka ngasaika guna pengidup ti bepengarap.

Aku udah macha bup tu ditulis dalam English tiga kali, lalu udah nerima mayuh penemu tentang Serega sereta diberekatka. Iya ka bendar, aku balat tetegu ati, lalu aku udah nyalinka iya ngagai Jaku Korea awakka dibacha orang Korea lalu diberekat. Antara bup pasal pengarap, iya udah nyadi bup ka lumur satu laku di Korea.

Arapka kita enda nganggap bup tu siti *tesis theology* tauka *doktrin*. Bacha sereta rinduka iya nyadi pengalaman pribadi penulis iya enggau siti saksi tentang utai ti dipeda enggau didinga di Serega.

Sekalika nuan orang Kristin tauka ukai, *Serega Nya Amat Nyata* nya siti cherita ti negu kitai ti mesti dibacha nuan enggau ati ti terbuka. Iya ulih nulung nuan mereti enggau dalam pasal berekat ti besai ti udah disedia Tuhan ka anak-anak Iya di Serega ti meruan belama-lama.

Rev. Dr. David Yonggi Choo

Senior Pastor

Yoido Full Gospel Church

September 5, 2004, Korea

Choo tu siku indu Tuhan ti meri chunto nama reti kitai ngengkahka utai ti beguna dulu. Tuhan Jesus Kristus nya amat-amat sukut batu pengidup iya. Tingkat penyemak ti diasaika Choo enggau Tuhan beduduk ba penyauh Serega enggau dunya. Bup tu mai pemacha munku pejalai ari luar pagar Mutiara. Penuduk Tuhan enda agi nyadi tempat ka enda terang enda ulih dicheritaka, tang lebih nyadi tempat ti ngenyamaika ati besaum enggau Tuhan kitai, Jesus Kristus. Bup tu patut dibacha sida ka agi kakang pasal pemendar ti nganti kitai di belakang tabir.

—BILL WOLFSON  
SENIOR PASTOR, CHURCH FOR ALL NATIONS  
PARKLAND, WASHINGTON

Choo Thomas, ti ditemu aku nya siku indu ti bepengarap, iya meri aku sekeda limpir bup *Serega Nya Amat Nyata*, ti udah beberapa kali dibacha aku. Aku ngasaika iya teulih ka pengalaman ti luar biasa enggau Tuhan Jesus Kristus kitai dalam dunya roh. Iya dibai ke Serega, meda utai ti nyadi diatu enggau ka dudi ila ti alai orang Kristin ti taluk tauka orang ti arap ti enda taluk enggau orang ti enda pechaya deka ngasai lebuw sida ninggalka dunya tu. Ari semua tu aku ngasaika iri Roh Kudus baru udah datai atas Choo. Dalam bup *Serega Nya Amat Nyata*, iya nekanka guna penaluk penuh ka iring Tuhan enti kitai deka ngenyamaika Iya lalu dikenai Iya. Utai ka ditulis Choo tu nyadi gambar ka terang tentang utai ti dipeda Choo di Serega lalu utai ka ditulis iya ngajar kitai idup lebuw agi di dunya tu.

—WALKER V. FREDERICK  
CHURCH FOR ALL NATIONS  
VOLUNTEER CHAPLAIN, PIERCE COUNTY JAIL  
WASHINGTON.

Bisi sekali siku orang ti bepenemu nyebut: "Nadai utai ti lebih kuat ari penemu ti datai ba timpuh ti betul." Lebih kuat ari tulih ka maya ka betul ngembuan penemu ka manah, taja pen, tu meh maya ka udah dipadu Anak Tuhan deka datai baru. Laban Iya bisi pangan, lebuw Iya datai baru, mensia mesti besedia: kita mesti sedia, laban Anak Mensia datai lebuw maya kita enda nyadang Iya datai," Jesus nyebut di Matthew 24:44. Dalam pengujung 7 taun, Tuhan Jesus udah meri Choo Thomas genera becampur enggau penemuai ngagai Serega nyalai Iya ulih ngena iya nulung anembiak Iya ka penatai Iya dalam musim ti ka datai. Bup tu ulih nulung nuan nyendiaka diri awakka nuan enda takutka penatai Iya. Awakka kitai ngelalu ka Iya enggau pengaga.

—ROSEMARY LAMBERT  
PASTOR OF PRAYER AND INTERCESSION  
PUGET SOUND CHRISTIAN CENTRE  
TACOMA, WASHINGTON

Betaun kami udah besemak enggau Choo Thomas. Choo tu siku orang Kristin ti bendar lalu bup iya tu datai ari pengalaman iya ka bendar. Jesus ngena Choo ngenataika diri empu ngagai orang mayuh. Jesus deka datai baru enda lama agi ka anembiak Iya.

—GEORGE AND LORRAINE FERRA



Aku udah ngelala Choo Thomas 2 taun diatu. Aku udah meda pasal pengerindu iya ka Tuhan sereta pengasi enggau penyerah iya ngagai Tuhan. Kami udah bejaku pasal pengerindu Tuhan ka siku-siku kitai lalu jalai Iya deka kitai mansang dalam Iya. Choo tu saksi Tuhan ti ngasuh nuan deka nemu Tuhan enggau dalam agi. Aku nemu lebu ti bejalai enggau iya aku deka diri manah awakka ulih begulai enggau iya ba perintah ka udah dipadah iya ngagai aku. Terima kasih Choo.

—BETTY GEIER  
MENYADI DALAM KRISTUS

Choo udah betampil enggau Gerija Ka Semua Bansa beberapa taun, sama enggau laki iya Roger. Aku nemu Choo nya siku orang ti taluk, ngembuan perangai ti manah, taluk ka laki iya lalu taluk mega datai ke Gerija lebu ari Minggu. Iya ngembuan siti pengerindu ati deka meda orang nemu Jesus Kristus Tuhan kitai nyadika pengelepas enggau Tuhan.

—PASTOR RAYMOND WUERCH  
ASSOCIATE PASTOR, CHURCH FOR ALL NATIONS  
SENIORS AND PASTORAL CARE MINISTRIES

## **JAKU ARI PENYALIN**

Bup tu disalin ngagai Jaku Iban dikena ngingat sereta masa pengidup siku anak Tuhan benama **JACQUELINE MARGARET ADAI** ti udah beguali enggau Tuhan iya, Apai, Anak enggau Roh Kudus.

Jacq, pengarap, pemanah, tuchum enggau ketawa nuan agi meruan dikingatka kami.

Maranatha!

**Rev. Trevor Tinda**  
St. Faith's Church  
Kuching, Malaysia  
[stfaith@streamyx.com](mailto:stfaith@streamyx.com)



## **PESAN ARI CHOO THOMAS**

Choo Thomas madahka cherita iya ti betemu enggau Jesus Kristus, alai iya nemuai ke serega mayuh kali lalu meda neraka dua kali.

Bup iya, “Serega Nya Amat Nyata” nya lebih agi ari semina bup—iya pesan ari pengerindu Kristus ngagai generasi ti udah enda ingat, salah anggap tauka enggai ngambi berat pasal Iya.

Bup tu deka negu ati enggau samengat nuan lalu deka enchabar nuan idup ngasi sereta tuchi baka ka nadai kala dikereja nuan sebedau tu.

## **PASAL CHOO THOMAS**

Choo Thomas tu siku indu bansa Korea Amerika ti sederhana sereta baruh ati. Iya udah berumah-tangga lalu bisi anak dua iku sereta empat iku uchu.

Dalam taun 1992, iya nerima Jesus nyadi ka Tuhan enggau Pengelepas iya lalu belabuh iya nya, iya bebendar deka ngenyenangka Tuhan enggau pengabis ati. Dua taun udah nya, iya meda penatai Jesus enggau mata iya empu ba Gereja Neighborhood Assembly of God di Tacoma, Washington, lalu dalam taun 1995, iya belabuh nerima pemandang ari Roh Kudus.

Dalam taun 1996, Tuhan Jesus mai Choo ngagai serega lalu ngasuh iya ngerikut utai ti dipeda sereta didinga, ti mai tajuk ka bup tu, “Serega Nya Amat Nyata”. Bup tu terubah dichelak dalam bulan Oktober, 2003.

## **PESAN ARI CHOO THOMAS PASAL “SEREGA NYA AMAT NYATA”**

Nuju Pastor enggau bala Pemacha,

Tabi ka kita dalam nama Tuhan kitai Jesus.

Serega Nya Amat Nyata nya bup pengujung dunya Tuhan kitai. Iya semina ngena tubuh aku nulis bup tu. Iya dekaka semua orang ti arap enggau ti enda arap macha iya lalu nyendiaka penatai Iya. Ku Iya, Iya meri peluang ti penudi bendar deka nemu bakani deka tama ngagai Perintah Iya nengah bup tu.

Tuhan ngasuh aku ngirum iya ngagai mayuh pastor sapa-sapa ti diiring Roh Kudus ngagai aku. Iya mega madah, barang-sapa pastor ti udah

macha bup tu, mesti bekunsi iya enggau bala raban domba iya. Iya deka ka semua tubuh gereja meda mua Iya lebuu sida datai ngagai serega.

Tuhan iya empu mai aku ngagai serega 17 kali, dalam tubuh aku ti udah betukar, ba umur aku kira 15 ngagai 16 taun lalu mandangka aku mayuh utai di serega ti udah disedia Iya ka urang Iya, lalu Iya madangka aku neraka dua kali. Iya mega mandangka aku utai maya jam pemedis, udah Iya mai urang Iya ke serega.

Udah pengujung genera tu. Iya mandangka aku pasal pengangkat (rapture). Jaku penulu (preface) nerang enggau terang baka ni Tuhan mai aku ke serega. Lebuu nuan macha bup tu nuan deka meda baka ni Tuhan nyaga bup tu ari pun sampai ke iya dichelak. Iya menuhka 100% tiap iti semaya digaga Iya ngagai aku ka bup tu ari singkang siti ngagai siti ari mula ngagai ujung iya dichelak.. Aku semina nulis utai ti dipandang sereta dipadahka Iya ngagai aku. Bup tu ulih nyadika perengka ti besai dikena nyelamatka mayuh samengat.

Mayuh pemacha tetegu sereta ditata lalu bisi pengerindu ati deka besaksi ngena bup tu. Sekeda meli siti bup, macha iya lalu udah nya meli mayuh agi diberi ngagai orang bukai. Dua iku indu ditemu aku seduai sama ninga nyawa Tuhan lalu siku udah mai 175 lalu siku udah mai 155 iya ka udah.

Uchu aku ti beumur semilan taun macha bup tu dalam pengelama sepuluh ari, lalu udah macha iya, lalu meri ngagai pengajar enggau pangan iya. Iya mengkang bejaku pasal bup tu ngagai orang bukai. Aku bisi bejaku pasal baptisa ai dalam bup tu, lalu diatu iya deka dibaptisa mega. Iya madah orang mesti macha bup tu. Iya udah nerima urapan Tuhan lebuu macha bup tu alai iya udah macha ari Pemungkal lalu macha seluruh Bup Kudus.

Aku udah nerima mayuh email, kelebihan agi ari orang ka biak lalu pengidup sida udah berubah tegal bup tu. Aku gaga ati dataika aku nyabak lebuu aku macha surat sida. Aku udah nerima mayuh berekat email. Semua utai tu nyadi laban tu bup Jesus munyi ti disebut Iya. Puji ka Nuan Tuhan.

Pengeran ati aku deka meda mayuh samengat diselamatka lalu semua orang Kristin nyadi tuchi awakka ulih meda mua Tuhan kitai ba pengujung iya nengah bup tu. Lebuu nuan macha bup tu, nuan deka nemu pemedis deka meda mua Tuhan.

Aku nemu pemedis deka tama Perintah Iya. Bala Pastor, bacha tiap-tiap



lambar bup tu ka nuan enggau sida ti dikerindu nuan lalu arapka semua dalam bup tu, baka iya ti ditulis, lalu lebu nuan nyendiaka penatai Tuhan ti nyau semak lalu pia mega angkatka bup tu ka mulia Tuhan kitai. Iya muai bejam-jam enggau aku ka bup tu.

Ingat, keselamatan kitai nadai tegap datai ka pengujung. Kitai mesti bebendar seagi kitai bisi peluang.

Sapa-sapa ti bekunsika bup tu enggau orang bukai, Tuhan deka mai berekat ti besai ngagai kita. Terima kasih laban macha iya.

Dalam pengerindu Iya

Choo Thomas

## **JAKU NYERAH**

Aku deka nyerahka bup tu ngagai Tuhan Yesus, ti udah milih aku ngereja pengawa Iya di pengujung dunya tu. Iya udah ngatur semua ti dipeguna ari pun sampai ke ujung. Iya udah ngabis beribu jam enggau aku pengelama tujuh taun nyikap aku nulis bup tu sereta nyikap aku dalam kereja Tuhan.

Tuhan ti ngasuh nangi, aku muji nuan. Aku berterima kasih ngagai nuan Roh Kudus, laban nulung aku nulis Serega Nya Amat Nyata! Enti enda ulih tulung nuan, aku enda ulih ngaga sebarang utai. Semua puji terima kasih diberi aku ngagai nuan.

Ngagai Apai, Anak, enggau Roh Kudus, aku meri semua mulia atas bup tu. Aku besampi awakka barang sapa macha iya ulih meri mulia ngagai nuan, Tuhan. Aku rindu sereta muji nuan, Tuhan."

## **JAKU NGEREGA**

Aku berterima kasih ka Lloyd Hildebrand ka pengerindu iya ka aku lalu mega pengarap iya sepengudah Tuhan mandangka aku pemandang genera Iya ti udah ditulis aku dalam bup Serega Nya Amat Nyata, aku bisi pengerindu deka ngenataika pengalaman aku enggau orang bukai. Tang aku ngasaika pengurang diri ngereja iya. Nambahka kurang pemutus ati aku empu, aku nanya dini alai aku ulih tetemuka orang ti ulih nulung nulis bup tu, lalu aku mega betanya sanggup ka enda orang pechayaka aku lebuah aku nusui pasal pengalaman ti diasaika aku pasal Serega—taja pen Tuhan madahka Iya empu deka ngatur semua pekara ka besangkut-paut enggau bup tu.

Nya meh maya Tuhan mai Lloyd ngagai aku. Iya ngasuh aku nganjung ngagai iya ‘manuscript’ bup nya, tang lebuah udah macha pun ‘draft’ nya, iya mutus ati deka nulung aku nulis bup tu. Iya madahka diri arap ka semua utai ti ditulis dalam ‘manuscript’ nya lalu ngasaika pengerindu nulis bup nya. Kelebih agi, ku iya, pasal kitai ti diangkatka (rapture).

Lloyd tu siku penulis ti pandai sereta penuh ulih Roh Kudus. Terima kasih ka nuan Lloyd, Tuhan merekatka nuan.

Aku berterima kasih ka laki aku Roger. Jaku English tu jaku ti kedua aku, laban Roger nemu utai ti ditulis aku, iya ulih nulung ngubah ‘spelling’ enggau ‘grammar’ sepemanjai bup tu, nyalai Lloyd meretika utai ti deka dikenataika aku.

Aku berterima kasih ka semua utai dikereja iya, kelebih agi aku ngenang semua tulung iya ka besangkut-paut enggau bup tu—nama-nama utai ti patut dikereja—sukung iya ka semua sukut ministri aku. Iya mega sabar enggau aku lalu nadai kala komplin dalam tujuh taun aku nyendiaka diri dalam ministri. Terima kasih sulu, pemanah Tuhan enggau nuan.

# UNDAN

<i>Jaku Nganjung</i> .....	<i>xiii</i>
<i>Jaku Pemuka</i> .....	<i>xviii</i>

## BAGI KA SATU: PENEMUAI ENGGAU GENERA

1. Dalam Pejalai Ke Serega.....	3
2. Semua Kuasa di Serega enggau di Dunya .....	7
3. Semua Uta Ulih Nyadi.....	16
4. Tumu Agi Ari Disangka Nuan.....	25
5. Perintah Aku Udah Sedia .....	35
6. Siti Tempat Dikumbai Neraka.....	45
7. Maranatha!.....	57
8. Besedia Ka Ministri.....	69
9. Pengirau Nya Dosa .....	80
10. Jerusalem Udah Sedia .....	90
11. Pemakai Serega, Pemerindang Serega .....	99
12. Sepi Meh Perintah Serega.....	107
13. Malikat Di Serega enggau Di Dunya .....	117
14. Idup Ba Jaku .....	128
15. Berekat Ti Tesiuh .....	137
16. Pengerindu Tuhan ti Besai .....	148

## BAGI KA DUA: NYIKAP ENGGAU URAPAN

17. Urapan Spesil .....	163
18. Nabi Indu Pengujung Maya .....	173
19. Pemerani Ngerembai.....	179
20. Serega Tebuka .....	186
21. Nyadi Orang Beli Ka Tuhan .....	193

## BAGI KA TIGA: TIGA TAUN BELATIHKA MINISTRI

22. Timpuh Nyau Semak.....	203
23. Kereja Ajih Dalam Pengawa Tuhan .....	207
24. Pengasi Ti Merekatka Tuhan.....	213
25. Tumpu ka Iching Ba Tuhan Dulu .....	220
26. Meritaka Injil enggau Pemerl .....	227
27. Dilepas Dalam Ministri .....	236
28. Bup Tu, Saksi Aku .....	245

# ***JAKU NGANJUNG***

**D**alam bup tu aku deka bekungsi pasal pengalaman ti udah diasaika aku di Serega enggau Jesus. Ari luar, aku dekaka kitai meretika gaya utai dalam setiap penemuai aku ke Serega.

Surat Rasul Paul ti keterubah ngagai urang di Korint nerangka tu enggau terang. Ku iya:

*Laban utai ti tau buruk enda tau enda diubah ngagai utai ti enda tau buruk; utai ti tau mati enda tau enda diubah ngagai utai ti enda tau mati. Nya alai lebu utai tu nyadi, lalu iya ti tau buruk udah diubah ngagai iya ti enda tau buruk, ngambi ka jaku dalam Bup Kudus nyadi amat: "Pemati udah dirusak, pemenang udah di-ulih!"*

—1 Kor. 15:51-54

Jaku Tuhan tu nyebut pasal Pengujung Maya lebu orang ti nemu Tuhan deka enggau Iya belama-iya. Lebu tu nyadi tubuh kitai deka betukar ngagai tubuh ka enda nemu jai, tubuh Serega.

Tiap kali aku ke Serega enggau Jesus, tubuh aku betukar . Tuhan meri aku tubuh ka baru—baka tubuh aku maya agi biak. Kadang-kadang



## SEREGA NYA AMAT NYATA

petukaran tu nyadi di tebing tasik di dunya tu, sebedau penemuai ke Serega. Maya bukai iya nya di bilik tinduk di rumah.

Orang selalu nanya aku, “Kati pengalaman nuan di Serega dalam genera, mimpi tauka nuan amat-amat kin dalam tubuh?” Saut aku ka semua Tanya nya bakatu: aku nemu diri udah meda Serega, lalu aku nemu *Serega Nya Amat Nyata*. Baka ni kitai mida pengalaman aku, sekaligus mimpi, genera tauka amat-amat diasai, aku nyerahka iya ngagai orang ti nemu pasal *Theologi*. Semina utai ti deka disebut aku iya nya sida amat-amat nyata ba aku.

Tiap kali Tuhan ngabas aku, aku gali atas katil dibaruh iri tauka iring Roh Kudus. Tiap kali sebedau Iya ngabas aku, tubuh aku deka begetar abis kurang 20 minit. Aku enda meretika utai tu, tang aku nemu Iya ngenama ka kuasa Iya ngagai seluruh tubuh aku. Kadang-kadang utai tu nyadi dalam pengelama satengah jam tauka lebih.

Anang nanya aku nama kebuah utai tu nyadi laban semina Iya aja nemu kebuah iya nyadi. Iya bekali-kali madahka aku Tuhan nyendia aku ka pengawa ti udah ditaga iya.

Selalu iya lebu tu datai, tubuh aku begetar sereta perut aku mulas. Roh aku belabuh demeram, lalu aku belabuh bepeluh. Nyangka tu demeram ka dikejutuka Paul: “Baka nya mega Roh Kudus datai nyaup kitai, laban kitai lemi. Laban kitai enda nemu ni jalai patut sambiang; Roh Kudus empu minta ngagai Allah Taala ngari ka kitai, enggau jaku ti enda ulih dipereti ka kitai” (Rome 8:26).

Aku pechaya penuh tu datai ari urapan Tuhan ka balat. Bup Kudus selalu nyclit pasal Tuhan ngena jaku “api” “pengangat enggau mulia”, diatu baru aku nemu reti jaku tu. Aku udah ngasaika pengangat penatai Tuhan.

Selalu iya Pemandang tu ditangkanka enggau asai utai ti ngalun ari dalam. Nya baru aku meda tubuh aku berubah begulai enggau Tuhan di tebing tasik. Uдах Iya mai aku ke Serega, kami selalu mulaika diri ke tebing tasik ti sama.

Lebu tauka nama-nama utai ti nyadi, aku ngaku diri enda mereti enggau penuh, tubuh aku mengkang atas katil lebu siti-siti penemuai ke Serega. Dalam semua pengalaman tu aku nyadi orang ti ngambi bagi sereta orang ti meda sereta ngemata.

Aku udah meda semua iya— semua ti nyadi ba aku enggau mata dunya

## *Jaku Nganjung*

tubuh aku. Aku enda ulih meda semua ti nyadi lebuah aku bejalai enggau Jesus ba tebing tasik lebuah tubuh aku belabuh berubah lalu lebuah aku dibai Iya ke Serega.

Tubuh dunya aku selalu bisi ngasaika semua pengalaman aku di Serega lebuah aku benung ngasaika iya. Iya ngambi bagi ba betanda, pengaga, ketawa, nyabak enggau pemandang bukai ti nyadi ba tubuh aku ti diubah.

Lebuah tubuh Serega aku gaga, tubuh dunya aku sama gaga. Lebuah tubuh Serega aku tusah, tubuh dunya aku nyabak. Lebuah tubuh Serega aku belagu, aku belagu; lebuah iya betanda, jari aku engkebut; lebuah iya ketawa, aku ketawa. Lebuah aku bejaku pasal Tuhan, tubuh dunya aku malas ngena jaku ari ati aku; lalu mulut enggau pala aku mega engkebut sama.

Aku meda tubuh aku ka udah berubah lebuah aku bejalai enggau Tuhan di Serega. Lebuah aku belagu puji enggau gaga, aku ulih meda pengelantang ba mua aku. Jaku aku, datai ari tubuh dunya aku.

Lebuah aku, dalam tubuh berubah aku, niki sereta nurun ari Serega, tubuh ka bendar aku ngasaika diri diangkat katas sereta diturunka. Asai tu semina nyadi sasikin aja. Kadang-kadang, lebuah tubuh dunya tu ngasaika diri diangkat ari katil, aku belabuh manjung laban takut.

Taja pen aku ulih meda gaya gamal tubuh aku ka udah berubah enggau terang, aku enda ulih meda mua Tuhan. Tang taja pia, aku ulih meda bok Iya, jari enggau gari, lalu aku madahka kita, Iya tu besai langkar. Bok Iya panjai dibelah di tengah, lalu begelung ba ujung, bok sampai ke rekung lalu burak baka sutera. Kulit Iya baka minyak kana, lalu tunjuk jari Iya panjai sereta lansing.

Aku ulih meda mulut Iya engkebut lebuah Iya bejaku enggau aku. Rangkar tubuh Iya mandangka Iya antara tiga puluh tauka empat puluh taun umur. Peninggi Iya bisi enam kaki.

Taja pen aku enda ulih nyeritaka gamal mua Iya, aku nemu enti lebuah Iya ringat, gaga, tusah tauka ngambi berat. Aku nemu Iya nelap sereta pengerindu, lalu Iya rindu betundi. Ingat, taja pia, aku meda tubuh roh Tuhan (baka aku ti ulih meda tubuh roh aku).

Sekumbang bulan Lima 27 haribulan, 1996, Tuhan udah mai aku ngagai tebing tasik tumu tiap pagi ari satu kena netapka semaya ti digaga Iya enggau aku. Kami bejalai nengah pasir. Kadang-kadang Iya nanggung ngena jari Iya sereta ngayunka aku bakaka ngayun ka anak mit. Lebuah maya ka begagai-betundi nya Tuhan enggau aku sama-sama rindu ati,

## SEREGA NYA AMAT NYATA

kami sama-sama ketawa gaga.

Tuhan mega bisi tabiat mensia, taja pen Iya nya Anak Tuhan. Aku rinduka Iya lebih agi ari pengidup aku. Iya nadai tentu mayuh jaku. Lebu Iya bejaku, Iya ngereja nya enggau tuju. Iya bekunsi semina utai ka beguna aja.

Lebu Iya nadai agi dipeda sepengudah penemuai ke Serega, tubuh aku ka berubah tadi pen lesap; tubuh dunya aku bebas mindah nitihka peneka ati aku. Maya tu tubuh aku berasai nyamai.

Udah lepas pengalaman ka manah tu, aku ulih angkat ari katil—tekala nya, enti aku deka—tang selalu iya aku gali dia lalu belemati ka pengalaman ti manah tu ti udah dipeda sereta diasai. Uдах nya aku nulis ka pengalaman tu dalam bup.

Aku alit ati berundingka kebuah Tuhan ngasuh aku nulis bup tu. Aku tu bansa Korea-Amerika lalu jaku English aku enda tentu manah. Taja pia, Tuhan milih aku ngaga kereja Iya. Iya ngasuh aku nyeritaka pengalaman enggau utai didinga, lalu nya meh tuju aku nulis bup tu.

Aku amat berterima kasih udah dipilih ngasaika asai mulia awakka aku ulih bekunsi enggau kita. Tuhan ngasuh aku madahka kita Iya udah nyendiaka tempat ka kita di Serega enti nuan deka arap ka Anak Iya lalu nerima Iya nyadi Tuhan enggau Pengelepas nuan.

Aku semina deka ngereja peneka Tuhan. Sampi aku ka kita lebu kita macha bup tu sama enggau sampi rasul Paul ka sida di Ephesus.

*Ephesus 1:17-21 "lalu minta Allah Taala, Tuhan Jesus Kristus kitai, Apai ti bemulia, meri ka kitai Roh Kudus, ti deka ngasuh kita bepenemu sereta ngayan ka pemendar Allah Taala ngagai kitai, awakka kitai nemu sereta ngasaika iya. Aku minta, awakka ati kitai tau tebuka lalu meda penampak iya, ngambi ka kita nemu, nama pengadang nya kebuah iya udah ngangauka kita. Lalu nemu pengeraja mulia pesaka sida ti anembiak iya. Lalu baka nya mega pemesai kuasa iya ti endang kering ba kitai ti arap. Kuasa iya ti dalam kitai, sebaka enggau pengering kuasa ti dikena iya lebih iya ngangkatka Kristus ari mati, lalu nuduk ka iya muak ari kanan iya di serega. Kristus merintah di endur nya ari atas semua pemerintah bala melikat serega, kuasa perintah, kuasa antu*

## *Jaku Nganjung*

*enggau rajah ti merintah; iya ari atas semua orang ti  
bepangkat besai enggau ti bekuasa di dunya tu enggau  
didunya ti deka datai."*

Aku ngasuh kita nerima bup tu sama enggau jalai iya ditulis enggau ati ti tebuka ba Tuhan enggau Peneka Iya. Timbang pengalaman aku tu ngena Jaku Tuhan. Aku percaya kita deka tetemu ka semua utai ti dikunsi ka aku pasal Serega enggau pengalaman enggau Tuhan semua iya beduduk ba Bup Kudus.

—CHOO THOMAS  
TACOMA, WASHINGTON  
BULAN DUA, 1997



# *Jaku Pemuka*

*Dalam rumah Apai aku  
mayuh bilik endur diau, lalu  
aku deka nyendiaka endur  
ka kita.*

---

—John 14:2

**N**engah jaku benabi diberi Pastor Larry Randolph, Tuhan bejaku terus ngagai aku lebuah tiga Haribulan Duabelas 1995. Tu jaku benabi iya:

*“Aku meda berekat Tuhan dalam dunya pengawa benabi lalu Tuhan muka roh nuan enggau chara ti besai ngagai pengawa benabi, mimpi enggau jaku penemu.... Aku meda Tuhan bejaku ngagai nuan malam ari pukul 11 malam enggau 3 pagi.... [Iya deka] belabuh ngerak nuan lalu ngabas nuan, meri nuan mimpi, genera enggau penemu ... Tuhan madahka aku nuan meh siku ari anak indu Iya ti alai Iya deka ngiri ka Roh Kudus awakka nuan benabi.”*

Pastor Randolph nyebut jaku tu lebuah servis ari Minggu di Puget Sound Christian Center di Tacoma, Washington. Lebuah iya ngereja nya, urapan Roh Kudus datai ngagai roh aku, lalu tubuh aku belabuh begetar dalam kuasa Tuhan.

Aku belabuh nyabak dalam pengaga lalu terima kasih ngagai Tuhan ti udah milih aku nyadi siku ari ulun Iya dalam pengujung dunya tu. Tuhan malut aku enggau pengangat pengerindu Iya, lalu pengangat mulia Iya



## *Jaku Pemuka*

ngasuh aku tak asaika gali ba tilam bulu manuk lebu ari angat.

Aku teingatka jaku Nabi Joel:

*“Udah nya aku deka ngiri ka Roh Kudus aku atas semua menisa, ngambika anak lelaki enggau anak indu kita deka benabi; orang ti tuai deka bemimpi, sida punga lelaki deka begenera. Amat, dataika sida ti nyadi ulun kita, lelaki enggau indu, deka mega di-iri aku enggau Roh Kudus lebih Hari nya. Aku deka meri tanda ha hari nya di dunya enggau di langit sama deka digaga: Darah deka tetumpah, api deka menyadi, lalu asap deka pengari.”*

—Joel 2:28-30

Aku berunding, kati jalai Nabi Joel tu dikamatka diatu enggau ditu. Kati aku tu siku orang ti spesil ti deka meda pengawa ajih di Serega enggau di dunya?

Naka meh pemesai basa dipilih Tuhan nyadi perengka pengerindu, pengasih enggau kuasa dalam pengujung dunya tu. Kangau tu ukai utai dipilih aku, laban aku iya ka bendar orang pemalu. Aku ngasaika pemalu nya lenyau lebu aku ngasaika urapan Roh Kudus. Aku ingatka Bup Kudus:

*“Ukai kita ti milih aku; tang aku ti milih kita, lalu ngasuh kita mansang sereta bebuah lebat, buah ti meruan belama-lama. Nya alai Apai deka meri ka kita barang utai ti dipinta kita ari iya dalam nama aku.”*

—John 15:16

Terang endar, Tuhan udah milih aku bejalai dalam Nama Iya mansutka buah ka tan —buah ka mengkang. Iya mandangka aku kuasa sampi enggau pemanah besemak enggau Iya.

*“Kita nemu jalai mansang ngagai endur ti deka digagai aku.”  
Ku Thomas bejaku enggau iya, “Tuhan, kami enda nemu endur ti deka digagai nuan; ni kami nemu jalai mansang kin?”*

—John 14:4-5

## SEREGA NYA AMAT NYATA

Pengagit enggau pengangat urapan Roh Kudus mengkang nambah lebuah pastor nya benabi. Aku ngasaika diri ba api Tuhan. Pastor Randolph nampung:

*"Bisi salah anggap ba orang dalam chara nuan nyaut Tuhan tauka jalai nuan nyambung diri enggau Iya. Tuhan bejaku Iya deka muai anggap ka salah tu. Sida enda nyebut "Iya tu ngasuh orang binggung tauka betanya-tanya" Sida deka nyebut "Iya tu nyelai ari orang." Nyelai dalam Tuhan ... Tuhan udah meri iya nyelai .. Iya deka gawa ba nuan enggau chara ti nyelai. Iya deka bejaku enggau nuan utai semina pangan deka madahka pangan. Iya deka mri nuan resia dalam musim malam."*

Nyadi pangan semak Tuhan, baka Abraham, selalu nyadi peneka aku sekumbang udah nyadi Kristin. Aku rinduka tiap sikin begulai enggau Tuhan. Aku nemu nyawa Iya, lalu lebuah ati aku jenuh enggau Tuhan, Iya ulih bejaku enggau aku. "Raban domba aku ningaka munyi nyawa aku; aku nemu sida lalu sida nitih ka aku" (John 10:27).

Nengah pesan ari Tuhan tu, Apai aku nyaut kangau ati aku—deka nemu Iya enggau semak agi dalam ti ngaga kaul ka semak enggau Jesus. Ati aku terebai baka menaul lebuah aku ningaka Iya bejaku nengah Pastor Randolph:

*"Ukai mandangka utai diberi Tuhan; tang nyimpan resia. Tuhan deka madahka nuan utai tentang orang ti enda tau dipadahka nuan. Nuan deka besampi [ka sida], lalu ngangkatka sida dalam sampi laban nuan deka nyadi pangan Tuhan—tu meh nabi ka bendar. Semina pangan Tuhan. Iya deka madahka nuan resia tentang pengidup orang enggau tentang sekeda utai dikereja Iya di dunya. Nyalai, besedia dalam 1996 ka urapan baru pengawa benabi datai atas pengidup nuan. Lalu dalam taun baru, lebuah nuan nganti Tuhan, Iya deka ngiri Roh baru ngagai nuan, urapan benabi deka datai ngagai nuan."*

## *Jaku Pemuka*

Aku nemu jaku nya manah sereta penuh reti taja pen aku enda meretika reti semua iya. Aku ngasaika diri baka tanah liat di jari Pengaga Tanah, lalu Iya nempa aku, nyendiaka aku ka pengawa ti ditaga Iya ba ari ti ka datai. Lebuah aku bepusin ba tayar Penempa Tanah di baruh urapan Roh Kudus Tuhan, aku ngasaika pengidup roh aku bisi berubah.

Asai penakut aku lalu dibuai ulih minyak Roh ti bisi diasaika aku nitik ari semangat aku. Runding pikir aku nguji deka betalatka utai tu laban ngasaika diri enda layak nerima jaku enggau kangau Iya.

Kati jalai Tuhan ulih ngena aku? Ku aku berunding. Aku tu bansa Korea-Amerika lalu jaku English aku enda tentu manah. Nama kebuah Tuhan ngambi aku nyadi pangan Iya. Nama kebuah aku?

Tu utai ti ngenyit taja pen aku Kristin baru aku udah tetemu ka pemendar jaku Jesus “Enti enda tegal aku kita enda ulih ngereja utai” John 15:5. Nyalai aku sanggup nerima jaku Tuhan dalam pengarap, lalu dalam ati aku, aku besampi: Apai, terima kasih laban meri aku jaku tu. Aku deka selalu ngangauka nuan.

Tu meh jaku sanggup aku taja pen aku enda meretika semua utai ti disebut Tuhan. Siti utai diasaika aku, Iya mesti nyendiaka aku nyereja pengawa ka udah ditaga Iya.

Aku ingatka siti ayat: “Arap ka Tuhan enggau pengabis ati nuan. Anang bepanggai ba utai ti disadang kembuan temu nuan. Ingatka Allah Taala lebuah nuan ngereja sebarang utai, lalu iya deka nunjukka nuan jalai ti ngena” (Jaku Dalam 3:5-6)

Enda aku nemu kini tunga pejalai nya, tang aku tetap dalam semaya aku deka arapka Tuhan lalu enda bepanggai ba penemu aku empu. Tu meh iya ka bendar pengidup roh! Kitai tu mensia roh dalam siti pejalai. Kitai iya ka bendar iya nya roh, Serega nya rumah tauka tuju kitai, lalu nitih ka utai ti udah dipeda aku, *Serega Nya Amat Nyata*.

Sekumbang ari maya Tuhan ngangauka aku ngagai pengawa benabi, aku meda enda semua orang ti arap amat-amat arap. Sekeda enda arap ka Serega nya endang bisi. Sekeda enggai kiruh nemu. Sekeda idup ngumbai semina dunya aja ka bisi.

Tuhan udah mandangka aku gambar ka baru. Iya udah mai aku ke Serega 17 kali lalu Iya dekaka aku madahka orang buhai—*Serega Nya Amat Nyata*! Lebuah kitai meretika tu, iya nukar kitai—tuju, perangai, rega, kaul, mimpi, anggur enggau tinjau kitai. Sampi aku ka kita iya nya, kita

## SEREGA NYA AMAT NYATA

deka nangkap mayuh agi tentang Serega lebuah kita macha lalu kita mega berubah—baka aku empu—lalu ngasaika penyelamat nemu Jesus udah nyendiaka tempat ka nuan enggau sida ti dikerindu nuan.

CHOO THOMAS  
TACOMA, WASHINGTON  
BULAN DUA, 1997



**BAGI SATU**  
*Penemuai enggau*  
*Genera*



## Tusun 1

# *Dalam Pejalai Ke Serega*

*Aku belanda nuju adan deka ngulih ka perais, iya  
nya kangau Serega ari Tuhan dalam Jesus Kristus.*

—FILIP 3:14

**N**AMA AKU CHOO Thomas. Aku orang Amerika ada di Korea. Aku siku indu ari tiga menyadi. Ti tuai ari aku indu lalu ti biak lelaki. Aku udah berumah tangga lalu bisi dua iku anak, siku lelaki, siku indu, seduai iya udah bebini-belaki. Aku mega udah bisi uchu lelaki enggau uchu indu.

Di Korea, ruang bilik aku nadai pengarap. Aku enda kala ninga pasal Jesus lalu nadai kala ke gerija. Aku semina ninga tentang gerija enggau Tuhan.

Aku nyadi orang ka pecaya dalam bulan Dua 1992. Aku balat rinduka Jesus udah aku bisi ke gerija beberapa kali. Lebuah aku ngasaika utai ti udah dikereja Iya ka aku, aku mutus ati deka meri sepenuh samengat aku ngagai Iya sepemanjai umur aku.

Tuhan nyaut sampi aku, lalu tu ngasuh pengarap aku kuat tiap ari. Aku belabuh lenyau pengingin lama tiap-tiap ari, enggau jampat. Aku semina mikir tentang Jesus tiap sikin lebuah aku enda tinduk. Aku balat masa Tuhan dataika aku enggai ngereja utai ti ngelaban peneka Iya. Aku semina deka ngenyenangka ati Iya, lalu aku deka nemu semua tentang Iya awakka aku ulih madah ngagai orang bukai.

## SEREGA NYA AMAT NYATA

### SITI GENERA ENGGAU API TUHAN

AKU NERIMA API Roh Kudus lebuah aku benung besampi di rumah dalam bulan Satu 1994. Sebulan udah nya, aku meda penatai Tuhan lebuah aku nyembah di Neighborhood Assembly of God di Tacoma, Washington. Iya datai semak pulpiti. Kaki Iya besila, lalu aku ulih meda Iya enggau terang dalam gamal mensia, semina aku enda ulih meda gamal Iya.

Nitih peda aku, bok Iya burak sutera lalu ngena baju burak panjai. Pribadi Iya nyata di peda aku pengelama 5 minit. Uдах meda Iya, tubuh aku begetar dalam pengaga ti enda ulih dicherita, lalu aku nyerahka sepenuh ati aku ngagai Jesus. Uдах utai ti nyadi, ruang bilik aku belabuh enggau ke Puget Sound Christian Center di Tacoma, Washington.

Aku ngasaika siti agi pengalaman roh lebuah Minggu Ista 1995. Lebuah ke gerija enggau ruang bilik aku di Puget Sound Christian Center, tubuh aku belabuh begetar balat, aku mesti enggau orang sampai servis ke dua. Aku ngasaika utai ka sama diasaika bala *Quakers*, *Shakers*, enggau *Pentikos* dimula-mula suba.

Berengkah ari nya, tubuh aku enda kala badu begetar di gerija tauka maya besampi di rumah. Dua minggu udah pengalaman Minggu Ista nya, aku nerima pemerih roh lebuah di rumah lalu belabuh muji dalam Roh. Lebuah benung meda program Benny Hinn di TV, aku angkat bediri, ngangkatka jari besampi. Uдах nya aku labuh ke lantai pengelama nyau ka tiga jam. Urapan Roh Kudus Tuhan sangat kuat dataika aku enda ulih angkat, semina utai ti ulih dikereja aku iya nya belagu, bejaku roh enggau ketawa.

Setiap kali dalam servis udah nya, aku ulih meda penatai Tuhan Jesus di gerija. Genera-genera ti terus diterima aku enda seterang ti terubah nya, tang sama nyata.

### PERENGKA TI SEDIA DIKENA

AKU PECAYA PENGELAMAN ti ngalitka ati sereta luar biasa nya nyikap aku dalam kereja ti udah disedia Tuhan ka aku. Aku ngembuan peneka ti kuat deka nerima pemerih ngerai enggau menangka semangat orang, tang aku enda nemu baka ni gawa ka Iya, ari ti nyeritaka orang pasal Jesus.

Mula-mula ruang bilik enggau pangan-pangan aku nulak berita aku

## *Dalam Pejalai Ke Serega*

sereta menci aku laban enda badu nyerita pasal Jesus. Tang diatu, sida enda baka nya agi. Enda peduli enggau sapa-sapa, aku semina deka nyeritaka orang pasal Tuhan, lalu Iya udah meri aku perais dikena ngiring mayuh orang ngagai Iya, ruang-bilik enggau pangan-pangan aku mega. Semua orang ti dikerinduka aku udah selamat magang diatu.

Jesus selalu dalam pikir enggau dilah aku. Lebu may ka pedis datai, aku mikir pasal utai ti udah dikereja Jesus ka kitai. Lebu aku ngingatka semua ti udah dikereja Iya, aku ngasaika nadai utai ti pemadu mar ba aku. Lebu orang medis ati aku, aku semina ngingatka utai ti udah dikereja Jesus di Kalvari ka aku, lalu aku ngasaika penyamai datai ba aku.

Sebedau penemuai Tuhan ti terubah, aku bisi mimpi ti manah tentang remang. Semua mimpi tu ngingatka aku utai ti kala dipadahka niang apai ngagai aku.

Apai aku suba bisi becherita, indai aku kala tulih ka mimpi ti nyelai sebedau iya ngandungka aku. Ku iya madah indai aku selalu ingatka mimpi siti tentang siang ari ti terang tang enda mukai-mukai nyadi petang. Remang datai nuju mua rumah. Siti remang nya datai ngagai dalam bilik tinduk alai iya benung tinduk lalu menuhka bilik tinduk enggau terang ka pemadu burak.

Indai aku pedis sakit seumur pengidup iya, iya mati lebu umur aku empat puluh. Iya enda kala nyeritaka mimpi enggau genera tu enggau aku, tang niang apai selalu nyeritaka aku, lebih agi tentang remang-remang. Aku enda kala mikir enggau panjai tentang utai tu dataika aku empu meda mimpi-mimpi enggau genera-genera.

Runding apai aku pasal mimpi enggau genera nya aku ulih nyadi siku orang ka mujur enti sema aku lelaki, laban ba penemu orang Timur semina anak lelaki aja ulih tulih ka pemujur dalam pengidup. Tang, aku pechaya mimpi nya siti tanda ari Tuhan. Lebu kita macha bup tu, kita deka meda, remang bisi bagi enggau beguna dalam persiapan ti udah enggau benung dikereja Tuhan dalam pengidup aku.

Sepengudah betemu enggau Jesus, aku ngembuan peneka ti kuat deka besampika orang buhai. Aku nyadi soldadu sampi ti meruan. Sampi pinta tauka *intercession* nyadi siti gaya pengidup aku. Aku belajar ka Bup Kudus enggau teratur di gerija Korea-Amerika pengelama setaun sebedau laki aku Roger, diselamatkan.

Aku enda gawa penuh may di gerija tauka nemu jaku Tuhan, tang Iya

## SEREGA NYA AMAT NYATA

milih aku ngereja pengawa manah Iya. Nitih ka Tuhan aku Jesus, Iya dekaka aku ngelala Iya dulu lalu belajar ngasika Iya lalu nguinka ati aku ngagai Iya aja. Ari ti mandangka Serega ka aku, enggau semua genera bukai, aku udah nerima siti keistimewaan deka ngasai, baka ni Iya belabuh nyikap aku dalam pelayanan dini-dini Iya udah ngangauka aku. Diatu aku belajar tentang Iya nengah sampi sereta belajar Jaku Iya.

## GENERA TENTANG SEREGA

LALUH TUSUN DALAM bup tu, baka ti deka dipeda kita, nuliska sekeda penemuai ti luar ari biasa alai Tuhan udah mai aku sepengudah aku nyerahka pengidup aku ngagai Iya. Iya minta aku nuliska pengalaman luar ari biasa nya dalam bup tu, dataika orang bukai deka meda lalu mereti. Nama kebuah Iya milih aku ngereja pengawa ti beguna tu, agi nyadi siti tanda-tanya ba aku, tang aku mereti, Iya dekaka aku ngingatka orang di dunya enggau di gerija kitai enda ngembuan maya ka panjai alai kitai udah dikangau Iya ngaduka iya.

Apai di Serega dekaka setiap orang nemu Iya banget rinduka sida lalu ingin merekatka sida, enti sida pechayaka Iya sereta ngasika Jaku Iya. Iya nunjukka aku mayuh orang pecaya, tang iya ka bendar *fungsi* *ionil* *atheis*—sida enda tentu pecaya tentang Serega. Aku nyebut enggau penuh pasti—Serega Nya Amat Nyata. Agi pen, aku diatu nemu Tuhan kitai sanggup, baka ti disebut Jaku Iya, ti ulih ngaga “jauh lebih mayuh ari ti disampi ka kitai tauka dipikir, baka ti nyata ari kuasa ti bekerja di dalam kitai” (Epesus 3:20)

Tuju bup tu iya nya meri mulia ngagai Iya. “ka Iya meh mulia di dalam eklisia enggau di dalam Kristus Jesus turun menurun dataika belama-lama iya. Amin (Epesus 3:21).

Bacha meh bup tu enggau pikir sereta ati ti terbuka, lalu biar meh Tuhan bejaku enggau kita. Iya ngembuan siti anggur enggau tuju ti luar ari biasa ka pengidup kita. Iya udah nyendiaka siti rumah ka kita di Serega. Sama enggau aku, pengidup kita ulih ngasaika pengaga lebuhi kita nemu diri udah ditetapka nyambut Tanah ti udah disemaya.

## Tusun 2

# *Semua Kuasa di Serega enggau di Dunya*

*Jesus mansang ngagai sida, lalu ku iya  
bejaku enggau sida, "Aku udah diberi  
semua kuasa, di Serega enggau dunya."*

—Matthew 28:18

**T**AUN 1996, BAKA ti udah dinabika Pastor Larry Randolph, nyadi taun ka luar ari biasa, ngasuh gaga, bisi reti enggau penuh kuasa atas pengidup aku. Bepun lebu taun baru 1995. Urapan Tuhan amat nyata sepemanjai malam atas aku. Penatai Tuhan balat angkat dataika aku nyau ka enda ulih enseput.

Aku kala ngasaika penatai enggau kuasa Roh Kudus sebedau tu, tang malam tu nyelai agi. Aku ngasaika pengasih ti amat dalam enggau penuh pengaga, lalu aku ngasaika bisi utai ti luar ari biasa tang penuh enggau mistri ti ka nyadi ba aku.

Utai ti diasaika aku belaban enggau logik, tang penatai Tuhan amat nyata dataika aku ngasaika diri udah ulih nyengkau sereta megai jari Iya enggau nyata. Tu meh siti pengasai roh ti nyata, tang jauh ngelimpas asai ti kala diasaika aku di dunya tu.

Bisi siti pengerindu dalam ati aku. Taja pia aku nemu diri mesti diau dalam penatai Tuhan, lalu Iya deka bejaku enggau aku lalu nunjukka hal-hal ti luar ari biasa. Sepemanjai malam ti ngerinduka ati nya, aku bepegai ba siti ayat ari Jeremiah ti ngundan siti janji ari Apai kitai: "Kangau ka aku, lalu aku deka nyaut nuan. Aku deka madah ngagai nuan utai ti nyelai, ti enda temu nuan." (Jeremiah 33:3).



## SEREGA NYA AMAT NYATA

Lebuh aku nganti enggau pengarap ti penuh deka nemu, aku ulih ninga bunyi merechun enggau bunyi-bunyi bukai nandaka taun baru. Betukar taun 1995 ke 1996, aku terus nganti, ari dini ari datai ke pagi. Nadai utai nyadi, tang aku tetap ingin deka ninga ari Tuhan.

Kena 1 Januari, 1996, maya chelap, embab di Northwest, tang bisi siti pengasai ti angkat sereta manah dalam ati aku ti enda ulih dialahka penyelap angin. Jaku Tuhan nyebut ngagai ati aku, "Anti TUHAN! Kuat sereta teguhka ati nuan! Ya, antimeh TUHAN!

Nganti—siti utai ti pedis digaga di dunya tu, tang iya kunci kuasa dalam pengidup roh. Tuhan inginka kitai nganti penatai Iya, laban ari nya kitai nambahka penyabar dikena kitai tumbuh dalam ministri.

Taja pen malam sebedau tu aku enda tinduk sekali, lebu Taun Baru nya aku asai nyamai, gaga sereta gagit lebu ruang bilik kami nyambut ari besai. Ari pukul 9 pagi sampai 11 malam ari taun baru pengangat penatai Tuhan ngingatka aku nganti semalam agi. Aku tinduk enda lama, lalu dani sereta regas baru, rindu deka ningaka jaku Tuhan.

Pengawa ngabiska jam enggau enda tinduk tu nyadi pengelama separuh bulan Januari. Ngelamatu aku tetap apin ninga Tuhan. Enggau pengarap, aku ngasaika Iya benung nyikap aku betemu sereta besemuka enggau Iya.

## BEGETAR LEBUH MALAM ARI

LEBUH 9 JANUARI aku tedani pukul tiga pagi. Tubuh aku begetar. Tu enda kala nyadi lebu aku tinduk. Kenyau ari Minggu Ista 1995, tubuh aku begetar semina lebu maya servis di gerija enggau lebu besampika diri—tang sekali tu iya nyadi lebu aku tinduk.

Bisi utai ti spesil tentang malam tu—maya nya sunyi nadai utai ngachau. Maya tu dikena Tuhan datai tauka besemak enggau orang-orang Iya. Tu utai ka nyata ba aku.

Kadang-kadang urapan Tuhan kelalu besai ba aku dataika aku baka ka deka luput. Maya peluang bukai, urapan Tuhan ngasuh aku bepusin sereta lembut. Selalu aku gali ba katil; enda ulih engkebut ulih kuasa penatai Tuhan ti tesiu. Semua iya chukup luar ari biasa deka digambarka ngagai kita baka ni asai iya.

Bup Kudus penuh chunto orang begetar di dalam penatai Tuhan. Kadang-kadang iya disereta enggau asai takut, tang mayuh agi tu nyadika

## *Semua Kuasa di Serega enggau di Dunya*

maya nyikap orang. Tuhan deka ngaga kereja ti besai nengah orang ti deka nyerahka diri. Tentu tu sama enggau ti dipadahka nabi Jeremiah, ti ningaka jaku Tuhan ti betanya ngagai iya, “Nama kebuah nuan enda takut ka aku, baka nya meh jaku TUHAN, kita enda begetar meda Aku?” (Jeremiah 5:22).

Jeremiah digelar “nabi ti nyabak” nyaut tanya Tuhan: “Ati aku asai ti runtuh lalu aku balat begetar. Tegal Tuhan laban jaku kudus iya, aku baka orang ti mabuk, orang ti kelalu mayuh ngirup ai bisa.” (Jeremiah 23:9).

Jaku Tuhan nunjukka kitai begetar siti respon tubuh kitai lebuah dalam penatai Tuhan. Chunto bukai bisi di Daniel 10:7, Masmur 99:1, Masmur 114:7; Habakuk 3:16, enggau Matthew 28:4; Kereja Rasul 4:31 madahka kitai, siti utai dikerinduka aku, “Udah sida besampi, endur ti alai sida begempuru nya lalu beguyat. Sida bela penuh ulih Roh Kudus..”

### **“AKU DEKA BEJAKU ENGGAU NUAN”**

LEBUH MALAM 19 Januari, penatai Tuhan amat kuat di bilik tinduk aku dataika tubuh aku begetar, bepeluh sereta lembut lebih ari sejam. Lalu aku ninga utai. Sekalika nya nyawa Tuhan enggau Tuan aku? Aku ngalika pala aku atas bantal lalu meda tunga bunyi nyawa nya, lalu dia, penuh terang, bisi siti rangka tubuh bebaju burak. Panchar terang ti pansut ari temuai tu cukup manah dataika aku enda ulih meda gamal Iya, tang ati aku madahka diri, aku udah nerima siti penemuai ti spesil ari Tuhan.

*Baka ni tu ulih nyadi ba aku? Aku alit ati, lebuah aku belabuh begetar lebih balat lalu mansutka ai mata rindu enggau gaga. Iya nya meh Tuhan, Tuhan atas Serega enggau dunya, lalu Iya udah milih nemuai ngabas aku enggau chara ti spesil tu. Aku ngasaika diri baruh ati dalam penatai Iya. Aku enda ulih badu nyabak.*

*“Anak Aku, Choo Nam, Aku meh Tuhan nuan, lalu Aku deka bejaku ngagai nuan. Udah lama nuan nyadi Anak ti spesil.”*

Litan nyawa Iya, jaku-jaku Iya, disebut enggau kuasa nyelai dataika aku kasak-kasak baka ti ka tumbang. Tubuh aku baka ti ka tumbang, roh aku terangkat di dalam. Pemerai bejaku roh datai, ditangkan ulih panchar ti terang.

Aku mansang ngagai tisi katil awakka enda ngachau laki aku, Roger, ti tinduk semak aku. Aku alit ati baka ni iya ulih tinduk dalam terang ti balat di bilik kami sereta mega aku ti selalu begetar ti tau ulih ngasuh katil kami

## SEREGA NYA AMAT NYATA

runtuh. Tang tu siti awakka spesil ka aku nerima utai ari Tuhan, nyalai Roger majak tinduk.

Tuhan bejaku sekali agi: *"Anak, nuan anak ti ngasi, lalu aku deka meri nuan pemerl-pemerl ti spesil. Pemerl tu deka dikena gawa ka aku. Aku dekaka nuan gaga ka pemerl-pemerl tu."*

Aku nemu maya nya Tuhan milih aku ngereja pengawa ti begunaka Iya lalu tu mesti nyadika siti tuju aja ba aku. Aku nemu diri nadai utai diberika Iya semina ati enggau pengidup aku, lalu aku sanggup meri utai ti dikedeka Iya, bejalai kini-kini Iya ngasuh. Nya malam maya aku ngaga *komitmen*, chabar enggau tuju. Tuhan aku ti manah belabuh mandangka peneka Iya ka aku.

Aku nemu berengkah ari nya lebuu tubuh aku begetar. Tuhan deka bejaku enggau aku. Aku mega nemu, jaku Iya deka penuh enggau pengidup sereta pemenang.

Tubuh aku badu begetar, lalu aku ngasai penyamai, ngasai diri chukup tinduk dalam beberapa taun. Sepemanjai ari siti, aku ngasaika urapan sereta pengaga laban aku udah besemuka enggau Tuhan. Pagi siti aku nanya Roger sekalika iya bisi ninga tauka ngasaika utai lebuu malam nya. Iya ngilikka pala. "Aku tu tinduk mati," pia ku iya.

Tuhan udah milih aku ngereja siti pengawa ti tetap. Kelalu manah deka diperagam, tauka disebut enggau jaku. Aku muka Bup Kudus ngagai John lalu macha jaku tu ka bisi besangkut-paut enggau jaku benabi Pastor Randolph: "Nuan ukai milih aku, aku ti milih nuan lalu ngasuh nuan mansutka buah, lalu buah nuan lekat, nama-nama dipinta nuan ngagai Apai dalam nama Aku Iya deka meri nuan" (John 15:16).

Tuhan udah milih aku bejalai lalu mansutka buah. Tu meh utai ti kedeka lebih ari semua di dunya tu. Jaku Iya, Penatai Iya, Urapan Iya netapka kangau Iya dalam pengidup aku. Aku nyerahka ati aku deka ngasika Tuhan ari maya nya, nadai ngira utai ti nuntung.

Udah nya mata aku tepedaka ayat nangkanka nya: "Nuan pangan aku enti nuan ngereja utai dipesan aku. Enda agi aku ngangauka nuanulun, labanulun enda nemu pengawa dikereja tuan iya; tang aku udah ngangauka nuan pangan, laban utai ti diterima aku ari Apai Aku udah dipadah ngagai nuan" (John 15:14-15).

Tuhan udah netapka jaku rhema Iya ngagai aku — ari Pastor Randolph — nengah Jaku Iya — Bup Kudus. Jaku pastor nya datai baru ngagai aku:

## *Semua Kuasa di Serega enggau di Dunya*

“Tuhan deka madahka nuan utai pasal mensia ti enda tau dipadah ngagai orang. Nuan deka besampi, ngangkatka sida dalam sampi laban nuan deka nyadi pangan Tuhan—tu meh nabi ka bendar; iya nyadi pangan Tuhan. Siku pangan Tuhan. Iya deka madahka nuan resia pasal pengidup orang lalu pia mega utai dikereja Iya di dunya. Nyalai, besedia dalam 1996 ka urapan benabi deka datai atas pengidup nuan.”

Diatu iya nyadi, lalu aku enda te-anti deka nemu nama utai deka dipadahka Iya sekali agi.

## **SITI JAKU BENABI DIKAMATKA**

KENA 20 HARIBULAN Satu aku tedani antara pukul 3 tauka 4 pagi. Aku tedani tegal urapan Tuhan ka bekampi enggau pengangat. Aku maya nya satengah tinduk, tang tekala nya jaku Tuhan nanika aku sepenuh iya, ku iya bejaku, “*Anak, Aku deka ngabas nuan suah sebedau pengawa tu abis dikereja. Nyalai, aku ngasuh nuan belelak lebuah siang. Aku bisi mayuh anggur ka spesil ka nuan. Aku deka ngena nuan enggau chara ka besai, tang iya ngambi masa ka lama dataika nuan amat sedia ngereja pengawa ti udah ditaga aku ka nuan. Nuan mesti nulis ka semua utai ti didinga nuan tiap kali aku ngabas nuan.*”

Pengalaman tu ngasuh aku alit ati, berundingka Tuhan sanggup ngabas aku enggau suah. Kenu ku ati sekali aja diabas Tuhan pen udah chukup. Tang Iya madahka diri deka datai baru ngabas aku awakka nyendiaka aku ka pengawa ditaga Iya ka aku.

Baka Iya ka datai ngenyit ngagai bilik tinduk aku, baka nya mega iya lesap. Uдах nya aku enda tedinga tauka tepedaka Iya. Tubuh aku ka begetar lalu ngetu. Jaku enggau penatai Iya, ngasuh aku gaga, aman sereta tetarit ati.

Asai iya baka aku ka udah niki siti bukit di Korea alai aku ulih meda bebatu-batu penyauh asaika aku nyintak angin bukit ka beresi. Runding aku tegap, ati aku gaga, lalu aku berasai gerai sereta gaga. Aku mutus ati deka ngasika jaku Tuhan sesinggang sekali, laban aku nemu Iya deka ngiring aku sesinggang dalam pejalai nya.

## **JAM MERI KUASA**

IYA NYADI BARU pagi siti. Antara pukul 2 tauka 3 pagi. Aku tedani. Tubuh

## SEREGA NYA AMAT NYATA

aku begetar enda ulih ditagang, aku mega bepeluh balat. Urapan Tuhan datai atas aku.

Tuhan bejaku, *"Nuan anak ti dikesayauka Aku. Aku deka enggau nuan belama, dini-dini nuan. Aku rinduka nuan."*

Lebuh aku gali dia, nerima jaku Iya, aku dipenuh ulih pengasai kudus enggau sembah. Iya nampung jaku, *"Aku meri nuan kuasa ti diguna nuan dalam pengawa ti udah ditaga aku. Aku nyendiaka nuan gawa ka Aku. Tubuh nuan deka begetar lebuah kuasa nya datai atas nuan. Aku meri nuan semua pemerih roh. Aku ngelepaska roh nuan awakka nuan bebas gawa ka Aku."*

Beberapa ari sebedau tu aku bisi bemimpi aku niki bukit siti. Lebuh aku datai di tuchung bukit nya aku ulih teteguka remang. Tuhan ngingatka aku mimpi nya lalu nerangka reti mimpi nya.

*"Nuan deka datai ba peninggi tu lebuah nuan gawa dalam nama Aku,"* ku Iya. Keterubah iya lebuah Tuhan ngabas aku, aku bisi nanya iya. *"Tuhan,"* ku aku, *"nama diasuh nuan kereja aku? Aku enda nemu gawa ka nuan."*

*"Aku deka ngiring nuan lalu ngajar nama utai ti diasuh Aku."*

*"Kati baka laki aku?"* ku aku nanya.

*"Anang irauka iya. Aku deka merekatka iya lalu ngatur iya mega."*

Sekali agi jaku Iya netap, ngelepas sereta ngeringka aku. Amat-amat aku ngasaika kuasa Jaku Iya mansutka kuasa dalam roh aku. Lebuh Iya ngetu bejaku enggau aku pagi nya, tubuh aku badu begetar.

## PENUH PENGANGAT KA TUHAN

PENGELAMAN TI BARU sereta manah tu ngasuh tubuh aku penuh ulih pengaga. Ati aku bekubar, runding aku baka anak mit rindu betanya. Pengirau ati lenyau, aku diatu bebas. Aku ngasaika masa depan aku berubah laban semua pengarap enggau mimpi aku bepanggai ba Tuhan. Aku diatu amat-amat idup, pengidup ka penuh enggau pengeransing ngilah ari sangka aku.

25 haribulan Satu, Tuhan bejaku enggau aku ari pukul 3 ngagai 4 pagi. Sekali tu, aku udah dani sebedau Iya datai, lalu lebuah aku gali sunyi ba katil, aku ngadang Tuhan deka datai. Tubuh aku belabuh begetar betul-betul pukul 3. Lebuh tu aku udah nemu tauka ngasaika Tuhan deka datai. Aku udah belajar ngasaika penatai Iya, lebuah lebuah aku merening ngagai



## *Semua Kuasa di Serega enggau di Dunya*

tempat alai Iya selalu berdiri, aku tepedaka Iya.

Gamal Iya, Jaku Iya, Pengasih enggau Pengerindu Iya selalu mai aku ngagai dunya ka nyelai. Aku pasti tu dunya Serega alai jam enggau tempat, utai dipeda di dunya tu nadai besangkut-paut enggau iya. Tu dunya roh—terang sereta penuh enggau pemaik—tempat alai pengidup bisi tuju sereta reti ka baru. Nyau ka asai Serega di dunya.

Tubuh aku begetar pengelama 20 minit. Aku ngasaika tukaran roh. Kuasa Roh Kudus bejalai atas seluruh tubuh aku. Nya ngasuh aku penuh enggau api kuasa Tuhan.

Nyangka tu utai ka diasaika sida rasul lebu Ari Pentikos lebu Tuhan maptisa sida enggau Roh Kuasa enggau api. Lalu tekala nya datai nyawa ari Serega, baka biau balai, lalu iya menuhka rumah alai sida duduk” (Kereja Rasul 2:2). Lebu kuasa Tuhan datai, mayuh utai ti manah belabuh nyadi dalam pengidup kitai.

Malam nya Jesus bejaku enggau aku, *“Aku tu Tuhan nuan, Anak. Aku ngasuh nuan ninga sereta ingatka utai ti dipadah Aku. Lebu nuan nulis iya, kena semina Jaku Aku. Nuan ngantuk, tang anang enda ingatka tiap jaku ti dipadahka Aku. Aku deka ngabas nuan suah ila laban aku bisi pengawa ka berat diasuh Aku kereja nuan. Nuan meh anak ti deka dikena Aku ngereja pengawa Aku, nyalai besedia.”*

## **SAMPI DISAUT**

BEBERAPA ARI UDAH nya, kena 28 haribulan Satu, aku tedani, begetar baru. Iya antara pukul 2 tauka pukul 3 pagi. Aku ngasaika urapan Tuhan lalu aku berasai lembut. Tubuh aku angkat sereta bepeluh. Aku ngasaika diri bemimpi, tang udah nya ngasaika nya ukai mimpi.

*“Aku Tuhan nuan, Anak,”* ku Jesus. Uдах nya aku malik ngagai mua penyenguk, ngagai tunga jaku nya, aku tepedaka Tuhan berdiri dia.

*“Aku nemu nuan udah lapar deka gawa ka Aku, tang nuan enda nemu chara gawa ka Aku. Aku nemu nuan enggai malu lebu nuan datai ngagai Aku. Aku nemu peragam nuan, lalu Aku rinduka peragam nuan.”*

Jaku tu ari Pengelepas aku amat-amat negu ati aku. Aku diatu nemu lebu aku arap—Jesus deka ninga sereta nyaut sampi. Aku bisi besampi awakka Tuhan nulung aku gawa ka Iya awakka aku enda malu berdiri di mua Iya. Aku selalu madahka Iya, aku keran deka gawa ka Iya, tang aku

## SEREGA NYA AMAT NYATA

selalu madahka diri enda nemu.

Nya kebuah aku selalu macha Bup Kudus dalam English enggau Korea—awakka ulih belajar enggau dalam pasal Jaku Tuhan lalu ulih bekunsi enggau orang bukai. Gawa ka Tuhan nya endang peneka ti besai ba aku lebuah aku meda utai di udah dikereja Tuhan ka aku.

*“Anak, sampi nuan udah disaut, lalu nuan deka gawa ka Aku enggau chara besai. Mayuh pengawa deka dikereja nuan. Pengawa tu deka ngasuh nuan gaga. Nuan meh anak indu ti taluk, nya kebuah Aku meri nuan pengawa ti berat tu.”*

Tubuh aku badu begetar, lalu Tuhan ninggalka bilik tinduk aku. Pikir aku teingatka Jaku Iya, “Nyadi kitai berani di mua Allah Taala, laban kitai nemu iya deka mending enti kitai minta sebarang utai nundaka peneka iya. Iya mending ka kitai sebarang maya kitai minta utai ari iya; laban kitai nemu utai nya endang amat, kita mega nemu iya meri ka kitai utai ti dipinta kitai ari iya,” (1 John 5:14-15).

Diatu aku nemu pemendar janji Tuhan nyaut sampi. Tu meh janji Jaku Tuhan, ti dikereja Iya, Iya ngereja iya lebuah kita besampi dalam peneka Iya, lalu peneka Iya dipandangka ba Bup Kudus.

Iya nya endang peneka Iya kitai mansutka buah ti tan dalam nama Iya. Iya nya endang peneka Iya kitai gawa ka orang bukai. Iya nya endang peneka Iya kitai besampi dalam pengarang. Iya nya endang peneka Iya kitai diau begulai enggau Iya sereta nganti Iya.

Nyalai, lebuah aku besampi nitih ka peneka Iya, nitih ka dipandangka dalam Bup Kudus, aku nemu Iya ninga sereta nyaut aku. Tu siti pengasaika tetap sereta teguh dalam ati aku.

Pejalai Tuhan ngagai aku udah ngasuh bisi pemerani ti datai ari begulai enggau Tuhan sereta nganti Iya. Iya bisi dia; Iya selalu bisi. Aku nemu Iya enda kala ninggalka aku. Iya pangan aku, Tuhan aku. Iya Pengelepas ti penuh pengerindu. Aku diatu nemu, nadai agi pengakang, Tuhan rinduka aku lalu ninga sereta nyaut sampi aku. Iya nemu peragam ati aku, lalu Iya ngambi berat ka aku.

## MAYUH GERIJA DEKA DIGAGAI

ARI SITI, 29 haribulan Satu, meri aku anggur enggau tuju Tuhan ti udah disedia Iya ka aku. Iya datai ngagai aku tumu pagi, lalu bejaku, “*Anak, Aku*

## *Semua Kuasa di Serega enggau di Dunya*

*ngasuh nuan meda utai."*

Dalam roh Iya mai aku ngagai siti gerija ti besai ti penuh ulih orang bekulit chelum. Nadai orang indu dia. Jesus nerang ngagai aku, "*Nuan deka ngabas mayuh gerija lebu nuan ngereja pengawa Aku.*"

Aku nadai kala bisi pengalaman baka tu. Aku ngasaika diri ulih terebai enggau Tuhan ngagai mayuh tempat enggau maya. Iya bejaku baru.

*"Anak, Aku mayuh utai ti ngasuh ati nuan tekenyit, " Ku Iya, "nyalai ngarapka diri nerima sida. Aku deka enggau nuan sebarang alai. Nuan enda ibuh irauka utai nama-nama di dunya. Aku dekaka nuan gaga dalam pengidup nuan."*

Udah nya Iya lesap. Aku nemu tiap kali Iya ngabas aku, aku bisi belajar ka utai baru pasal masa-depan aku. Lebu Tuhan madahka aku enda ibuh irau agi, aku gaga laban aku selalu ka irau kenyau ari aku agi biak. Iya udah ngeraika aku pasal tu lebu Iya ti nyendiaka aku ngereja pengawa Iya.

Penatai Iya ti manis semina ulih dicherita ngena pengelantang ti penuh (total peace). Iya ngasuh aku bejalai dalam pemendar Jaku Iya: "Pengelantang aku enggau kita; pengelantang aku empu diberi aku ka kita. Aku enda meri ka kita baka ka diberi orang di dunya tu. Anang irau sereta tusah ati; anang takut." (John 14:27).

### Tusun 3

## *Semua Utai Ulih Nyadi*

*Aku belanda nuju adan deka ngulih ka perais, iya  
nya kangau Serega ari Tuhan dalam Jesus Kristus.*

---

— FILIPI 3:14

**K**ENA 1 HARIBULAN Dua, Tuhan ngabas aku apin tentu lama aku udah gali ba katil, kira pukul 11 malam. Laban tubuh aku begetar, maya tu Roger tinduk ba katil temuai. Manah ga iya betukar baka nya, laban sekalitu tubuh aku balat agi begetar lalu mega ditangkan enggau utai buhai.

Tekala nya Tuhan bejaku enggau aku, “*Anak ti dikerinduka Aku, Aku mesti mandangka nuan penatai Aku lalu bejaku enggau nuan sebedau pengawa tu berengkah.*”

Penatai Tuhan perenching balat, tang sekali tu Iya begari burak ti perenching baka mata panas. Tubuh Iya chukup manah dipeda, balat sigat.

Aku belabuh bejaku dalam jaku nyelai sereta belagu dalam roh. Lebuah aku belagu, jari belabuh terangkat lalu betanda nitih ka rentak aku ti belagu. Aku nyau baka ka betanda, tang aku agi ba katil.

Aku enda tetagangka jari aku, iya kepai-kepai surut enggau mansang baka ka dipuputka angin. Nya meh angin Roh Tuhan ti muputka iya, lalu lebuah aku ngasaika utai tu, ati aku penuh pengaga lalu belabuh ketawa. Raja pen aku enda ulih meda mua Tuhan, tang aku ninga Iya ketawa mega.

Nyadi tu ti dikumbai orang “ketawa kudus” (holy laughter). Aku nemu Tuhan empu bisi dia.

## *Semua Utai Ulih Nyadi*

Bup Kudus madahka kitai:

*Nyanyi gaga ka Tuhan, semua dunya! Sembah Tuhan enggau ati gaga, lalu datai ngagai iya enggau lagu pengandal! Anang enda ingatka Tuhan ti endang Allah Taala! Iya ngaga kitai lalu kitai enggi iya; kitai anembiak iya, kitai raban domba iya. Tama Rumah sambiang iya enggau terima kasih, mansang ngagai iya ba endur ti kudus ti kudus enggau puji! Beri terima kasih ngagai iya lalu puji iya! Tuhan endang manah; pengerindu iya meruan belama, lalu penetap ati iya mengkang meruan.*

—Masmur 100:1-5

Kitai enda patut tekenyit laban pengaga enggau ketawa enti iya nyadi lebu mayaservis. Utai tu bisi beduduk ba Bup Kudus, lalu kitai begulai enggau Iya di Serega, belagu, nyembah, ketawa, rami sereta ngasaika pemanah Iya. Iya ka bendar, tu meh utai dikedeka Iya laban kitai anak Iya. Nama 'Isaac'—anak Abraham—reti iya "iya ketawa", lalu Tuhan dekaka kitai gaga ka penatai Iya enggau pemeriketawa.

Taja pen mayuh masmur nya lagu pasal penusah, tang sekeda iya bisi bejaku pasal pengaga enggau ketawa ti nyadika pesaka kitai anak Tuhan. Ambi ka banding, kitai macha ba Masmur 126:1-3 "Lebuh Tuhan mai kitai pulai baru ngagai Jerusalem, nya asai ti diambi mimpi! Kitai ketawa, kitai belagu gaga ati! Udah nya bansa bukai lalu bejaku, ku sida, "Tuhan udah ngereja pengawa ti besai ka sida!" Iya amat udah ngereja pengawa ti besai ka kitai; nya kebuah kitai lantang bendar!"

Lebuh orang nanya pasal begetar, belagu dalam roh enggau ketawa kudus, aku madahka sida pasal ayat tu. Solomon, ti nulis bup Pengajar, madahka kitai bisi 'maya nyabak, maya ketawa' (Pengajar 3:4). Mayuh orang diatu madah pengarang Kristin tu enda tau ketawa enggau gaga. Terang endar tu madahka Tuhan dekaka kitai ngasaika pengaga. Nehemiah bejaku, "Pengaga ti udah diberi Tuhan deka ngasuh kita kering." (Neh. 8:10), lalu Bup Jaku Dalam mega madah, "Ati ti gaga nya baka ubat." (17:22). Diatu aku nemu jaku tu mai pengerai.

Aku berasai tepransang ninga ketawa Tuhan lebu Iya ngabas aku malam nya. Iya gaga sereta rinduka aku. Aku belagu dalam roh, sampaika



## SEREGA NYA AMAT NYATA

nyawa aku manah munyi iya. Iya nyawa ka baruh—tang iya manah didinga, terang sereta lancar.

Lebuh tengah malam Tuhan bejaku, *"Aku rinduka nuan, Anak, lalu Aku deka selalu ngabas nuan."* Lebuh Iya mulaika diri aku berasai lempung sereta rumpas ari ngelamatu, nya alai aku gaga ati deka nganti Iya ngabas aku baru.

## NYADANG MAYUH UTAI TI NGASUH ATI TEKENYIT

ARI SITI, 2 HARIBULAN Dua, Tuhan ngabas aku mega. Iya belabuh bekunsi mayuh utai enggau aku, baka ka udah disemayaka Iya, *"Aku deka ngelepaska kuasa ti diguna nuan ngereja pengawa ti ditaga Aku."* Aku begetar sereta belagu roh baka ti nyadi lebuh malam kemari.

Tuhan nampung pesan Iya ngagai aku: *"Anak, chara Aku deka ngena nuan bisi lain. Mayuh bala anak-anak deka tekenyit. Aku bisi pemerika semua anak, tang Aku merika pemerika sida enda sama. Anak, Aku dekaka nuan puas ati enggau utai ka diberi Aku."*

Tu siti semaya ti ngasuh ati rindu. Tuhan madah baru ngagai aku Iya benung nyendiaka aku siti pengawa ti spesil. Aku semina deka ngenyamaika ati Iya.

Ari 2.20 pagi ngagai 4.18 pagi ari siti Iya datai baru ngagai bilik aku madahka aku mayuh utai agi pasal kuasa sampi. Iya bediri ba mua aku ngena kelambi burak.

*"Anak, anang takut besampika orang bukai, laban nuan udah nerima pemerika ngeraika orang enggau sekeda pemerika bukai," Ku Iya, "Aku nemu nuan deka besampika orang bukai, ngasuh sida gaga. Nya kebuah Aku merika nuan pemerika tu."*

Mula-mula jaku iya mar didinga. Aku ngasaika diri enda patut nerima utai ka mayuh ari Tuhan.

Iya nampung: *"Nuan bisi ati ka spesil, nya kebuah Aku nyaut sampi nuan. Aku meda ti nuan beresi, lalu nuan siku orang ka ngasi. Aku pechayaka nuan dalam mayuh utai. Nya kebuah Aku milih nuan ngereja pengawa ka beguna tu. Pengarap nuan ngasuh Aku gaga, lalu bakanya mega pengeran ati nuan (will power). Ati nuan kering sereta rumpas, lalu Aku gaga ti bendar."*

Ngasika Tuhan endang siti utai ti beguna amat ba aku ti nyadi orang

## *Semua Utai Ulih Nyadi*

Kristin. Tuju ati aku endang deka ngenyamaika ati Tuhan. Balat amat pengaga ati aku lebuhi ninga Tuhan empu bejaku madahka diri gaga ka aku, lalu Iya mega udah nuchi ati aku lalu meda pengasi ati aku. Pesan Iya malam nya ngasuh aku lebih mutus nitih ka Iya dalam semua jalai aku.

*“Nya kebuah pengarap nuan nyadi kering lalu nuan udah ngelengka ka utai dunya ka Aku.” Jesus nampung. “Enti nuan enda bakatu, Aku enda ulih ngena nuan ka kereja ti udah ditaga Aku. Utai ti deka dikereja Aku deka ngenyit ka ati nuan, Anak. Aku Tuhan nuan. Ingat, nadai utai ka enda ulih ba Aku di dunya enggau di Serega. Aku deka ngelepaska kuasa Aku ngagai nuan awakka Aku ulih ngena nuan.”*

Chara Tuhan ngangauka aku “Anak” (my daughter) suah ngasuh ati mata aku pansut. Iya lain agi ari apai dunya aku. Tuhan endang nelap, bebasa, meransang sereta sensitif lebuhi bejaku enggau aku. Aku nemu Iya udah nemu utai diguna aku sebedau aku madahka Iya. Aku nemu Iya meh tempat aku ka aman “Batu Pengelindung: (Rock of refuge). Semua pengelindung ti bukai enti dibanding enggau Tuhan, sida baka pasir ti turun magang.

Iya belabuh nerangka reti tubuh aku ti begetar. *“Tubuh nuan begetar lama laban nuan begunaka kuasa ka pengawa tu. Aku dekaka nuan ngarapka mayuh utai ti ngenyit ka ati.”*

Mayuh utai ti ngenyit ka ati? Aku berunding enggau ati gaga. Aku ngasaika diri chukup utai diasai diatu. Penemuai iya, maya aku besampi enggau Jaku Iya, maya nyembah di gerija—semua tu bisi bekau magang dalam pengidup aku.

Pengarap aku dalam Tuhan mansang enggau jampat. Aku nemu enggau penuh, Iya ulih ‘ngereja pengawa ti besai ti lebih ari pinta enggau beragam, nitih ka pemesai kuasa ti bekerja dalam kitai” (Efesus 3:20). Tubuh aku ti begetar iya nya kuasa Iya bekereja dalam aku. Iya nyendiaka aku ngereja pengawa lebuhi Iya deka mandangka pengulih Iya ngereja pengawa ti besai nengah aku.

## **NADAI PENAKUT!**

LEBUH MALAM 12 haribulan Dua, tubuh aku balat agi begetar ari ka udah. Iya kelalu balat dataika tubuh aku deka labuh ari katil. Aku nguji narit kain katil tang enda ulih laban aku nadai kuasa nguasa tubuh aku. Tubuh aku

## SEREGA NYA AMAT NYATA

nyau majak begetar lalu aku berasai takut. Runding aku belabuh lari ari aku. Sekalika tu akal ari sitan? Nama utai ti nyadi ba aku? Kati aku udah gila? Aku berundingka diri.

Udah nya aku ingatka siku orang bisi bekunsi enggau aku, "*Lebuh nuan deka belabuh nerima berekat ari Tuhan, sitan deka nguji ngachau iya.*" Kati aku ka balat begetar tu ari pengawa sitan tauka Tuhan? Aku nyangka tu pengawa sitan deka ngachau aku. Nyalai aku nganu munsuh nya, tang udah nya Tuhan lalu lalu masuk-campur, "*Anak, anang takut; Aku Tuhan nuan.*"

Nya chukup ba aku. Nyawa Iya ti manis nukar penakut aku ngagai ketawa. Aku ninga sambil ketawa, Iya bediri semak mua penyengguk. Dalam jaku ti manah Iya nyebut: "*Nadai orang deka ngachau nuan laban Aku selalu bisi enggau nuan lalu Aku deka nyaga nuan ari pengachau di dunya tu. Nuan meh Anak ti berega.*"

Bisi sekeda jaku ari Bup Kudus ngingatka aku pasal Jaku Iya.

"Dalam pengerindu ti chukup menyana nadai penakut. Tang pengerindu ti chukup menyana nya deka muai semua penakut, laban penakut nya bekaul enggau ukum. *Nyadi enti orang takut iya apin nemu pengerindu ti chukup menyana nya. Kitai rindu, laban Allah Taala dulu rinduka kitai.*" (1 John 4:18-19).

Pengerindu Tuhan dalam pengidup aku lebih nyata ari ka udah. Aku nemu Iya rinduka aku. Dalam pengerindu ti menyana tu, kati jalai aku tau takut? Pengalaman diasai aku malam nya ngajar aku enda ibuh takutka sitan tauka diri empu agi, laban Tuhan udah besemaya Iya deka enggau aku belama-lama iya.

Jaku Iya mega nanggam semaya tu: "Aku enda kala ninggal tauka ngelengka ka nuan." (Hebrew 13:5).

Aku nemu Iya udah meri aku Kangau ti Besai (Great Commission): "Nyalai bejalai kitai ngagai semua bansa orang di sebarang endur lalu ajar sida nyadi murid aku: baptisa sida dalan nama Apai, enggau Anak, enggau Roh Kudus, lalu ajar sida ngasika utai ti udah dipesan aku ngagai kita. Kingatka tu! Aku seruran deka enggau kita dataika pemadu dunya." (Matt 28:19-20).

Ayat sebedau tu madahka kitai iya ulih dikereja: "Semua kuasa di dunya enggau di Serega udah diberika Aku" (Matt 28:18). Kuasa enggau Pengering Iya deka menang tiap kali lebuh kitai nyerahka diri ngagai Iya.

## *Semua Utai Ulih Nyadi*

Tuhan meri aku peransang ti lebih pasal peneka enggau pengerindu Iya lebuah Iya nyebut: *"Aku meri nuan semua pemeru ti diguna nuan awakka nuna ulih ngereja pengawa ditaga Aku. Rikut semua ari enggau maya Aku betemu enggau nuan. Laki nuan, Roger, deka diberi pemeru mega. Nuan mesti anang irau pasal semua utai laban Aku besemaya deka nyaga nuan lebuah di dunya tu."*

Dalam ati aku, aku nemu diri enda ibuh irau. Iya ti ngintu semua utai diatu enggau ka dudi ari ila. Aku teingatka Masmur 23, kelebihan ayat ka pengujung: *"Pemanah enggau Pengasih Tuhan deka enggau aku sepemanjai umur aku; lalu aku deka diau di rumah Tuhan belama-lama iya."* (Masmur 23:6).

Dalam runding ti aman tu aku belabuh ngantuk, lalu Tuhan bejaku, *"Aku nemu nuan ngantuk. Tinduk diatu."* Tuhan meri tinduk ti jenak ngagai orang ti dikerinduka Iya.

## **TUBUH TI BARU**

ARI PUKUL 11 malam ngagai 1.08 pagi lebuah bulan Dua 19 enggau 20 haribulan, Tuhan mai aku bejalai enggau Iya. Sekali agi, tubuh aku belabuh begetar sereta angkat, nya ngasuh aku nemu Iya datai baru. Sekali tu penatai Iya lebih balat agi, lalu aku ninga jaku Iya, *"Aku Tuhan nuan, Anak ti berega, Aku deka belabuh ngelepaska nuan ngereja pengawa ti udah ditaga Aku."* Aku ulih meda Iya bediri semak mua penyengguk, lalu gamal tubuh Iya sekali tu lebih terang agi ari selama.

*"Anak, Aku mesti mandangka nuan utai,"* Ku Iya bejaku sereta ngangkatka jari tunga aku. Aku ngasaika tubuh aku terangkat ari katil. Enda nemu utai ti nyadi, aku belabuh manjung sereta ngepaika jari aku. Tubuh aku asaika dibagi. Tu pengalaman ka enda ulih dicherita enggau chukup menyana. Aku bisi nguji megai tubuh aku sekali ka iya agi sama. Aku nyangka diri mati.

Runding aku terang, lalu aku bedemuh dalam roh. Uдах nya aku ngasaika diri enggau Tuhan, ngena baju burak baka enggi Iya. Tubuh aku nyadi baru. Aku nyadi indu biak baru. Bok aku panjai sereta lurus.

Aku ngasaika diri bejalai ba tebing tasik enggau Tuhan. Nyangka nuan ulih ngerunding ka pengasai aku ti tekenyit. Iya udah mai aku ari katil, lalu merika aku tubuh baru ti ngasuh aku ulih terebai sereta bejalai enggau Iya.



## SEREGA NYA AMAT NYATA

Tuhan Serega enggau bumi udah ngiar ka adat pemerat (gravity) pengidup, maya enggau endur awakka mandangka aku utai ti ka dikingatka aku belama.

Ku Bup Kudus, "Isi enggau darah nadai bulih bagi dalam Perintah Allah Taala, utai ti tau buruk enda tau bempu utai ti enda tau buruk." (1 Kor. 15:50). Aku belabuh deka nemu reti iya ka bendar jaku ari St. Paul tu.

Lebuh aku belabuh beratika tubuh aku, aku ngasaika iya baka gamal aku, tang iya ukai aku. Suba bisi aku ngasaika pengalaman alai aku diambi ari tubuh aku lalu diengkah ba tubuh bukai ti ukai aku—tang nya aku.

Tu tubuh aku lebuh maya aku agi dara biak. Bok aku mega baka maya aku agi biak. Aku enda meda mua diri enggau terang, tang aku ngasaika nya mua aku agi biak suba lebuh apin nemu Tuhan tauka nadai pengadang. Sekali tu, aku ti biak tu udah nemu Tuhan, lalu iya penuh enggau pengadang. Tu pengalaman ti chukup manah. Nama reti utai tu?

## LUBANG TI PERENCHING ENGGAU DINDING BATU

KINI TUNGA TUHAN mai aku? Nama kebuah Iya mai aku? Aku enda sabar deka ninga saut Iya, laban aku nemu semua utai tu ka aku enggau orang ti dibai Iya ngagai aku.

Terubah, kami ngagai tunga ka kanan bukit ti penuh enggau daun sereta kayu. Aku ulih meda jalai ti sempit ngagai tuchung bukit nya. Uдах nya kami bejalai niti sungai ti sempit ti balat penyiru iya, nadai kala aku meda utai baka nya. Kami majakka pejalai lalu datai semak penama siti lubang (tunnel) ti perenching ti nadai pengabis. Iya tinggi sereta besai, enti dibanding Tuhan enggau aku balat pemit. Kami duai bejalai dalam lubang nya, lalu lebuh kami datai ba seberai, kami bejalai ba tebing tasik baru.

*"Tua deka bejalai ngagai tempat ti tinggi."* Ku Tuhan.

Lebuh Iya udah nyebut jaku nya, Iya ngambi jari aku, lalu tubuh aku belabuh terangkat ari tebing tasik. Lebuh tu nyadi, tubuh dunya aku belabuh begetar balat. Jari aku belabuh engkebut kia-kia baka ti nyemerai tang enda tengelam. Demuh roh aku majak ingar se-ingar.

Kami duai terebai atas angin. Kami terengkah ba siti tempat ti penuh enggau kayu sereta rumput, kaki kami terengkah ba siti jalai ti mit sereta bingkuk.

Tuhan enggau aku bejalai nengah jalai nya ke baruh nurun ari bukit siti.



### *Semua Utai Ulih Nyadi*

Nyau pengelama kami datai ba siti pagar burak ba mua siti rumah burak. Kami bejalai mansa pagar nya ke dalam rumah nya. Kami tama lalu mansa kaki lima rumah nya, lalu kami datai ba siti bilik lalu tama bilik nya. Aku merening ke baruh, aku meda diri ngena baju baru enda sama enggau ka dikena aku ba tebing tasik tadi, aku ngasaika bisi utai berat ba pala aku. Aku nyapai utai nya lalu tepedaka siti mahkota ti chukup pemanah ti udah diengkah ba pala aku tang enda diasaika aku. Uдах nya aku malik ngagai Tuhan. Iya duduk ba tahta (throne), Iya ngena gari ti perenching sereta mahkota emas. Orang ti bisi enggau aku maya nya, sama besugang ba mua Tuhan.

Dinding rumah nya digaga ari batu besai ti perenching. Batu ti mayuh chura nya ngasuh bilik nya chukup pemanah, nadai chukup jaku ulih nyeritaka pemanah iya.

### **TEMPAT ALAI ORANG KA NGEMBUAN ATI TI TUCHI ULIH PEGI**

UDAH NYA, SEPENYAMPAT aku dibai ngagai bukit alai rumah ka burak nya tadi, aku meda diri ba tebing tasik baru. Aku ngasaika diri ketawa, manjung, nyabak, begetar sereta bepeluh. Pengaga nya kelalu balat, asaika ulih dipegai aku. Aku nemu diri udah dibai ngagai dunya siti, tang dini enda tempat tu? Nama kebuah tu nyadi? Nama reti utai tu?

Tuhan nyaut tanya dalam ati aku tu. *“Anak, kitai bejalai ngabas Perintah Serega.”*

Iya jampat nemu tanya di dalam ati aku: Baka ni kitai kin?

*“Sida ti ulih kin iya sida ti ngasi sereta anak ti ngembuan ati ti tuchi.”*

Iya ngetu enda lama, udah nya nampung, *“Padah ngagai anak-anak ti buhai awakka sida meritaka Injil. Aku deka datai enda lama agi lalu ngambi sida ti sedia nganti Aku.”*

Diatu nya baru aku nemu tuju pengawa aku iya ka bendar. Aku udah meda perintah Serega, iya amat-amat nyata. Aku enda ulih ngelupaka semua utai ti udah dipeda aku.

Ku Tuhan nampung, *“Orang ti enda meri tithing (10%) nya anak ti enda ngasi.”*

*“Patut aku madahka utai tu ngagai orang buhai, Tuhan?”*

*“Aku dekaka nuan madahka utai tu ngagai tiap iku orang.”*

## SEREGA NYA AMAT NYATA

Udah nya Iya nambahka utai ti udah dipadahka Iya beberapa kali sebedau tu: *"Tulis semua utai ti udah dipandang sereta dipadahka Aku."*

*"Padah ka aku Tuhan."*

*"Maya bukai, anak. Aku nemu nuan lelak. Tinduk diatu."*

Lebuh Iya ngejang, tubuh aku ti udah berubah mega ngejang. Aku ngambi keretas enggau pen lalu belabuh nulis semua ti udah diasaika aku dalam pejalai ngagai perintah Tuhan. Aku ngasaika tubuh diri tengkering sereta baruh. Nadai jaku ti chukup ulih nyeritaka pengalaman tu. Aku ngasaika diri ukai enggi dunya tu agi.

Berengkah ari nya, utai dalam runding aku semina Tuhan enggau Serega. Aku ingin deka ngabas tempat nya baru. Peningin tu disaut dalam sampi aku laban, Tuhan mai aku kin baru suah udah nya.

## *Tumu Agi Ari Disangka Nuan*

*"Iya ti besaksi ka utai tu bejaku,  
ku iya, "Amat bendar! Aku deka  
datai enda lama agi!"*

—Pemandang 22:20

“**A**NAK AKU, CHOO Nam, Aku tu Tuhan nuan.” Tu jaku Tuhan ka teleba didinga aku ti disebut Iya lebu 24 haribulan Dua.

Tubuh aku ka begetar ngasuh aku dani tengah malam. Sekali tu aku meda jam awakka nemu berapa lama tubuh aku begetar. Uдах 20 minit, roh aku belabuh bedemuh. Aku majak begetar, lalu pengangat ari urapan Tuhan ngasuh aku bepeluh. Sepengudah nyendiaka diri tu alai aku ningaka Tuhan bejaku enggau aku.

Diatu aku nyau teleba enggau penatai Iya. Selalu iya aku rinduka penatai Iya. Sekali tu, gamal Iya terang agi. Gamal Iya perenching burak. Iya ngangkatka jari ngagai aku ti ngasuh aku begetar balat agi, jari aku engkebut kia-kia.

Baka ka udah diasaika aku minggu ke udah, roh aku diangkat ari tubuh aku, aku meda diri empu nyadi anak biak, bok aku panjai sereta lurus. Sekali agi aku bejalai enggau Tuhan ba tebing tasik. Kami bejalai, bejalai, lalu bejalai. Maya nya sunyi. Jesus dipeda baka ka berunding, lama Iya enda bejaku. Kelengah Iya bejaku, “Mayuh pengawa mesti dikereja kitai.”

## “TUA DALAM PEJALAI KE SEREGA”

TUHAN SEKALI AGI mai aku ngagai lubang tanah ti besai. Enda baka sebarang lubang bukai, iya tu terang sereta perenching. Diatu baru aku ngasaika tu lubang ti sama ti ditengah kami terubah suba. Sangka aku tu meh lubang ti dipeda orang ti nyau ka mati antara pengidup ditu enggau pengidup sepiak.

Orang ti bisi kala ngagai alai tu bisi nyeritaka pasal siti lubang (tunnel) ti petang sereta panjang. Ba ujung lubang nya sida bisi meda perenching Serega. Tu meh, sangka aku, pintu ngagai Serega. Diatu Tuhan mai aku kia baru.

Kami bejalai nengah sungai ti chiru sekali agi, udah nya kami pulai ke tebing tasik baru. Uдах nya Jesus bejaku, “*Tua deka bejalai ke Serega.*”

Ati aku terangkat ngagai rekung laban samangat aku penuh pengarap lebuḥ aku ngasaika diri dalam pejalai ke Serega. Aku pulai ke rumah, lalu Jesus meri aku lawatan ngagai pengidup sepiak nyin awakka aku ulih nulis pasal nya lalu mensia deka nemu. Ngenang diri dipilih ulih Tuhan ngasuh aku kelalu gaga.

Uдах Jesus madahka tunga pejalai kami, tekalanya aku belabuh terebai. Aku kala terebai dalam bilun sebedau tu, tiap kali terebai ngena bilun aku berasai rindu; tang sekali tu aku terebai baka burung. Aku ingatka jaku Isaiaḥ: “Sida ti nganti Tuhan deka bulih pengering; sida deka terebai baka burung menaul, sida deka belanda tang enda luput.” (Isaiaḥ 40:31).

Aku selalu meda ayat tu ari segi roh, tang diatu iya udah nyadi nyata. Aku terebai sereta ngindang baka menaul, enda takut, laban aku nemu Jesus bisi enggau aku.

Pengelaman terebai tu diasaika aku enda lama; asaika semina sesikin aja. Kami terengkah ba jalai ti sempit sereta bingkuk penuh enggau kayu ti manah sereta enggau utai tumbuh ti bukai. Ba mua kami aku meda siti pagar burak. Lebuḥ bejalai nuju pagar nya aku meda siti jalai burak, bungai bemacham-macham chura pen bisi mega ari sepiak-sepiak pagar nya. Nadai kala aku meda utai ngemanah nya ngelamatu, lalu siti ayat datai ngagai runding aku:

“Nama kebuah kita irauka gari? Peda gaya bungai babas

## *Tumu Agi Ari Disangka Nuan*

tumbuh: sida enda bekereja tauka ngaga gari ka diri empu. Tang aku madahka kita, Solomon, orang ti kaya, nadai iya ngena gari ti manah baka siti ari bungai nya. Iya nya Allah Taala ti ngari babas — babas ti tumbuh saritu, mati pagila, lalu ditunu ke dalam api. Enti pia, enda ka iya lebih agi deka ngari kita? Naka meh pengemit pengarap kita! Nyalai anang irau bejaku, “Dini endur aku bulih pemakai? Tauka utai diirup, tauka gari? Laban nya utai ti selalu ngirauka ati orang bansa bukai. Tang Apai kita ti di Serega nemu kita begunaka semua utai nya. Tang giga dulu perintah enggau pengelurus iya, lalu iya deka meri kita semua utai bukai.”

—Matthew 6:28-33

Udah nya aku belabuh mereti enggau terang kebuah Tuhan meri aku peluang ngabas Perintah Iya. Aku ngasai maya nya enti sema orang di dunya ulih meda utai dipeda aku, sida iya badu irau agi. Aku mesti madah ngagai orang pasal pengalaman aku tu awakka sida mega enda ibuh irau agi.

Tuhan amat nyaga semua utai dalam pengidup kitai. Tuhan ngereja sereta ngemenuhka tuju Iya. Pengerindu Iya ka anak Iya nadai kala berubah. Jaku Iya endang amat. Diatu ati aku angkat deka nulung mensia mereti, meda sereta arapka pemendar. Pengalaman tu ngajar aku “semua utai deka nyadi manah ka sida ti rinduka Tuhan, sida ti dikangau nitih ka tuju Iya” (Rome 8:28).

## **SEREGA MANAH AGI**

BARIS BUNGAI NYA manah agi aku semua kebun bungai ti kala dipeda aku. Aku berunding, aku gaga laban aku nemu sida tu bungai Serega. Bungai nya ngerembai enggau chukup pemanah, chura sida makin terang sereta perenching lebu kami datai semak penama istana ti besai sereta burak ti dituju kami.

Jesus ngiring aku nengah tangga ngagai pintu dua iti di mua. Aku meda bingkai pintu nya digaga ari mas. Kami mansa nengah pintu nya ngagai lantai kawi. Dinding batu ti perenching nya ngingatka aku diatu aku benung ba alai penuduk Tuhan sekali agi, tiap iti singkang kami, ati aku makin bedebar.



## SEREGA NYA AMAT NYATA

Kami tama siti bilik, ditu lebih balat agi ari ti udah. Tuhan perenching, tahta mas bediri chegi-chegi, baka bentuk telu manuk (oval shaped). Perenching mulia manchar ari alai tahta nya.

Aku dibai malikat ngagai siti bilik di sepiak nya, aku tekenyit meda tu bilik tepung. Bisi cheremin ba dinding sepiak kanan bilik nya, lalu mayuh kerusi ti manah diatur ba mua cheremin nya.

Siku orang bediri ba mua aku, lalu tekala nya aku ngelala iya nya siku malikat. Iya besai gamal, bejalai mansa nyamari alai nyimpan gari enggau mahkota. Malikat nya milih siti gari lalu ngengkahka mahkota nya ba pala aku. Tiap iti gari nya penuh enggau chura. Ba peda aku, sida nya gari ka pemadu iya pengemar.

Lebuh aku udah digari, malikat nya mai aku ngagai bilik besai nya baru. Tuhan agi nganti aku dia. Aku meda Iya mega ngena gari enggau mahkota baka aku.

Iya mai aku ngagai rumah siti ti baka gamal istana lama Europah. Iya bedindingka batu galang, lalu mayuh macham bungai ti manah ditanam ba kandang iya. Lebuh aku meda pemandang ba mua aku, aku tepedaka dunya pemanah, pemaik enggau pengaga. Aku asaika enggai pulai ke dunya.

Bup Kudus madahka kitai deka nyembah Tuhan semak tahta Iya: "Semua bansa ti udah digaga nuan deka datai lalu nyembah Nuan, Tuhan, lalu deka memuliaka nama nuan. Laban nuan besai, pengawa nuan nyelai; semina Nuan aja Tuhan" (Masmur 86:9-10). Di bukai bisi mega masmur madah, "Tuhan udah numbuh ka tahta Iya di Serega, lalu Perintah nya merintah atas semua. Puji ka Tuhan, kita malikat, ti kering, ti ngereja jaku iya" (Masmur 103:19-20). Nabi Isaiah mega bejaku, "Serega nya penuduk aku, dunya nya pelasar kaki aku!" (Isaiah 66:1). Serega tu tempat ti pemadu manah, naka meh pengaga kitai nyembah Tuhan dia belama-lama iya.

Aku kala ninga lagu pasal Serega munyi tu, "Serega manah ari tu/Puji Tuhan/Naka meh pengaga/Bejalai nengah jalai emas/Kitai tama ngagai tempat alai kitai enda mansang tuai (enda teingat aku penatai lagu tu). Diatu baru aku nemu pemendar lagu tu. Serega tu manah agi ari dunya tu. Amat-amat, pemanah Serega enggau dunya nadai banding.

Kami tama ngagai istana nya, aku tekala nya meda tikai pedani ruai nya naka pemanah. Bala sida bangku-kerusi sama enggau chura enggau gaya

tikai pedani nya. Dinding nya perenching, nyau ka ngasuh mata aku buta. Ba ujung tempat nya, aku tepedaka pintu. Aku berunding nama utai deka dipeda di sepiak nyin.

## **PEGUNG KA SPESIL (SPECIAL POND)**

PINTU NYA, NITIHKA temu aku, enda tembus ba bilik siti, tang iya pintu ngagai kebun istana nya. Ba tengah-tengah tempat ti manah nya bisi pegung (pond). Kandang iya penuh enggau dinding batu galang. Bungai enggau bemacham bengkah sereta chura bisi ba pegung nya.

Aku meda sekeda buah kayu ba tisi dinding batu galang nya. Kayu tu penuh ulih daun ti manah ti nadai kala dipeda aku.

Pegung tu chukup ngalitka ati aku, tekala aku meda iya, aku belabuh belagu dalam roh sereta betanda dalam pengaga. Aku enda ulih nerangka kebuah aku kelalu gaga lebuah aku meda pegung tu, tang bisi utai ti ngasuh aku mantaika pengaga, pengelantang enggau pemaik. Tuhan duduk atas batu galang meda aku betanda.

Aku teingatka ayat ari Penyanggup Lama: "David betanda ba mua Tuhan enggau semua pengering iya." (2 Sam 6:14). Pegung nya ngingatka aku siti ayat ba bup Pemandang: "Roh enggau pengantin indu nya bejaku, 'Datai!' Awakka iya ti ninga bejaku. 'Datai' Awakka iya ti aus datai. Awakka iya ti bisi ati, awakka iya ngambi ari ai pengidup enggau nadai bebayar." (Pemandang 22:17). Ya, bisi ai di Serega, ai pegung ti chiru sereta beresi. Iya baka kristal.

Iya, Tuhan, bejaku enggau aku, "*Tu pegung ti spesil.*"

Aku nemu, tang aku enda mereti nama kebuah. Tuhan nadai nerangka jaku Iya ngagai aku maya nya, tang aku belabaka pegung nya ngundan mayuh resia ti deka ditemu aku ila. Aku beperagam: Kati tu alai dosa, enggau dosa semua orang ti arap, udah ditumbak? Kati pegung tu tanda ai Jaku Tuhan?

Amat, ai tu nandaka dosa kitai dibasu, ti diadaka Tuhan ka kitai. Jaku Iya madahka kitai, "enti kitai ngampun dosa, Iya ulih dikarap, lalu deka ngampun dosa kitai lalu nuchi kitai ari penyai" (1 John 1:9). Jaku Jesus, ti dirikut John, tama runding aku: "Enggau bendar, aku madahka kita, enti kita enda diada ka enggau ai enggau Roh, kita enda ulih tama Perintah Tuhan." (John 3:5).

## SEREGA NYA AMAT NYATA

### JESUS UDAH SEDIA....NGANTI

UDAH PENGELAMA AKU gaga, aku belagu sereta betanda ba semak pegung nya, Tuhan mai aku pulai baru ngagai istana burak nya tadi alai aku betukar ngena gari ti dikena aku lebuah Iya mai aku ke Serega. Uдах nya kami bejalai pulai ngagai tempat alai kami terengkah ba bukit penuh ulih kayu enggau utai tumbuh buhai.

*"Kitai pulai baru ngagai dunya," ku Tuhan bejaku.*

Iya megai jari aku baru lalu kami belabuh terebai ari Serega ngagai dunya. Kami pulai baru ngagai alai kami berengkah—ba tebing tasik.

Ku Jesus, *"Anak, diatu nuan nemu nuan spesil ba Aku. Aku dekaka nuan nemu lama Aku udah nyendiaka nuan deka mai nuan ngagai Perintah Aku, mandangka nuan semua utai tu awakka nuan ulih madah ngagai dunya."*

Aku nganggukka pala setuju enggau utai ti disebut Iya.

Tuhan nampung, *"Aku dekaka nuan ingatka semua utai ti udah dipadah enggau dipandangka Aku. Nuan mesti nuliska semua iya. Aku deka ngasuh orang meretika utai ti udah dipandang enggau dipadah Aku"*.

Jaku Iya tu ngangkatka tangggung-jawap berat ti udah ditanggung aku sekumbang terubah iya aku udah dipilih ngereja pengawa Iya. Diatu aku nemu Iya deka bejaku enggau aku sereta negu orang buhai. Aku mesti sanggup dikena Iya. Tu ukai utai ti mar, laban aku udah ngasai sereta meda.

Ku Jesus nampung jaku Iya, *"Mayuh orang nyangka Aku nadai datai ngagai sida, tang Aku madahka nuan, Aku datai tumu agi ari ti disangka sida."*

Lebuah iya nyebut tu, bunyi jaku Iya berubah. Iya baka ka ringat, tang mega bisi pengelengkas dalam munyi jaku Iya. Nya siti jaku tangkan. Tu jaku pesan ti mesti dipadahka aku—lalu madah diatu. Pengujung dunya udah enggau kitai. Jesus deka datai enda lama agi.

Aku pechaya Tuhan sedia deka ngambi anak-anak Iya, tang sida enda sedia ka penatai Iya. Tu utai lengkas. Nya kebuah aku mesti mai pesan tu enggau lengkas. Aku nadai pilihan—aku mesti ngasika Tuhan. Mensia mesti ditangkan enggau penatai Tuhan ti nyau semak. Mensia mesti nyendiaka diri ka penatai Iya lalu ngesalka dosa lalu nerima Iya ngagai pengidup sida.



## *Tumu Agi Ari Disangka Nuan*

Bup Kudus terang bendar tentang tu:

*"Sekeda amat nerima iya lalu arap ka iya; nya alai iya meri sida kuasa nyadi anak Allah Taala. Sida nyadi anak Allah Taala ukai ari darah tauka peneka tubuh, ukai mega ulih bapai ka mensia, tang Allah Taala empu ti apai sida. Jaku nya nyadi mensia lalu diau begulai enggau kitai, penuh laban pengasih enggau pemendar. Kitai meda pemanah mulia iya, mulia ti disambut iya ti Anak Tunggal Apai."*

—John 1:12-14

Jesus—Jaku Tuhan ti Idup—madah ngagai aku ngasuh aku bejalai jampat madahka mensia Iya deka datai enda lama agi. Nya reti lebu Iya bejaku, *"Kitai mayuh utai deka dikereja."*

## **KUASA DALAM DARAH**

UJUNG BULAN DUA 1996 lebih ngerinduka ati ari iya ti udah. Ari pukul 4 ngagai 5.30 pagi kena 28 haribulan Dua, Tuhan bisi enggau aku. Iya datai ngagai aku lalu bejaku, *"Choo Nam, Aku tu Tuhan nuan."*

Iya megai jari aku, kami lalu bejalai ngagai tebing tasik. Iya megai jari aku lebu kami bejalai nengah tebing tasik nya, sekali tu Iya lebih agi rindu bejaku enggau aku. Nyau ka baka Iya bisi utai ti deka dipadah ngagai aku.

Kami duduk ba atas pasir semak ujung tasik nya. Serumba enggau umbak ka datai mangka di mua kami duai, utai ti nyelai nyadi. Tisi tasik nya betukar nyadi darah. Utai bechura mansau tuai datai ngempas ba mua kami duai. Iya dipeda baka darah jai, lalu aku nanya, "nama kebuah darah nya kamah bendar?"

*"Nya darah Aku, Choo Nam," Ku Iya. "Darah nya udah nuchi semua dosa anak-anak Aku."*

Aku belabuh nyabak lebu aku ninga jaku nya. Iya udah mansutka darah diri ka aku, nuchi aku ari semua dosa aku. Iya ti nadai bedosa nyadi dosa ka aku awakka aku ulih digari ngena pengelurus Tuhan. Darah Anak Domba ti menyana udah masu aku beresi lalu ngelepaska aku. Darah Iya udah ngasuh aku ulih ngalahka munsuh dalam pengidup aku. Ai mata aku

## SEREGA NYA AMAT NYATA

pansut ari pegung samengat aku, lebuah aku meda enggau ati ti beterima kasih ka semua utai ti udah dikereja Jesus ka aku.

*"Anang nyabak, anak,"* Ku Iya.

Iya megai jari aku, kami terebai sekali agi. Lebuah kami terebai tinggi, aku nemu Iya deka madahka mayuh agi pemendar ngagai aku. Ati aku penuh enggau pengadang.

*"Tua deka ke Serega,"* Ku Iya.

Tubuh aku ti udah betukar nadai agi pengasai tubuh lebuah kami terangkat ari tebing tasik nya. Lebuah kami terebai aku nadai ngasaika diri ngelu pala laban tubuh aku ti udah betukar nya nadai agi pengasai tubuh dunya.

## ANYAM TALI KA BECHURA MANSAU TAMPAK

LEBUH KAMI DATAI di Perintah Serega, kami bejalai nengah jalai ti udah teleba ditengah, mansa pagar ti udah kala dipeda lalu tama ngagai Istana burak. Kami ngena gari Printah Serega. Udahnya kami mansang ngagai pegung nya baru.

Pegung nya—tempat ka spesil. Sekali agi aku belagu dalam roh sereta betanda ba mua Tuhan. Iya duduk atas batu galang ngelilaka aku enggau gaga ati. Iya dipeda gaga ati meda aku betanda sereta belagu enggau muji Tuhan.

*"Kati nuan rinduka tempat tu anak?"*

*"Ya, Tuhan,"* Ku aku nyaut, ketawa.

*"Aku deka mai nuan kitu tiap kali nuan datai ke Serega."*

Jaku Iya nya ngasuh aku gaga enggau dua iti kebuah—Aku endang selalu deka datai baru, aku rinduka pemandang semak pegung nya. Iya nya pegung lepas ari pengirau dunya—tempat kitai dibaru, alai kitai nemu mayuh agi utai enggau tempat pengaga. Aku rinduka tempat nya.

Enda lama, kami duai ninggalka pegung nya lalu bejalai ngagai rumah burak alai kami betukar gari lalu terebai ngagai tebing tasik di dunya baru. Aku betanya diri empu nama kebuah Iya enda mandangka utai baru lebuah Iya mai aku ke Serega sekali tu. Kami bejalai nengah sungai lalu sungai nya nyadi baka darah. Ku Jesus, *"Tu meh darah Aku—darah ti dipansutka Aku ka anak-anak Aku."*

Jaku Iya ngasuh aku nyabak. Aku engkendukka pala lalu belabuh



## *Tumu Agi Ari Disangka Nuan*

nyabak. Tuhan megai pala aku lalu bejaku, “Anang nyabak, anak.” Jaku Iya ti bisi munyi ka tusah ngasuh aku majak nyabak. Iya dekaka anak-anak Iya nemu Iya udah sanggup mansutka darah Iya ka sida, tang mayuh sida enda nemu tauka ngelala kuasa darah nya ba pengidup sida. Sekali agi, pemendar Bup Kudus bermain dalam runding aku: Iya datai ngagai bala iya, tang bala iya enda nerima iya” (John 1:11). Aku nemu utai tu ngasuh ati Tuhan kitai pedis sereta tusah, lalu ngasaika diri dipebasa sereta beterima kasih laban Iya udah bekunsi ka asai ati Iya enggau aku.

*“Aku ngereja semua tu ka semua anak Aku,” Ku Iya. “Taja pia, sekeda sida enda arap, lalu sekeda sida ti arap, enda idup enggau Jaku Aku.”*

Pemedis dalam jaku Tuhan nya endang nyata. Aku ingat sekali Iya bisi nyabakka nengeri Jerusalem laban orang mayuh dia ngenggaika Iya. Aku ingatka Iya tusah ati laban bala rasul Iya enda meretika Iya. Iya tusah ati laban sida tinduk ari ti besampi lebuah malam Iya kena regang.

Balat meh pemedis Iya lebuah Peter besangkalka Iya, lalu balat meh penusah Iya lebuah Judas Iskariot nyangkal Iya. Tang tiap ari, Iya madah ngagai aku, anak-anak Iya lari ari Iya, nyangkal Iya, enda ingatka Iya sereta enda meretika kuasa darah Iya ti udah dipansut Iya ka sida. Aku ulih ngasaika pemedis ti dalam ba ati Tuhan.

Diatu baru aku nemu lebih terang agi nama kebuah kangau aku mesti dikereja. Mensia mayuh—iya ka selamat enggau ka enda selamat—mesti nemu kuasa darah Jesus. Sida mesti meretika semua ti udah diulih Iya ka sida ba Kalvari.

Orang Tuhan, sereta mega orang di dunya, mesti nemu Jesus udah meri jalai ka sida ngalahka dunya, pemetang, penyai enggau semua kereja munsuh. Darah Jesus—anyam tali ka bechura mansau tampak ti nyanyam semua Bup Kudus begulai—udah ngaga jalai ka sida.

Sida mesti nemu pemendar jaku Jesus di Pemandang nya atas kitai diatu:

“Laban nuan udah nitih ka pesan aku enggau ati ti liat, aku mega deka ngibun nuan lebuah maya penusah, ti deka nyadi di sereta dunya kena nguji genap iku orang di dunya tu. Aku datai enda lama agi. Simpan enggau likun utai ti dikemisi nuan, ngambi ka orang enda ulih ngerumpak perais pemenang ti ulih nuan. Aku deka ngasuh iya ti menang nyadika tiang

## SEREGA NYA AMAT NYATA

dalam Rumah Sambiang Allah Taala aku, lalu aku enda agi pansut ari nyin. Aku deka nulis ba iya nama Allah Taala aku enggau nama nengeri Allah Taala aku, Jerusalem ti baru, ti deka nurun ari Serega ari Allah Taala aku. Aku mega deka nulis ba iya nama aku ti baru. Enti nuan bisi pending, nya alai dingaka jaku Roh Kudus ngagai sida eklisia!”

—Pemandang 3:10-13

Maranatha!

## *Perintah Aku Udah Sedia*

*'Lebuh jaku pemendar, iya nya Berita Manah, terubah ditusui ka kita, kita bisi ninga utai ti tau diadang ari nya. Nya alai pengarap enggau pengerindu kita bepanggai atas utai ti diadang kita, ti endang udah ditaga ka kita di Serega.'*

—Kolosi 1:5

“**O**RANG TI ULIH datai kitu nya semina sida ti ngembuan ati ti tuchi baka ai tu,” Jesus nangkan aku udah kami datai di Serega lebuh tumu 29 haribulan Dua. “Anak Aku, Choo Nam, pengawa ka udah ditaga Aku ka nuan balat bendar besai reti ba Aku, lalu iya mesti ditembu enggau jampat.”

Aku alit ati bediri enggau Iya. Iya datai ba bilik tinduk aku jam pukul 4.14 minit pagi. Kami bejalai ngagai lubang ti udah dipeda aku ngelamatu. Sekalitu iya lebih tampak sereta perenching, lalu dinding lubang nya perenching enggau mayuh macham chura. Iya baka lubang ka alai orang ngulih ka batu ti penuh enggau intan, emerald, sapphires, enggau rubies. Nya ngasuh seput aku sendat.

Kami ngetu di tebing tasik, alai aku meda ai iya bedarah kamah. Ba ujung pasir, alai umbak mangka, dipeda aku kamah sereta bechura darah mega.

“Nya darah Aku,” ku Tuhan madah ngagai aku.

Tuhan tu pengajar ti sabar. Iya selalu ngulang utai ti beguna dalam Pesan Iya awakka aku amat-amat meretika utai ti ditaga Iya ka aku. Tiap kali Iya mandangka aku darah ti dipansutka Iya ka semua anak Iya, nyengkaum aku, aku belabuh nyabak. Lebuh Iya meda ai mata aku, Jesus

## SEREGA NYA AMAT NYATA

nyaum aku lalu nyebut: "Printah Aku udah sedia ka semua anak. Barang sapa ti sedia deka dikemendarka datai kitu."

### "AKU ENDA PATUT NERIMA IYA"

KAMI BEJALAI NGELIMPAS siti pagar burak ti dibalut ngena gading tuchi enggau mutiara lembut. Uдах nya kami tama ke dalam istana burak alai malikat mai aku ngagai bilik pupur lalu aku ngena baju gaun ti udah disedia ka aku.

Uдах nya, Jesus mai aku ngagai siti sungai. Bisi siti dinding batu bechura kelabu ba tisi sungai nya, disengkayung mayuh utai tumbuh. Aku meda pemalat penyiru ai nya. Iya perenching baka kacha ti pemadu manah udah dipeda aku.

Tuhan madahka aku baru pasal kangau Iya ngagai semua orang ti deka nitihka Iya lalu bulih rumah ti tetap enggau Iya di Serega, "*Orang ti ulih datai kitu iya semina sida ti ngembuan ati ti udah digaga nyadi tuchi baka ai nya.*"

Uдах nya aku meda siti rumah burak semak sungai ti manah nya, dibelakang bisi kayu sebelah dia. Jesus mai aku ngagai siti ari rumah nya. Iya nya siti rumah burak (mansion) lalu tengah laman iya diiyas enggau bemacham-macham bungai enggau kayu bedaun. Bungai ti pemadu manah udah dipeda aku ngiyas mua penama rumah nya. Pintu iya pen manah mega, diiyas enggau cheremin ka bemacham-macham chura.

Dalam istana nya, semua utai perenching sereta bemacham-macham chura. Bilik nya penuh enggau orang ti ngena gari ti manah, lalu siku-siku sida ngena mahkota ti digembar enggau kacha ti mayuh macham bansa. Aku asaika baka Cinderella ba dalam ruai betanda.

Mayuh sida ti lelaki ba bilik nya, tang bala indu nadai mayuh. Tuhan nadai nerangka aku sapa bala sida tu sereta nama kebuah sida dia, tang Iya bisi madahka aku, "*Nuan mega deka baka sida.*"

Aku nyaut jaku nabi Iya tu enggau ai mata. Tiap kali Tuhan meri aku pemereti baru, aku lalu nyabak laban aku ngasaika diri dikemaruhka ulih Pemanah enggau Pengasih Iya. Aku dikemaruhka, iya ka bendar, ku aku, "Aku enda patut nerima utai tu!"

Munyi nyawa Tuhan bisi didinga ringat lebuл Iya nganu aku, "*Anang sekali-kali nyebut nya agi, anak.*"



## **PUN PENATAI PENGELANTANG**

UDAH BETUKAR NGAGAI gari Serega enggau mahkota, Tuhan enggau aku bejalai sereta bejaku begulai semak pegung ti udah kala dipeda aku suba. Tu meh penemuai ti ke tiga kali ngagai tempat ka spesil tu alai aku berandau enggau Iya.

Aku megai jari Tuhan lalu bejaku, “Aku enggai angkat ari tempat tu. Aku deka di tempat tu belama iya enggau nuan.”

*“Apin diatu, Anak. Nuan bisi mayuh pengawa deka dikerejaka Aku dulu. Aku mesti mandangka nuan pasal Serega, lalu aku deka mai nuan kitu baru suah agi. Aku dekaka nuan lantang, Anak ti berega.”*

Kami pulai baru ngagai istana lalu nukar gari kami ngagai gari rama. Udah nya kami pulai baru ngagai tebing tasik di dunya lalu duduk dia. Tuhan mega jari aku sereta madahka aku: “*Aku meri nuan kuasa ngerai sereta mega pemerih roh ti bukai. Dini-dini alai nuan, Aku bisi dia ngiring nuan. Nuan deka bekerejaka Aku di serata dunya.*”

Pesan ti baka nya patut ngasuh aku ransing nganti, tang iya ngampuhka ati aku. “Tuhan, aku enda nemu utai.”

*“Nuan enda ibuh nemu semua utai. Aku deka ngereja semua utai ka nuan. Pia mega, laki nuan deka enggau nuan. Iya deka bekereja enggau nuan.”*

Jaku tu meri aku penyamai mimit. Nyamai mimit aku ninga Roger mega deka sama enggau aku bekereja ka Tuhan. Aku bepanggai bendar ba laki aku ka pengering sereta peransang, aku berasai nyamai ninga iya mega sama enggau aku dalam pengawa tu. Dalam jam ti sama mega, aku ngasaika Tuhan ngasuh aku bepanggai sepenuh iya ba Iya—ukai ba Roger tauka aku empu tauka orang bukai semina Iya aja.

Bisi genteran Bup Kudus datai ngagai pikir aku: “Arap ka Tuhan enggau pengabis ati nuan, anang bepanggai ba utai ti disandang kembuan temu nuan. Ingatka Allah Taala lebu ngereja sebarang utai, lalu Iya ka nunjukka nuan jalai ti ngena.” (Jaku Dalam 3:5-6). Aku tetap ati ka diri deka nuntut semaya tu ari diatu. Aku nemu Tuhan deka ngiring tiap singkang dalam pejalai aku. Aku mega nemu pemendar Jaku Iya: “Jaku nuan nyadika lampu ka tenggau aku, ka tenggau jalai aku.” (Masmur 119:105). Aku netapka diri empu deka bejalai dalam penampak Jaku Tuhan ari maya nya.



## SEREGA NYA AMAT NYATA

Aku pechaya Jesus deka selalu enggau aku. Nyalai, aku enda ibuh takut ka sapa-sapa tauka nama-nama. Iya udah bejaku enggau aku. Iya udah mega jari aku. Iya udah nyaum aku. Iya udah besemaya enggau aku. Baka ni jalai aku ulih enda pechaya ka Iya?

Aku enda ka sama agi. Jesus Tuhan enggau Pengelepas aku, udah mai aku ke Serega awakka nyendiaka aku ka pengawa bekunsi ka pemendar dunya belama iya (eternity) enggau semua mensia. Iya udah ngangauka aku, milih aku ka pengawa ti pemadu beguna tu.

Lebuh aku berundingka utai ti manah tu, aku ngasaika diri bisi pengaga ti besai ka terubah iya dalam pengidup aku. Aku udah tetemuka tuju enggau penembu aku dalam Iya, lalu Iya penuh pengerindu ka aku. Taja pen, pemutus ati enggau pengarap aku nambah, aku agi nerima jaku Tuhan enggau ati ti baruh.

“Tuhan, aku tu orang pemalu, aku enda nemu besampi ba mua orang mayuh.”

*“Aku deka ngereja semua utai nya.” ku Iya nyaut. “Aku deka selalu enggau nuan. Aku dekaka nuan madah ngagai semua orang bukai utai ti dipandang sereta padah Aku. Sekayu dunya deka nemu semua utai tu enda lama agi.”*

## “NUAN DEKA NULIS SITI BUP”

TAJA PEN AKU limpang kadang-kadang, Jesus selalu taluk. Iya sabar sereta rindu ngingatka aku pasal penemuai Iya ngagai aku ti udah diasaika aku.

*“Anak Aku, Choo Nam, Aku dekaka nuan sabar,” Iya nambah, “Mandangka nuan utai ti deka dipandang sereta dipadah Aku ngambi masa ka lama. Mayuh utai deka diaduka laban nuan deka nulis siti bup ka Aku.”* Jaku Tuhan tu ngasuh ati aku tekenyit. Aku enda nyebut iya enggau ingar tang dalam ati aku din, Baka ni aku nulis bup, laban aku enda nemu utai?

Maya tu aku nemu diri enda patut becheraga penemu enggau Tuhan. Aku ngasaika enti Tuhan ngasuh aku ngereja utai, Iya deka nulung aku nembuka iya. Aku enda kala minta pemer, tang aku ingatka diri besampika pemer ngeraika orang enggau pelayanan ti nulung aku mai orang ngagai Iya. Diatu Iya udah nyaut sampi nya dalam chara ti lebih agi ari sangka aku! Nya bansa tauka gaya Tuhan ti disembah kitai.

## *Perintah Aku Udah Sedia*

Jeremiah nulis, “Kangau ka aku, lalu aku deka nyaut nuan. Aku deka madah ngagai nuan utai ti nyelai, ti enda temu nuan.” (Jer. 33:3). Tu siti ari semaya sampi ti udah ditemu nyadi sereta ulih dikarapka dalam pengidup aku. Tiap-tiap kali Tuhan udah bebasaka aku ngena mayuh berekat pemerih roh ka enda patut diterima aku.

*“Aku enggai ka nuan telepas semua utai ti dipandang tauka dipadah Aku,”* ku Iya bejaku. *“Enda lebih, enda kurang. Semua iya betul-betul baka ti dipandangka Aku ngagai nuan.”*

Lebuh pemanah musim bungai nyau semak, aku ngasaika nadai utai di dunya tu ulih dibanding enggau pemanah Serega. Tumu pagi 1 haribulan Tiga, Tuhan ngabas aku sekali agi, baka chara ti selama tu, lalu bejaku, *“Anak ti berega, tua bisi pengawa ti ka dikereja.”* Iya ngingatka aku sekeda utai ti udah disebut Iya: *“Aku udah milih nuan, Anak, laban nuan udah ngasika Aku. Aku rinduka pengeras ati nuan enggau pengarap nuan.”*

Sekumbang ti udah nyadi Kristin, aku nadai kala kakang ati ka Tuhan. Iya ka bendar, penangi ati aku ka Iya, begulai enggau pengerindu ti besai ka Iya, ngasuh aku enda sanggup deka medis ati Iya. Pekara tu udah ngasuh aku bejalai dalam pengasi dalam pejalai aku enggau Tuhan.

Ku Tuhan bejaku, *“Aku mesti mandangka nuan mayuh agi Printah Serega.”* Iya megai jari aku lalu kami bejalai ngagai tebing tasik. Udah nya tubuh aku belabuh niki ke Serega. Aku ngasaika sekali tu tubuh aku baka ti melepu ukai terebai. Aku diangkat ari dunya tu.

Aku selalu berunding dalam ati diri nama kebuah kami selalu berengkah ari tebing tasik, tang ukai ari tempat bukai, aku nyangka kebuah iya laban tebing tasik tu selalu nadai orang lebu mayu pagi ari. Aku ketawa ka diri empu lebu tinggatka nangka/mua enti tak bisi orang meda kami duai angkat ke Serega. Balat agi jangka aku sida madahka utai nya orang bansa bukai ‘alien’ tauka runding sida udah bekalih. Sida iya disangka enggai madahka orang bukai enggai ka dipadahka orang gila.

Lalu pia mega, aku berunding orang mega nyangka berunding baka nya lebu aku belabuh nusui pasal cherita aku. Runding tu lenyau lebu aku ngasaika pemaik (peace) ti nelusur nengah aku lebu aku ngasaika runding jai nya enda ibuh dikirau laban aku nemu Jesus udah nerima aku penuh. Nyalai, nama kebuah aku patut irauka utai ti disebut orang?

## SEREGA NYA AMAT NYATA

### SITI PENUDUK MAS

JESUS MEGAI JARI aku lebuah kami duai diangkatka ari dunya tu. Kami terengkah ba tempat ti sama, lalu Iya mai aku ngagai kebun buah. Tempat nya besai, bebaris-baris kayu benung bebuah. Tiap-tiap iti kayu benung bebuah lebat sereta mansau. Sida mansutka bemacham-macham buah. Kebun nya besai amat, sampaika nadai pengujung pemanjai iya.

Tuhan ningkilka siti buah bechura kelabu, bebujur baka gamal telu lalu meri ngagai aku. Uдах nya iya ningkilka buah bechura mansau tuai. Aku makai buah nya, tang aku enda ulih ngasaika iya enggau manah. Aku empu uдах nya ningkilka buah mit siti ti bechura mansau jambu lalu meri ngagai Tuhan ngasuh Iya makai. Taja pen aku enda ulih meda mua Iya enggau terang, tang aku ngasaika Iya ketawa sereta senang ati ka utai ti uдах dikereja aku.

Uдахnya, kami angkat ngagai istana burak alai kami betukar ngagai gari Serega. Tuhan duduk ba penuduk Iya ba penuduk Mas. Sekali agi bilik nya penuh ulih mensia ti ngena gari ti manah sereta mahkota baka enggi aku.

Bilik nya penuh ulih pemaik (peace) enggau sembah (worship). Semua orang ngemaruhka diri empu di mua Tuhan. Aku nguji enggau orang, tang pengaga enggau penyamai diasaika aku nagang ari nyembah enggau bebendar nitih ka peneka ati aku.

Bedau lama aku ngasaika utai ti nyadi, Tuhan uдах nukar gari Iya ngagai gari selalu dikenai Iya. Iya megai jari aku lalu mai aku ke luar. Pengalaman aku pasal perintah Serega nyadi kelalu jampat asaika baka video ka diasuh jampat (fast-forward).

Tuhan mai aku bejalai nengah jematan mas ti begantung atas siti sungai ti deras. Tebing sungai nya chukup ami, alai mayuh kayu enggau bungai tumbuh ba kedua piak. Kayu enggau bungai di Serega enda sama enggau iya ti uдах dipeda aku di dunya. Di Serega mayuh agi macham, iya besai, gerai, lebih agi chura sereta lebih manah ari sebarang utai tanam ti uдах dipeda aku ngelamatu. Tempat nya baka cherita dongeng (fairy-tale) baka ti selalu dibacha tauka dipandang ngagai anak mit, tang tempat tu ukai angan-angan tang amat-amat.

### “AKU DEKA NGINTU ANAK-ANAK SIDA”

UDAH BEJALAI ATAS jematan mas nya tadi, Tuhan mai aku ngagai tempat

## *Perintah Aku Udah Sedia*

anak mit—mayuh sida baka ka baru ada—diengkah. Bilik nya besai, baka gudang, lalu iya nadai berapa manah. Iya penuh ulih anak mit ti telanjai, gali semak enggau pangan diri.

“Nama kebuah mayuh endar anak mit ditu?” Ku aku nanya.

“*Tu meh anak mit ka dibuai bala indai sida. Aku ngibun semua anak-anak sida!*” Ku Tuhan nyaut.

“Nama utai deka dikereja nuan enggau sida, Tuhan?”

“*Enti indai sida selamat, sida ulih nerima anak sida pulai.*”

“Nama utai nyadi enti indai sida enda selamat? Nama utai deka dikereja nuan deh?”

“*Indai ke bukai nerima sida lebuah semua anak-anak sida datai ngagai Printah Serega.*”

Nya baru aku mereti semua anak mit tu udah digugurka dalam kandung indai sida, lalu aku belabuh nyabak. Jesus manjung, “*Aku enda rinduka pengawa ngugur ka anak!*” Bunyi nyawa enggau perangai Iya nyadikasar sereta ngeransi, nya baru aku ngasaika, maya sereta udah nya, nya meh pesan ka mesti dikunsi aku enggau semua sida ti ka ninga.

Tuhan enda rinduka pengawa ngugurka anak mit. Tu siti ari dosa ti pemadu jai ba Iya. Jesus udah bejaku, “Awakka sida anak mit datai ngagai Aku, anang nagang sida; laban Printah Allah Taala endang enggi sida.” (Mark 10:14). Jesus rinduka anak mit, lalu aku meda penyiru Iya enggau bala anak-anak mit nya tadi lalu aku meda sereta ningaka Iya.

Semak 1 ari 4 kandung di *United States* saritu beujungka kandung nya digugur. Utai tu ngemediska ati Tuhan. *United States* ngembuan adat ti ngemendarka pengawa begugur, lalu penyampau anak mit ti digugur nyau majak niki. Aku agi meruan ingatka utai dipeda aku di Serega paginya, nya alai aku enda ulih agi imun deka nerangka penyai dosa begugurka anak mit.

Berengkah ari nya, aku belabuh besampika bala indu di menua kitai, minta Tuhan muka ati sida ka pemendar pasal pengawa begugurka anak mit, awakka sida enda ngaga pemutus ka salah tu. Aku diatu nemu pengawa begugurka anak mit bisi akibat ka lama, aku besampi awak ati bala Amerika ti udah keras ka pengawa ti bebunuh bakatu ulih diketuka.

Aku ulih ningaka jaku Tuhan ti ringat lebuah Iya nyebut, “*Aku enda rinduka pengawa begugurka anak mit!*” Serega manah ari tu/Puji Tuhan/Siti pengelantang enggau berekat/Bejalai nengah jalai mas



## SEREGA NYA AMAT NYATA

penuh/Nuan tama ngagai siti dunya alai nuan enda mansang tuai.”

### SITI TEMPAT KA ORANG TI TALUK

TUHAN MAI AKU ngagai siti tempat ti puang di luar pagar perintah Serega lalu mandangka aku mayuh mensia ngena gari bechura pasir, berdiri semak pangan diri, lalu aku meda sida nya berupai tusah sereta sunyi taja pen mayuh sida dia. Aku enda nemu sapa bala sida tu, tang aku nemu Tuhan deka nyaut tanya aku pasal sida lebuah Iya ngasaika aku udah sedia. Iya mai aku ngagai siti bukit ti bisi rumah burak ba kedua piak seduai. Siti sungai magi seduai, lalu bisi kayu ngelinggi ai nya. Ba mua rumah nya aku meda mayuh orang tuai enggau anak mit ti udah ngena gari burak, lalu sekeda sida ngena mahkota. Sida berdiri dia enggau ati ti gaga ti ulih dipeda ba mua sida. Aku ngasaika Tuhan deka mandangka aku sida ti tusah enggau sida ti gaga. Aku besangkaka sida ti gaga nya orang ti udah meri ati sida ngagai Tuhan Yesus Kristus.

Tempat ka nangkanka tu alai kami ngetu iya nya siti rumah burak ti besai alai Jesus mai aku kia suba. Sekali agi, di dalam bilik bisi mayuh orang lelaki, tang nadai mayuh orang indu. “Sapa orang tu?” Ku aku nanya.

*“Tu meh orang ti udah nyadi piring ka Aku.”*

Aku nanya diri empu berapa iku sida nya bala orang kudus ka dipadah dalam Bup Kudus, lalu aku teingatka “ruai pengarap” dalam Hebrew 11, ti nulis pasal sida lelaki enggau indu ti tebilang baka sida Abel, Enok, Noah, Abraham enggau Sarah, sereta enggau utai ka udah diulih sida nengah pengarap. Udahnya aku teingatka siti ayat: “Nadai siku orang tau ngerinduka Allah Taala enti iya nadai pengarap. Laban barang sapa ti datai ngagai Allah Taala enda tau enda bisi pengarap ti arap ka Allah Taala endang bisi lalu ngupah orang ti ngiga iya.” (Heb. 11:6).

Piring Abel lebih manah agi ari enggi Kain laban iya diujuk dalam pengarap enggau pengasi. Abraham sanggup meri anak tunggal iya Isak, ngagai Tuhan netapka pengarap enggau peneka iya deka ngenyamaika ati Tuhan. Lalu aku nemu Tuhan bebasaka piring tu. Iya ka bendar, Iya ngasuh kitai nyerahka semua utai ngagai Iya.

Ari ti mandangka aku bilik tu ti penuh ulih orang ti ngena gaun ti manah sereta mahkota, Jesus mandangka guna piring. Aku ingatka jaku Paul:



## *Perintah Aku Udah Sedia*

“Nya alai bala menyadi, kategal mayuh penyinu Allah Taala ngagai kitai, aku mansutka jaku tu ngagai kita: serah ka diri empu nyadika piring ti idup ngagai Allah Taala, ti tuchi lalu ti dikerinduka Allah Taala. Tu meh jalai ti bendar kita nyembah Iya. Anang nitih ka adat dunya tu, tang awakka Allah Taala ngubah runding enggau ati kita enggau chukup. Udah nya baru kita nemu utai ti dikedeka Allah Taala; nemu utai ti manah ti dikerinduka iya, sereta pemadu kena.”

—(Rome 12:1-2)

## **DIKANGAU MADAHKA DUNYA**

ATI AKU TERANGKAT di dalam lebuah aku nyerahka semua iya ngagai Tuhan enggau Ketuai aku. Tu, aku ngasai, piring ti dipinta Iya ari aku. Udah meda semua utai tu, kami bejalai ngagai istana burak lalu begari ngena gaun ka manah sereta mahkota. Udah nya Tuhan mai aku ngagai pegung alai kami duai lama ngelantangka ati sereta berandau dia. Sekali tu kami duai semina duduk sereta berandau.

Nya baru aku nemu sereta ngasai, dua iti tempat alai Tuhan amat-amat muka sereta bekunsika ati Iya iya nya lebuah kami duai ba tebing tasik enggau di pegung Serega tu. Maya bukai, lebuah Iya mandangka aku sukut Serega, Iya jarang bejaku. Aku rinduka maya lantang tu lebuah Iya ulih madahka aku utai ti beguna ba aku.

Iya ngingatka aku, “*Aku madahka nuan semua tu lalu mandangka nuan semua utai tu awakka nuan ulih madahka dunya.*” Iya nandu pemesai guna pengalaman tu lalu nyebut, “*Aku nemu udah lama mayuh anak-anak Aku berunding Aku enda datai agi ngambi sida. Sekeda sida berunding Aku enda datai agi ka sida, tang Aku dekaka nuan madah ngagai sida Printah Aku udah sedia ka sida ti sedia sereta nganti penatai Aku. Aku deka datai enda lama agi.*”

Sekali agi, aku ngasai bisi penyampat dalam munyi nyawa Iya. Lebuah aku di Serega, semina Tuhan aja bejaku enggau aku. Semua jaku Iya endang beguna. Malikat ti nulung nukar baju gaun aku, pen enda bejaku enggau aku, tang sida selalu tuchum mandangka siti jalai pengadang ngagai aku.

Tuhan mandangka aku tasik ti penuh enggau darah ti kamah sekali agi,

## SEREGA NYA AMAT NYATA

lalu Iya ngujungka penemuai ngagai Serega ngena jaku tu: *"Aku enda kala ninggalka nuan. Aku deka enggau nuan belama-lama iya. Aku deka ngiring semua utai dikereja nuan. Nuan enda irauka semua utai agi laban Aku deka ngereja iya ka nuan. Aku mansutka kuasa ngagai nuan sereta dalam nuan. Nuan ulih ngeraika sida ti sakit lalu ngereja utai ti udah dikereja Aku di dunya. Kunci pemerit tu iya pengarap nuan, Anak."*

Jaku Iya, naka pemanah sereta penyiru, mansutka ai mata dalam samengat aku. *"Anang nyabak, Anak."* Iya nyambung. *"Aku dekaka nuan selalu ingat pemesai rega nuan ba Aku. Aku deka bejaku enggau nuan agi."*

Berengkah ari sari nya aku ngasaika diri idup lebih agi di Serega ari di dunya. Penemuai aku ke serega udah mai perubahan ti tetap dalam pengidup aku. Aku enda tentu begunaka maya tinduk ka lama baka suba, laban aku bisi pengering roh ari atas. Amat bendar, aku nemu Serega nya amat nyata.

## Tusun 6

# *Siti Tempat Dikumbai Neraka*

*Nyepi diri balat pedis di neraka, iya lalu nengkadang katas, lalu meda Abraham jauh bendar ari iya, lalu Lazarus duduk ngimbai Abraham. Nyalai ku iya ngangau, 'Apai Abraham! Kasih ka aku, asuh Lazarus kitu awakka iya nyepuh ka tunjuk iya ka dalam ai, lalu nyelap ka dilah aku, laban aku balat pedis ba api tu!'*

—Luke 16:23-24

**K**ENA 2 HARIBULAN Tiga, Tuhan ngerak aku pukul 3 pagi. Penemuai Iya sekali tu pengelama 3 jam. Baka selama, kami belabuh ba tebing tasik. Sekali tu, Tuhan enggau aku bejalai enda lama. Aku tetanya kini ka tunga Iya mai aku.

Aku meda siti bukit mah ke kanan ti mayuh kayu enggau babas buhai. Di baruh bukit nya, semak enggau pasir, bisi batu galang mit enggau besai. Kami bediri ba batu galang besai, lalu aku meda ai ti chiru betukar nyadi darah. Tu selalu ngasuh aku tusah ati lebuah meda tu ti nyadika pengingat piring Tuhan, lalu aku nengkadang katas, ngingka pala aku ari tasik nya.

Tang tekala nya aku meda bukit nya tadi dipakai api merirang. Tekenyit aku meda tu. Penampak daun api tekala nya ditukar enggau asap ka chelum keretum ti nudung semua utai dia. Orang lari sempepai alai ngagai tebing tasik nya. Aku meda sekeda sida nya telanjai, baka ka sida ninggalka katil sida enggau jampat lalu enda sempat begari. Temati kutu dipeda ba mua sida, lalu belanda enggau naka peneras. Sekeda tetetap, lalu diindik orang ka belanda. Sida baka ti lari ka antu.

Enda lama tebing tasik nya penuh ulih orang takut. Api ti dikelarika sida ngemenuhka tempat nya. Utai ti nyelai iya nya api belabuh merejuk ari tasik ka bebali nyadi darah nya tadi. Aku ngasaika pengujung dunya nyadi ba mua-mata aku.

## SEREGA NYA AMAT NYATA

Letup daun api mangka ari tasik nya baka tanah berenyang, lalu daun api belabuh ngerampit ngagai tebing ai. Utai tu balat ngasuh takut, lalu aku belabuh nyabak lebuah ningaka panjang sida ti semak aku.

Sebedau tu, kami semina duduk aman ba atas pasir ba tebing tasik tu. Utai ti nyadi ba mua-mata aku nya utai ti ngasuh ati takut. Aku nemu Tuhan bisi tuju mandangka aku semua utai tu. Tekalanya, utai dia nyadi baka selama baru.

“Nama kebuah nuan mandangka utai tu, Tuhan?” ku aku nanya.

*“Semua utai ka dipeda nuan deka nyadi enda lama agi. Mayuh orang enda arap ka Jaku Aku, nyalai Aku udah milih nuan nulung sida meda pemendar tu. Utai ka udah dipeda nuan, Aku minta nuan madah ngagai dunya.”*

Bisi pengeringat munyi nyawa Tuhan.

Kami ninggalka batu galang alai kami duduk lalu bejalai nengah pasir. Jesus bejaku sekali agi.

*“Aku mesti mandangka nuan mayuh agi pasal Printah Serega.”* Ku Iya.

Kami nengah chara ka sama kin. Aku sekali agi bisi peluang duduk ba mua tahta Tuhan enggau mayuh agi orang bukai ti ngemaruhka diri di mua Iya. Aku enggau sida nyembah, nyadi tu maya ka balat manah, aman, gaga sereta beberekat.

Penemuai aku ngagai bilik penuduk Tuhan muka mata aku ka pemesai guna sembah dalam pengidup kitai. Tu meh tuju kitai digaga—nyembah Tuhan lalu gaga ka Iya belama iya. Tu meh chara kitai deka idup dalam pengidup ti meruan.

Pemandang ti dipandang ba mua-mata aku sama enggau iya ti dicherita dalam bup Pemandang, ti alai John nulis: “Kemaya nya Roh Kudus lalu bekuasa dalam aku. Di Serega bisi siti penuduk lalu orang siku duduk ba nya. Mua iya bekilau baka batu berega—batu asija enggau batu akek mansau, lalu ngelingi penuduk nya bisi anak rajah ti bechura baka batu samerut.” (Pemandang 4:2-3). Naka meh pengaga ati aku ngasaika utai ti dipeda aku sama sebaka enggau utai ka dipeda John ditulis iya dalam bup ti penjujung bendar dalam Bup Kudus. Tuhan udah bejaku enggau iya sebaka enggau chara Iya nyemput aku, “Datai kitu, aku deka mandang ngagai nuan utai ti enda tau enda nyadi udah tu.” (Pemandang 4:1).

Aku nemu ari utai ti dipadahka Tuhan ngagai aku, mensia enda ningaka jaku dalam Pemandang, lalu diatu Iya ngasuh aku nyebut pesan nya baru awakka mayuh agi orang deka pechaya.

## **BUNGAI, RUMAH BESAI/MANAH, ENGGAU MALIGAI**

JESUS MEGAI JARI aku lalu mai aku ari bilik tahta ngagai siti kebun bungai ti besai sereta manah. Bebanding enggau penyai ti dipeda aku ba tebing tasik tadi, pemaik kebun bungai nya menuhka aku enggau pengerindu. Aku belabuh belagu dalam pengaga, sereta tuchum. Tuhan matahka bungai siti, baka bungai *rose*, lalu meri iya ka aku. Aku seruran megai bungai nya dalam sepemanjai penemuai aku ngagai Perintah Serega nya.

Kebun nya chukup pemesai alai aku enda nemu dini pengujung iya. Iya penuh enggau pemanah, pengerindu, pengaga enggau pemaik Serega. Bau iya lebih agi ari iya ti kala disium aku. Tu meh Serega, iya lebih manah ari ti disangka aku ngelamatu.

Kami bejalai pansut ari kebun nya, nengah siti jalai mit sereta bingkuk ti mai kami ngagai siti bukit dipeda ari atas siti darung ti penuh daun kayu enggau utai tanam bukai. Aku meda mayuh jelu bemain sereta merejuk ba sebelah dan kayu. Aku bisi tepedaka siku rusa ti kering sereta pengerai.

Aku meda bala jelu tu, sida ke selalu dipeda siga, bemain enggau pangan. Nyau ka baka pemandang ari filem Disney ti dikumbai "*Bambi*".

Lebuh aku meda ke bukai, aku meda siti sungai. Ba tebing sungai nya mayuh batu galang, lalu mayuh rumah ba sepiak kiba sungai nya. Rumah tu baka maligai alai orang kaya diau.

Ku Tuhan bejaku, "*Rumah tu diungkupka sida anak-anak Aku ti spesil.*"

Aku berasai tetarit ati meda tempat tu, tang Tuhan nadai mai aku semak kin. Iya semina mandangka aku ari punjung bukit nya lalu meda iya ari jauh.

Meda pemandang nya, aku ngasaika pemendar Jaku Tuhan: "Ku Jesus madah ngagai sida, "Anang ati kita irau sereta tusah. Arap ka Allah Taala, lalu arap mega ka aku. Dalam rumah Apai aku mayuh bilik endur diau, lalu aku deka nyendia endur ka kita. Lalu udah aku kin nyendia endur ka kita, aku deka datai baru lalu mai kita ngagai aku, ngambi ka kitai diau begulai enggau aku." (John 14:1-3).

Bisi maya aku kakang ati nyangka jaku tu semina nyadika jaku sema aja. Diatu aku nemu rumah besai/manah enggau maligai nya nyata, lalu Tuhan udah nyendia endur nya ka kitai. Utai ka beguna agi, Iya dekaka kitai begulai enggau Iya belama-lama iya!



## SEREGA NYA AMAT NYATA

### DARUNG NERAKA

TUHAN MAI AKU ngagai tempat bukai di luar pagar Perintah Serega. Kami majak niki bukit nya, lalu lebuah kami niki tinggi-setinggi jalai nya nyadi mar se-emar. Kami bejalai nengah jalai sempit nya pama pengelama, udah nya kami datai ba siti lubang tanah ti petang. Lebuah kami pansut ari lubang tanah nya, aku meda kami terpaksa niki siti bukit ti tinggi agi. Bisi nyelai mimit ba aku Serega bisi lubang tanah ti petang enggau jalai ti mar.

Lebuah kami datai ba tuchung bukit nya, aku meda api enggau asap chelum niki ari siti darung ti dalam. Iya nyau baka gamal tanah berenyang, di dalam aku ulih meda api nganguska mayuh orang ti manjung sereta nyabak dalam pemedis ti semina orang ti kala betu ulih nemu.

Bala sida tu telanjai, nadai bok, bediri semak enggau pangan, nginsit baka ulat, lalu api nya nganguska tubuh sida. Orang ka udah kia nadai siku ulih lari—dinding iya kekalu tinggi deka ditiki, lalu batu arang ka angkat bisi di tisi-tisi dinding.

Taja pen Tuhan enda madahka aku tu, aku nemu diri bediri semak neraka. Iya lebih agi jai ari ti dipadah dalam Bup Kudus: “Udah nya tasik nyerahka orang ti udah mati dalam iya. Pemat i enggau dunya pemat i mega meri pulai ngagai orang ti mati ti kena tan ka seduai. Lalu semua kena pechara nitih ka pengawa ti udah dikereja sida. Udah nya pemat i enggau dunya pemat i lalu dibuai ngagai danau api. (Danau api tu pemat i ti kedua). Barang ti nadai nama ditulis dalam Bup Pengidup dibuai ngagai danau api magang.” (Pemandang 20:13-15). Sepemanjai Injil enggau bup Pemandang, Jesus enggau bejimat madahka kitai pasal penyai tauka pemedis neraka.

Daun api merejuk enggau nadai sangka ari semua sukut. Mensia nginsit ke bukai, lalu udah sida nyangka diri selamat, siti daun api mangka baru. Nadai belelak ka sida tu ti udah ngereja dosa; sida deka diau ditu belama-lama iya.

“Sapa orang tu?” ku aku nanya.

“Anak, sida tu iya nya orang ti enda nemu Aku.”

Iya nyebut jaku tu enggau nyawa ti tusah. Aku ulih madah Tuhan enda senang ati ka pemandangan ti dipeda di mua kami duai; nya ngasuh Iya balat tusah ati. Aku nemu Tuhan nadai kuasa atas tunga pejalai mensia ti enggau sengaja ngenggai ka Iya. Sida tu meh orang ti pedis merinsa ba darung nya.

### *Siti Tempat Dikumbai Neraka*

Aku nemu dua iti utai ti beguna dikunsi enggau orang bukai. Siti, *Serega Nya Amat Nyata*; siti agi, neraka nya nyata mega. Aku nemu mayuh mensia enda arap ka dua buah tempat tu, lalu nemu tu nyadi siti pengawa (mission) aku mandangka sida pasal pemendar pengidup lepas ari dunya tu.

Aku nemu apai-indai aku nadai kala meri ati seduai ngagai Jesus, nyalai aku belabuh berundingka sida.

“Tuhan, kati baka apai-indai aku?” Aku nanya. “Aku nemu sida enda selamat, tang sida orang manah.”

“*Minta ampun, Anak. Nadai utai ulih kereja Aku ka sida ti enda nemu Aku.*” Munyi nyawa Tuhan tusah lebu Iya nyebut tu.

Pemesai reti Jaku Iya lekat ba aku lebu aku ngasaika apai enggau indai aku mesti dua iku ari sida ti dipeda aku ba darung neraka. Aku nyabak sepemanjai Iya mandangka aku pemandang neraka.

Tuhan negu pala aku, lalu megai jari aku, mai aku ke baruh lubang ti petang nya, kami datai ba siti jalai ti kasar sereta panjai beujung ba lubang darung. Jalai bukit tu neres kayu tinggi enggau batu galang besai. Lebu kami datai ba tuchung, aku meda ke baruh ngagai darung ti bechura pirang sereta nadai pengidup. Semua tempat nya penuh enggau rumput ti udah mati.

Aku meda mayuh bendar orang ti ngena gari bechura pasir segau-segau di nyawa darung nya. Pala sida engkenduk baruh, baka ti udah ditinggal orang sereta nadai pengadang.

“Sapa orang tu?” Aku nanya.

“*Sida tu orang Kristin ti enda ngasi.*”

“Berapa lama sida diau di tempat ti puang, nadai pengidup tu?”

“*Belama iya, Anak. Orang ti tama ngagai Printah Aku iya nya sida ti ngembuan ati ti tuchi—Anak ti ngasi.*”

Iya nerang agi: “*Mayuh orang ti ngumbai diri empu ‘Kristin’ enda idup dalam Jaku Aku, mayuh sida nyangka pegi ke gerija sekali seminggu nya chukup. Sida enda kala macha Jaku Aku, lalu sida ngemansangka utai dunya. Sekeda sida nemu Jaku Aku tang ati sida jauh ari Aku.*”

Anggur enggau tuju Tuhan belabuh terang agi dalam runding aku. Aku ingatka Jesus bisi nangkan, pedis tama ngagai Perintah Iya, lalu diatu aku bisi seling mimit reti iya.

“*Anak, Jaku Aku udah nyebut pedis deka tama ngagai Printah Serega,*

## SEREGA NYA AMAT NYATA

*tang mimit sida ti arap ka tu lalu meretika reti iya. Aku mandang utai tu ka nuan awakka nuan ulih nangkan sida,” Ku Iya nerang.*

Kena nerangka tu enggau silik agi, Tuhan mai aku ngagai maligai ti kala dipeda aku suba. Lebuhi kami datai semak, aku meda jalai nya digaga ari mas tuai lalu semua maligai nya diiyas enggau batu kacha ti manah. Tu pemendar—jalai di Serega digaga ari mas penuh!

Aku tetenguk deka datai ngagai maligai nya, tang Tuhan nagang aku, ku Iya, *“Ila Aku mai nuan kin.”* Aku berasai asa, tang aku ngasaika diri chukup beberekat udah meda nengeri tu alai sida orang tuchi deka diau.

## BARANGSAPA TI DEKA

TUHAN ENGGAU AKU pulai baru ngagai tempat kami begari, ngena gari ti manah enggau mahkota, udah nya bejalai ngagai pegung lalu duduk atas batu galang. Aku enda ulih tentu ngasaika pemanah tempat nya laban ati aku agi berundingka pemandang enggau pengingat pasal neraka.

Aku selalu ingatka apai enggau indai aku—pekara tu balat ngenusahka ati aku ngenang seduai diatu di neraka. Aku kelalu balat tusah. Aku nemu enggau bendar seduai nadai nemu Jesus laban nadai orang kala meritaka Injil ngagai seduai.

Jesus meda dalam aku lalu bejaku, *“Nuan enda lantang ati.”*

“Ya, Tuhan,” ku aku nyaut, Tuhan nemu kebuah aku tusah ati baka nya.

Udah nya kami duai sama enda bejaku. Udah nya aku bejaku, “Tuhan, aku enggai ninggalka nuan.” Iya meh semina siku penyelamat ti bendar ti udah ditemu aku.

*“Anak, mayuh utai deka dikereja nuan. Aku ngasuh nuan nulis bup. Bup tu berguna lebuhi pengujung dunya, iya deka disalin dalam mayuh bengkah jaku. Aku milih nuan ka pengawa tu sebedau nuan ada, nya kebuah Roh Kudus ngusak tubuh nuan—namaka kuasa Aku ngagai nuan. Enti nuan nadai kuasa Roh Kudus, Aku enda ulih ngena nuan. Nuan mesti ingat kuasa Aku belabuh bekereja dalam nuan terubah nuan muka ati ka Aku. Nuan anak ti dikarapka Aku kerejaka Aku.”*

“Tuhan, aku enda nemu utai.”

“Nuan enda ibuh nemu. Aku deka ngajar sereta ngiring nuan dalam semua utai. Padah ngagai orang Aku besedia ka sapa-sapa ti sedia sereta nganti Aku. Aku rinduka nuan, Anak.”

### *Siti Tempat Dikumbai Neraka*

Aku belabuh nyabak, Tuhan megai jari aku lalu bejaku, "Aku mai nuan pulai."

Udah kami nukar gari lalu pulai ke tebing tasik lalu duduk dia enda lama. Tuhan bejaku enggau aku, "*Aku agi mayuh deka dipandang ngagai nuan, Aku ngasuh nuan nganti Aku.*"

"Tang kami bisi anggur deka nemuai ngagai rumah anak aku minggu baru."

"*Diau di rumah, Anak. Aku enda ngasuh nuan bejalai ke bukai dulu. Utai dikereja Aku enggau nuan tu beguna ba Aku enggau semua anak-anak Aku. nyalai aku ngasuh nuan numpuka runding nuan ba utai dipandang sereta dipadah Aku dataika semua iya udah tembu. Sabar.*"

"Aku deka ngereja semua utai ti diasuh Nuan." Ku aku. "Nadai utai lebih berguna agi ari pengawa Nuan."

"*Terima kasih, Anak. Mayuh agi pengawa deka dikereja nuan. Aku nemu nuan lelak, nyalai belelak diatu.*"

Iya ninggalka aku, tubuh aku badu agi begetar. Udah nya, baka selama, aku nulis semua utai ti udah dipeda sereta didinga.

Iya ka bendar, Pengarap Kristin tu kelalu mudah alai mayuh orang enda tetitih tauka tepedaka iya. Mensia deka bendar ngasuh utai mar, nyengkaum iya ka besangkut-paut enggau pengarap. Jesus semina dekaka orang datai ngagai Iya dalam pengarap awakka Iya ulih ngiring sereta nulung sida.

Aku diatu nemu, lebih ari suba, sapa-sapa ti deka ulih datai ngagai Iya ulih nerima pengidup ti meruan. Jaku Iya terang madah: "Tuhan kelalu balat rinduka dunya alai Iya meri Anak Tunggal Iya, barangsapa ti arap ka Iya enda mati tang bulih pengidup ti meruan" (John 3:16).

### **DARUNG TI BERASAP**

ARI SITI—3 haribulan Tiga—penuh enggau pengalaman baru ari Tuhan. Ari pukul 2.30 pagi ngagai 4.50 pagi Tuhan bisi enggau aku. Iya bejaku: "*Anak, Tuhan nuan tu. Aku nemu nuan lelak, tang aku mesti mandangka nuan mayuh utai agi.*" Pengelama 15 minit sebedau Iya datai, tubuh aku begetar enda ulih tagang.

Iya ngambi jari aku lalu kami bejalai nengah tebing tasik. Sekalitu tempat baru, mayuh kayu enggau babas. Kami niki siti jalai sempit ti

## SEREGA NYA AMAT NYATA

penuh enggau kayu sereta babas. Kami bejalai nengah jalai nya ti mai kami majak niki-sa-niki. Datai semak tuchung nya kami duduk ba batu galang siti ti baka gamal beruang.

Aku meda ngagai tasik, aku meda ai iya betukar nyadi darah baru. Aku meda mensia belanda ba tebing tasik nya. Sida ukai orang ka selalu 'jogging'; sida belanda dalam penakut enggau temati kutu. Pemandang ti dipeda kami ngasuh kami nemu nama utai ti dikelarika sida.

Ba sepiak kiba aku rumah-rumah ti beduduk atas bukit nya semua diempa api. Pemalat daun api lebih balat agi ari api ti nganguska kampong di California Selatan tiap taun.

Udah nya, aku meda api ti besai pansut ari tiap sukut. Mensia kena laban api. Sekeda merejuk ngagai tasik ngidupka nyawa, tang lebuah sida datai ba ai, sida terap laban api. Tiap iku sida baka lampu pichit. Aku belabuh manjung takut pia mega kasih ka sida ti dipeda aku.

Tasik ti penuh enggau darah nya betukar nyadi kawah merirang. Pasir baka api arang bakau. Mensia lari ka api ti ngagai sida, ngelinggi sida lalu nilat tubuh sida. Mayuh sida telanjai lalu nadai utai ninding tubuh ari api.

Nadai guna, nadai ulih lari ari munsuh ti ngagai. Sida enda ulih lari ke bukit laban bukit mega dipakai api. Nadai tempat ti selamat.

Aku manjung tiap kali, lalu aku belabuh nyabak: "Tuhan, nama utai nyadi?"

*"Nuan mesti ingat, Anak, Aku mandangka utai tu awakka nuan ulih madah ngagai tiap iku orang nama utai ti ka nyadi enda lama agi."*

"Kemaya utai tu nyadi, Tuhan?"

*"Udah aku mai anak-anak Aku pulai ke rumah. Mayuh orang enda arapka Jaku Aku. Nya kebuah Aku ngasuh nuan nulis siti bup ti nyeritaka pengalaman nuan enggau Aku. Aku dekaka seluruh dunya meda bup tu, lalu Aku dekaka sida ngasaika Aku sedia nerima sida. Aku rinduka semua anak-anak Aku, tang Aku enda ulih mai sida ngagai Printah Aku enti sida enda sedia for Aku. Aku enggai mejal anak-anak Aku ngereja sebarang utai enti sida nadai ati ka Aku. Aku udah lama ngaga anggur ka nuan ngereja pengawa tu laban Perintah Aku udah sedia diatu."*

Tuhan terpaksa ngingatka aku pasal anggur Iya laban aku agi tebelenga pasal Iya ti udah milih aku ka pengawa ti besai bakatu. Aku enda ulih terundingka pemesai pengawa tu.

Pesan ari Jaku Tuhan nya amat berguna. Bisi sepiak aku deka narit diri



### *Siti Tempat Dikumbai Neraka*

ari pengawa ti besai tu, tang semaya aku ti deka ngasika Tuhan dalam semua utai ngasuh aku agi mengkang. Aku nemu Iya nyendia aku ka pengawa Pengujung Dunya, aku berasai gaga tang bisi mega penangi. Aku nemu mayuh utai patut diaduka Tuhan dalam pengidup aku.

*“Aku deka mai nuan ke Serega baru.”*

Udah kami datai di Serega, kami enda nengah chara ti selalu ditengah kami. Tuhan tekalanya mai aku ngagai darung ti dipeda kami kemari di luar pagar Perintah Serega. Sekalitu kami enda nukar gari. Datai kin, kami bejalai nengah bukit, nengah lubang tanah petang lalu ngagai tuchung bukit nya. Lebuhi kami datai ba tuchung, kami merening ke baruh darung ti dalam sereta besai sereta nadai pengujung.

Pemandang nya ngasuh aku takut sereta richau. Ku Tuhan bejaku, *“Aku ngasuh nuan meda tu baru.”*

Pedis endar meda darung neraka tu, tang tekalanya aku meda siku gamal orang ngepai ngagai aku. Nengah asap nya, aku ulih nentu ka iya nya indu. Udahnya aku ninga nyawa iya. Iya bejaku dalam jaku Korea, iya belabuh manjung: *“Angat! Angat!”*

Aku nemu nyawa nya. Asap lalu lenyau, aku merening terus ngagai mata indu ti pedis nya. Aku tekalanya ngelala iya nya indai aku! Iya ngedarka jari kanan iya lalu ngepai ngagai aku, nyebut, *“Kelalu angat, kelalu angat!”* Aku ingat enggau terang mata kami duai betentang, chara mata iya minta aku nulung iya.

Indai aku empu manjung minta tulung ari darung neraka. Jantung aku ngetu. Lungga putus pengadang ngachuk jantung/ati aku. Indai aku empu di neraka! Aku asaika ditinggang utai ti alai aku duduk. Aku naka penginein deka nyapai jari indai aku awakka ulih ngangkatka iya ari api ti malut tubuh iya. Tu meh maya ka pengabis iya jai dalam pengidup aku!

Nadai jaku dalam kamus ti ulih nyerita tauka madahka asai aku maya nya. Takut, putus asa, ringat, sinu, tusah, enggau nadai pengadang. Aku ngasaika tu meh ti deka diasaika indai aku belama-lama iya.

Indai aku mati lebuhi umur iya 40 taun, tang mua iya sama enggau ka diingat aku. Iya bajik, tang gamal iya ngambarka pemedis ti diasaika iya dalam darung neraka. Aku kelalu ingin deka negu iya, kerap iya, deka madahka iya semua utai nya MANAH, tang aku nemu utai tu enda ulih nyadi nyata laban tegal chara iya milih pengidup. Aku nemu diri enda ulih nulung iya—indah Tuhan empu enda ulih nulung iya laban iya enda nemu Tuhan.

## SEREGA NYA AMAT NYATA

Iya enda nemu Tuhan laban nadai orang kala meritaka injil ngagai iya. Ari ti enda nemu Tuhan ti mai orang ngagai neraka, lalu nya kebuah aku deka nusui ka seluruh dunya tentang darung neraka ti dipeda aku enggau Perintah Serega ti sangat manah.

Udahnya aku meda apai aku, indai-tiri aku enggau siku pangan semak aku ti udah mati lebuah umur iya semilan belas taun. Semua sida tu di neraka magang! Gamal sida sama enggau dikingat aku, tang mua sida dipeda aku merabiyai ari pemedis ukum sida. Aku ngasaika diri enda ulih nerima tu agi, nya alai aku ngingka mua aku ke bukai.

Udah nya aku ninga siti nyawa ti teleba didinga manjung ari neraka. Nya jaku siku pangan ti mati sepuluh taun ti udah. Sepiak iya nya anak menyadi aku ti mati lebuah umur iya 20 taun. Pengujung sekali aku meda iya, umur iya 10 taun, gamal iya sama enggau iya ti diingat aku, tang semina iya tinggi agi.

Aku belabuh nyabak enggau enda ulih tagang. Sepengelamatu aku udah nyabak, duwi-duwi baka anak mit. Mayuh endar orang ti dikerindu aku enggau pangan aku udah ngaga pilihan ti salah ti udah ngasuh sida ngagai api neraka belama-lama iya! Tu kelalu balat deka ditanggung aku!

Sekeda sida, aku nemu, udah kala ninga pasal Tuhan, tang aku ngasai nadai orang kala nerang ngagai sida sapa Jesus nya. Aku ngasai enti sida nemu sapa Jesus nya, sida nyangka enda ngagai pilihan ka salah baka nya. Aku tetenguk deka madahka sida pasal Iya ti madah, "Aku tu meh jalai, pemendar enggau pengidup. Nadai siku orang ulih datai ngagai Apai enti enda ulih Aku." (John 14:6).

Darung neraka nya jauh ari kami, tang iya nyau ka baka aku bisi terupung ti ngasuh aku ulih meda sida tu enggau semak. Aku enda ulih ngetanka ai mata aku pansut, lalu Tuhan malit ai mata aku lalu murus bok aku. Nya baru aku ingatka Tuhan mega tusah sereta sinu ati baka aku, laban aku ngasaika Iya mega nyabak enggau aku. Ku Iya bejaku mechahka sunyi.

*"Kebuah aku mandangka tu, Anak, awakka nuan lebih mereti, nadai milih pemanah mensia, enti sida enda nemu aku, sida deka ngagai api neraka enti sida enda nerima Aku."*

Aku nganggukka pala.

*"Aku nemu apai-indai enggau pangan nuan nya orang manah dalam*

## *Siti Tempat Dikumbai Neraka*

*mayuh jalai, tang sida enda selamat. Nya kebuah tu meh tempat sida. Ditu meh alai sida belama-lama iya.*

*“Anak, Aku nemu nuan tusah ati meda sida, nya alai nuan mesti nyengkaum tu dalam bup ti deka ditulis nuan ka Aku. Nya kebuah Aku mandangka nuan apai-indai nuan enggau sida bukai ti dikingat nuan. Nuan mesti nangkan sida di dunya tentang pemendar neraka. Aku deka mayuh samangat selamat sebedau Aku datai deka ngelumuka gerija Aku ka Aku Empu. Apai Aku rinduka semua anak Iya, tang Iya udah meri Aku sekeda adat ti mesti dititih. Lebuah Aku meda kaban dikerindu nuan, pemedis Aku lebih dalam agi ari enggi nuan, tang Aku mesti nitihka Jaku Apai Aku. Lebuah orang nya ngagai neraka, nadai jalai deka mai sida pulai pansut baru. Aku dekaka orang ti enda selamat nemu tu—pemendar neraka tu belama iya. Aku rinduka tiap iku anak-anak Aku, tang aku enda ulih mejal sapa-sapa rindu tauka ngasika Aku. Enti sida muka ati sida ka Aku, Aku ulih nulung sida arap ka Aku lalu rinduka Aku. Aku deka nyelamatkan mayuh samangat ka ulih. Aku dekaka semua orang ti arap dini-dini alai meritaka Injil. Tu utai ti beguna ba Aku.”*

*Tu udah chukup. Aku udah chukup meda sereta ninga ti ngasuh aku gawa bebendar lalu enda mantul. Kati jalai aku ulih imun lepas utai ka udah dipeda sereta didinga aku?*

*Aku deka madahka semua orang pasal Jesus awakka sida ulih nerima pengidup meruan di Serega. Nadai utai di dunya lebih beguna ari tu. Apai-indai aku empu, enggau sekeda ruang bilik kami enggau pangan bukai diatu di neraka. Aku enda sampai ati meda orang ngagai neraka. Aku gaga ati lebuah aku nemu bup aku tu datai ba mayuh orang ka mesti nemu neraka nya nyata baka serega.*

*Taja pen utai dipeda aku di neraka udah ngasuh urat aku penat, iya udah nanam siti peneka ati dalam roh aku ti enda ulih lenyau. Aku pasti nadai siku orang ti ulih digagai aku deka ngenggaika pemendar neraka enggau Serega. Serega Nya Amat Nyata, lalu aku dekaka semua orang enggau aku kia. Aku nemu tu mega peneka Tuhan. Iya nyebut dalam Jaku Iya:*

*Tuhan enda lubah ngereja utai ti udah disemaya iya, munyi ku sekeda runding orang. Tang iya udah liat ati enggau kita, laban iya endang enggai ngerusak sebarang orang, tang iya*

## SEREGA NYA AMAT NYATA

*dekaka semua orang ngesal sereta ngelengka ka dosa diri. Tang Hari Penatai Tuhan deka datai baka penchuri. Lebuah hari nya langit deka lenyau enggau munyi ti inggar, utai di langit deka angus lalu dirusak, lalu dunya enggau samua utai ti dalam iya deka lesap.*

—2 Peter 3:9-10

Pengujung dunya endang semak kitai. Tuhan udah sabar enggau kitai sampai ke diatu, tang Iya nyendiaka diri deka datai baru nerima anak-anak Iya ngagai Iya Empu. Mayuh sida ti agi tinggal di dunya deka ngasaika neraka di dunya sebedau sida diangkat katas ngagai api ti merirang belama-lama iya. Tugas aku iya nya nangkan seluruh dunya pasal utai ti ka nyadi tu ti 'enda tentu jauh ari kitai.'

## Tusun 7

# *Maranatha!*

*“Amat bendar!  
Aku deka datai enda lama agi.”*

---

—Pemandang 22:20

UDAH MEDA GENERA ti balat ngenakutka pasal neraka, Tuhan enggau aku niki siti bukit, mansa lubang tanah ti petang, lalu pulai ngagai tempat ka dikumbai aku “bukit jelu”. Tempat ti manah tu dicheritaka aku ba tusun ti sebedau tu—tempat alai semua jelu diau dalam pemaik enggau pengaga.

Bup Kudus bisi nyerita pasal tempat alai jelu tu dalam bup Isaiah, alai nabi nyebut::

Apin tembu sida besampi, aku udah nyaut sampi sida. Ukui kampong engau anak domba deka begulai makai, lalu singa deka makai rumput rangkai—baka sapi. Ular nadai agi tau nganu. Ba Sion, bukit kudus aku, nadai agi utai ti tau nganu tauka jai.

—Isaiah 65:24-25

Udah meda api mangka balat di neraka, tempat tu ngasuh aku lantang ati. Serega tu tempat ti penuh ulih pemaik enggau pengaga enti dibanding enggau pemedis neraka. “Bukit jelu” Tuhan nya tempat ti penuh ulih pengaga enggau pengelantang.



## SEREGA NYA AMAT NYATA

Balat pengaga lebuah meda jelu begulai enggau kitai di Serega. Mayuh orang nanya kati jelu tupi sida deka ke Serega, aku gaga madahka sida Serega tu tempat alai bungai ti manah, jelu enggau panchar mulia alai mensia enggau jelu idup begulai lalu nadai ngasaika pemedis, pengemar tauka pemerinsa agi.

## MALIGAI MAS

UDAH PENEMUAI RINGKAS kami ngagai Serega alai jelu, Tuhan enggau aku pulai baru ngagai tempat ai alai kami meda rumah ti perenching enggau maligai ba tengah jalai mas tulin. Kami mansang ngagai siti ari maligai nya, lalu Tuhan muka pintu ka aku. Jaku aku nadai chukup penumbas deka nyerita pemanah dalam iya. Dinding iya digaga ari kacha ti mayuh macham chura lalu iya perenching naka pemalat.

Aku muka mulut aku tekenyit lalu enda ulih nutup iya laban aku nadai kala meda utai ngemanah nya. Aku nyangka diri bemimpi, tang tu maligai ka bendar; nadai aku kakang ati.

Tuhan duduk besila atas kerusi lebuah aku niki siti tangga ti besai, besai ari iya ti dipeda kitai ba *Gone With the Wind*. Aku kagum betatika pemesai bilik di atas.

Ba atas tangga, aku meda siti tikai pedani burak (white carpet). Aku tama siti bilik pupur ti besai, cheremin bekilat-kilat di merata tempat. Sida manchar ngasuh bilik nya terang, lalu bemacham-macham chura ulih dipeda di dinding. Tempat tu jauh lebih manah ari ni-ni maligai ti ulih diangan-angan kitai.

Pemanah pemandang ti dipeda aku tu belabuh lesap laban pengingat ti kelalu balat. Pemandang indai aku tepampang ba mua aku, ngasuh aku sekali agi balat tusah ati. Aku nyungkurka diri ba tikai pedani lalu nyabak.

Aku ninga Tuhan nganguka aku ari baruh, nyalai aku lalu angkat, ngendas mua diri lalu pulai ke baruh. Tuhan bediri lalu aku mansang ngagai Iya. Iya megai jari aku lalu nanya, "*Kati nuan rinduka rumah tu?*"

"Chukup manah, Tuhan, tang aku enda tentu lantang. Tiap kali aku ke Serega ngelamatu aku selalu gaga lalu belagu dalam roh, tang sekalitu aku enda ulih."

Tuhan nganggukka pala baka Iya endang mereti, udah nya Iya megai jari aku lalu mai aku pansut ari endur nya. Kami bejalai nengah jematan

## *Maranatha!*

mas ngagai rumah burak alai kami selalu nukar gari. Di rumah burak nya, Tuhan ngenemu ka aku enggau siku orang lelaki. “*Aku dekaka nuan betemu enggau Abraham,*” ku Iya.

### **SITI NENGERI UDAH NGANTI**

ABRAHAM! APAI PENGARAP enggau pengasi—siku mensia ti udah ngelaban tauka nginkar seluruh dunya lalu madahka semina siku aja TUHAN. Tu meh siku ketua ti udah numbuhka pengarap ‘Judaism’ lalu nyendiaka jalai ka Kristus. Tu siti basa ti besai udah betemu enggau orang ti manah bakatu ti dicherita ka penulis bup Hebrew ti madah:

Ulih pengarap, Abraham ngasika Allah Taala ti ngangauka iya mansang ngagai menua ti udah disemaya Allah Taala deka diberi ngagai iya. Iya ninggalka menua iya empu—enda nemu bagi menua ti digagai iya. Ulih pengarap, iya diau ba menua ti udah disemaya Allah Taala ngagai iya, baka ti diau ba menua orang bukai. Iya diau dalam langkau kain sebaka enggau Isak seduai Jakop, ti sama nyambut semaya nya ari Allah Taala. Nyadi Abraham endang udah nganti nengeri ti di-atu sereta digaga Allah Taala, nengeri ti bisi tiang batu pemun ti meruan.

—Hebrew 11:8-10

Diatu aku nemu Apai Abraham udah nerima upah ari pengarap iya. Iya diau belama iya di “nengeri ti alai pemun, orang ti ngaga sereta nempa iya nya Tuhan,” lalu aku bisi dia enggau iya! Kelalu dalam ba aku deka mikirka utai tu.

Abraham dipeda aku bemeruah, baka orang pemesai, lalu bok enggau ragam iya bechura burak sereta panjai. Taja pen iya dipeda tuai, tang mata iya bekilat enggau pengaga baka orang ti agi biak. Iya ngengkahka jari iya ba aku lalu nyebut, “Anak indu.”

Tuchum ari mua iya ngasuh aku nemu berekat iya udah diberi dalam pengidup aku, lalu rinduka orang tu alai seluruh dunya enggau aku empu udah terutang budi. Lebih ari orang bukai Abraham udah ngajar kitai “nadai siku orang tau ngerinduka Allah Taala enti iya nadai pengarap. Laban barang sapa ti datai ngagai Allah Taala enda tau enda bisi pengarap

## SEREGA NYA AMAT NYATA

ti arap ka Allah Taala endang bisi lalu ngupah orang ti ngiga iya” (Heb. 11:6).  
Iya tu siku ari orang tuai enggau nabi dulu ti disebut bakatu:

*Tang menua ti diadang sida nya menua ti badas agi, iya nya menua Serega. Nya alai Allah Taala enda malu ka sida ngumbai iya Allah Taala sida, laban iya udah nyendia nengeri ka sida. Ulih pengarap, Abraham meri anak lelaki iya Isak ka piring, lebu Allah Taala nguji iya. Abraham nya meh orang ti udah endur Allah Taala besemaya, tang taja pia, iya besedia deka meri anak tunggal iya ka piring. Allah Taala udah bejaku enggau iya, “Ari Isak nuan deka bulih turun menurun.” Dalam runding Abraham, Allah Taala ulih ngangkatka Isak ari mati—tau mega kitai ngumbai, Abraham amat nyambut Isak ari mati.*

—Heb. 11:16-19

Keterubah iya dalam pengidup aku, aku tepedaka mayuh pemendar dalam ayat tu enggau terang. Tuhan udah nyendiaka siti nengeri ka Abraham, sereta ka semua kitai ti arap sereta ngasi. Abraham, baka Tuhan, udah sanggup meri anak tunggal iya, penuh pengarapka Tuhan ulih ngangkatka Isak ari mati enti nya nyadi baka nya.

Baka nya mega, Apai kitai di Serega meri Anak Tunggal Iya Jesus—nyadika piring ka dosa kita. Iya diregang sereta ditumbak, tang ari ti ketiga Tuhan ngangkatka Jesus ari mati, lalu laban pengangkat Iya kitai mensia enda takut ka pemat agi!

Abraham ngangauka siku malikat nyadika pengiring aku. Malikat nya mai aku ngagai bilik pupur alai aku begari ngena gari Serega enggau mahkota. Uдах nya Tuhan mai aku baru ngagai pegung nya.

Tiap kali Tuhan mai aku ngagai pegung nya, maya aku datai dia aku belabuh belagu sereta betanda, tang sekali tu aku semina deka nyabak. Tuhan nemu pemalat penusah aku. Iya ngelakka aku duduk semak Iya, lalu Iya belabuh bejaku.

## DARUNG KELEMAYANG PEMATI

JESUS NGASAIKA PENUSAH dalam ati aku lebu aku meda apai-indai enggau

## *Maranatha!*

kaban ti dikerindu bukai di neraka.

*"Anak," ku Iya, "Aku nemu asai nuan lebu nuan meda bala nuan di darung neraka. Ka enggai Aku mai nuan meda pemandang tu, tang Aku enggaika anak-anak Aku pegi ngagai tempat alai bala nuan diatu. Aku mandangka nuan semua utai tu awakka sapa-sapa ti ningaka tangkan tu deka selamat!"*

Udah nya Tuhan megai jari aku, kami pulai baru ngagai tempat Abraham tadi. Kami begari baru, udah nya Iya mai aku ngagai bukit siti ti tinggi alai aku ulih merening ke baruh ngagai siti darung alai bejuta-juta orang ngena gari bechura kelabu dipeda baka ka dikenggaika orang. Gari sida ngingatka aku gari ti dikena orang sakit di spital.

Sida nya lembut sereta lenyau, mua sida ka kelabu tetangkup ka chura gari sida. Sida merening ngagai tanah dimua kaki sida lebu sida bejalai dalam bentuk segala, nadai tuju tauka penunga tauka pengadang. Tempat tu mayuh agi lelaki lalu mimit indu.

*"Sapa orang tu, Tuhan?"*

*"Sida tu orang Kristin ti bedosa."*

*"Nama utai ti ka nyadi ba sida?" ku aku nanya enggau inggar.*

*"Mayuh sida deka ngagai api neraka udah maya Pechara."*

Aku betanya ka diri empu nama kebuah sida dia, udah nya aku ingatka darung sida nya beujung ba darung ka be-api. Sida tu ka ngumbai diri "Kristin" ti kebendar enda nemu Tuhan, ti majak dalam dosa, ti enda ngesal ati ka dosa sebedau sida mati tauka sebedau sida diangkat (Rapture) deka lenyau belama iya.

Rome 1:29-32. Galatia 5:19-21 enggau Pemandang 21:8 nyadi semua banding baka ni sekeda Kristin idup. Bisi orang nanya aku baka ni orang Kristin ti bedosa ulih tama ke Serega. Kitai semua mesti ngadap Penuduk Pechara Kristus nerima utai di udah ditaga ka kitai utai ti udah dikereja lebu di dunya, sekalika manah tauka jai (peda 2 Kor.5:10).

*"Anak, nya kebuah Aku selalu madahka nuan guna ngintu diri ngasi sereta kudus," pia ku Jesus.*

Udah nya aku ngasai—tiap kali kami ngagai tempat ti manah-manah di Serega kami niti siti jematan mas, ngagai rumah burak alai kami begari. Lebu Tuhan mai aku meda tempat ti jai baka nya, kami bejalai nengah jalai bukai ti ari luar Printah Serega.



## PENUSAH ENGGAU PENGAGA

PEMERETI ATI TU nulung aku meretika 'persediaan' ti deka ditengah kami sebedau aku dipandang tempat ti bukai di Perintah Serega. Nya alai, enda ibuh kami begari baru lebuah Tuhan mai aku ngagai tebing tasik nya. Sekali tu, kami duduk ba pasir, lalu aku belematika semua utai ti udah diasaika aku. Aku belabuh nyabak lebuah teingatka pemandang ba darung neraka. Tuhan megai jari aku lalu bejaku, "*Anang nyabak, Anak.*"

Tu pesan ti pemadu pedis di-asaika, tang aku ngeringka diri ngelaban pengingat ti pemadu jai, nagang ai mata lalu belabuh nanya tanya ti bisi dalam runding aku.

"Tuhan, aku enda nemu utai, sapa aku tu. Baka ni chara nuan ulih ngena aku?"

"*Orang nyangka berunding nuan tu nadai nama, tang Aku dekaka nuan mereti dalam ati nuan, nuan tu anak ti spesil. Aku ngaga nuan baka pangan Aku, lalu Aku arapka pengimun nuan. Anang irauka nama-nama. Aku deka ngatur semua iya ka nuan.*"

"Kemaya nuan mai kami pulai ke rumah?"

"*Nuan udah meda Perintah Serega. Semua iya udah sedia, nya kebuah Aku berumbanka tiap orang ti sedia ka Aku. Nya kebuah Aku ngasuh nuan ngereja pengawa tu ka anak-anak Aku. Nuan udah diberi urapan ti spesil ka pengawa tu, nyalai anang agi nyebut nuan tu nadai nama-nama. Aku deka merekatka nuan lebih agi ari ti dipikir nuan.*"

"Tuhan, nuan nemu aku rinduka nuan, tang aku enda ulih muai pengingat gamal indai aku lebuah aku meda iya diempa api. Aku enggai ingatka utai ti udah dipeda aku."

Maya nya Tuhan negu mata aku, berengkah ari nya aku enda ngingatka gamal indai aku. Lebuah aku nulis jaku tu, aku enda te-ingatka gamal iya. Utai dikingatka aku iya nya bisi sekali aku meda gamal iya di darung neraka, lalu nya pengalaman ti jai.

Udah nya Jesus bejaku: "*Aku nemu nuan lelak. Lagi tua bejaku agi.*"

Kami duai bediri, Iya merap aku, udah nya mupuk. Lebuah Tuhan merap aku, tubuh aku begetar balat asaika pechah belah. Tiap kali Iya negu tubuh aku ti udah betukar, tubuh aku ulih ngasaika kuasa tegu Iya, tiap urat dalam tubuh aku begetar. Udah nya, lebuah Iya nadai agi, tubuh aku badu begetar.



## *Maranatha!*

Pagi nya, aku pegi ke gerija, aku ngasaika kuasa Tuhan ngusak tubuh aku sepemanjai servis nya. Aku ulih meda Iya bediri sepiak pastor. Lebu may nyembah, Tuhan bejalai di mua gerija. Naka pengerindu aku meda penatai Iya di gerija.

Sepemanjai servis aku nyabak tegal pengerindu enggau pengaga. Ati aku bedebar lebu aku belematika pemesai mulia Serega ti udah dipeda sereta diabas aku. Urapan Iya chukup besai ba aku ngasuh aku enda ulih bediri. Aku mega enda tedingaka jaku ajar pastor lebu tubuh aku angat sereta begetar tegal penatai Tuhan.

Orang di gerija mereti nama utai ti nyadi ba aku, sida selalu nulung. Dulu suba, aku selalu maluka pengawa ti baka nya ba mua orang mayuh, tang aku gaga laban aku nemu nya pemerai Tuhan lalu Iya nyendiaka aku kerejaka Iya dalam jalai ti nadai kala dipikir aku. Aku dekaka pengasai tu mengkang dalam pengidup aku.

## **PEMEDIS**

KENA 4 HARIBULAN Tiga, Tuhan ngabas aku ari 2.30 pagi ngagai 5.05 pagi. Tubuh aku begetar pengelama 20 minit, udah nya Tuhan mai aku ngagai tebing tasik, kami niki bukit siti ngagai batu galang alai kami duai duduk suba.

Mula-mula utai baka selama, tang ngenyit aku meda bukit-bukit baka ti di-empa api sari sebedau tu diatu dipeda nyau amau, abu enggau rangka magang. Semua tempat nya nyau baka tembawai tauka tebangkalai. Uдах meda tebing tasik alai orang belanda sereta tetrap sari sebedau tu, penuh ulih utai chelum, lalu aku nyangka tiap utai chelum tu datai ari rangkah tulang mensia ka udah di-empa api sebedau tu.

Tasik, suba penuh ulih darah, diatu udah tekerap—enggau nadai gamal agi. Uдах meda pemandang jai bakatu beberapa lama, tasik enggau tempat ngelinggi iya pulai manah baka selama.

Aku udah belajar ka Jaku Tuhan ngiga nama ajar iya pasal perkara tu. Di Pemandang 8:8, aku macha jaku tu: “Uдах nya malikat ti kedua nyepu terumpit iya. Bisi siti utai ti baka bukit besai di-empa api dibuai ke dalam tasik. Sabagi ari tiga bagi tasik lalu bebali nyadi darah.” Pemandang 16:3 madahka tasik bebali nyadi darah: “Uдах nya malikat ti kedua muai mangkuk iya ke tasik. Ai lalu bebali baka darah orang ti udah mati, genap

## SEREGA NYA AMAT NYATA

iku utai idup di tasik mati magang.” Tuhan udah mandangka aku utai ti udah dipandangka Iya dalam Jaku Iya.

“Kemaya semua utai tu deka nyadi?” Aku nanya Tuhan.

“Lebuh maya pemedis.”

“Tuhan, kemaya pemedis nya nyadi?”

“Udah Aku mai semua anak-anak Aku ngagai Perintah Serega. Sapa-sapa ti udah macha bup Aku lalu arapka nabi-nabi Aku patut nemu utai tu pasal pengujung dunya. Semua utai ka dipandangka aku di tebing tasik tu deka nyadi enda lama agi.”

Aku ngasaika Tuhan deka datai enda lama agi, nya kebuah mayuh utai nyelai nyadi di serata duña. Sekejap kitai macha berita setuju enggau tu. Tanah berenyang, penusah buhai (baka angin deras, api, ampuh bah, taufan seleju), pengawa kejam, enda beradat, penyakit berampit, penganas enggau mayuh macham pemedis benung nyadi balat-sebalat ari ti udah, baka ti disebut bup Kudus.

Jesus madah ngagai bala rasul Iya:

Kita deka ninga munyi perang ti semak kitai enggau munyi perang ti jauh ari kita. Utai ti baka nya enda tau enda nyadi, tang ukai reti nya pengujung dunya. Orang menua siti deka bebunuh ngelaban menua siti, printah siti deka bebunuh ngelaban printah siti. Lapar pungkang enggau tanah berenyang deka nyadi di sebarang endur. Semua utai nya deka nyadi baka pemedis indu ti baru deka beranak. Udah nya kita deka kena tangkap, diserah kena ukum bunuh. Semua bansa orang deka begedi ngagai kita ketegal aku. Lebuh nya, mayuh orang deka ngelengka ka pengarap sida; sida deka mudi sereta begedi ka pangan diri. Udah nya, mayuh nabi ti bula deka datai lalu nesat ka runding orang mayuh. Nya gaya penyai deka ngerembai, lalu pengerindu orang mayuh deka berubah chelap. Tang barang sapa ti ulih nat ka diri dataika ujung deka bulih pengidup ti baru. Lalu Injil tu pasal Printah Serega, deka ngerembai di serata dunya, nyadika saksi semua bansa orang; udah nya baru datai pengujung dunya.”

—Matthew 24:6-14

## *Maranatha!*

Tu pemandang ti udah dipandangka Jesus ngagai aku. Naka meh peneka ati aku ngambar ngagai kita enggau naka pemanah semua utai ti udah ditulis dalam runding aku. Jaku Jesus endang nyata, jaku benabi Iya deka nyadi!

### **TEMPAT MATA AI TI IDUP**

DALAM BUP PEMANDANG, Bup Kudus bejaku pasal “ai pengidup”: “Melikat nya nunjuk ngagai aku siti sungai ai pengidup, ti chiru baka batu kinyang, lalu datai ari penuduk Allah Taala engau Anak Domba, rarat ka baruh ngerenchah tengah jalai raya nengeri nya. Ba tebing sungai nya ari sapiak-sapiak bisi pun kayu pengidup, ti bebuah dua belas kali dalam sataun, sakali dalam sabulan; lalu daun iya kena nyuman ka bansa orang.” (Pemandang 22:1-2).

Udah Tuhan mai aku ke Serega, kami ngagai rumah burak, siku malikat mai aku ngagai bilik pupur alai aku nukar gari. Lebuah aku pansut, aku meda Tuhan udah ngena gari Serega mega. Iya mai aku ngagai tahta penuduk Iya lalu ngasuh aku duduk ba siti kerusi semak Iya. Tu keterubah iya Tuhan ngasuh aku duduk semak Iya.

Dia aku meda mayuh lelaki ngena gari ti manah sereta mahkota duduk di mua kami. Aku meda sida tu bemeruah sereta berguna.

“Tuhan, sapa sida lelaki tu?”

“Sida tu udah diberi Aku jaku kudus Aku, lalu sida udah taluk ngerikut iya dalam bup Aku.”

Iya nunjuk ngagai siti Bup Kudus ti bechura chelum di sukut dinding bilik nya, lalu aku meda lambar iya tebuka ka diri empu baka ti ditiup angin. Aku tekenyit, tang udah nya aku ngasaika angin Roh Tuhan nyepu nengah lambar bup kudus nya.

Bala sida lelaki nya belabuh pansut belubah, siku malikat mai aku baru ngagai bilik pupur awakka aku begari ngagai gari rama, lalu tubuh aku bebali nyadi tubuh orang biak. Baru aku ingat Serega nya tempat alai nuan enda mansang tuai, lalu pengasai tu ngasuh aku gaga.

Kami bejalai nengah jematan mas baru lalu bejalai di kaki bukit nengah darung ti manah. Siti pagar mas magar seluruh tempat nya, lalu pagar nya bisi mayuh pintu besemak enggau pangan diri. Kayu ditanam semak enggau pintu-pintu nya. Tu meh kebun batu galang ti be-ujung ba sungai

## SEREGA NYA AMAT NYATA

ti chiru baka kacha.

Aku meda kayu sarat enggau buah bechura kelabu. Tuhan ningkilka sigi lalu meri ngagai aku lalu pia mega Iya matahka sigi lalu dipakai Iya Empu. Sungai nya mit, tang gamal dipeda nadai pengujung. Nadai utai di dunya—*Rocky Mountain* ti manah tauka kebun buah buhai—ulih dibanding enggau pemanah pengaya Serega dipandang ba mua aku.

“Nama tempat tu, Tuhan?”

“*Tu meh tempat ai pengidup. Kati nuan deka ngirup?*”

“Oh, ya, Tuhan.”

Iya meremi lalu ngauk ai enggau jari Iya, ngemenuhka iya ngena ai ti beresi sereta tuchi. Iya ngirup ari jari Iya lalu ngasuh aku nunda Iya. Aku meremi lalu ngemenuhka tapa jari aku enggau ai sereta ngirup penyegar ari nya. Ai ti pemadu manis ti udah kala disepi aku.

“*Nuan rinduka ai nya, Anak?*”

“Naka iya penyamai, Tuhan.”

“*Diatu Aku deka mai nuan ngagai tempat ti spesil.*”

## RUAMH BESAI (MANSION)

IYA MEGAI JARI aku lalu kami belabuh bejalai. Iya mai aku ngagai maligai ti udah digagai kami duai sebedau tu. Ati aku belagu. Kati kebuah utai tu sangat ngemanah tu?

Jalai mas nya ngasuh ati aku iran, lalu aku berasai gaga lebuhi kami bejalai ngagai tempat ti disedia Tuhan ka anak-anak Iya. Jalai nya baka ka lichin laban iya perenching, tang kitai enda kelinchir. Laban penerang iya, iya baka tempat orang ‘ice-skating’. Mata panas machar ngagai tiap-tiap sukut di tempat nya.

Tiap kali aku bejalai enggau Tuhan, aku kelalu gaga alai nadai chukup jaku ulih nyerita tauka ngenataika iya.

Kami mansa mayuh rumah besai enggau maligai, siti-siti naka pemanah ari ka dulu. Di mua siti ari rumah tu, Tuhan ngetu enggau tegas. Aku nemu Iya deka mai aku ke dalam, lalu aku kelalu gagit. Jantung aku selalu bedenyut enda tentu denyut lebuhi kami mansang ka mua iya.

Mata aku meda pemegai pintu, ti digaga ari mas. Uдах nya aku meda chapak mas ba mua pintu. Bisi nama ditulis dia, lalu tekala nya aku meda. Aku nyau ka luput tekenyit. Ditulis dalam tulis ti manah nama “**Choo Nam.**”

### *Maranatha!*

Tu meh tempat ka udah disedia Jesus ka aku! Aku irau. Kelalu manah deka diterima ati. Ditu aku, berdiri di mua pintu di istana Serega, lalu nama aku udah ditulis ngena mas ba pintu ti manah nya! Kelalu balat deka diterima aku! Pala aku bepusin dalam pengaga. Bakani jalai utai tu ulih nyadi?

Aku nyabak dalam pengaga enggau berterima kasih laban ati aku penuh ulih pengerindu enggau sembah ka Tuhan. Aku nadai kala ngarapka utai ti pemadu manah tu ari Iya. Aku selalu ngasaika enti Iya meda aku chukup meh nya, tang diatu Iya amat-amat ngelabuhka berekat Iya atas aku!

Aku udah ngasaika ai pengidup, lalu aku nemu diri enda ka aus agi. Aku udah ngasaika buah Serega, aku enda lapar ka utai dunya agi.

Aku udah enggau Jesus — Tuhan enggau Ketuaiku — lalu Iya udah mai aku ngagai rumah besai (mansion) di udah disedia/digaga Iya ka aku. Aku nyabak sikuk-sikuk lebu Tuhan mai aku tama ke dalam rumah nya. Ku Iya, "*Anang nyabak, Anak, Aku dekaka nuan gaga.*"

Lebu kami nengah ambang pintu rumah besai nya, lagu roh terangkat dalam ati aku, lalu aku majak nyabak sabak gaga enggau terima kasih. Aku tetarit ati meda batu ti perenching ba jalai dalam rumah aku. Aku rinduka tikai pedani ti bechura mansau enggau krim ti segala. Kerusi mansau beledu — klasik sereta canggih — baka iya ti selalu dikingin aku di rumah. Kain tirai mansau nya iya ka pemadu manah udah dipeda.

Tuhan duduk ba siti ari kerusi beledu nya lebu aku niki katas, ngerinduka tiap-tiap sikin pemanah rumah aku. Bilik tinduk bisi tikai pedani burak tulin, aku meda pala katil nya digaga ari pirak enggau batu biru dikeriniq ba tiap-tiap sukut antara iya.

Cheremin ba meja begari digaga ari batu biru mandangka penampak iya. Bilik mandi bisi dulang pirak ti digeriniq enggau permata berega ari mayuh macham chura.

Aku belagu lebu aku bejalai dalam rumah aku nya. Aku ngasaika diri baka anak raja di dunya kayangan. Tang aku nemu tu ukai kayangan — iya lebih nyata agi ari ti kala dibayangkan aku. Aku endang selalu pechayaka Serega, tang aku enda kala pasti ka iya amat nyadi tauka enda. Diatu aku nemu, ari atas semua iya, *Serega Nya Amat Nyata*, lalu aku dekaka semua di dunya tu nemu, mega.

Udah beberapa awak dalam pengaga, aku bejalai ke baruh ngagai tempat Tuhan duduk. Iya berdiri lalu nanya aku, "*kati nuan gaga, Choo Nam?*"



## SEREGA NYA AMAT NYATA

Aku nemu Tuhan gaga deka mandangka aku rumah besai aku.

“Ya, aku amat gaga, lalu beterima kasih ka semua utai ti udah dikereja Nuan ka aku,” ku aku nimbali, “tang aku agi ngasaika aku enda patut nerima semua berekat tu. Aku lalu apin ngereja pengawa ka Nuan, Tuhan, tang aku selalu deka gawa ka Nuan lalu ngenyamaika ati Nuan.”

*“Nuan udah ngasuh ati Aku gaga, Anak. Nuan anak indu ti spesil ba Aku, lalu Aku deka merekatka nuan enggau naka pemayuh.”*

## “ANAK-ANAK AKU ENDA SEDIA KA AKU”

LEBUH KAMI NINGGALKAN tempat nya lalu nengah jematan mas, kami bejalai baru ngagai rumah burak lalu betukar ngagai gari enggau mahkota, udah nya kami ngagai pegung. Aku berasai gaga, aku belagu sebedau kami datai ba pegung.

Kami duduk sereta berandau enda lama, lalu aku ngasaika diri sangat diberekat. Tuhan mechah ka lamunan tauka angan-angan aku nya ngena pesan ti lengkas.

*“Choo Nam, Aku udah nyendiaka semua utai ka anak-anak Aku. Utai tu lengkas laban Printah Aku sedia udah lama, tang mayuh anak-anak Aku enda sedia ka Aku, laban sida rinduka dunya kelalu balat.*

*“Nya kebuah Aku ngasuh nuan nulis bup ka Aku. Aku nemu tu pengelelak ba nuan, tang pengawa tu mesti dikereja tumu.”*

“Tuhan, aku berasai tekenyit ati pasal semua utai ti udah dipandang Nuan ka aku. Enti aku bisi ninga pasal bup nya, aku nemu aku deka macha iya laban aku kelalu rinduka Nuan.”

*“Aku nemu, Anak,” Iya nyaut, tuchum, “Nya kebuah Aku balat berumban. Meritaka Injil nya utai ti pemadu beguna di dunya. Aku dekaka anak-anak Aku nemu Aku deka datai baru enda lama agi.”*

Runding aku pulai baru ngagai sekeda penutup jaku dalam Bup Kudus, lalu enggau sepenuh ati aku nyebut iya ti sama: “Datai, Tuhan Yesus.”

Maranatha! Tuhan amat deka datai enda lama agi.

## *Besediaka Ministri*

*Nya alai bala menyadi, kategal mayuh penyinu Allah Taala ngagai kitai, aku mansutka jaku tu ngagai kita: serah ka diri empu nyadika piring ti idup ngagai Allah Taala, ti tuchi lalu ti dikerinduka Allah Taala. Tu meh jalai ti bendar kita nyembah iya. Anang nitih ka adat dunya tu, tang awakka Allah Taala ngubah runding enggau ati kita enggau chukup. Udah nya baru kita nemu utai ti manah ti dikerinduka iya, sereta ti pemadu kena.*

—Rome 12:1-2

**P**ENGELAMAN ROH AKU bela ngerinduka ati sereta mega ngasuh aku lelak, lalu Tuhan nemu kesan iya ba tubuh enggau pengering aku. Tubuh aku ti begetar nya siti ari 'persediaan' ngereja pengawa. Pemandang ti dipeda pasal pengawa luar biasa Tuhan dalam pengidup aku, pia mega demuh ari roh aku, bisi kesan ba tubuh aku.

Udah tubuh aku begetar pengelama dua tauka tiga jam, pengujung iya aku ka tetungkam. Runding aku asaika bepusin, lalu aku berasai rapa. Kadang pengasai aku kelalu balat dataika aku enda ulih bejalai.

Pengering urapan Tuhan dalam pengidup aku ngasuh aku enggai makai mayuh pengelama beberapa ari. Kurang tinduk enggau makai ngasuh aku lembut sereta enda bedaya. Iya ka bendar, aku udah lenyau lima pound. Aku selalu asaika mual, lalu selalu ngasaika pedis perut enggau buku tulang. Sebedau mupuk, tiap ari, taja pia, Tuhan deka ngeraika aku ari pemedis.

Iya deka merap aku, tegu ari Iya deka ngangkatka penusah sereta ngasuh getar aku ngetu. Iya selalu nyebut jaku siru ti nulung aku nemu Iya endang meretika pengelelak aku. Rindu amat lebuah aku nemu Iya endang siru ka semua utai ti besangkut enggau anak Iya—pemedis, penanggul, pengirau, pengelelak, pengadang enggau mimpi kitai.

## SEREGA NYA AMAT NYATA

Penulis bup Hebrew nerangka baka ni tu ulih nyadi:

Nya alai, awakka kitai bepegai teguh ba pengarap ti dititih ka kitai. Laban kitai bisi Imam ti Pemadu Besai, ti udah datai ngagai Allah Taala di Serega—Jesus, Anak Allah Taala. Imam Besai kitai ukai orang ti enda nemu pengelembut kitai. Tang lebih ari nya, Imam Besai kitai udah kena penguji dalam semua utai baka kitai, tang iya enda ngaga dosa. Awakka kitai berani mansang ka mua ngagai penuduk Allah Taala endur ti bisi pengasih. Dia kitai deka nyambut penyinu lalu tetemu ka pengasih ti tau nulung kitai lebu kitai begunaka iya.

—Hebrew 4:14-16

Jesus nyabak. Iya nemu pemedis seilu-ilu enggau ditulak. Iya nempuh penguji. Iya bibat enggau peneka Tuhan. Iya ngasaika pengeringat enggau penakut. Nama-nama utai ditapi kitai, Iya udah ngasaika semua nya. Lebih beguna, Imam Besai kitai begulai enggau kitai. Iya besampika kitai. Iya nanggung beban kitai. Jesus meretika kitai enggau bendar.

Iya nemu mayuh utai ti patut digeraika dalam pengidup aku sebedau aku dikena dalam pengawa Iya. Iya udah ngangauka aku. Iya udah nerang ngagai aku Iya ngulang utai nya suah awakka aku lebih mereti. Iya mai aku ngagai tempat nya lebih ari sekali awakka aku ulih ngasaika sida enggau enggau lebih nyata—lalu ingatka sida. Iya nekanka kebuah tubuh aku begetar balat tiap kali aku enggau Iya iya nya laban Iya nuangka kuasa Iya ngagai aku.

Dalam jaku pandak, aku disediaka dalam pengawa di serata dunya meritaka berita manah enggau pengerai ti bepun enggau bup ti dipegai jari nuan diatu.

## BUP CHELUM TI BESAI

LEBUH 5 HARIBULAN Tiga, Tuhan ngasuh aku dani ari 1:50 pagi ngagai 4:20 pagi. Maya tu, tubuh aku begetar pengelama 25 minit. Uдах nya Tuhan mai aku ngagai tebing tasik besediaka pejalai kami ke Serega.

Kami mansang ngagai rumah burak enggau bilik pupur nya baru. Kami duai sama begari ngena gaun Serega enggau mahkota. Uдах nya kami

## *Besediaka Ministri*

ngagai penuduk tahta alai Tuhan ngambi penuduk Iya lalu ngasuh aku duduk ba kerusi siti semak Iya. Bisi beberapa iku lelaki di mua kami dia ti ngena mahkota sebaka enggau enggi aku.

“Sapa orang lelaki tu?” ku aku nanya.

Ku Tuhan nyaut, “*Sida tu ti nulis Jaku Aku.*”

Aku meda ngagai mua sida ti perenching lalu aku nguji nyangka sapa tiap iku sida. Duduk di mua aku iya nya John, Matthew, Luke, Mark, James, Peter enggau Paul. Bala nabi pen bisi dia mega—Isaiah, Jeremiah, Joel, Micah, Malachi, Daniel, Obadiah, Hosea enggau sida bukai.

Aku berunding, Moses enggau Joshua mesti dia enggau orang mayuh; pia mega Nehemiah, Job, David, Solomon, Ezekiel, Nahum, Jonah enggau Zechariah. Naka enti sema aku ulih bejaku enggau tiap iku sida. Aku deka nanya Jonah baka ni asai di perut ikan ti besai. Aku deka ngasuh Daniel madahka aku baka ni asai di kandang singa. Aku deka rindu ninga David nyeritaka pengalaman iya enggau Goliat.

Nya alai aku mikir: Siti ari ila, aku deka diau di rumah Serega aku ti udah dipandangka Jesus ngagai aku, aku ulih begulai enggau semua orang kudus belama iya! Nya baru aku ulih nanya sida. Nya baru aku nemu. Enda ka nya manah?

Paul nulis: “Utai ti dipeda kitai diatu, baka ayuk ti kelabur dalam cheremin; udah nya kitai deka meda betunga mua. Utai ti ditemu aku diatu agi mekang; udah nya iya deka temu enggau bendar—baka penemu Allah Taala ti nemu bendar pasal aku.” ( 1 Kor 13:12). Limpas ari runding aku baka ni aku udah dipilih nerima balat pemayuh dulu ari besai Tuhan lebu kitai deka nemu, tang aku mereti aku udah diberi pengasih ti spesil ulih meda mayuh utai. Aku nemu keistemewaan tu ukai ka aku aja. Aku nemu iya ka semua orang, awakka seberapa mayuh orang ka sanggup ngereja iya deka arap lalu bulih selamat.

Bup Kudus chelum ti besai ti udah dipeda aku lebu penemuai ti udah betul-betul di mua aku. Iya perenching ulih kuasa Roh Kudus ti bejaku enggau ati aku, “Semua Bup Kudus endang bepun ari Allah Taala, lalu iya beguna bendar kena ngajar utai ti bendar, kena mantah penyalah, ngadu ka pendiau ti salah sereta ngajar pengidup ti lurus, ngambi ka orang ti betuai ka Allah Taala tau diterima lalu nyendiaka diri dalam semua kereja ti badas.” (2 Timoti 3:16-17).

Aku meda bala penulis diberi penemu nulis Bup Kudus bisi bup mit ba



## SEREGA NYA AMAT NYATA

jari sida, udah nya aku nemu Tuhan mandangka pemandang tu kali ke dua awakka aku mereti enggau penuh pemesai guna Jaku Iya dalam pengidup aku. Aku nemu Iya deka aku macha sereta belajar sereta ngambi nota lebuah aku belematika Jaku Iya.

Tuhan enggau Ketuai aku ngasuh aku “nyambut pengelepas ka selapok aku, jaku Allah Taala nyadika pedang ti diberi Roh Kudus, besampi selalu nitih ka iring Roh Kudus.” (Epesus 6:17-18). Pemesai Bup Kudus di mua aku ngingatka aku Bup Kudus patut mansang besai sa-besai dalam pengidup aku—iya patut nyadika pemun ministri aku digaga sereta dilancharka.

## TUBUH TI BETUKAR

SIDA MALIKAT NGULUKA aku pulai baru ngagai bilik begari alai aku ulih meda gambar diri ba cheremin ti besai sereta terang. Aku udah betukar! Tubuh aku ti baru nya tubuh biak aku. Aku biak, bajik sereta penuh pengering. Tiap kali aku meda perubahan bakatu aku tekenyit! Tang tu nyadika pengingat lebuah aku datai di Serega ila aku deka diberi tubuh ka baru.

Tubuh Serega ti baru enda nemu tuai. Nadai nemu pedis. Nadai nemu bekedut mua kitai. Ngeli kitai burak sereta bebela. Bok kitai enda buban. Terang pemiak kitai deka perenching ari mata kitai. Bentuk tubuh kitai lurus sereta bebela. Semua kecacatan kitai di dunya tu deka lenyau. Kitai semua baru dalam semua segi, tu utai ti pepadu manah!

## AI TI IDUP SERETA RARAT

KAMI LALU BEGARI, lalu udah nya bejalai meraka jematan mas, nengah siti darung. Kami nengah siti jalai ti manah be-antaraka pagar mas ti mayuh pintu. Sepanjai jalai nya aku meda buah-buah enggau bungai-bungai ti kala dipeda aku. Batu galang ti manah dipeda bedijir ba padang enggau sungai deras sereta chiru baka kacha enda jauh ari nya.

“*Ai tu idup,*” ku Tuhan nunjuk. Tu kedua kali aku udah meda sungai ti balat pemanah tu. Sekali suba, aku bisi ngirup ai iya.

Aku meda sungai nya sempit, tang nadai pemutus tauka pengujung. Lebuah kami bejalai ngagai pintu ka semak, Tuhan nanya aku enti aku deka



## *Besediaka Ministri*

ngirup ari sungai pengidup baru tang aku ngilikka pala laban aku enggai nekanka pemanah Tuhan atas aku, lalu aku keran deka meda pemandang ke seterusnya, dikarapka aku rumah besai aku—iya ti udah disedia Iya ka aku.

Kami bejalai nunga tuju istana aku, lalu lebuah kami datai dia, kami tama. Tuhan duduk ba kerusi ti sama lebuah Iya mai aku kitu suba lalu dipeda gagit deka mai aku meda rumah aku ila.

Aku tama bilik-bilik ka sama, aku belematika pengaga ati lebuah udah diau dia ila. Bilik tinduk ti digaga ari pirak enggau batu sereta mega bilik pupur, kain lansir ti manah enggau tikai pedani, dinding ti perenching—ningkatka aku utai ti udah dikereja Jesus ka aku.

Iya mandangka aku semua utai tu baru awakka sida tu lekat ba pengingat aku—awakka aku amat-amat arap. Aku penuh enggau pengaga sereta pengadang lebih agi ari penemuai ti berubah.

Kami ninggalka rumah aku, pulai baru ngagai rumah burak alai kami begari. Uдах nya kami ngagai pegung, Tuhan lalu duduk ba batu galang tempat Iya ka selama.

Iya duduk, tang aku enda ulih. Aku belabuh betanda sereta belagu enggau pengaga ti besai. Merening ari Serega, aku ulih meda tubuh dunya aku, gali atas katil, engkebut lalu jari aku ngepai. Tuhan dipeda aku gaga ka aku, lalu Iya ngasuh aku duduk semak Iya.

## **PENGERAI**

AKU NEMU TUHAN mayuh utai deka dikereja dalam pengidup aku sebedau aku sedia nangkup kangau ti udah diberi Iya ka aku. Pengalaman ari kelia ngasuh aku berasai mit sereta enda layak. Iya bebendar deka nulung aku tulihka peransang, berubah ba Iya lalu pia mega ba aku empu.

*“Anak, Aku udah mandangka nuan bagi ka berguna pasal Perintah Tuhan, lalu Aku dekaka nuan madah ngagai tiap iku orang utai ti udah dipeda nuan. Aku mayuh mandangka nuan saritu utai ti udah dipandang Aku ngagai nuan. Lebuah nuan ngereja pengawa ti udah ditagaka nuan mayuh samengat deka selamat. Bup nya deka dibacha seluruh dunya.”*

“Tang, Tuhan, sapa meh aku tu. Nama kebuah Nuan milih aku? Lapa enda orang ti udah tebilang?”

*“Choo Nam, Aku nempa nuan ka pengawa Pengujung Dunya. Aku deka*

## SEREGA NYA AMAT NYATA

*ngaga nuan tebilang. Aku nemu nuan belajar ka utai ti di ajar Aku. Aku nemu nuan deka talukka Aku."*

"Sapa deka nulis bup nya?" ku aku nanya. "Aku nguji nulis semua utai disebut Nuan sereta nyeritaka semua utai dipandang Nuan, tang iya ka bendar aku enda tentu nemu nulis bup." (Iya ka bendar, aku takut ka cadangan tu!) "Tuhan, aku enda chukup pemandai deka nulis bup."

*"Nuan enda ibuh nemu nulis bup. Semina tulis utai dipandang enggau dipadah Aku ngagai nuan, siku penulis deka nulis ka nuan bup nya. Anak, anang irau. Aku deka ngiring orang nya dalam iya ti nulis baru utai ti udah ditulis nuan. Siku penulis ti penuh ulih Roh Kudus deka ngereja pengawa tu ka nuan."*

Penerang ka baru tu ngasuh ati aku ngetu tusah. Belubah, aku mupuk belajar bepanggai ba Tuhan ari ti bepanggai ba penau diri. Siti genteran datai ba runding aku: "Arap ka Tuhan enggau pengabis ati nuan. Anang bepanggai ba utai ti disadang kembuan temu nuan. Ingatka Allah Taala lebu nuan ngereja sebarang utai, lalu iya deka nunjukka nuan jalai ti ngena." (Jaku Dalam 3:5-6).

Penanggul aku ukai enda arap ka Tuhan. Iya udah mandangka penaluk Iya ka aku dalam mayuh macham jalai. Penanggul aku iya ka bendar iya enda arap ka diri empu. Ari mit suba aku selalu takut mansutka diri,—lalu diatu aku udah dikangau nulis siti bup lalu ngelancharka minstri seluruh dunya! Iya ka bendar, aku takut.

Tuhan udah nya mintas enggau siti penemu, bejaku, "Nuan deka nyadi kaya, lalu Aku dekaka nuan ngena nya ngaga gerija ka Aku."

"Tang aku enda nemu meri jaku ajar, Tuhan."

*"Nuan enda meri jaku ajar."*

Demuh dalam roh aku datai, aku nemu bisi urapan ti spesil datai ba aku. Tekala nya pemandang ka nyata datai ba aku.

Iya nya genera pasal gerija—siti rumah gerija bebingkai burak ti bemenara tinggi. Pintu penama begembar dua iti. Ba kandang alta diiyas enggau kerusi mansau sereta tikai pedani. Aku meda mayuh macham pengawa nyadi ba sayap ari tisi iya.

Ba kandang alta penuh ulih mensia, lalu aku meda sekeda sida tama ke gerija ngena kerusi-roda, tang pulai sida iya bejalai. Bisi pengaga di peda ba mua sida laban sida udah digeraika. Semina meda genera tu mai pengering ngagai pemedis ati enggau penangi aku. Baka sida, Tuhan

## *Besediaka Ministri*

dekaka aku gerai, lalu Iya nyendiaka aku ka minstri ti udah ditaga ka aku.

*“Kati nuan rinduka utai dipeda nuan?”* Tanya Tuhan.

Aku tuchum ngagai Iya lalu nyaut, “Ya”, Aku lebih gagit ari ngelamatu.”

Udah nya Iya ngulang utai ti sangat berguna ba Iya, *“Sebedau Aku datai ngambi anak-anak Aku, setengah ari orang ti enda arap deka bulih selamat.”*

*“Kemaya Nuan datai ngambi kami?”* Aku nanya baru, ngarapka saut ti tetap ari Iya.

*“Aku madahka nuan Aku deka datai enda lama agi. Enda ka nuan udah nemu sereta meda semua utai udah disedia ditu ka semua orang?”*

Udah nya baru aku nemu, kebuah Tuhan mai aku ke Serega selalu—awakka aku meda Iya nyau ka tembu pengawa. Penatai Iya amat-amat nyau semak. Tu meh siti pesan ti angkat ti patut dikunsi tauka dipadah. Tu meh tema bup aku enggau pengidup aku.

Jesus dekaka tiap iku orang nemu pengujung dunya nyau ka datai. Iya udah nyendiaka rumah tetap ka semua ti arap ka Iya. Enda tentu betul lebu kitai nyebut Iya nyendiaka rumah ka kitai laban rumah nya udah disedia!

Enda ka tu berita gaga laban setengah orang ti apin arap deka bulih selamat sebedau Tuhan datai? Bejuta-juta mensia deka dilaluka ngagai gerija Jesus Kristus, lalu gerija mesti besedia ka sida.

Aku enda te-anti deka ngaga gerija dalam genera aku nya. Aku udah megai genera ti diberi Tuhan. Pemerani aku majak nambah lalu semua penangi ati ti mit-mit udah dialahka ulih pengerindu Tuhan. Aku nemu, enggau mutus ati, pengerindu Tuhan endang belama iya, Perintah Iya endang nyata lalu Iya deka ngintu Jaku Iya.

Nengah pengalaman aku di Serega, aku belajar, Tuhan meri penau ngagai orang ti dikangauka Iya. Iya ngemenuhka orang nya lalu meri pengering ka pengelemi iya. Baka sida ti cacat dipeda aku ba genera nya, kitai semua cacat dalam mayuh jalai.

Tang Tuhan ulih meri pengering baru ngagai kaki ka tungkut, baka Iya ti ngeraika sida ti cacat, lalu ulih bejalai dalam pengidup baru—dalam pengering enggau kuasa Roh Kudus Iya. Tumu pagi dalam bulan Tiga nya aku belajarka siti pemendar baru: *“Aku ulih ngereja semua utai nengah Kristus ti ngeringka aku.”* (Phil 4:13).

## SEREGA NYA AMAT NYATA

### BEGUNAKA BELELAK

SEBULAN-SETENGAH TUHAN udah ngerak aku ari tinduk, tumu pagi mai aku ke Serega awakka Iya ulih nyendiaka pengawa ti udah ditaga Iya kereja aku. Aku berasai lelak, lalu tubuh aku lemi. Ngasaika diri begunaka tinduk lebih, Tuhan bejaku, *"Tu penudi bendar Aku mai nuan ngagai Perintah Serega, Aku enda ngerak nuan agi."*

Ati aku labuh lebuah aku berundingka penemuai tu deka ngetu. Tang Iya nyambung, *"Anak, udah chukup dipandangka Aku ngagai nuan."*

Aku belabuh nyabak. Ati aku penuh penusah. Aku deka enggau Tuhan belama iya. Aku mantah, *"Tuhan, aku enggai ninggalka Nuan."*

*"Aku deka enggau nuan di sebarang endur. Nuan deka meda Aku lalu ninga Jaku Aku."*

Udah nya Iya merap aku lalu bejaku, *"Choo Nam, Aku nemu nuan patut belelak."*

Aku ngasaika diri begunaka belelak, pengeran ati aku ka enggau Tuhan ngalahka pengelelak. Kami ninggalka pegung nya pulai baru ngagai rumah burak lalu begari. Udah nya kami terengkah ba tebing tasik alai kami duduk sereta berandau enda lama.

*"Aku nemu nuan sangat lelak diatu, nya alai Aku enda ngerak nuan ari tinduk agi. Nuan mesti belelak."*

Asai ti ditulak orang sepi aku lebuah Tuhan nyebut jaku ti enggai didinga aku, tang Iya nerang, *"Aku deka mai nuan ngagai Perintah Serega baru, tang diatu nuan mesti belelak."*

Taja pen, baka nya, aku enda ulih badu nyabak. Amat, aku balat tusah betatika Jesus deka ninggalka aku, lalu tu nyangka lama. Aku balat rinduka Iya, lalu runding bepisah ngasuh aku berasai puang sereta enda tetap.

Aku mikirka pengasai bala sida rasul kelia lebuah sida meri selamat bejalai ngagai Tuhan enggau Ketua sida. Baka ni asai indai iya Mary, lebuah Iya diregang, mati lalu ditumbak? Baka ni asai iya lebuah Iya angkat ke Serega?

Berengkah ari diatu pengidup aku penuh enggau runding pasal Jesus enggau Serega. Aku udah begulai enggau Tuhan tiap ari dalam pengelama sebulan-setengah. Aku udah ke Serega lalu udah meda jalai mas, rumah besai di atas bukit, Sungai Pengidup. Iya ka bendar, aku udah ngasai/ngirup ari ai pengidup.



## *Besediaka Ministri*

Aku udah di-iring malikat, begulai sereta nyembah enggau orang kudus, rasul enggau nabi. Aku udah bejalai ngagai tempat ti udah disedia Jesus ka aku. Enda aku sama agi. Nadai utai di dunya tu ulih dibanding enggau Serega - rumah aku ti bendar.

Aku udah meda darung neraka—pengawa kasar, rasuah enggau pemalu. Aku udah meda tanda Pengujung Dunya pansut ba mua mata aku baka ti ba video pasal utai ti ka datai. Lebih berguna, aku udah enggau Jesus—pengidup aku bisi reti diatu.

Aku bisi tuju, misi, kangau. Aku udah meda genera pasal utai ti udah ditagaka aku. Berundingka diri deka tinduk bebendar lebu may pengawa deka dikereja nya utai ti enda ulih pikir aku. Aku berasai ringat.

Tuhan angkat ari tebing tasik nya, lalu pia mega tubuh aku ti udah betukar, lalu tubuh aku badu begetar. Aku badu nyabak lebu aku ngasaika Iya nyebut, “*Aku deka mai nuan ke Perintah Serega baru.*” *Nya chukup.* Nya ok.

Udah aku ngasaika Iya ngasuh aku belelak nya nyendiaka aku ka pengawa ti deka dikereja aku. Aku begunaka belelak amat-amat laban kadang aku ngasaika diri tak layap.

Siti genteran ari Bup Kudus datai ngagai runding aku lalu diau dia: “Tuhan ti pengibun aku; aku bisi semua utai ti dipeguna aku. Iya ngasuh aku belelak ba padang ti manah, lalu ngulu ka aku ngagai danau ti sunyi, ai ti beresi. Iya meri aku pengering ti baru. Iya ngiring aku nengah jalai ti ngena, nunda ka semaya iya.” (Masmur 23:1-3).

Tuhan, Gembala, ngemendarka aku belelak di tanah ti gadung awakka samengat aku digeraika—persediaan minstri bukai deka datai!

## **“TIAP IKU ORANG DEKA NEMU NUAN”**

PAGI SITI, 6 haribulan Tiga, aku dani pukul 2:30 pagi, setengah ngarapka Tuhan datai. Aku agi arapka jaku Iya, tang sebhengkah ari aku nanya kati datai ka enda Iya. Aku nganti Iya ari 2:30 ngagai 6:30 pagi, udah nya aku tinduk. Lebu aku dani pukul 9.30 pagi, aku ngasaika Tuhan nadai dia. Aku berasai lelengauka Iya, lalu aku belabuh nyabak.

Tekala nya tubuh aku belabuh begetar, sereta angkat. Aku demuh-demuh dalam roh pengelama 15 minit. Uдах nya, baka ti nyadi ngelamatu, Tuhan datai. Iya duduk semak mua penyenguk semak katil aku.



## SEREGA NYA AMAT NYATA

Ku Iya: *"Choo Nam, Anak ti berega, Aku udah madahka nuan, Aku deka enggau nuan belama. Nuan deka meda Aku tiap kali nuan deka, lalu nuan deka ningaka nyawa Aku. Aku ngabas nuan diatu laban Aku nemu nuan udah nganti Aku sepanjangi pagi."*

"Tuhan," ku aku, "Aku deka ngereja utai ti dipadah Nuan. Aku agi ngasaika diri enda nemu nama-nama."

*"Nya kebuah Aku milih nuan. Anang enda ingat Aku deka ngintu nuan. Aku udah meri nuan pemerit tu laban nadai orang nemu nuan. Enda lama, aja pia, semua orang deka nemu nuan."*

Aku pedis deka nerima jaku nya. Tiap iku orang deka nemu aku? Nyangka ka pedis utai tu, tang Tuhan, dalam pengasih enggau penyabar Iya udah ngasaika Iya patut ngabas aku baru lalu meri jaku peransang tu. Iya nembuka penemuai Iya ngena jaku tu, *"Anak, Aku dekaka nuan belelak."* Iya angkat, lalu tubuh aku badu begetar.

Sepuluh ari nangkanka tu aku tinduk jenak. Sekali agi Tuhan udah talukka semaya Iya:

Nya alai ketegal nya, awak endang agi bisi endur anembiak Allah Taala tau bulih pengelantang, baka Allah Taala ti ngetu ba hari ti ketujuh. Laban barang sapa ti tama lalu bulih pengelantang enggau Allah Taala, deka ngetu ngereja pengawa iya, baka Allah Taala ti ngetu gawa. Nya alai awakka kitai naka ulih nguji tama ke dalam lalu bulih pengelantang Allah Taala, enggai ka barang kitai nikal baka sida ti enda ngasi.

—Heb. 4:9-13

Tuhan ngasuh aku belelak laban Iya nyendiaka aku ka pengawa ti mai mayuh orang ti enda arap ngagai Perintah Tuhan. Nemu Iya deka datai baru ngiring aku ke Serega sekali agi mai pemaik ka samengat aku ti ngasuh aku ulih belelak enggau manah.

Aku pengujung iya mupuk meretika bup ti deka ditulis aku, gerija ti deka digaga aku, ministri ti deka dipunka aku, nya semua pengawa Iya, ukai enggi aku. Tu ngeraika samengat aku, muai pengirau lalu mai pengarap dalam ati aku.

Pemendar ti dibai iya ti nulis Masmur beberapa abad ke udah lalu

### *Besediaka Ministri*

didinga dalam ati aku: “Enti Tuhan enda ngaga rumah, pengawa tukang nadai reti.” (Masmur 127:1).

Jesus ngingatka aku pasal kangau Iya ngagai sida ti lelak ti ngema berat, ari Matthew 11:28-30: “Datai ngagai aku, semua kitai ti ngema berat, lalu aku deka ngasuh kita lantang. Pegai tangkun aku lalu simpan ba ati kita, lalu pelajarka ari aku, laban aku nelap sereta baruh ati; lalu ati kita deka bulih pengelantang. Tangkun ti deka diberi aku ngagai kita mudah, lalu ma ti deka diasuh aku bai kita lempung.”

## *Pengirau Nya Dosa*

*Anang irauka pasal utai bukai, tang besambiang kita  
minta Allah Taala meri utai dipeguna kita, selalu  
minta iya ngena sambiang terima kasih. Nyadi pemaik  
Allah Taala ti ngelui ari peragam mensia, deka ngintu  
ati enggau peragam kita likun dalam Jesus Kristus.*

—Phil. 4:6-7

UDAH 10 ARI belelak, tinduk jenak tiap malam, aku nemu diri sedia betemu enggau Tuhan baru lalu nemuai ke Serega enggau Iya. 15 haribulan Tiga, 1996 datai, maya ti udah dianti aku sekumbang Tuhan udah ninggalka aku dua minggu ka udah.

Ari pukul 6:40 ngagai 8:40 pagi, aku gagaka penatai Tuhan enggau penemuai ke Serega baru. Baka selama, sebedau Iya datai, tubuh aku begetar, aku bedemuh pengelama 30 minit. Udah nya Tuhan ayan ba mua aku lalu bejaku: “Anak, nuan udah belelak diatu. Tua mayuh pengawa deka dikereja.”

Tuhan Serega enggau dunya kiruhka aku, anak enggau pesuruh Iya. Iya dekaka aku chukup tinduk enggau belelak sebedau Iya datai baru mai aku. Iya meretika taka tubuh enggau samengat, Iya amat-amat siruka aku. Iya nemu semua utai ti manah ka anak-anak Iya, lalu Iya enda nagang semua utai nya ka sida ti rinduka Iya.

Udah dua kali aku ke Serega, tubuh aku aku berasai jayar. Aku kelalu balat lelak laban tubuh aku begetar lama, lalu pala aku bepusin selalu. Aku semina tinduk tiga jam semalam pengelama dua minggu. Aku enda ulih tinduk siang ari laban urapan Roh Kudus kelalu balat atas aku.

Mimit ka mimit, aku belajar baka ni ngatur perkara tu lalu tinduk tumu

## *Pengirau Nya Dosa*

lebuah malam awakka aku chukup tinduk sebedau Tuhan datai. Pagitu, Tuhan mai tubuh aku ti udah berubah ngagai tebing tasik alai kami bejalai enda lama sebedau Iya mai aku ke Serega. Ati aku penuh ulih pengaga ti besai lebuah kami duai belabuh terebai.

Kami datai ba tempat biasa lalu tama ke dalam rumah burak. Diatu, aku udah teleba enggau chara tauka atur ti selalu dikereja kami. Kami begari ngena gari Serega, udah nya Tuhan mai jari aku lalu kami duai bejalai ke baruh nengah siti jalai besai nuju ke bukit siti.

Iya nyau ka baka *Cascade Mountain* ti kala digagai aku di utara-barat United States, lalu ngingatka Serega, dalam mayuh jalai, baka dunya—tang iya jauh lebih manah ari utai ti udah dipeda aku di dunya tu.

Bisi kayu bedaun lebat enggau babas ba bukit nya. Ari tuchung iya aku ulih meda tebing tasik. Dia mayuh batu galang, baka gambar ka dipeda aku di Bar Harbor, Maine. Semua utai perenching. Kami niki siti bukit nya lalu bejalai ba pasir antara batang galang. Pasir ti pemadu burak, pemadu beresi ka udah kala dipeda aku, lalu tebing tasik nya pemadu beresi iya ka udah dipeda aku.

Sekeda ari batu galang nya besai alai aku enda ulih meda atas iya. Lebuah kami bejalai ngelinggi siti batu, aku meda mayuh orang ngena gari burak. Sida tu enda lama gamal dipeda, lalu mayuh anembiak dipeda bermain ba pasir. Sekeda anembiak megai jari sida ti tuai, lalu sida bejalai dalam pengaga enggau pengerindu. Rindu amat aku meda pengerindu enggau pengaga ti baka nya.

Tuhan enggau aku duduk ba siti ari batu galang ti besai nya lama diri, ngerinduka ati meda pemanah tempat dia. Iya malik ngagai aku lalu bejaku: “*Aku udah ngaga utai ditu sama enggau utai di dunya din awakka anembiak Aku ulih rindu sereta gaga lebuah sida datai ditu ila, tang mayuh ga utai enda sebaka enggau di dunya. Aku bisi mayuh utai ti ngasuh anak-anak Aku tekenyit ati.*”

Iya didinga aku gaga—baka apai ti udah ngaga mayuh pemerli ti nadai sekat dibuka lebuah maya Hari Krismas. Tuhan dekaka anak-anak Iya gaga—baka sida ti bermain ba pasir. Nya kebuah Iya ngaga Serega nyadi tempat iya ka pemadu manah. Nya nyadika rumah anak-anak Iya belama-lama iya

“*Kati nuan rinduka utai ti dipandang Aku, Choo Nam?*”

“Ya, Tuhan. Aku udah kala meda mayuh tebing tasik di dunya, tang

## SEREGA NYA AMAT NYATA

nadai siti sida ulih dibanding enggau tebing tasik tu.”

Aku ulih ngasaika saut aku nya ngerinduka ati Ketuai. Uдах nya kami angkat ninggalka tebing tasik lalu pulai baru ngagai rumah burak. Kami begari baru lalu ngena mahkota. Tuhan mai aku ngagai pegung alai kami selalu duduk tiap kali ke Serega. Tuhan duduk batu ti dikerinduka Iya lalu aku belagu sereta betanda gaga dalam tubuh aku ti udah betukar. Jari tubuh dunya aku pen engkepai sama enggau lagu Serega.

*“Mayuh agi utai ti deka dipandangka Aku ngagai nuan, Anak,” ku Tuhan bejaku lebuх aku mansang semak ngagai Iya. “Nuan mesti besabar.”*

Tu berita manah ka aku laban aku nemu diri deka bejalai ke Serega enggau Iya selalu agi. Ati aku terangkat dalam pengaga lebuх aku betanda di tempat ti manah tu semak pegung dia. Aku begulai enggau Tuhan, di tempat ti udah disedia Iya, aku nemu diri orang ti pemađu iya gaga di dunya tu.

## “BADU IRAU ATI”

AI MATA PENGAGA naya nerutu mua aku lebuх aku bejaku, “Terima kasih, Tuhan, laban mai aku ke Serega enggau Nuan agi.”

*“Anak, Aku meda nuan irauka semua utai ti diasuh Aku kereja nuan. Aku selalu madahka nuan enda ngasuh nuan irau, anak, kati ka nuan enda ngasika Aku dalam tu.”*

“Tuhan, aku minta ampun. Aku tu tak enda ulih ngetu irau. Aku semina deka ngereja pengawa Nuan. Aku deka ngereja iya dalam chara nuan, semua tu ngasuh aku irau.”

*“Aku enda ngasuh nuan irau berengkah ari diatu,” ku Iya madah. “Aku deka ngatur semua iya ka nuan. Peda sekeda orang, laban sida deka meri nuan ajar ka salah. Nya keбуаh, lebuх nuan nulis bup nya ila, aku enda ngasuh nuan mindah, lalu enggai ngasuh orang buкаi tama ngagai rumah nuan semina ruang bilik nuan aja.”*

Tuhan terang ba pesan Iya sekali tu ari ke udah suba. Aku ninga enggau ninuk lebuх Iya nampung baru.

*“Kati nuan bisi berati nadai siku orang bejalai ngagai nuan sekumbang Aku udah mai nuan ke Serega?”*

“Amat, ya. Tiap kali aku nyemput orang datai, bisi utai ti ngasuh sida enda nyadi.”



## *Pengirau Nya Dosa*

*"Diatu nuan nemu kebuah iya, Anak. Aku ngasuh nuan numpuka maya nuan ngagai bup nya, nadai utai ngachau. Bup nya beguna bendar ba Aku, iya nyadi berekat ti spesil ka anak-anak Aku. Nama-nama utai dikereja nuan, bejaku enggau Aku dulu. Semua iya pasal bup tu mesti beduduk ba peneka Aku."*

Pesan Tuhan ti terang tu bermain dalam ati aku lebuah kami ninggalka pegung nya, pulai baru ngagai rumah burak nya tadi lalu begari. Uдах nya kami pulai ke tebing tasik di dunya, lalu Tuhan bejaku, *"Anak, bisi nuan meda tebing tasik tu lain agi ari iya ti dipeda nuan ba Printah Serega?"*

*"Tuhan, semua utai ti dipandang Nuan di Printah Serega manah magang, semina neraka aja ngasuh aku tusah."*

*"Nya kebuah Aku milih nuan ngereja pengawa tu. Aku enggai meda anak-anak Aku ngagai neraka. Nya bepanggai ba sida sekaligus arap tauka enda enda. Aku bejaku enggau nuan pasal tu ila, Anak."* Iya lalu merap aku. Lebuah Iya ngejang, tubuh aku badu begetar.

Kuasa ti dipansutka Iya ngagai aku belabuh ngeraika perangai aku biak aku suba. Aku udah belajar berani sereta mutus ati, arapka Tuhan, tang aku agi belaban enggau penakut enggau pengirau.

Bulan Tiga 19 haribulan, Tuhan begulai enggau aku dua jam, ari pukul 7 ngagai 9 pagi. Aku begetar pengelama setengah jam lalu bedemuh dalam Roh pengelama 15 minit pagi nya. Uдах nya aku ninga jaku siru Tuhan bejaku enggau aku. Iya megai jari aku lalu kami bejalai ngagai tebing tasik.

Tubuh aku betukar, lalu aku meda diri empu ngena gaun burak baka ti dikenai Jesus. Kami niki bukit siti nengah jalai sempit. Aku meda siti batu galang besai alai kami duduk belelak.

Pengelama tubuh aku begetar sekalitu madahka aku sekalitu penemuai Tuhan bisi spesil mimit. Ati aku penuh pengadang sereta pengaga. Nama utai deka dipandangka Tuhan saritu? Kini Iya deka mai aku?

Jesus nemu peragam aku lalu nyebut: *"Aku nemu nuan agi irau tentang utai ti dipadah sereta dipandang Aku. Aku ngasuh nuan badu irau."* Munyi nyawa Iya bisi munyika ringat mimit. *"Nuan enda arap ka Jaku Aku."*

Aku nemu tekala nya reti jaku Iya. Aku agi irauka bup nya, taja pen Iya udah bekunsi enggau aku sebedau tu. Iya udah madahka aku tiap hal deka diatur Iya empu, tang aku agi takutka pemesai projek tu. Aku tebelenga laban pemesai pengawa tu.

## SEREGA NYA AMAT NYATA

Aku belabuh nyabakka ai mata pemalu enggau ngesal ati ka anu Tuhan nya. Aku megai jari diri, engkenduikka pala, "Ampun aku Tuhan. Naka pemalat aku nguji ngasuh diri enda irau, tang agi meda aku irau pasal utai tu."

*"Ari diatu, Choo Nam, Aku dekaka nuan badu agi irau. Aku enda ngasuh nuan irau pasal semua utai. Sekeda orang enda arap ka nuan, tang nuan anang irauka nya. Anak, Aku semina ngena nuan ngaga bup tu. Tu bup Aku lalu Aku empu deka ngatur iya. Bakati disebut Aku ari pun suba, pengawa tu ngambi maya ka lama, nya alai anang irau. Tinggalka semua iya ngagai Aku. Enti nuan irau, nuan ngasuh Aku tusah."*

"Tuhan, aku udah salah. Ampun aku Tuhan."

*"Aku nemu nuan enda nemu mayuh utai, tang Aku meda ati nuan tuchi. Aku nemu nuan arapka utai pasal Aku. Aku udah meda pengasi nuan, lalu Aku nemu nuan nanggika Jaku Aku. Aku ngasuh nuan numpuka masa ngagai bup nya lalu ukai utai bukai. Aku rinduka semua utai pasal nuan, Anak. Uдах nuan ngabiska bup tu, Aku deka merekatka nuan lebih agi ari ti dideka nuan."*

"Tuhan, berekat ti dikedeka aku iya nya awakka ruang bilik aku rinduka nuan lebih dalam pengidup kami."

*"Laban nuan nya endang nuan, aku udah milih nuan ka pengawa tu. Tu bup Aku enggau tanggung jawab Aku. Aku deka ngatur semua iya. Anang sekali-kali irau agi. Aku dekaka nuan selalu gaga laban nuan anak indu spesil Aku."*

"Tuhan, aku begunaka Roger nulung aku dalam pengawa Nuan."

*"Laki nuan deka bekerejaka Aku nengah nuan. Aku mayuh bendar anggur ka seduai, nya alai sediaka ati seduai bekerejaka Aku. Iya deka nyadi enda lama agi. Diatu Aku mesti mai nuan pulai baru."*

Kami bejalai ke baruh ari bukit nya. Lebuл kami bejalai atas pasir ati aku balat gaga. Asaika seluruh pemerat ati aku diangkat ari bau aku. Tuhan udah mandangka aku utai ti baru sereta berguna—utai ti mai pengering enggau kebebasan ngagai ati aku ti malu sereta imun. Uдах Tuhan ngejang ari aku pagi nya, aku asai baka orang baru.

## ENGAH TUHAN TERUBAH

AKU BELABUH NYELIDIK Bup Kudus deka meda nama utai ulih pelajar pasal

## *Pengirau Nya Dosa*

dosa ari pengirau. Mata aku tetumpu ngagai jaku Jesus ti dirikut Matthew: “Tang giga dulu perintah enggau pengelurus iya, lalu iya deka meri kita semua utai bukai. Nyalai anang irauka utai ti nyadi pagila; laban pagila deka chukup pengirauka diri empu. Nadai guna nambah ka penusah ti nyadi ba hari siti-siti.” Matthew 6:33-34

Ayat tu iya nya Sermon on the *Mount* (Ajar Ba Bukit Siti), alai Jesus bekunsi pasal resia pemenang dalam Roh enggau rasul Iya. Baka aku, bala rasul mega irauka mayuh macham utai. Sida irauka gari enggau pemakai.

Jesus ngingatka sida:

Nama kebuah kita irauka gari? Peda gaya bungai babas tumbuh: sida enda bekereja tauka ngaga gari ka diri empu. Tang aku madahka kita, Solomon, orang ti kaya, nadai iya ngena gari ti manah baka siti ari bungai nya. Iya nya Allah Taala ti ngari babas—babas ti tumbuh saritu, mati pagila, lalu ditunu ke dalam api. Enti pia, enda ka iya lebih agi deka ngari kita? Naka meh pengemit pengarap kita!

—Matthew 6:28-30

Tu meh kunci iya—pengarap! Roh Kudus udah nya mai aku ngagai siti ayat ari Bup Kudus ti nulung aku nerangka tu: “Utai ti ukai ari pengarap iya nya dosa.” (Rome 14:23). Nya kebuah pengirau tu iya nya dosa—iya ukai pengarap. Tuhan nangkan kitai bejalai dalam pengarap, taja pia, dalam pengasih Iya, udah mandangka kitai mayuh utai. Aku udah meda pemendar Serega sereta udah bejalai enggau Tuhan! Nama kebuah aku patut irau agi?

Musim Bungai (Spring) belabuh enggau siti agi penemuai ngagai tebing tasik. Ari 6:30 ngagai 8:15 pagi kena 22 haribulan Tiga, Tuhan nemuai enggau aku. Iya mai aku ngagai tebing tasik baru, sekalitu Iya lebih imun agi ari ti ka tiga ari ti udah. Ujung iya, Iya duduk ba atas batu galang ba siti bukit alai kami selalu duduk, Jesus bejaku: “Anang ngiruh diri besaksi ba gerija, Choo Nam; tumpu ka diri ba pengawa Aku.”

Iya nemu aku udah kiruh madahka orang utai dipeda aku. Taja pen aku orang ti pemalu, aku ngasaika diri mesti madahka utai ti udah dipeda, didinga enggau diasai diri. Penemuai ti penudi enggau Tuhan enggau pelajar ari Jaku Tuhan meri aku pemerani ti baru. Asaika aku ulih bekunsi

## SEREGA NYA AMAT NYATA

ka pengalaman aku enggau bejuta iku orang!

Aku ngena tiap peluang bekunsi pasal Tuhan enggau Ketuai aku, lalu aku nyangka Iya rinduka tu. Iya ka bendar, aku bisi pengingin deka ngerikut saksi aku dalam kaset. Roh Kudus ngiring aku ngagai pengawa tu.

Lebuh maya aku ngalu ke pasar aku nyerita ngagai orang pasal Serega. Sekeda sida tekenyit. Sekeda mega gaga sereta deka ninga enggau dalam. Aku ngasuh sida macha bup lebuh iya udah dichelak.

Sekeda orang, meda mua sida, enggai ninga pejalai aku ke Serega, tang aku belajar besabar. Aku nemu diri bisi cherita deka dikunsi, baka ni gaya chara orang nerima pen aku tetap gaga ati.

Mayuh agi orang Kristin rindu deka ninga. Sekeda nanya, "Ni maya bup nya tembu?" Mayuh orang ti arap, nyengkaum ruang bilik aku, udah meri tulung-sukung lalu madahka diri arapka cherita aku. Lebuh aku bekunsi enggau anak menyadi aku, iya dibai ngagai Tuhan. Diatu iya ngagai kelas Bup Kudus lalu datai ke gerija tiap minggu lalu laparka Tuhan.

Tuhan enda ringatka aku, tang ku Iya, "Aku dekaka nuan numpuka masa ngagai bup nya; nya baru nuan ulih ngemuaska ati bala gerija sereta ngagai sida ti apin selamat."

Bunyi nyawa, Jaku Iya, Pesan Iya mai pengaga ngagai roh aku. Aku belabuh belagu dalam Roh, lalu aku meda Tuhan meda mua aku lalu tuchum, lalu aku meda mua aku ti udah betukar tuchum ka Tuhan sepemanjai aku ti belagu.

"Anak, Aku rinduka tiap maya tua begulai." Ku Tuhan bejaku lalu ngengkahka jari kanan aku ba jari Iya. Lama Iya enda bejaku, tang udah nya Iya nyebut tu:

"Aku dekaka nuan nulis pasal pengidup nyadi orang Kristin. Tu begunaka orang bukai nemu baka ni nuan udah idup enggau Aku, muka ati nuan ka Aku. Pengidup nuan ti jujur sereta ngasi beguna ba Aku, lalu Aku nemu nuan selalu ngengkah Aku terubah dalam pengidup nuan. Lebuh nuan besampi, nuan selalu ngengkah Aku terubah— Aku lebih beguna agi ba nuan lebih agi ari sapa-sapa tauka nama-nama di dunya. Aku dekaka nuan nemu Aku udah nyaut sampi nuan taja pen nuan ngasai Aku enda nyaut nuan. Aku nemu ati anak-anak Aku. Aku enda ulih merekatka orang ti nadai ngembuan ati ti jujur, tang Aku dekaka semua Anak diberekatka."

Udah Iya ngejang sekalitu aku belematika jaku Iya. Iya dipeda senang

## *Pengirau Nya Dosa*

ati ka aku, lalu aku gaga ati ninga Iya selalu nyaut semua sampi aku. Iya mai aku ngagai siti genteran ka beguna ba Bup Kudus: “Nyadi kitai berani dimua Allah Taala, laban kitai nemu iya deka mending enti kitai minta sebarang utai nunda ka peneka Iya. Iya mendingka kitai sebarang maya kitai minta utai ari iya; laban kitai nemu utai nya endang amat, kitai mega nemu iya meri ka kitai utai ti dipinta kitai ari iya.” (1 John 5:14-15). Tuhan ninga sereta nyaut sampi anak-anak Iya.

Iya mandangka aku mayuh semaya Iya ti kaya sereta berega, lalu aku nemu Iya dekaka aku nuntut tiap iti:

Lebuh sida ngangauka aku, aku deka nyaut sida; lebuu sida kena penusah; aku deka nulung sida. Aku deka ngelepas sereta bebasa ka sida. Aku deka ngasuh sida gayu nguan menua, lalu tetap ngelepaska sida.

—Masmur 91:15-16

Iya semak orang ti ngadap ngagai iya, orang ti ngangauka iya enggau ati ti bendar.

—Masmur 145:18

Kangau ka aku, lalu aku deka nyaut nuan. Aku deka madah ngagai nuan utai ti nyelai, ti enda temu nuan.

—Jeremiah 33:3

Apai udah nemu utai di peguna kita—apin kita minta ari iya.

—Matthew 6:8

Pinta lalu kita deka diberi; giga lalu kita deka nemu, tekung lalu iya deka dibuka ka kita. Laban genap iku urang ti minta deka nyambut, lalu iya ti ngiga deka tetemu, lalu pintu mega deka dibuka ka orang ti nekung iya.

—Matthew 7:7-8

Lebuh kitai besampi minta enti kita arap, kita deka nerima sebarang utai ti dipinta kita.

—Matthew 21:22



## SEREGA NYA AMAT NYATA

Tu semina beberapa iti semaya aja ari Jaku Tuhan ti diayanka Roh Kudus. Kena 23 haribulan Tiga, aku benung besampi di baruh iring Roh Kudus. Tubuh aku begetar balat, lalu demuh aku pen majak balat baka ka nadai kala diasaika aku.

Tuhan datai ke dalam bilik aku lalu duduk ba mua empelua. Uдах nya aku meda tubuh aku ti uдах betukar duduk semak Tuhan, lalu aku balat tekenyit. Asaika pengalaman luar ari tubuh—aku maya nya tulin roh. Jaku Jesus bisi didinga: “Nuan idup penuh ka Aku. Ati nuan uдах sanggup ninggalka utai dunya kategal Aku. Aku diatu nemu nadai utai mai pemuas ngagai nuan semina begulai enggau Aku. Nya alai, Aku enggai ngasuh nuan nyebut diri enda genap ka Aku. Penaluk ati nuan beguna ba Aku.”

Jaku ti lain, ti ukai ari dunya pansut ari roh aku. Pekara ka bakatu selalu nangkan genera ti diberi Tuhan ka aku.

Tuhan mandangka aku kaki enggau jari Iya. Aku ulih meda litan telih paku lawang ba jari enggau kaki Iya. Terubah kaki iya beranggung, tang uдах nya Iya ngelurus ka kaki Iya. Aku meda ka dua piak kaki Iya bisi litan telih. Uдах nya aku meda jari Iya—bisi litan segala sereta burak semak enggau buku gelang jari Iya.

Ati aku pedis ka Tuhan enggau Ketuaiku. Aku megai jari enggau kaki Iya. Uдах nya aku ngengkahka mua aku ba jari enggau kaki Iya lalu belabuh nyabak. Aku nyabak baka anak mit lebuх aku ngasaika utai ti uдах diasaika Tuhan. Enda nemu, ulih ka enda kami sebilik ninga aku nyabak. Aku ulih meda tubuh aku ti uдах betukar diatu mua iya ba jari enggau kaki Tuhan—lalu aku ulih ngasaika diri nyabak dalam tubuh ti uдах betukar. Tuhan belabuh bejaku.

“Lebuх Aku di dunya tu, Aku idup nitih ka Jaku Apai Aku, lalu Aku nemu utai ti deka dituntung Aku, tang Aku idup nitihka Jaku Apai Aku. Nya kebuah semua di Serega enggau di dunya enggi Aku magang. Mayuh anak-anak Aku nemu utai ti dikedeka Aku kereja sida, tang sida agi rinduka utai dunya lebih agi ari Jaku Aku. Anak-anak Aku ti idup enggau Jaku Aku, nitih ka Jaku Aku, sida tu meh ti ngembuan ati ti tuchi. Sida tu meh ti deka tama ngagai rumah besai (mansion) ti uдах disedia ka sida, baka ka uдах dipeda nuan bisi nama nuan ba pintu. Nadai siku orang tau bulih perintah tu enggau Perintah Aku. Enti orang rinduka dunya lebih ari Aku, sida enda ulih tama ngagai Perintah Aku.”

Tu pesan ti tegas uдах diberi Tuhan ngagai aku iya ke uдах. Aku mesti

### *Pengirau Nya Dosa*

ngerikot tu enggau manah sereta taluk awakka dunya deka nemu Iya mesti diengkah terubah dalam pengidup siku-siku. Iya nempa kitai lalu mati ka kitai awakka kitai enda mati di neraka. Iya nampung.

*"Lebuh Aku agi di dunya, Aku ngasaika pemedis sampai ke pengujung. Aku meri nyawa diri ka anak-anak Aku. Aku dekaka sida idup enggau Jaku. Aku awakka sida tau bulih pengidup meruan enggau Aku. Pengidup dunya tu nadai ulih banding enggau Perintah Aku."*

Lebuh Iya nyebut jaku tu, Iya berupai tusah sereta ringat.

Aku enda ngelupaka jaku nya—laban aku nemu sida nya amat. Pengidup tu nadai ulih banding enggau Perintah Tuhan. Aku udah meda iya, lalu aku nemu Perintah Iya ti udah disedia ka kitai.

## *Jerusalem Udah Sedia*

*Aku datai enda lama agi. Simpan enggau likun utai ti dikemisi nuan, ngambi ka orang enda ulih ngerumpak perais pemenang ti ulih nuan. Aku deka ngasuh iya ti menang nyadika tiang dalam Rumah Sambiang Allah Taala ka aku, lalu iya enda agi pansut ari nyin. Aku deka nulis ba iya nama Allah Taala aku, Jerusalem ti baru, ti baru nurun ari Serega ari Allah Taala aku. Aku mega deka nulis ba iya nama aku ti baru.*

---

—Pemandang 3:11-12

**M**AYA NYA MUSIM Bungai (SPRINGTIME)—musim mayuh bungai, angin angat, enggau kayu mega ngerembai. Di Nengeri Washington, alai kami diau, tu maya ti pemadu manah. Di Serega baka ka musim bungai belama-lama—pengangat, pemanah, pemaik enggau pengaga dini-dini aja. Dalam ati aku, aku udah ngasaika musim bungai lama taja pia diatu musim chelap laban tegal penemuai aku enggau Tuhan ke Serega.

Kena 24 haribulan Tiga, Roger enggau aku ngagai servis di gerija. Pastor kami bejaku pasal pemedis Jesus sebedau diregang. Maya tu musim Lent—maya orang Kristin nyendiaka regang enggau pengangkat Jesus Kristus. Lebu pastor nya nyeritaka pasal pemedis Tuhan lalu macha ari Bup Kudus ti besangkut enggau nya, aku belabuh nyabak. Uka utai ka baru lebu aku begetar maya servis, tang sekalitu tubuh aku begetar naka pemat sampai ka aku nyau ka labuh ari tempat duduk. Urapan Roh Kudus naka pemat atas aku.

### **LITAN JARI ENGGAU KAKI**

AKU MEDA JESUS di mua aku lalu bejaku. “Anak, Aku ngasuh nuan meda

## *Jerusalem Udah Sedia*

jari Aku baru,” lalu Iya nunjuk ngagai litan ba jari enggau kaki Iya. Aku enda ulih belagu roh sekalitu. Aku duduk ba mua Tuhan enda engkertik lebu Iya terus bejaku enggau aku.

*“Aku dekaka nuan terus nulis utai ti dipandang Aku ngagai nuan.”* Aku nganggukka pala tanda setuju.

Naka pemanah lebu Tuhan empu ngabas kami lebu maya servis. Aku asaika deka bediri lalu madahka sida bukai aku udah meda Tuhan empu lalu Iya udah mandangka aku litan telih Iya, tang dalam roh aku madah enda ibuh, nya alai aku duduk sampai servis nya abis. Aku pechaya ka nya “nyawa ti enda inggar” Roh Kudus Tuhan ti ngasuh aku enda ibuh bejaku.

Sekumbang maya nya aku udah belajar, baka ti ditulis Solomon, bisi maya bejaku enggau maya enda bejaku (peda Pelandai Solomon 3:7). Jesus ngelatih aku nyadi sensitifka iring Roh Kudus.

Sepemanjai servis nya aku nyabak dibaruh urapan Roh Kudus. Getar tubuh aku ngetu lebu Tuhan ngejang, tang ai mata meruan labuh. Aku ninga jaku pastor nya, tang runding enggau roh aku tetumpu ba utai bukai—litan ti udah dipandangka Tuhan dua kali.

Aku belabuh belematika sekeda ayat ari Bup Kudus ti dikingat ari pelajar enggau ari servis ke bukai: “Tang iya telih laban dosa kitai dipalu laban pengawa jai ti dikereja kitai. Ukum ti ditetatka iya udah ngelepaska kitai, kitai suman laban pemedis iya.” (Isa.53:5); “Sida datai ba endur siti dikumbai Golgota, reti nya “Endur Keruntuk Pala.” Dia sida meri iya ngirup ai anggur ti digulai enggau empedu; udah nya nyepi utai nya, iya lalu enggai ngirup nya. Udah sida tembu ngeregang iya, sida lalu bedua gari iya ngena jalai bechabut undi” (Matt. 33-35).

Aku ulih meda Tuhan enggau Ketuai ti berega digantung di regang Kalvari, di atas bukit Golgita. Paku lawang ti tajam nyarikka isi tapa enggau kaki Iya lebu Iya kating-kating dia lembut tulang. Sangkuh soldadu Roma merunsaika rusuk Iya, darah ensambur nerutu mua Iya ari mahkota duri ti dipajak ngagai pala Iya.

Balat dampar darah ba kaki regang, orang mayuh te-indikka darah nya lebu sida berebutka gari Iya. Langit di atas nyadi kelabu, lalu ngitar mangka ari jauh.

Orang mayuh mechat Iya, ngeludah Iya sereta nyumpah Iya. Sida berami ngena pemedis Ketuai aku. Udah nya, dalam mata runding aku, aku meda indai Iya—Mary—engkendukka diri semak regang, tubuh iya



## SEREGA NYA AMAT NYATA

begetar lalu ai mata iya baka renjoi.

Oh, aku meretika asai iya lebu may Good Friday—meda anak iya telanjai, anak ti dikerinduka iya, diperinsa, dibunuh di mua mata iya—tang nadai utai ti ulih dikereja iya deka ngetuka pengawa tu. Jesus ulih ngangauka 10,000 iku malikat datai nulung Iya, tang Iya milih sereta nyanggup pemedis, pemalu regang awakka kita ulih tetemuka jalai pengidup.

Aku beterima kasihka Tuhan ka genera diberi Iya ngagai aku, diatu baru aku nemu semua ti diasaika Jesus ka sida ti sangat dikerindu Iya. Iya diangkat ba regang ti mangah, antara Serega enggau neraka, awakka kitai bulih pengidup ti meruan. Iya nadai dosa, tang Iya sanggup nyan dosa kitai atas Iya. Iya meh Pengelepas ti manah!

Litan ba pala enggau kaki Iya endang nyata. Aku udah meda sida. Sida tu tanda pemedis ti balat—pemerinsa ti diasaika Iya ka nuan enggau aku.

## BISI IKAN DI SEREGA?

KENA 25 HARIBULAN Tiga, Jesus ngabas aku ari 6:35 pagi ngagai 8:50 pagi. Kami bejalai sereta bejaku baka selama—ba tebing tasik, datas jematan mas, nengah jalai ka bingkuk nya. Nyau kelama Tuhan mai aku ngagai jalai bukai, nengah jalai ti besai sereta burak. Iya nya baka jalai 'highway' di Amerika, digembar ngena kayu ba tisi dua piak jalai.

Kayu nya tinggi lalu daun iya sangat manah. Lebu majak bejalai, aku meda kayu nya belabuh betukar chura. Baka ka bejalai nengah empraia.

Jalai nya mai ngagai siti munggu mit ari iya kala ditiki kami. Ari atas aku meda siti sungai pirak perenching dalam matapanas Serega. Tinting bukit nya penuh enggau pemandangan ti manah semina bisi di Serega aja. Bukit nya penuh ulih babas enggau kayu.

Kami niki munggu nya sereta bejalai ngagai ai alai kami meda mayuh bansa ikan nyemerai. Ngasuh ati geli tepedaka ikan di Serega, lalu aku belabuh ketawa. Aku berasai rindu nyalai aku belabuh nyinkang ke dalam ai.

Aku ngambi siku ikan mansau besurik, ngangkatka iya ari dalam ai. Aku ketawa enggau enda ulih tagang, nya alai ikan engkechit ari jari aku lalu nyemerai dalam ai. Meda ikan nya nyemerai, chukup bebas, begulai enggau ikan bukai, ngasuh aku lekik-lekik balat agi. Aku ngambi siku agi



## *Jerusalem Udah Sedia*

ikan—sekalitu chura lain—iya enchechit ari jari aku mega. Chukup pengaga enggau begagai, Tuhan pen ketawa enggau aku mega.

Aku majak ketawa—ketawa ari dalam perut—aku berasai nyamai. Mayuh agi aku ninga Tuhan ketawa, balat agi aku ketawa. Pengujung iya, dabal-dua aku ketawa, aku berasai nyamai.

Jesus bejaku, “Anak, nuan rinduka tu. Kati nuan rindu nginti?”

“Aku rindu ditu, Tuhan.”

“Mayuh agi ikan deka dipandangka nuan lagi. Nuan deka nangkap mayuh agi ikan?”

“Aku enda ulih nangkap ikan laban kelalu balat ketawa, Tuhan” ku aku seraya ti ketawa.

“Kitai pulai diatu anak. Aku deka mai nuan ngagai siti tempat.”

Kami ninggalka sungai nya, aku berasai beresi udah ti ketawa dia. Begagai enggau ikan ngerinduka ati, lalu aku ingat, “Ati ti gaga manah, baka ubat” (Jaku Dalam 17:22). Aku berasai penuh pengaga ti tan lama!

Rindu ati aku meda Tuhan gaga meda aku begagai lantang sereta gaga ati. Pengalaman tu ngasuh aku meretika ayat tu: “Nuan deka nunjukka aku jalai ti nuju ngagai pengidup; ati aku andal laban nuan bisi enggau aku, lalu penyaup ari nuan ngasuh aku lantang belama.” (Masmur 16:11).

Aku udah bejalai nengah jalai pengidup di Serega, lalu aku udah ngirup ari ai penyamai ti disebut masmur tu: “Nyampau meh pemanah, pengerindu nuan ti meruan, Allah Taala! Mensia belindung di baruh sayap nuan. Sida rami ngena mayuh pemakai ti diambi ari rumah nuan; nuan meri sida ai ti diambi ari sungai pemanah ti enggi nuan. Nuan ti pun semua pengidup, lalu ketegal penerang nuan, kami meda penampak.” (Masmur 36:7-9).

Pengaga aku meruap baka panchur lalu anyut baka wong.

## **TERABAI NENGAH SEREGA**

KAMI NIKAL BARU ngagai jalai ti sama ti mai kami ngagai munggu nya tadi. Udah nya Tuhan mai aku ngagai bukit ti tinggi nengah jalai sempit nengah kayu enggau babas besai. Kami bejalai nengah jalai tu lama ga. Nya ngasuh aku berunding kini tunga pejalai kami tu. Nama kebuah jalai nya sempit endar.

Nyau kelama kami datai ba pengujung jalai, aku malik ke atas munggu

## SEREGA NYA AMAT NYATA

lalu tepedaka pagar burak magar mayuh rumah burak. Sida perenching burak — lebih burak ari seleju ti baru labuh. Bisi ati aku ka semak tang enda ulih, Jesus mandangka pemandang tu ari jauh. Aku enda mereti kebuah iya.

Iya bejaku enggau aku, “*Anak, Aku ngasuh nuan meda enggau terang, kitai mesti ke baruh.*” Iya ngambi jari aku, lalu kami belabuh terebai. Tu pengalaman ti enda nemu nyebut agi, tubuh aku meraung!

Lebuh kami terengkah di darung ti galak, Jesus mai aku ngagai jalai ti tulin burak. Aku meda bisi dua iti rumah burak ba sepiak-sepiak. Jalai nya tulin burak baka kacha. Semua utai burak ditu. Pagar iya lebih tinggi ari rumah ti dipeda aku ari atas munggu nya tadi.

Enda ulih, maya nya, aku nerang, kebuah Tuhan mandangka aku utai ti dipandangka Iya. Kala Iya mandangka utai ngagai aku dua kali. Selalu iya enda lama kami ba tempat siti-siti, lalu Iya bisi meri penerang pasal reti sida, tang nya nadai hal ba aku laban maya deka datai alai aku deka nemu semua iya (I Kor. 13:12).

Tuhan madahka aku Iya mesti mandangka aku tu, lalu kami mansang ngagai siti rumah nya. Iya bisi pintu dua iti diiyas enggau mas. Pintu digaris enggau gelas bechura. Aku meda pemegai pintu nya digaga ari mas tulin!

Lebuh kami tama ke dalam, aku meda semua jenila digaga ari gelas bechura (stained glass). Tikai pedani mayuh chura. Batu permata ti di dinding bekebelik sereta perenching. Aku tak lebih asaika tama dalam gambar ari ti tama rumah.

Aku bejalai katas tangga mas. Ba atas nya, aku bejalai tama bilik tinduk alai siti katil ti besai ari saiz raja di dunya tu. Aku bejalai ngelinggi nya lalu ngagai bilik pupur. Iya penuh enggau mas sereta batu permata di sebelah dinding semina siti. Dinding nya penuh ulih cheremin ti mandangka pemanah kandang dia.

Aku meda semua bilik ditu besai, nyengkaum bilik pupur nya. Semua bilik ti dipandang Tuhan ka aku besai magang sereta manah enda ulih dicheritaka enggau jaku.

Aku belabuh belagu enggau pengaga lebuh aku bejalai nengah kaki lima, tama setiap bilik ngasaika berekat ari Tuhan. Udah datas, aku lalu ke baruh, Iya ninga, nging lalu meda aku, lalu bejaku, “*Kati nuan rinduka tempat tu?*”

## *Jerusalem Udah Sedia*

“Ya, Tuhan. Chukup manah. Sapa orang diau di rumah tu ti dipandang Nuan ka aku tu?”

“*Semua anak-anak Aku deka diau di rumah tu ti udah disedia Aku ka sida. Sida deka diau ditu lebih tumu agi ari ti dipikir sida.*”

## **NENGERI TI KUDUS**

TUHAN MAI JARI aku lalu kami ninggalka darung ti manah nya. Udah nya, kami bejalai nengah siti jalai ti bebagi, ti sama chura enggau jalai batu bata kuning dalam *The Wizard of Oz*. Bisi rumah burak ba sepiak-sepiak jalai. Kami pulai nengah jalai ti penuh ulih buah ba atas siti sungai ti chiru sereta panjai.

Tuhan ngambi jari aku lalu bejaku, “*Tua mansang katas, Anak.*” Kami terangkat katas, baka bilun engkabang, udah nya terebai. Iya mai aku nengah bukit ti sama alai kami berengkah.

Lebuh kami terebai, tubuh dunya aku, gali atas katil, manjung temati kutu. Tubuh ti udah betukar aku, taja pia, udah teleba enggau utai ti selalu dikereja aku di Serega. Kami bejalai nengah jalai sempit lalu ngagai rumah burak alai kami selalu betukar gari. Nangkanka tu, kami mansang ngagai pegung ti sunyi nya.

Lebuh kami datai dia aku belabuh belagu sereta betanda. Ati aku terebai dalam pengaga. Tuhan bejaku, “*Datai, Choo Nam, duduk ngimbai Aku.*”

Aku ngasi lalu duduk atas batu galang ngerimbai Iya lalu megai jari Iya.

“*Anak, Aku mandangka nuan sungai enggau Jerusalem ti Baru. Rumah nya semua di Jerusalem—Nengeri ti Kudus. Kitai semua diau ti Jerusalem lebuah Aku mai anak-anak Aku pulai ke rumah. Aku dekaka anak-anak Aku nemu Jerusalem udah sedia ka sida.*”

“*Nuan meda nadai jalai deka datai ngagai Jerusalem. Nya alai, kitai mesti terebai kin. Kitai semua deka terebai kin - nya kebuah pengawa nuan pemadu beguna.*”

“*Aku enggaika nuan tetinggal utai ti udah dipandang tauka dipadah Aku,*” ku Tuhan nampung. “*Aku nemu sekeda orang enda arapka utai ti udah dipandang Aku—ti kakang enggau sida ti enda nemu Jaku Aku—tang Aku nemu pemendar tauka pengeras nuan deka ngenyamaika ati Aku.*”

“*Udah nuan nembuka pengawa tu, pengidup nuan deka penuh ulih pengaga —besai agi ari iya ti udah dias aika nuan. Nuan deka diberekat.*”

## SEREGA NYA AMAT NYATA

*Sapa ti arap ka nuan sereta nulung nuan deka diberekat mega.*

*"Nuan deka ngasuh semua gerija tekenyit, pengaga ka orang ti udah sedia sereta nganti Aku lalu berita jai ka orang ti rinduka dunya lebih ari Aku. Bup tu deka nulung ngelepaska mayuh orang ari pemetang roh.*

*"Anak, anang irauka utai ti deka disebut tauka disebut orang, semina tulis utai dipandang enggau dipadah Aku. Aku arap ka pengasi nuan sepuh iya. Nuan selalu nangi sereta takutka Jaku Aku kenyau ari nuan nemu Aku. Aku meda nuan nadai kala sengaja enda ngasika aku sekumbang nuan udah meri ati nuan ngagai Aku, lalu nuan selalu ngengkah Aku lumur satu dalam pengidup nuan. Nya kebuah Aku milih nuan nyadika anak indu enggau pangan Aku ti spesil."*

*Jaku Iya nya chukup baruh sereta negapka ati. Iya ngasuh aku nyamai asai. Siti utai temu aku—berengkah ari aku ti nyadi orang Kristin aku selalu ingin deka ngenyamaika ati Tuhan aku, ngengkahka Iya berubah dalam semua utai enggau pemutus. Iya merekatka pengasi aku.*

*"Lama Aku nyendiaka nuan ka pengawa tu", Ku Iya. "Diatu nuan nemu rega nuan ba mata Aku. Nuan madah udah meri pengidup nuan ka Aku, lalu Aku nemu ati nuan. Anang lari ari pengawa tu, Choo Nam.*

*"Nama-nama utai ti udah dibuai nuan di dunya deka diberi baru ngagai nuan di Serega. Di Serega, nuan deka enggau Aku belama iya."*

*Ba aku, jaku ti beguna tu udah ngasuh aku mansang terus. Runding ti ngasaika diri enggau Tuhan belama iya nya runding ti beberekat ari semua.*

*"Tuhan, aku enda tentu pandai," ku aku nyabak. "Aku rinduka nuan lebih agi ari pengidup aku. Aku enda puas ati enggau sapa-sapa enti nuan enda disengkaum. Aku ngasaika perintah Nuan dalam semua bengkah pengidup aku, nya ngasuh aku gaga."*

*"Sapa-sapa ti ngemendarka Aku merintah dalam pengidup sida deka diberekat. Sida tu anak ti ngasi. Nuan anak ti spesil."*

*Lebuh penemuai nya abis aku belematika mayuh utai udah dipadah Yesus. Jerusalem ti Baru datai ari Serega. Iya udah sedia diatu. Tuhan dekaka anak-anak Iya ngasaika mulia begulai enggau Iya. Iya udah milih aku bekunsi semua tu enggau sapa ti ka ninga.*

*Sepanjai ari nya aku belajar ka nama disebut Bup Kudus pasal Jerusalem ti Baru. Lebuh aku macha bagi 21 bup Pemandang, aku ngasaika rasul John ngasaika pengalaman ti sama enggau Tuhan baka utai ti udah diasaiaku.*

## *Jerusalem Udah Sedia*

Roh Kudus nguasa aku, lalu malikat nya mai aku ngagai tuchung bukit ti tinggi. Iya nunjuk ngagai aku Jerusalem, nengeri Kudus, nurun ari Serega, datai ari Allah Taala, lalu manchar enggau mulia Allah Taala. Nyadi nengeri nya perenching baka batu berega, baka batu asija, chiru baka batu kinyang.

—Pemandang 21:10-11

Aku techengang ati ninga cherita nengeri Serega, laban aku udah meda mayuh utai ti ditulis iya.

Aku nadai meda sebuah rumah sambiang dalam nengeri nya, laban Rumah Sambiang iya nya Tuhan Allah Taala ti Pemadu Bekuasa enggau Anak Domba. Nengeri nya nadai begunaka mata panas tauka bulan, manchar iya, laban mulia Allah Taala manchar iya, lalu Anak Domba nyadika lampu.

—Pemandang 21:22-23

Aku udah bejalai dalam penampak nengeri nya. Aku asai ti dibalut seleju laban semua utai tak burak sereta tampak. Baka John, aku meda nadai gerija tauka kaaba di Jerusalem ti Baru, semina rumah ti manah ti udah disedia ka Tuhan ka anak-anak Iya.

Pintu nengeri nya mengkang tebuka apus hari; sida enda kala ditutup, laban dia nadai malam. Pemesai enggau pengeraja bansa orang deka dibai ngagai nengerinya. Tang nadai utai ti enda tuchi deka tama nengeri nya, nadai mega orang ti ngereja utai ngasuh malu, tauka nusoi ti bula tau masuk kia. Semina sida ti bisi nama ditulis dalam bup Anak Domba, iya nya Bup Pengidup, deka tama ke dalam nengeri nya.

—Pemandang 21:25-27

Tu meh utai ti dipadahka Jesus ngagai aku—Serega tu disimpan ka orang ti deka ngasi. Semina sida ti tuchi ati ti ulih tama lalu idup dia.

Aku agi macha, ngagai bagi 22, lalu aku tekenyit laban penetap pasal pemendar Serega ti udah diasaika aku.



## SEREGA NYA AMAT NYATA

Melikat nya nunjuk ngagai aku siti sungai ai pengidup, ti chiru baka batu kinyang, lalu datai ari penuduk Allah Taala enggau Anak Domba, rarat ke baruh ngerenchah tengah jalai raya nengeri nya. Ba tebing sungai nya ari Sapiak-sapiak bisi pun kayu pengidup, ti bebuah dua belas kali dalam setaun, sekali dalam sebulan; lalu daun iya kena nyuman ka bansa orang.

—Pemandang 22:1-2

Aku udah ngasaika ai ari sungai nya, lalu aku udah bejalai nengah jalai nya. Aku udah meda kayu lalu udah mega nyepi sekeda buah dia.

Pesan ti diberi Jesus ngagai John sama enggau ti diberi Iya ngagai aku. Tu meh pesan ti diasuh Tuhan dikunsi enggau sapa-sapa ti ka ninga: “Dinga!” ku Jesus. “Aku deka datai enda lama agi! Lantang meh sida ti ngasika jaku ti ditusoi nabi dalam bup tu!” (Pemandang 22:7)

Tuhan tu adil, Iya dekaka semua orang nemu: “Dinga!” ku Jesus, “Aku deka datai enda lama agi! Aku deka mai upah aku enggau aku, awakka diberi ngagai genap iku orang nitih ka utai ti udah dikereja iya. Aku tu Alpha enggau Omega, ti terubah enggau penudi, ti pun enggau ti ujung.” (Pemandang 22:12-13).

## *Pemakai Serega, Pemerindang Serega*

*Lantang meh sida ti udah kena ambi ngabang  
ngagai gawai tikah Anak Domba.*

—Pemandang 19:9

**T**IGA PULUH MINIT tubuh aku begetar sebedau Tuhan datai kena 27 haribulan Tiga. Aku enggau Iya ari pukul 6:30 pagi ngagai 8:45 pagi. Uдах 30 minit begetar, Tuhan datai ngagai aku lalu ngambi jari aku.

Dalam tubuh aku ti udah berubah, aku bejalai enggau Tuhan ba tebing tasik, lalu udah nya Iya mai aku ke Serega. Kami bejalai nengah pagar mutiara lalu mansang terus ke rumah burak nganti gari kami. Uдах begari, kami bejalai meraka jematan mas.

Utai tu udah biasa ba aku. Tiap iku orang ti arap, jangka aku, deka nengah chara ti sama leбуh sida ngagai Serega. Aku belabuh belematika siku-siku orang dalam Bup Kudus. Rasul Paul nulis tentang sida ti beberekat tu ba 2 Kor.12.

Aku nemu bisi siku lelaki orang Kristin ti empat belas taun udah lalu ditaban ka ngagai endur ti tinggi di Serega (aku enda nemu sekaligus utai tu amat bisi nyadi tauka semina genera—semina Allah Taala ti nemu.) Aku nemu orang tu ditaban ka ngagai Serega (aku enda nemu sekali ka utai tu amat bisi nyadi tauka semina genera aja—semina Allah Taala ti nemu), lalu din iya ninga jaku ti

## SEREGA NYA AMAT NYATA

enda ulih sebut enggau mulut, jaku ti enda ulih pansut ka mulut mensia.

—2 Kor.12:2-4

Aku nemu enggau bendar utai ti diasaika orang nya, mayuh utai dipeda aku di Serega ti enda diasuh dikunsi enggau enggau orang bukai.

## **PENEMUAI BEPANDU KA BUP KUDUS NGAGAI SEREGA**

RASUL JOHN, BAKA ti udah dirikot di Bup Pemandang, mega ngagai Serega. Penemuai iya kin didulu ulih penemuai Tuhan Jesus kristus, ti madah, “Aku tu Alpha enggau Omega, ti Pun enggau Pengujung .. iya ti endang bisi, ti endang udah enggau ti deka datai” (Pemandang 1:8). Baka John, penemuai aku ke Serega selalu belabuh enggau penemuai Tuhan ngagai aku dulu.

Nabi Elijah bisi ngagai Serega mega. Sekeda ari utai ti bisi dirikut pasal penemuai iya ke Serega madah: “Benung seduai bejalai, berandau enggau pangan, kerita ti ditarit kuda baka daun api lalu ayan, nurun di antara seduai. Elijah niki ke Serega dalam ribut ti pulas uchung.” ( 2 Rajah 2:11). Elijah terebai ke Serega ngena ribut pulas uchung, lalu aku pechaya penerbai aku ke Serega ulih dicherita baka chara tu.

Tuhan udah manah enggau mayuh orang sebedau aku—orang ti dibai Iya ke Serega sebedau sida mati. Ba siti-siti iya, bisi tuju ka bendar penemuai sida ke Serega nya. Selalu iya, Tuhan deka ngasuh orang nemu Iya dekaka sida begulai enggau Iya belama iya.

Naka meh berekat aku ti udah dipilih antara mimit orang dipebasaka Iya bakatu. Balat agi aku belematika tu, ukai ketetal aku spesil tang laban aku deka ngasi sereta gawa ka Tuhan belama-lama iya. Aku rindu madahka orang pasal penemuai aku ke Serega.

## **PEMAKAI PERINTAH SEREGA**

LAMA KAMI DUAI bejalai, udah nya kami limbang ke kanan, bejalai nurun ke baruh munggu ngagai sekeda batu galang. Aku meda ai sungai ti panjang sereta sempit.

“Utai ti deka dipandangka Aku, Anak, spesil ka anak-anak Aku.”

## *Pemakai Serega, Pemerindang Serega*

Bisi buah kayu ba tebing sungai. Ba sapiak siti, buah iya bechura ungu, ba sepiak iya mansau. Buah tu manah amat dipeda, aku ingin deka makai iya. Buah mansau nya baka gamal ai mata.

Tuhan nyangka nemu pengingin aku deka nyepi buah nya, nya alai Iya matah siti lalu meri iya ngagai aku. Iya enda baka buah ka selalu diempa aku. Iya sangat nyamai asai ti ngasuh mulut aku turun ke mua!

“Nama kebuah nuan enda makai deh, Tuhan?”

“Aku enda lapar, tang aku gaga meda nuan rindu makai iya.”

Lama kami bejalai, udah nya aku meda jematan mansau digaga ngena kayu. Lebuah kami bejalai atas iya, aku merening ke baruh lalu tepedaka sungai ti penuh enggau mayuh macham ikan.

“Nama guna semua ikan nya?” ku aku nanya.

“Tu meh pemakai Perintah Serega,” ku Tuhan nyaut.

Gaga ati aku ninga kitai deka makai buah enggau ikan di Serega. Laban tu pemakai Serega, kitai patut makai sida mayuh agi di dunya tu. Aku selalu berundingka ikan enggau buah tu pemakai ka pengerai, penemuai aku ke Serega netapka utai tu.

Meda ikan nya nyemerai bebas dalam ai selalu ngasuh aku ketawa. Aku lekik-lekik sereta nanya, “Tuhan, dini alai kitai manduk sida?” Sebedau Iya nyaut, aku meda nyawa ti digembar enggau genera pansut. Nya alai aku nemu Tuhan deka mandang utai ka aku.

Aku meda sepiak kanan sungai, aku meda siti dinding batu ti besai sereta tinggi ti nadai pengujung. Iya sangat tinggi enda ulih dipeda puchuk. Aku ulih meda pasir burak tuchi ari jalai ngagai dinding batu. Nadai kayu ba tempat nya, tang pasir iya burak sereta beresi.

Tuhan nyaut tanya aku, ngulurka jari Iya ke dalam sungai nangkap siku ikan besai sereta burak, mesai dua iti jari aku. Aku rindu meda Tuhan ngereja tu ka aku, pengawa Iya ngasuh ketawa. Aku belabuh lekik-lekik lebuah meda Iya.

Udah nya, aku bejalai enggau Iya ngelimpas batu nya, alai aku meda mayuh tempat alai berapi ti bechura pirak. Ba atas oven bisi grill enggau pinggai sereta gerepu. Tuhan semina nekanka suis ba sepiak oven nya api lalu menyadi.

Udah nya Iya nyadi tukang masak, betul-betul ba mua aku. Iya nunu ikan dataika kedua piak udah bebali pirang. Iya dipeda aku gaga ngereja utai tu ka aku.

## SEREGA NYA AMAT NYATA

Enda nemu kebuah, aku deka makai iku ikan nya, nya alai aku nunjukka iya lalu Tuhan meri aku satengah ikan nya tadi. Iya makai satengah lalu aku makai satengah. Nyamai endar. Enda kala aku makai ikan ngenyamai nya. Tuhan meda aku gaga makai pemakai Serega.

Udah kami tembu makai, Iya ngambi pinggai enggau gerepu aku lalu diengkah Iya ba siti sarang bechura pirak. Udah nya Iya bejaku, "Anak, nitih ka peda nuan, Aku udah nyendia semua iya ka anak-anak Aku."

Aku tuchum enggau pengaga ti tulin.

Udah nya kami pulai ke jalai lalu pulai baru ngagai rumah burak alai kami selalu begari. Siku malikat mai aku ngagai bilik pupur, udah aku betukar ngagai gari manah enggau mahkota, Tuhan udah nganti aku.

Iya megai jari aku, kami lalu bejalai ke pegung. Dia, aku belabuh belagu sereta betanda, baka ti selalu digaga aku. Saritu aku berasai spesil berasai baruh ati ngenang utai ti udah dikereja Tuhan ka aku, lebih agi saritu ari sida buhai.

Ukai ketegal aku makai ikan; iya nya laban Tuhan enggau Penyelamat aku empu manduk ikan nya lalu kami duai sama makai. Iya mandangka pamanah Iya baka ti dikereja Iya ka bala rasul sebedau Iya ke Serega. Semua peragam tu datai ba runding aku lebuah aku betanda.

Udah nya Tuhan ngangauka aku duduk semak Iya. Aku ngengkahka jari aku dibaruh lengan Iya, mua aku ba bau Iya, udah nya aku belabuh nyabak. "Minta kasih nuan Tuhan, awakka aku diau ditu. Aku enggai ninggalka Nuan. Gaga endar ati aku."

"Anak, nuan mesti ngereja pengawa tu ka Aku. Enggai ka nuan tetinggal utai ti udah dipandang sereta dipadah Aku. Aku nemu nuan kiruh, tang udah utai tu tembu, nuan deka diberekat."

"Tuhan, semina Roger ti ulih nulung aku nulis, lalu iya udah ngereja mayuh ka aku."

"Padah ka iya Aku rinduka iya. Aku deka merekatka iya lebih ari ti disangka iya. Lalu pia mega, asuh iya magi maya ka Aku. Sapa-sapa ti rinduka Aku mesti magi maya ka Aku."

Nya maya ti manah enggau Tuhan. Lebuah kami badu bejaku, kami pulai ngagai rumah burak lalu begari ngena gari burak. Udah nya kami pulai ke dunya lalu bejalai ba tebing tasik. Kami duduk dia, lalu aku ngengkahka lengan aku ba enggi Iya lalu bejaku, "Aku rinduka Nuan Tuhan."

"Aku rinduka nuan, Anak ti berega." Iya nyaut enggau nyawa ti penuh



## *Pemakai Serega, Pemerindang Serega*

pengaga. “Padahka tiap iku orang mayuh utai dipakai di Serega. Semua utai ditu nyamai ari di dunya. Baka ni asai ikan nya tadi?”

Aku nganggukka pala. Lebuhi kami bediri, Tuhan merap aku sebedau Iya ngejang.

Tuhan makin rindu bebakih tiap kali aku meda Iya. Aku ingat terubah iya, Iya enda merap aku tauka ngangauka aku anak Iya tauka ngena jaku manah bukai. Diatu Iya ngangauka aku ngena nama ti manah-manah. Aku berasai rindu enggau Iya.

## **TEMPAT MERINDANG ATI**

BUP KUDUS MADAH: “Nuan deka nunjukka aku jalai ti nuju ngagai pengidup; ati aku andal laban nuan bisi enggau aku, lalu penyaup ari nuan ngasuh aku lantang belama.” (Masmur 16:11). Penemuai aku ke Serega udah mandangka pemendar ayat tu. Serega tu tempat merindang ati ti belama iya. Tuhan rindu merindang anak-anak Iya. Iya dekaka sida gaga.

Kena 29 haribulan Tiga, aku enggau Tuhan ari pukul 6:40 pagi ngagai 8:45 pagi. Tubuh aku begetar dua puluh minit pagi nya, udah nya aku ninga nyawa Tuhan sereta meda Iya. Iya megai jari aku, aku meda tubuh aku ti udah betukar bejalai di tebing tasik enggau Iya. Kami bejalai enda lama, udah nya kami ke Serega.

Kami nukar gari ba rumah burak baka selama. Uдах nya kami bejalai nengah jematan mas, nengah jalai besai ti nadai udah ditengah kami duai. Kami datai ba siti tempat puang nadai rumput, kayu, tauka bukit. Seluruh tempat burak, asai ba menua Artic. Kami majak bejalai datai ke pengujung jalai nya.

Bisi siti sungai besai ba mua kami, aku meda bukit ba sepiak-sepiak sungai nya. Iya ti ari kanan tinggi agi. Kami bejalai terus ngagai sungai nya ti bebatu mit ti lekat ba kaki lebuhi kami bejalai.

Sungai nya penuh ulih perau mit. Kala aku meda utai baka tu di dunya —alai mensia berikan, nyemerai, ski-ai tauka rindu merau.

“Deka nuan merau ba siti perau nya?” ku Tuhan nanya.

“Ya,” ku aku nyaut, “ka aku.”

Kami niki ngagai siti perau nya, Tuhan lalu bekayuh ngena jari Iya. Jauh ga kami udah ngejang. Ari tisi perau nya, aku meda mayuh bendar ikan ari mayuh macham chura dalam ai.

## SEREGA NYA AMAT NYATA

Mata aku tetumpu ngagai ai ti sangat chiru nya. Aku ulih meda ngagai dalam. Iya chiru baka kacha. Bala ikan, baka selama, ngasuh aku ketawa.

Sida ikan terang sereta manah dipeda. Sida baka ikan iyas ka disimpan orang ba belakang rumah.

"Tu, Anak, kena merindang ati. Baka nuan, Aku rindu meda ikan nyemerai dalam ai."

Tempat nya penuh pemaik. Lebuah aku meda ngelinggi nya, asaika kami duduk atas gelas ti besai. Kami ninggalka perau nya lalu bejalai nengah jalai ti ditengah kami ngagai danau nya; udah nya kami nguing ngagai jalai ti sempit, jalai bukit. Pemandang ari atas nya naka pemanah, di darung nya penuh enggau rumput tinggi. Siti sungai bisi dipeda ba tanah nya.

Aku meda bisi utai engkebut ba tanah ti nyau baka kebun gandum. Uдах nya aku meda mayuh agi utai engkebut. Darung nya penuh ulih jelu nyau ka baka chapi kitai di dunya.

"Tulis ka tu, Choo Nam. Aku dekaka anak-anak Aku nemu utai ti nganti sida di Serega. Aku nemu mayuh anak-anak Aku bisi tanya pasal Serega. Sekeda sida betanya bisi ka nadai utai dipakai di Serega."

Aku nemu saut ngagai tanya tu, lalu aku ngasaika pemerindang menuhka ati aku lebuah aku meda pemandang ba mua aku.

Kami enda ulih lama dia. Tekala nya Tuhan mai aku pulai baru ngagai rumah burak alai kami begari, udah begari lalu ke pegung. Aku belabuh belagu dalam pengaga. Uдах nya aku duduk semak Tuhan.

"Rindu nuan ngena perau tadi, Anak?" Iya nanya.

"Oh, ya Tuhan."

"Lebuah Aku mai anak-anak Aku kitu, Aku dekaka sida rindang. Sida ulih ngereja mayuh utai ti sama kereja sida di dunya. Aku dekaka sida gaga. Nuan mesti ingatka semua utai dipandang sereta dikejutka Aku. Aku enggai ka nuan kalang-kabut. Nya kebuah Aku nandu utai ka beguna."

Kami pulai baru ngagai rumah burak, nukar gari lalu ngagai tebing tasik di dunya. Tuhan dipeda aku baka ka beguai, nya alai kami enda duduk tauka bejaku sekalitu. Iya semina kerap aku lalu ngejang. Baka selama, tubuh aku badu begetar sepengudah Iya angkat.

## AI KA DUNYA

Lebuah bulan Empat ti manah berengkah, Tuhan ayan dalam bilik tinduk

### *Pemakai Serega, Pemerindang Serega*

aku lebuah pagi 1 haribulan Empat pukul 6:20 pagi. Aku begulai enggau Iya ngagai pukul 8:35 pagi. Tubuh aku begetar pengelama 30 minit, udah nya Iya datai lalu bejaku ngagai aku. Iya ngangkatka jari Iya, aku meda tubuh Serega aku ba tebing tasik, udah nya Iya mai aku ke Serega.

Udah nukar gari kami, kami bejalai nengah jematan mas. Kami bejalai nengah jalai besai ti bebatu ba sepiak-sepiak jalai. Kami bejalai lama ari ka selama ngujungka kami datai ba siti bukit batu ti tinggi. Iya sangat tinggi alai aku enda ulih meda tuchung iya, tang aku meda iya bisi batu chelum ti besai nyulut ari pun iya. Antara batu nya, gelumbang ti besai mangka katas ke baruh baka kabut. Ai nya dipeda baka ka dalam.

Nadai jalai ke baruh ngagai ai, nya alai kami semina meda iya ari sepiak bukit nya. Ai nya baka ka menuhka siti lubang ti besai. Tuhan nerang, "Ai tu ka dunya."

Nitih ka selalu iya, Tuhan enda nerang enggau penuh reti jaku Iya. Selalu iya, Iya semina madahka aku sekeda utai, lalu guna sida. Lebuah aku nanya iya tanya terus, taja pia, Iya selalu meri saut.

Iya ke selalu agi, taja pia, aku enggai tak selalu nanya, laban aku nemu siti ari ila aku deka nemu semua iya. Pengawa aku diatu iya nyadi tukang tulis ti nulis utai ti dipandang enggau dipadah Iya ka aku, lalu aku nemu Iya deka meri penerang enti Iya mikir nya berguna.

Kami ninggalka tempat nya lalu bejalai baru nengah jalai panjai siti. Lebuah kami datai ba simpang empat, kami nguing ngagai jalai tisi semak enggau jematan mas. Lebuah bejalai nengah jalai tu, aku tepedaka mayuh rumah ba tisi sungai nya.

Ba belakang rumah mayuh bemacham-macham kayu buah. Teratur kebun nya dipeda aku. Baris keterubah kayu bechura gadung ti ngemansutka buah bechura kelabu. Raban ti kedua kayu bedaun mansau. Sida bemacham-macham chura ti ngasuh sida manah dipeda lebuah begulai. Nyau asaika enda ulih enseput aku meda pemanah utai dia.

Nadai bukit ba Serega sepiak tu—semina ai, pasir, rumah enggau kayu. Iya tempat ti besai alai aku enda ulih meda ujung iya.

Tuhan mai aku tama siti ari rumah nya. Iya tu enda sama enggau rumah besai enggau maligai ti kala dipeda aku. Dalam iya nadai tentu canggih, chura iya enda tentu tak balat terang.

"Tu rumah tebing tasik ka anak-anak Aku," ku Tuhan nerang.

Naka pemanah! Kitai bisi rumah alai peremisi di Serega! Amat endar,

## SEREGA NYA AMAT NYATA

Tuhan amat dekaka anak-anak Iya lantang sereta gaga, rindang belama iya.

Udah penemuai gaga tu, Tuhan enggau aku nukar gari kami lalu pulai baru ngagai pegung ti teduh nya alai aku belagu enggau betanda ba mua Iya. Aku nemu Tuhan tuchum enggau pengaga taja pen aku enda tentu ulih meda mua Iya enggau terang.

Iya ngangauka aku duduk semak Iya, sekali agi aku belabuh nyabak, laban aku nemu penemuai kami duai nyau ka semak pengujung. Lebuah aku enggau Iya, aku enggai tinggal Iya. Penatai Iya penuh pengaga.

Aku duduk semak Iya, lalu ku Iya, "Aku udah nyendiaka mayuh utai di Perintah Aku ti dikerinduka anak-anak Aku di dunya. Mayuh macham utai kereja. Nadai siku sida deka leju. Tiap iku bisi diberi pengawa.

"Pikir nuan, nama kebuah Aku milih bala nabi bekerejaka Aku di dunya? Baka nuan, Aku nganjung sida awakka ngereja pengawa Aku. Enti nadai bala nabi, Aku nadai jalai deka ngenataika peneka Aku ngagai anak-anak Aku.

"Nya alai, Anak, anang tetinggal utai ti udah dipandang sereta dipadahka nuan. Padah ka semua iya. Laban nuan udah balat ngasika Aku ti ngasuh Aku ulih ngena nuan.

"Tua mesti pulai diatu."

Iya megai jari aku, kami nukar gari lalu pulai baru ngagai tebing tasik di dunya. Baka nya mega, kami enda duduk tauka bejaku. Tuhan semina merap aku lalu ngejang. Sekali agi tubuh aku badu begetar sepengudah Iya ngejang.

## *Sepi Meh Perintah Serega*

*Kebuah pia kena nentu ka pengarap kita endang amat. Indah mas ti tau dirusak, di uji ngena api; lalu pengarap kita, iya ti lebih agi agi berega ari mas, enda tau enda di uji, awakka ditemu bendar nyambut puji enggau mulia enggau basa, ba Hari Penatai Jesus Kristus. Kita rinduka iya, taja kita nadai udah meda iya, lalu kita arap ka iya, taja kita diatu nadai meda iya. Nya alai kita gaga bendar enggau pengaga ti bemulia ti enda ulih sebut ngena jaku, laban kita nyambut pengelepas samengat kita, ti endang tuju pengarap kita ka iya.*

— 1 Peter 1:7-9

**B**eberapa pengelama ti udah, burung achang ti manah udah nyadi tanda pasal dua iti pekara: pemaik enggau Roh Kudus. Lebu John Pemaptisa maptisa Jesus di sungai Jordan, Roh Tuhan “nurun atas Iya baka burung achang. Lalu munyi nyawa bisi didinga ari serega, “Nuan tu Anak ti dikesayau aku. Aku rindu bendar ka nuan”. (Luke 3:22) Burung achang nya meh ti madahka Noah pasal ai bah ti udah surut. Nya kebuah mega, aku enda iran laban bisi tetemuka burung achang di serega maya aku nemuai kin.

Pagi 3 April, Tuhan bisi enggau aku ari pukul 6.00 pagi ngagai pukul 8.30 pagi. Uдах bekau aku ti begetar pengelama 30 minit aku tedingaka nyawa Tuhan lalu Iya megai jari aku. Enda lama udah nya, aku meda tubuh roh aku bejalai enggau Tuhan ba tebing tasik.

Kami niki ke serega, dia kami beganti gari. Kami duai nyemerai jematan mas lalu bejalai di sebelah kanan ari siti jalai. Jalai nya besai lalu ba atas iya ditutup ulih langit-langit ari daun-daun ti datai ari pun-pun kayu ti besai amat ti tumbuh ba kedua-dua piak jalai nya. Tu jalai ti lain ari jalai ti suah alai kami duai bejalai ari ngelamatu. Kami bejalai lama agi ari ti udah lalu limbang ngagai siti jalai ke kanan. Kami bejalai umbas iya pengelama ba jalai tu. Jalai tu ngelingi siti bukit ti besai. Ba sepiak kiba



## SEREGA NYA AMAT NYATA

kami, bisi siti darung ti penuh ulih kayu bechura gadung. Ba tengah darung nya penuh ulih batu mit ti bechura burak.

## BURUNG ACHANG SEREGA

LEBUH AKU MERENING nunga ke darung nya, aku meda bisi utai engkebut tunga batu burak nya. Tempat nya penuh ulih burung.

“Tuhan, nama bansa burung tu?” Aku nanya.

“*Sida nya burung achang.*”

“Nama kebuah mayuh endar sida dia?”

“*Sida tu beguna ba Aku.*”

Tempat nya manah bendar—besai sereta manah. Kami niki atas siti dinding batu galang alai kami bediri lalu meda burung achang serega. Kami duai bediri dia lama, sambil meratika pemayuh burung achang ba serega lalu aku lali meda sida.

## TASIK TI BESAI SERETA NADAI PENGUJUNG

KAMI NURUN ARI tingkah lalu neruska pejalai kami. Enda berasai kami lalu datai ba sebuah jalai ti sempit di sepiak kiba ba alai kami limbang lalu bejalai terus. Aku tepedaka siti tasik ti balat besai baka ti nadai pengujung iya. Maya kami ngampir tasik nya, aku bisi meda sebuah dinding ti tinggi ti bisi anak tangga ke baruh nuju ngagai tebing tasik nya. Kami niki dinding nya lalu nurun nengah anak tangga nya.

Ba tisi-tisi tebing nya penuh enggau perau-perau ti besai enggau mit. Sebuah pengkalan ba serega lalu tiap-tiap perau di serega dirantai ba batang ti besai. Semua perau bechura burak. Maya aku ngampir endur nya, aku meda tiap-tiap perau nya bisi bilik ti badas lalu jendila ari di gaga ari kacha ti bechura. Gamal utai tu nyau baka gerija mit datas ai.

“*Ka nuan enggau Aku niki siti ari perau tu, Anak?*” Tuhan nanya.

“*Aku ka!*” saut aku enggau gaga.

Iya lalu ngiring aku ke siti perau nya, lalu nepan iya. Ba dalam bilik perau nya chukup beresi sereta kemas, tang perau nya mina chukup ditepan dua iku aja. Dia bisi dua iti penuduk ba luan lalu dua iti penuduk ba kemudi.

Aku lalu teingat bakani Tuhan ngabung antara tasik, dunya

### *Sepi Meh Perintah Serega*

enggau nginti dalam ministri Iya ba dunya tu. Peter, James enggau John—tiga iku murid Iya—sigi orang berikan. Iya selalu meri jaku ajar ba tasik Galilee, lalu Iya selalu ngena ikan nyadika batang ajar Iya. Cherita pasal Jesus ti udah ngasuh kabut teduh pansut ari runding aku. Benung sida belayar, Jesus lalu tinduk. Kabut besai datai lalu mangkaka tasik nya, lalu perau sida nyau tama ai mayuh bendar. Semua sida nya ka bebadi kena laban penusah. Sida murid mansang ngagai Jesus lalu ngerak iya, ku sida. “Tuhan! Tuhan! Kitai nyau ka mati!” Jesus angkat lalu bejaku ngerara kabut enggau gelombang. Kemaya nya kabut badu, tasik lalu teduh. Uдах nya ku Iya bejaku enggau sida murid Iya, “Kini ka pegarap kita?” Tang sida alit bendar ati lalu takut, nya alai ku sida bejaku enggau pangan diri, “Sapa orang tu? Iya ngerara kabut enggau gelombang, lalu sida ngasika Iya!

—Matthew 8:24-27

Jesus rindu bendar ka tasik! Iya rindu amat ka rampa dunya ti udah digaga Iya. Iya mega dekaka kitai ngasaika nya mega. Endang amat, lebuл mensia digaga, sida digaga awakka idup di Paradise tempat ti lebih manah ari ti ulih dipikir kitai—Kebun Eden—siti tempat ti tuchi beresi, musim ti enda berubah, penuh berekat, likun sereta penuh pengelantang. Tang ketegal dosa mensia, kitai enda disagi ngagai kebun kудus tu.

Tuhan, ketegal pengerindu Iya ti amat dalam, ngaga jalai ngambika kitai ulih pulai baru ngagai *Paradise* di serega. Iya nganjung Anak Iya mati ka kitai: “Laban Allah Taala udah balat rinduka dunya, Iya nganjung Anak Tunggal Iya, awakka barang sapa ti arap ka Iya enda mati tang bulih pengidup ti meruan” (John 3:16). Paradise ti udah lenyau udah ditemu baru nengah pematі enggau pengangkat Anak Iya.

Semakin aku belajar bup Pemungkal, semakin aku meretika Kebun Eden tu siti serega *replica* di dunya. Gaya ti baka nya meh ti dikedeka Tuhan ulih diasaika bala anak Iya. Nadai pematі, pemedis, pemerinsa, pemetang, tauka penyakit di Eden, lalu tentu aja nadai di rumah serega kitai!

Naka meh penyelai tempat nya, sereta pemanah serega ngelui ari gambar pasal Eden nya:

## SEREGA NYA AMAT NYATA

Udah nya Tuhan Allah Taala numbuhka kebun di menua Eden, adap ke timur, lalu ngatur orang siku ti udah digaga iya diau dia. Iya nanam chukup macham bansa kayu ti manah dipeda enggau ti manah buah. Ba tengah kebun nya bisi sapun kayu ti meri pengidup enggau sapun kayu ti meri penemu ngasuh ngelala samua utai. Kebun nya bulih ai ari siti sungai ti bepati empat, ti rarat ari Eden.

—Pemungkal 2:8-10

Enda ngasuh ati iran enti rumah serega kitai sebaka gamal enggau tempat ti pemadu luar biasa di dunya—tasik, babas, umai, pun kayu, bungai, burung, jelu, buah enggau sungai bisi dia ti ulih diasaika kitai baka Tuhan ti udah ngaga sida ka kitai di Eden. Laban dosa, kita lenyau hak diri deka ngasaika Paradise dunya, tang nengah pengarap dalam Jesus Kristus siti hari ila Paradise deka digeraika baru ka tiap iku kitai! Enda ka tu ngasuh ati rindu?

Pikir aku lalu terebai ke ayat tentang Jesus lebuah Iya bejalai di atas ai:

Lebuah hari nyau lemai, perau ti dikena sida pen datai di puak tasik, lebuah Jesus agi tinggal kediri di darat. Iya meda sida murid iya kena penusah nayung ka perau sida, laban rebut muput nachak ka sida. Nya alai kira antara pukul tiga dini hari enggau pukul enam pagi, iya datai ngagai sida, bejalai atas ai. Iya deka bejalai mansa sida. Tang lebuah sida meda iya bejalai atas ai, sida ngumbai iya nya antu lalu nyeraoh. Lebuah sida meda iya, “sida bela takut magang. Kemaya nya Jesus bejaku enggau sida, ku iya, “Anang takut! Aku tu, anang takut!” Udah nya iya nepan ka dalam perau enggau sida, lalu rebut ngetu betiup. Sida murid iya bela alit ati.

—Mark 6:47-51

Ya, Jesus rinduka tasik, lalu Iya rinduka semua utai ti digaga Iya. Tu meh kebuah aku pasti serega tu baka gamal asal ari semua ti manah di dunya. Tuhan enggau Tuan aku inginka kitai ngasaika perintah serega!

Terang amat Jesus dekaka aku ngasaika pengalaman niki perau serega.

## *Sepi Meh Perintah Serega*

Iya nekanka siti suis lalu perau mit belabuh bejalai, belubah mula iya, lalu udah nya kami betambah laju. Aku rinduka angin muputka mua aku sereta kabut chelap ti bisi diasaika naka pemeresi sereta ngasuh segar.

Aku belabuh ketawa lebu kami berengkah laju ba atas tasik ti tenang, lalu udah nya aku belabuh belagu. Aku berasai amat gaga. Jauh lain ari niki perau ti udah diasaika aku di dunya, alai aku selalu mabuk tasik tauka mutah. Sekali tu enda. Aku rinduka setiap pengalaman ti manah tu.

Dalam pejalai pulai Tuhan ngemendarka aku ngemudika perau. Aku ngereja iya enggau penuh pengaga ti ngasuh aku ketawa sereta belagu. Aku ulih ningaka Jesus ketawa enggau aku. Aku nemu Iya meratika aku baka orang tuai ti nyaga anak sida.

Taja pen kadang-kadang aku ketawa tebatuk-batuk, aku ulih ngemudika perau nya sampai pulai tama ngagai dok. Kami pansut ari perau lalu Tuhan nanchangka tali perau nya. Iya bejaku, "Choo Nam, nuan meda perintah bisi mayuh hal ti dipeda nuan di dunya. Enti semua anak-anak datai ngagai Perintah Aku, Aku inginka sida ngasaika hal-hal ti udah disediaka Aku ka sida."

Aku tuchum, laban aku mereti mimit utai ti di sebut Iya. "*Anak-anak Aku deka lantang,*" Tuhan neruska, "*lalu tu meh kebuah iya Aku udah madahka sida ngasuh sida ngelepaska hal-hal dunya awakka ngasuh Aku gaga. Sida ulih bempu nama-nama ti diguna diri sementara sida bisi di dunya enti sida talukka Aku. Aku inginka sida ngengkahka Aku nyadi lumur satu dulu, lalu Aku inginka sida idup dalam pengidup kudus laban Aku rinduka sida semua lalu ingin mai sida kitu.*"

## **CHARA BERIKIR TI ENDA SAMA**

TUHAN BEJAKU NGAGAI kitai dalam Isaiah, "Runding aku enda baka enggi kita, lalu jalai aku enda sebaka enggau jalai kita. Baka serega ti tinggi ari atas dunya, baka nya mega jalai enggau runding aku tinggi ari enggi kita." (Isaiah 55:8-9. Amat bendar, Tuhan meri aku penemu lebu pagi bulan Empat nya tentang reti ayat tu.

Udah penemuai ke tasik, kami beganti baju lalu pegi ke pegung alai kami selalu duduk sereta berandau. Tuhan duduk di tempat biasa Iya di atas batu, lalu aku belabuh belagu sereta betanda. Uдах nya, baka ti selalu dikereja Iya, Iya ngangauka aku datai duduk disepiak Iya. Iya belabuh



## SEREGA NYA AMAT NYATA

madahka beberapa hal ti beguna enggau aku.

*“Anak, nuan spesil ba Aku. Lebu Larry Randolph benabi pasal nuan lalu madahka nuan pemesai rega nuan ba Aku, nuan enda pechaya ka iya.”*

“Aku enda pechayaka iya, Tuhan, laban aku mikir baka ni orang baka aku ulih nyadi ti amat spesil ba Nuan. Aku amat iran ati enti berpikir Nuan udah meratika aku. Aku pechaya Nuan nyaut mayuh amat sampi aku, tang aku enda kala ngira Nuan ingatka aku.”

“Lebu Pastor Larry benabi sereta madahka aku, aku tu pangan Nuan, aku ningaka jaku nya tiap ari. Tiap kali aku ningaka iya bejaku pasal aku, tubuh aku belabuh begetar. Urapan nurun, lalu udah nya aku pechaya Nuan deka ngena aku enggau chara ti spesil. Aku selalu nganti Nuan deka bejaku enggau aku tiap malam.”

Tuhan ningaka enggau bebendar, udah nya nimbali:

*“Aku milih anak-anak Aku ti tuchi sereta taluk—sida ti ngengkahka Aku terubah dalam pengidup sida. Nuan nguji enggau penuh pengering deka ngenyamaika ati Aku, tang nuan mesti ingat, Aku semina meda ati anak-anak Aku. Nuan berpikir baka mensia. Chara Aku berpikir enda sama enggau chara nuan.”*

*“Aku nemu hal tu ngasuh nuan lelak lebu maya tu, tang nuan mesti besabar.”*

*“Anak, Aku enggaika nuan irauka utai apa-apa. Serahka aja semua iya ngagai Aku. Baka ti udah dipadahka Aku ngagai nuan, tu bup Aku, lalu bup tu deka ditembuka nitihka peneka Aku.”*

Aku rinduka maya baka tu begaul semak enggau Tuhan. Aku amat ngasaika baka Mary ti sanggup duduk semak kaki Tuhan deka belajarka peneka Iya. Tang, Marta, selalu bebendar deka ngenyenangka ati Iya, lalu dia penuh ulih pengirau, cemburu sereta ringat. Aku mutus ati deka nyadi baka Mary berengkah ari nya.

Marta amat irau lalu negur: “Tuhan, enda ka nuan peduli, menyadi aku ngelakka aku bekereja kediri? Asuh iya mantu aku” (Luke 10:40). Tuhan nyaut, “Marta, Marta, nuan irau sereta nusahka diri enggau mayuh pekara, tang siti aja ti beguna: Mary udah milih bagi ti pemadu manah, ti enda ulih diambi ari iya.” (Luke 10:41-42).

Betul, aku mutus ati deka nyadi baka Mary ukai Marta. Aku udah milih “bagi ti pemadu manah” ti enda kala deka diambi ari aku, iya nya siti kaul



## *Sepi Meh Perintah Serega*

pribadi enggau Jesus Kristus. Nadai utai apa-apa di dunya ti lebih beguna ari tu!

Aku inginka pikir aku digaga baru dataika aku ulih meda hal-hal ngena chara serega ukai ngena chara dunya. Tuhan benung nulung aku ngulihka tuju ati tu. Aku teingatka utai ti udah disebut ulih rasul Paul di dalam bup Rome:

Runding ati sida ti idup nitih ka gaya pengidup mensia ti bedosa ari asal, diperintah peneka mensia ti bedosa; tang runding ati sida ti idup nitih ka Roh Kudus diperintah peneka Roh Kudus. Enti runding ati kitai diperintah gaya pengidup mensia ti bedosa—nya ngujung ka pemat, tang enti runding ati kitai diperintah Roh Kudus—nya ngujung ka pengidup enggau pengelantang. Nya alai runding ati orang ti diperintah gaya pengidup mensia ti bedosa ari asal ngelaban Allah Taala, laban iya enda ngasika pesan Allah Taala, sekali-kali pen iya enda tau ngasi. Sida ti diperintah gaya pengidup mensia ti bedosa nya enda ulih ngereja utai ti ngerinduka Allah Taala.

—Rome 8:5-8

Deka idup nitihka Roh Kudus amat-amat iya nya pengidup enggau pengelantang, lalu tiap kali aku pegi ke serega enggau Tuhan aku nemu reti utai tu. Aku mutus ati deka mai pulai pemandang serega enggau aku ke dunya, awakka terus ngangkatka kaul aku enggau Tuhan lalu ngelakka iya ngaga pikir aku baru.

Pulai ke dunya pagi tu, kami duduk ba tebing tasik enda lama, lalu Tuhan bejaku, “*Nuan meda mayuh hal di serega.*”

“Ya, Tuhan, lalu penemuai tu ngasuh aku gaga dataika semina pengingat tu ti menuhka pikir aku. Pikir aku tetap di serega, ukai di dunya.”

“*Aku nemu, Anak.*”

“Pengidup aku ukai pengidup aku kediri, Tuhan. Berengkah ari berubah aku begulai enggau Nuan, aku udah berubah. Aku nemu enti laki aku ukai orang ka pechaya, iya udah lama ninggalka aku.”

“Aku idupka Nuan sebedau aku meda penatai Nuan sereta sebedau aku pegi ke serega, tang diatu — indah lebuah aku tinduk — tiap kali aku dani aku

## SEREGA NYA AMAT NYATA

ngasaika penatai Nuan enggau aku. Siti hal ti ulih dipikirka aku diatu iya nya bup ti diasuh Nuan tulis aku. Aku ngasaika diri dipebasaka ngereja tu ka Nuan, Tuhan. Terima kasih laban pechayaka aku enggau tanggung jawab ti beguna tu. Aku selalu ingin deka ngereja iya enggau naka pemanah awakka ngasuh Nuan gaga.”

*“Aku nemu, anak. Sabar meh, lalu ingatka Aku rinduka nuan.”*

Iya bediri deka pegi, kerap aku lalu lesap. Tubuh aku ngetu begetar.

## SEREGA, TEMPAT ALAI NYEMBAH

DUA ARI UDAH nya, aku nerima siti penemuai ti ngubah pengidup aku sekali agi ari Tuhan. Tu nyadi ari pukul 5.50 pagi dataika pukul 8.00 pagi lebu 5 April. Uдах semak kira 30 minit begetar, aku ninga nyawa Tuhan. Iya datai semak aku lalu megai jari aku. Aku meda tubuh aku ti udah berubah benung bejalai enggau Iya sepanjangi tebing tasik. Kami pegi ke serega, betukar gari lalu bejalai nyemerai jematan mas. Uдах nya kami datai ba siti jalai ti burak perenching ti diiyas enggau bungai-bungai ti naka pemanah ba kedua piak jalai nya.

Aku enda mereti bisi bungai ti pemadu manah baka tu. Baka ni tau bisi bungai ti ngemanah tu? Aku ingin deka nemu.

*“Deka nuan sepating bungai tu, anak?”* Tuhan nanya.

*“Ya, aku selalu rinduka bungai.”*

Iya ningkilka sepating bungai kuning ti manah lalu ngengkahka iya ba tapa aku. Aku megai iya terus pengelama penemuai ke serega nya.

Uдах pejalai iya ka amat lama nya, kami datai ba siti rumah ti besai sereta manah. Rumah ti baka istana nya di ujung jalai, alai tanah iya burak sereta perenching, lalu amat mayuh bungai dia.

Kami pegi ke belakang rumah nya, lalu aku tepedaka bungai di merata alai, penyauh mata aku ulih meda. Pemandang ti ngalitka ati tu ngasuh aku enda tepansutka jaku. Uдах nya Tuhan ngiring aku pulai ke mua rumah nya.

Kami bejalai nengah pintu mansa kaki lima ti besai. Tekala nya, dalam rumah nya nyadi petang. Tuhan lalu lesap. Aku berasaika diri aja lalu berasai takut. Aku belabuh nyabak.

Sejampat tempat nya nyadi petang, sejampat nya mega tempat nya penuh ulih penerang ti pemadu terang ti udah kala dipeda aku. Tempat nya teratur, diiyas, aku amat tetegu ati meda pemanah iya.

## *Sepi Meh Perintah Serega*

Udah nya aku meda tangga nuju ke pelasar alai Tuhan benung duduk. Iya ngena gari mas tuchi. Mahkota mas bekebelik dipanchar terang, lalu baju mas Iya bekilau sereta perenching. Gamal tubuh Iya amat terang, lalu aku enda ulih nyeritaka baka ni gamal Iya.

Udah nya ruai nya dipenuhi ulih orang ti ngena baju burak sereta bemahkota pirak. Sida meremi tunga ke Tuhan, lalu aku pen nitihka sida. Dipeda aku ruai nya bisi mansang besai awakka ulih ngundan bala ti ari mayuh macham bansa enggau chura. Tu meh sembah kudus di mua Tuhan.

Sida semua lalu lesap baka ti dalam video, lalu Tuhan semak aku, ngena baju burak biasa Iya.

“Anak, peda meh ba ngelingi nuan.” Ku Iya bejaku.

Aku ngereja nya, meda nama aja ti ulih ditangkap enggau kedua mata aku. Tu meh ruai ti pemadu besai ti udah kala bisi — baka ruai kena orang betanda ballroom ti ulih ngundan mayuh orang. Dinding iya bekelip-kelip ari batu pemata ti kena ngiyas iya, lalu lantai iya digaga ari batu marmer ti burak tuchi.

“Sida iya nyembah Aku. Sida enda putus-putus nyembah Aku,” Tuhan bejaku, nerangka kebuah orang-orang nya dia.

Aku terus mikirka siti ayat dalam Bup Kudus ti bekaul enggau sembah:

Semua bansa ti udah digaga nuan deka datai lalu ngenduk ngagai nuan. Sida deka muji pemesai kuasa nuan, laban semina nuan aja Allah Taala, ti bekuasa; semina nuan aja ti ngereja utai nyelai.

— Masmur 86:9-10

“Tau ka aku nyembah Nuan enggau sida enti aku udah ke serega begulai enggau Nuan ila?” Aku nanya.

Tuhan tuchum mimit lalu nyaut, “*Tentu aja, Anak.*”

Semina nya aja ti disebut Iya. Aku ngaku berasai malu ulih penatai Iya lebu Iya duduk di atas Kerusi Iya dalam seluruh mulia Iya. Lalu lebu nya kami bejalai begulai, aku ngasaika enda berapa nyamai begulai enggau Iya laban pemandang tentang Iya duduk di atas Kerusi Penuduk Iya ti ngasuh aku berasai takut.

Enti Iya enggau aku, Iya dipeda lain amat. Lebu Iya enggau aku, Iya siku orang biasa aja, semina aku enda ulih meda gamal tubuh Iya enggau



## SEREGA NYA AMAT NYATA

mata aku, tang pikir aku nemu baka ni raut mua Iya. Iya penuh pengasih enggau penelap, lembut enggau penuh mereti.

Asai ti techenga beganti enggau maya ti nyenangka lebuah kami beganti gari lalu pegi ke pegung. Aku belabuh belagu sereta betanda, baka selama, lalu Tuhan ngambi tempat duduk Iya baka selama atas batu. Gambar ari penatai Tuhan ti pemadu manah di atas Kerusi Penuduk Iya kadang-kadang ngerampas pengaga aku, tang aku bebendar deka terus betanda enggau pengaga.

*"Datai kitu, Anak," Iya ngangau.*

Aku belabuh nyabak laban aku nemu penemuai tu deka datai ke pengujung. "Aku enggai ninggalka Nuan, Tuhan."

*"Tempat ti dipandang Aku ka nuan, Choo Nam, nya tempat alai orang-orang Aku deka begumpul deka nyembah Aku. Aku enda ngelakka siku pen di dunya mediska ati nuan. Enti nuan ukai anak indu Aku ti pemadu spesil, Aku enda mai nuan ke serega awakka meda semua hal ti udah dipeda nuan."*

Pesan ti amat manah ti patut didinga aku. Pengerindu Tuhan ka aku udah mechahka penakut aku. Ati ti rawan aku tadi udah lenyau, tang aku nyaut pesan Tuhan ti ngemesaika ati aku enggau chara ti luar biasa.

*"Sapa aku tu, Tuhan."*

Iya nganu aku.

*"Anang sekali-kali nyebut nya agi. Nuan amat spesil ba Aku. Nuan mesti pechayaka tu. Aku mesti milih enggau betul ka pengawa ti pemadu berguna tu, lalu nuan meh ti dipilih Aku. Aku inginka nuan te-ulihka pengidup ti pemadu manah di dunya dataika ari pengujung datai. Aku enda ninggalka nuan lalu Aku deka selalu nyaga nuan, Anak, Aku rinduka nuan."*

Jaku-jaku pengerindu Iya ti lembut sereta ngasuh ati senang. Aku nyabak sedu. Tu meh maya meresi, ngerai, nuchi, lalu aku ngasaika diri dibaru se penuh iya.

Diatu aku nemu serega nya siti tempat ti penuh ulih pengaga. Serega digaga awakka diasaika kitai. Tu meh tuju iya. Baka ti disebut ulih *Westminster Catechism*, tuju pengujung mensia iya nya "deka muliaka Tuhan sereta ngasaika Iya belama-lama iya." Semakin aku semak enggau Jesus di dunya tu, semakin aku ulih ngasaika pengidup aku. Pengerindu Iya ngalahka semua penakut.

*Ya, serega nya amat nyata.*

## *Melikat Di Serega Enggau Di Dunya*

*“Aku deka nyadika Apai iya lalu iya deka  
nyadika Anak...Semua sida melikat Allah Taala  
enda tau enda nyembah iya” Allah Taala  
ngasuh sida melikat iya nyadi baka ribut, lalu  
sida anembiak iya nyadi baka daun api.”*

---

—Hebrew 1:5-7

**P**ENGELAMAN NYELAI AKU enggau Jesus sereta rumah serega alai semua orang ti pechaya deka ngasai siti hari ila, muka mata aku ka mayuh pemendar roh. Aku belabuh mereti, enggau chara ti sama Tuhan udah ngaga kita baka gamal Iya. Iya ngaga dunya baka gamal serega. Tu ngasuh ati aku begetar—nemu hal-hal ti pemadu manah ti diasaika kitai di dunya tu deka nyadi siti bagi ari pengidup meruan kitai.

Tuhan bejaku “Diatu kita deka ngaga mensia sebaka enggau gamal kitai. Iya deka bekuasa atas ikan, atas burung, atas jelu tupi, atas jelu babas enggau atas utai ti ngerayap” (Pemungkal 1:26) Tuhan udah ngagaka kitai dunya ti pemadu manah, penuh ulih ikan, burung, jelu lalu Iya ngasuh kitai bekuasa atas semua bansa jelu ba dunya tu. Baka nya mega ba dalam serega, dia mega bisi mayuh bansa jelu baka ti bisi ba dunya. Semua utai ti udah digaga Iya, manah magang ka kitai.

Tang lebu mayaya Sitan datai mai penyumbung enggau pengingin ati ti salah iya udah mai Adam enggau Awa labuh ngagai kebung dosa. Sitan nadai agi bisi kungsi dalam perintah serega ketegal dosa iya nya. Tu udah nyadi ngagai Adam enggau Awa. Seduai nadai agi ngasaika pengelantang dalam dunya ketegal dosa seduai ti enda talukka perintah Tuhan, semua orang ti enda talukka Tuhan mega enda tau tama ke dalam perintah serega.



## SEREGA NYA AMAT NYATA

Tuhan udah madah ngagai aku pasal utai tu bekali-kali.

Aku selalu nanya aku empu nama reti **Kitai** dalam surat Pemungkal 1:26, lalu diatu aku nemu lalu reti iya iya nya Trinita ti Kudus. Mayuh orang, baka aku empu, bisi ngasaika penemuai melikat kemaya hari tu. Melikat datai nemuai ngagai kita baka iya ti udah nemuai ngagai orang dulu kelia. Sida mai berita ti sebaka ngagai orang ti arap iyanya mai jaku tangan pasal utai ti deka nyadi enda lama agi. Baka ti udah dipadah Jesus ngagai aku, diatu kitai deka datai ba pengujung dunya.

Melikat nya orang ti mai pesan ari Tuhan. Aku udah kala betemu enggau siku ari sida, lalu gamal sida mandangka pengerindu enggau pengasih Tuhan. Sida rindu bendar nyembah Tuhan di serega, lalu sida mega rindu bendar bekunsika pasal pesan Tuhan ngagai kita ti agi ba dunya tu.

Aku rindu bendarka melikat Tuhan ti kudus, lalu aku mega arapka sida bisi enggau aku, baka sida ti bisi enggau aku maya aku benung nulis surat tu diatu. Tuhan mega bisi madah ngagai aku, aku bisi melikat aku empu ngelingi aku. Kitai mesti ngingatka pesan Tuhan ti madah munyi tu "Allah Taala deka ngasuh melikat iya nyaga nuan, ngibun nuan di sebarang endur nuan bejalai. Sida deka nanggung nuan ngena jari sida empu, ngambika kaki nuan enda telih laban batu." (Masmur 91:11)

## DI ATAS REMANG

LEBUH PAGI 8 April aku bisi ngasaika pengerindu Tuhan ngampir aku. Iya datai ngusung aku ari pukul 6.00 pagi nyentukka pukul 9.00 pagi. Tubuh aku begetar pengelama 40 minit sebedau aku ninga nyawa Tuhan ngangau. Iya nyapai jari aku, roh aku dibai Iya bejalai ngagai tebing tasik lama agi ari ke udah. Uдах nya iya mai aku terebai ke serega.

Uдах kami betukar gari, kami duai bejalai niti jematan mas ngagai jalai ti selalu dituju kami. Tang, sekali tu Iya mai aku nengah jalai ti nuju sepiak kiba lalu kami duai bejalai nengah jalai burak ti besai, lalu sepiak-sepiak bisi pun kayu ti besai sereta bedaun lebat ti bechura kuning mansau.

Kami mengkang bejalai lalu datai ba simpang siti lalu nuju jalai ti bebatu sereta bebelit lalu jalai nya nuju ngagai siti tuchung batu ti tinggi. Dia aku meda siti jematan ti tinggi lalu iya melintang antara dua buah bukit. Uдах nengah jematan nya, kami lalu niki bukit ti tinggi nya lalu

## *Melikat Di Serega Enggau Di Dunya*

meda pemanah menua ti dibaruh bukit nya.

Kami berdiri atas remang. Dini-dini tuju utai dipeda aku, aku semina meda remang aja. Lalu Tuhan bejaku enggau aku, "*Tua diatu ba atas tuchung remang*".

Remang bisi mai penerang tanda ti beguna lebih agi ari Tuhan. Tu jaku ti ditusui kami ngagai kita: Barang sapa ti udah mati sereta arapka Kristus deka angkat dulu. Uдах nya kitai ti agi idup lebuḥ maya nya deka digempuru ka enggau sida ti remang, betemu enggau Tuhan di langit. Nya alai kitai deka selalu begulai enggau Tuhan. Nya alai kitai patut ngelantangka pangan diri enggau jaku iya." (1 Tes 4:17-18) Bup Pemandang bisi mega nyebut pasal remang: "Peda, iya datai di atas remang, genap iku orang deka meda iya, nyengkaum sida ti numbok iya" (Pemandang 1:7:14:14)

Tu siti ari utai ti manah diasaika aku di serega. Aku gaga laban aku nemu di serega bisi remang laban aku selalu ngasaika pengelantang lebuḥ aku malik ngagai remang. Aku agi ingat lebuḥ aku agi mit, aku selalu nanya diri empu baka ni gaya utai datas remang, diatu baru aku nemu. Tu meh utai ti pemadu manah ti diasaika aku lebuḥ aku enggau Tuhan ba atas remang.

Aku deka nemu sekaligus kami deka terebai di atas remang ti lembut ti dipeda jauh ari kami ti berdiri. Aku enda mereti enggau terang nama kebuah Iya nunjukka aku remang nya. Selalu orang nanya ngagai aku, "Nama kebuah Tuhan nunjukka nya ngagai nuan?" Aku selalu iya enda nemu nyaut tanya sida nya.

Utai ti temu aku iya nya Tuhan deka nunjukka perintah serega ngagai aku. Lalu aku ulih ngasaika Iya dekaka kitai nemu serega nya bisi ngambi gamal dunya tang jauh lebih manah agi.

Siti pekara ti pasti—Iya Tuhan ti Pemadu Tinggi lalu aku nemu semua utai ti dipandangka Iya ka aku mai reti ti pemadu berega. Iya ti mai aku meda perintah serega ngasuh ati aku balat gaga tang utai ti deka dikunsika aku lebih agi berega.

Aku bebendar deka nyeritaka pengalaman enggau orang buhai ti mesti nemu sereta mereti, lalu ari ti nyadi siku wakil mensia aku ulih nyadi alai Apai nyalurkan pengasih Iya ngagai orang. Kitai tu raban ti beberekat. Tuhan udah bisi di tempat alai Iya bekereja enggau luar biasa. Tuhan deka datai baru enggau lengkas.

## SEREGA NYA AMAT NYATA

### PECAHAYAKA SEREGA

BISI SIKU ORANG ti nulis ayat tu “Serega disedia ke orang ti udah besedia”. Tuhan udah nunjukka aku pasal perintah serega awakka aku tau nyediaka diri lalu aku tau nulung orang bukai besedia.

Batang ajar dalam ayat tu iya nya “Gaga sereta lantang, laban upah ti besai ti udah disedia di serega deka dempu kita”. (Matthew 5:12) Utai ti diarapka ba serega iya nya pengelantang ba dunya.

Udah bekau kami ti niki datai ba tuchung bukit, datas remang ti penuh mulia, Tuhan mai aku pulai ngagai rumah burak ti alai kami betukar gari. Abraham bisi dia lalu nanya kami. Iya lalu bejaku enggau Tuhan enda lama lalu aku bediri enda bemunyi sambil meda pemanah utai ba atas remang.

Tuhan nukar gari Iya, lalu Abraham ngagai aku. Iya ngeŋkahka jari iya ba belakang aku lalu nyebut, “Tuhan udah mandangka mayuh utai ngagai nuan pasal perintah serega”. Abraham tu orang ti tinggi sereta beragum panjai.

Aku ngangukka pala lalu siku melikat mai aku ngagai tempat betukar gari. Aku lalu ngena mahkota enggau gari serega, udah nya dibai Tuhan bejalai nuju pegung. Enda berasai mulut aku lalu belagu muji Iya.

Tuhan lalu duduk ba atas batu galang. Aku pen lalu belabuh betanda tang aku enda ulih nyambung pengawa aku ti muji Iya. Aku berasai balat bendar sinu lalu belabuh nyabak. Aku ulih ngasaika Tuhan enda agi mai aku ngagai pegung nya udah tu. Tu ngasuh aku berasai tusah amat.

Aku nyabak enda badu-badu. Tuhan, ti nemu semua runding enggau asai ati kitai ngangauka aku datai semak Iya. Aku enda mending utai ku iya laban aku nemu Iya tentu deka madahka—kami enda agi ngagai pegung tu.

Iya ngangauka aku baru lalu aku pen duduk sepiak Iya, megai jari Iya lalu nyabak. “Tuhan”, ku aku, “Aku ngasaika Nuan enda agi mai aku kitu. Anang ngelepaska aku, laban aku udu rinduka Nuan.” Aku megai jari iya enggau rapit.

*“Anak ti dikesayauka aku, sigi amai utai ku nuan. Aku badu agi mai nuan kitu datai hari ti penudi ila. Nuan nemu utai tu deka nyadi enda lama agi, sabar nganti penatai hari nya. Aku udah mandangka nuan pasal perintah serega lalu nuan deka besaksika utai tu, tang aku bisi utai deka dipandangka nuan ba dunya.*

*“Aku deka mai nuan bejalai ba tebing tasik lalu bejaku enggau nuan*

## *Melikat Di Serega Enggau Di Dunya*

*dia, anang nuan nyabak agi. Aku deka enggau nuan di sebarang alai. Barang maya nuan deka meda Aku, Aku bisi dia. Aku deka ngelindung nuan ari semua utai ti jai ba dunya tu.*

*“Anak, Aku nemu nuan sigi orang ti deka mantu orang ti tasah. Aku deka merekatka nuan melimpah-limpah awakka nuan tau nulung orang buhai.”*

*“Terima kasih Tuhan. Aku sigi dekaka pemerinya. Aku sigi beamai-amai deka nulung orang ti tasah.*

*“Tu meh kebuah aku udu rinduka nuan, Anak. Maya nuan pulai baru ngagai perintah serega ti meruan tu ila, Aku deka mai nuan ngagai pegung tu baru. Nuan semampai nyadi Anak ti pemadu berega. Aku enggaika nuan nyabakka Aku agi. Aku ka meda nuan gaga lebuah nuan ba dunya tiap hari.*

*“Terima kasih ka penyabar nuan ka Aku enggau lebuah nuan ngereja pengawa tu ka Aku. Aku deka nuan enggau laki nuan bekerejaka Aku dataika pengujung dunya tu ila. Bup ti benung ditulis nuan ka Aku, tembuka dulu lalu nuan deka diberekatka enggau penemu ari Aku. Anang nuan udu irau pasal utai buhai.*

*“Aku dekaka anak Aku macha bup tu, laban mayuh antara sida bisi penyaru pasal serega. Aku dekaka sida pechaya lalu arap pasal perintah serega tu endang amat nyata. Aku ngasuh sida idup dalam pengidup ti tuchi lalu talukka semua Perintah Aku awakka sida tau tama dalam Perintah Aku ti meruan belama-lama.*

*“Bup tu pasal semua jaku Aku enggau pasal perintah serega ti disediaka aku ka sapa-sapa orang ti deka tama ke dalam iya. Semua utai udah disediaka.*

*“Orang ti nulis bup tu mesti diiri sereta diiring ulih Roh Kudus. Anak, enti nuan enda diiri enggau kuasa Roh Kudus Aku ti mulia, aku enda ulih ngena nuan ngereja pengawa tu ka Aku. Baka ti udah dipadah aku tadi, Aku udah nyediaka nuan jam ti chukup alai nyediaka diri empu, laban Aku nemu enda lama agi Aku deka datai baru, lalu aku dekaka semua anak-anak Aku nemu pasal penatai Aku enda lama agi. Anak ti dikerinduka Aku, Aku dekaka nuan semampai ingatka pegung tu”*

*Semua jaku Iya ngasuh aku tegenung. Ati aku kelalu rinduka Tuhan. Iya lalu berdiri, aku nemu tu meh maya kami duai berangkat ari alai tu. Aku lalu nyabak enda badu-badu, tang dalam ati aku nemu Tuhan semampai enggau aku belama iya, pia mega semampai enggau aku ba dunya.*

*Ba bilik ti endur kami begari, siku ari melikat Tuhan kerap aku. Aku*



## SEREGA NYA AMAT NYATA

udu berasai nyamai laban endur tu penuh enggau pengerindu. Maya aku benung nukar gari, aku ngasaika Abraham enggau melikat nya nemu tu meh pejalai aku ti penudi iya ke serega. Lebuah aku pasut ari bilik nya, melikat nya lalu merap aku baru.

Buk melikat nya bechura kuning mansau, ngena baju panjai burak sereta mua iya nelap. Iya tuchum meda aku lebuah aku bejalai nuju Tuhan.

Kami pulai ke dunya baru lalu duduk ba tebing tasik, lalu Tuhan ngingatka aku pasal utai ti udah dipadah Iya ba pegung nya. Iya madahka diri enda ninggal tauka muai aku. Iya madahka kami deka betemu baru ba tebing tasik tu. Iya nangkan aku awakka aku nulis semua utai ti dipeda enggau dipadah Iya ka aku dalam bup.

Lebuah Iya pulai, aku enda berasai sinu agi. Aku arapka jaku Iya. Aku mega arapka semaya Iya. Aku lalu te-ingatka siti genteran ba Bup Kudus madahka "Nya alai bejalai kita ngagai semua bansa orang di sebarang endur lalu ajar sida nyadi murid aku: baptisa sida dalam nama Apai enggau Anak, enggau Roh Kudus, lalu ajar sida ngasika utai ti udah dipesan Aku ngagai kita. Kingatka! Aku seruran deka enggau kita dataika pemadu dunya." (Matthew 28:19-20)

Aku nemu ni asai ati bala murid Iya kelia lebuah Iya pulai ke serega. Iya tentu meri jaku ti sebaka enggau utai disebut Iya ka aku lebuah iya pulai ke serega. Aku nemu iya seruran enggau aku sereta bala melikat Iya semampai ngintu aku lebuah aku ngereja pengawa Iya ti pemadu kudus.

Taja jalai nya petang nadai dpeda achuk mata, aku enda takut, Tuhan, laban Nuan nulung aku! Tungkat Nuan ngasuh aku likun. Nuan nyendia pemakai ka aku, alai semua munsuh tau meda aku: nuan nerima aku, ngiri minyak atas pala aku lalu ngisi ka mangkuk ti dikena aku nyentukka penuh. Pengasih enggau pengerindu Nuan tetap meruan ba aku seagi-agi aku idup; lalu rumah nuan deka nyadika pendiau aku belama-lama.

— Masmor 23:4-6

## PENGINCAT-PENGINCAT TI MANAH

TAJA PEN AKU berasai sinu laban aku enda agi ke serega, tang aku enda muai semua pengingat aku ba serega lebih agi aku enda ulih nukar iya



## *Melikat Di Serega Enggau Di Dunya*

enggau semua utai ti manah di dunya tu. Nadai utai di dunya tu bisi banding enggau pemanah utai di serega.

Aku ngabiska pagi enggau lemai kena ka 8 haribulan Empat belagu, macha jaku Tuhan lalu nguji besampi lebih agi ari ke udah laban aku enda nemu kemaya aku ulih betemu baru enggau Tuhan. Aku ngereja semua pengawa tu nyau ka tiap-tiap pagi, tang pagi nya aku ngabiska jam aku besampi bejam-jam, muji enggau belajarka jaku Tuhan. Sekumbang aku ti nyadi orang ti arapka Tuhan, sampi nya udah nyadika peneleba. Enggau chara besampi tu, aku ngasaika Tuhan bisi enggau aku enda milih jam.

Tang pagi nya aku ngasaika runding aku enda tentu laban aku selalu berundingka aku enda agi niki ke serega enggau Tuhan dataika hari ti penudi ila. Kira-kira pukul 1.00 lemai, aku nyau majak sinu. Aku seruran berunding pasal enda niki ke serega enggau Tuhan. Pengingat dibai Tuhan ke serega enda ulih digulung enggau jaku, naka meh pemanah utai nya ti nyadi dalam pengidup aku. Tajapan aku berasai lelak berapa bulan ti udah, tang roh aku berasai nyamai.

Aku belabuh nyabak. Tang aku bisi ninga nyawa Tuhan bejaku "*Anak, Aku madah ngagai nuan, badu agi nyabakka Aku.*"

Aku nguji ngetatka ai mata aku ari labuh tang enda ulih.

"Tuhan, ampun meh aku. Aku ngarapka Nuan ulih mai aku ke serega baka suba".

Aku deka Iya mai aku ke serega kemaya nya, lalu aku enda ngira barang utai ti dalam dunya tu. Runding aku mina deka enggau Jesus aja. Enda malu aku lalu madahka tu ngagai Tuhan; "*Aku enggai nganti agi Tuhan.*"

Jaku Tuhan nuchuk ati aku "*Anak ti dikesayauka aku, Aku udah madah ngagai nuan, Aku ngarapka nuan ngereja pengawa Aku ke dunya. Sabar meh*"

Bunyi nyawa Iya bakaka nganu. Iya bejaku agi: "*Aku deka datai enggau jampat ari ti dirunding ulih semua orang. Ingat meh, Aku enda ninggalka nuan. Nuan mesti belelak dulu.*"

Udah nya, Iya lalu pegi. Ma aku berasai lempung, taja pan aku agi ngingatka utai ti diasai aku enggau Iya di serega. Semua asai penakut enggau pemat i mesti dibuai ari aku, laban aku nemu, pemat i nya pun pengidup ti meruan di serega. Kadang-kadang aku ngarapka aku mati, tang diatu aku ngulang janji aku kena ngemenuhka pengawa aku ti udah diberi ulih Jesus ka aku.

## SEREGA NYA AMAT NYATA

Aku bisi mayuh pengingat ti manah enggau berega ulih dikingat sereta diidupka. Aku agi mengkang ngingatka semua utai ti dipeda aku di serega—semua jalai ti ditengah kami, rumah-rumah ti udah ditama kami, bukit-bukit ti ditiki kami, melikat-melikat, Abraham, remang, bala jelu, bungai-bungai, pun-pun kayu, burung-burung, sungai-sungai, tasik, letung, pegung-pegung, orang, pemaik enggau pengandal .

Aku enda baka runding aku suba, enti aku udah tuai aku ka ngelantangka ati enggau utai ti manah di dunya—idup dataika tuai sereta raun kin-kitu. Tang diatu aku mina deka enggau Tuhan lebih ari sebarang utai. Aku nemu nya endang amat nyata tang utai ti lebih dikeranka iya nya aku nemu Jesus selalu bisi dia. Aku rinduka Iya lebih ari pengidup aku empu, lalu aku ka semua orang ti arapka Iya nemu bisi serega ti udah disedia ka sida.

Aku setuju enggau penulis masmur tu ti nulis:

Aku deka meri puji ngagai nuan seagi-agi aku idup. Aku deka ngangkatka jari aku lalu besembang. Samengat aku deka lantang sereta gaga, lalu aku deka nyanyi pantun pengerindu muji nuan. Lebuah aku gali, aku ingatka nuan, semalam-malam aku ngenang nuan, laban nuan selalu nulung aku. Di baruh sayap nuan aku empakap, lalu jari nuan megai aku rat.

(Masmur 63:4-6)

Suba, aku selalu deka nemu pasal semua utai tu, kadang-kadang aku tusah bendar deka pechaya, tang diatu aku nemu, aku udah tetemu. Serega, nya meh rumah kitai ti bendar. Lebuah aku ba serega, Tuhan selalu mandangka ai lalu Iya bejaku munyi tu: *“Enti orang nadai ngembuan ati ti tuchi baka ai tu lalu enda idup nitihka jaku Aku, orang nya ila enda ulih tama ke perintah serega Aku.”*

Iya selalu ngulang jaku nya, lalu aku nemu pesan nya berat. Iya mega bisi bejaku munyi tu: *“Mayuh orang enda ulih tama dalam perintah serega Aku laban sida enda idup nitihka jaku Aku. Nya meh kebuah aku mandangka ngagai nuan ngapan baju panjai ti bechura tanah enggau kelabu.”*

Aku sedar, aku nadai pemerik dikena aku nulis bup, lalu aku mina nemu mimit pasal jaku Tuhan, semina utai ti ditemu aku iya nya kitai patut taluk sereta ngasika Tuhan, tang Iya enda ngasuh aku udu irau. Aku belajar nyerahka semua pengirau aku ba Iya, laban aku nemu, Iya sayauka aku. Aku ka ngereja pengawa tu enggau naka manah dikena aku nyenangka ati Tuhan selalu.

## **SEREGA NYA ENDANG BISI**

NYAU LAPAN HARI udah bekau aku ti nemuai ke serega, Tuhan bisi nemuai ngagai aku pengelama 2 jam lebuah pagi 16 April. Tubuh aku begetar pengelama 20 minit, lalu aku bepeluh tusur nganti penatai Tuhan. Iya lalu bejaku, *"Anak, Aku ka berandau enggau nuan."*

Bakaka ngelamatu, Iya megai jari aku, lalu aku meda tubuh roh aku bejalai enggau Iya di tebing tasik. Kami duai bejalai nuju batu ti suah alai kami duai duduk. Sambil bejalai aku lalu bejaku, *"Aku rindu deka enggau Nuan Tuhan. Tu udah lapan hari nuan enda mai aku ke serega."*

Iya mendingka aku, lalu aku nemu Iya nemu utai ku aku, tang Iya diau enda lama. Kami terus bejalai, lalu kami duduk datas batu. Tuhan lalu bejaku, *"Aku rinduka nuan."* Aku lalu belabuh belagu dalam roh. Lagu-lagu pansut ari mulut aku lalu aku enda ulih ngasuh nya ngetu. Aku sedar Tuhan rinduka lagu enggau tanda. Maya aku belagu, Iya meda mua aku lalu Iya amat gaga. Benung aku belagu, Iya ngelampat aku lalu bejaku, *"Anak, Aku bisi utai ti ka dikerandau."*

Aku agi majak belagu lalu Iya bejaku baru, *"Aku bisi utai ti deka dikerandau enggau nuan."*

"Ampun meh aku Tuhan" aku nyaut. *"Aku meda nuan udah nulis bup tu enggau lanchar. Uдах nuan ngiga nama bup nya?"*

"Uдах Tuhan." *"Aku udah madah ngagai nuan Aku deka ngatur semua utai enggau manah."* Ku Tuhan.

Lebuah aku ngiga nama ka bup nya suba, ukai kereja ti senang enggau mudah. Nama bup nya bakaka enggai pansut. Lebuah aku besampi minggu sebedau tu suba, aku minta Tuhan meri aku nama bagi bup nya. Lebuah maya aku besampi dalam roh, rambai jaku tu selalu pansut bekali-kali ari roh aku: *Serega Nya Amat Nyata*. Aku enda ulih ngetu nyebutnya.

Aku berasai amat lantang maya aku nemu, nama bup tu datai ari Tuhan iya nya—*Serega Nya Amat Nyata*—lalu nadai nama bukai manah ari tu. Tu meh utai ti betul, nama bup tu enggau isi dalam bup tu sigi bisi bekait. Tu meh utai ti kedeka Jesus lalu Iya deka semua orang nemu pasal tu.

*"Barang sapa ti deka tama ke Perintah Aku, enda tau enda arap lalu nyediaka diri nganti penatai Aku. Aku deka datai tumu agi ari runding sida diatu. Bisi mega orang ti arap enda pechayaka perintah serega. Aku deka semua anak-anak nadai ngembuan ati ti enda arapka perintah serega*



## SEREGA NYA AMAT NYATA

*Aku ti amat bisi sereta nyata. Tu ulih mai sida lebih agi taluk enggau kudus dataika sida ulih tama ke dalam perintah serega Aku."*

## NADAI JALAI MUDAH KE SEREGA

TUHAN DEKAKA SEMUA orang arap. Penulis Ibrani madah kitai enda tau enda arap laban iya tau nunjukka pengarap kitai nya laban enti kitai enda ngereja iya kitai enda ulih nyenangka ati Tuhan.

Nadai siku orang tau ngerinduka Allah Taala enti iya nadai pengarap. Laban barang sapa ti datai ngagai Allah Taala enda tau enda bisi pengarap ti arapka Allah Taala endang bisi lalu ngupah orang ti ngiga iya.

—Hebrew 11:6

Pengarap datai ari mendingka jaku Tuhan, baka ti udah dipadah ulih Paul: "Nya alai pengarap datai ari kitai ti ninga Berita Manah, lalu Berita Manah datai ari jaku Kristus" (Rome 10:17). Tuhan ngasuh kitai arapka jaku Iya, laban jaku Iya ulih mai kitai ke serega.

Jesus bejaku, "Enti nuan diau dalam Aku enggau jaku Aku diau dalam nuan, utai ti dipinta nuan deka diberi lalu nuan nerima iya." Jaku Tuhan tumbuh dalam pengarap ba ati kitai dataika kitai bulih pengarap maya kita besampi, enggau ulih nya kita bulih saut ka semua sampi kitai. Tu meh utai ti dipinta aku ngagai Tuhan, iya nya nama bagi bup ti ditulis aku. Iya mendingka sampi aku lalu nyaut iya. Iya Tuhan ti besai, ti bemulia lalu Serega Nya Amat Nyata!

Tuhan bejaku, "Aku deka mai semua orang ti idup dalam jaku Aku tama ke dalam Perintah Aku, tang jalai nuju Perintah Aku ukai jalai ti mudah."

"Anak, nuan tentu ka nemu nama kebuah Aku milih nuan ngereja pengawa tu. Aku madahka nuan agi. Nuan meh orang ti pemadu manah bendar kena nulis bup tu. Aku nemu nuan tetap deka nulis bup tu taja pen nuan bisi penanggul."

"Nuan deka ngasuh mayuh orang alit ati, laban Aku udah milih siku ari anak indu Aku tang ukai anak lelaki ngereja pengawa pengujung dunya tu. Aku nemu mayuh amat anak-anak indu Aku ti ngembuan ati ti baruh ari anak-anak laki ti suah ngelantangka ati Aku. Nengah nuan mayuh anak-



## *Melikat Di Serega Enggau Di Dunya*

*anak indu Aku deka lantang. Aku deka meri anak-anak indu Aku urapan ti spesil ka pengawa pengujung dunya, sida mesti besedia nerima iya."*

*"Aku dekaka nuan nulis baka ti udah dipadah sereta ditunjukka Aku. Nadai utai ditulis kurang tauka lebih. Uдах semua tu tembu, nuan deka nerima mayuh berekat ti manah kena nuan nyembah Aku, lalu nuan mega deka nyadi berkat ka orang bukai. Aku deka merekatka nuan lebih agi utai ti diarpaka nuan."*

*"Tuhan, berekat ti dikinginka aku semina deka ngelantangka Nuan. Aku enda minta utai bukai, laban Nuan meri utai ti chukup ba dunya tu. Nya meh ti ngasuh aku lebih lantang enggau aku mega deka semua kami sebilik nyembah Nuan lalu besedia meri pengidup sida ka Nuan aja."*

*"Tu meh kebuah iya Aku balat bendar rinduka Nuan, Anak. Maya nuan nulis bup tu, anang enda ingat ngengkahka Jaku benabi Pastor Randolph dalam bup tu. Lalu kingatka tu agi, Aku deka mai nuan kitu agi."*

*Kami lalu bediri, bejalai ba atas pasir, lalu meda rampa menua Tasik Pasifik. Sebedau Iya niki ke serega, Iya lalu bejaku, "Tuliska semua ti udah dipadah Aku ngagai nuan."*

*Aku megai Iya enggau rat maya kami duai beberap. Aku enggai ngelengkaka Iya, tang aku nemu aku mesti ngelepaska Iya. Aku nemu serega nya sigi bisi sereta nyata lalu aku enda irau pasal utai bukai. Aku deka enggau Iya belama-lama iya.*

## *Idup Ba Jaku*

*“Enti kita mengkang dalam aku, lalu jaku aku mengkang dalam kita, nya baru kita deka minta sebarang utai ti dikedeka kita, lalu utai nya deka nyadi ba kita. Nya jalai mulia Apai aku di-asoh nyata: ari kita ti bebuah lebat; lalu kategal nya kita nyadi murid aku. Aku rinduka kita baka Apai ti rinduka aku; lalu mengkang meh kita dalam pengerindu aku.”*

— John 15:7-9

**L**EBUH TI BESAMPI sereta belematika jaku Tuhan kena 18hb April, Tuhan nana aku enggau chara ti nyelai. Tu nyadika tanda Iya deka datai enda lama lagi, baka ka endang jangka aku, udah 15 minit aku meda Iya duduk ba jendila peninduk aku. Aku mega meda tubuh aku ti udah betukar duduk sepiak Iya. Lagu roh ti datai ari dalam roh aku pen belagu ka Iya.

Benung aku belagu, aku megai jari Tuhan, lalu aku nguji deka meda tanda abi telih ba tapa jari Iya, tang Iya enda ngasuh aku ngaga pia. Iya baka ti gaga ka utai ti nyadi tu, lalu Iya ngingatka aku, “*Aku enggai meda nuan nyabak agi.*”

Sari nya Tuhan madahka hal ti berat ngagai aku.

“*Anak, Aku nadai kala ngasuh nuan irauka semua utai pasal pengawa tu,*” ku Iya belabuh. “*Aku ngurus semua, semina aku dekaka nuan gaga ka Aku Anak, Aku dekaka nuan ngengkahka gambar nuan ba kulit bup tu.*”

“Tuhan, nuan selalu ngenyitka aku. Nuan selalu ngasuh aku berasai gaga.”

“*Aku nemu nama utai penguna nuan sebedau nuan minta, tang Aku nadai kala ngasuh bala anak ngetu minta lebuu sida begunaka utai.*”

Jaku Iya tadi ngingatka aku ba bup kudus ti baru udah dibacha aku pagi tadi. “Lebuu kita besampi anang ngena mayuh leka jaku ti nadai reti, baka

## *Idup Ba Jaku*

urang bansa bukai, ti ngumbai Allah Taala deka ningaka sida laban sampi sida panjai. Anang nunda sida; Apai kita udah nemu utai ti dipeguna kita—apin kita minta ari iya.” (Matthew 6:7-9)

Dalam rengan bup kudus tu, ajar teladan sampi Iya ti disebut kita ‘Apai kami di serega’ Iya ngajar kitai baka ni besampi. Nya amat bisa ka sampi ngari enggau sampi diri empu, lalu aku ngena ajar prinsip lebuah aku datai nyembah, sampi ngari/intersasi enggau sampi pinta. Aku selalu ngambi semaya Tuhan baka ba Filipi 4:19 “Lalu Allah Taala aku, deka meri ngagai kita semua utai ti peguna kita, nunda ka pengeraja mulIya iya dalam Jesus Kristus.” Ba pagi musim tu Tuhan ngingatka aku pemendar tu.

Udah Iya meri ajar pasal sampi, Tuhan bediri lalu tubuh aku ka udah betukar mega bediri enggau Iya. Aku meda Tuhan negu tubuh aku ti udah ditukar. Udah Iya angkat, tubuh aku ti udah diubah pen lesap, lalu tubuh aku ba dunya badu agi begetar.

## **GENERA MAYUH MACHAM BUP**

EMPAT HARI UDAH nya, 22 haribulan April, aku enggau Tuhan ari jam 6.35 pagi sampai 8.18 pagi. Tubuh aku begetar pengelama 25 minit, aku lalu ninga nyawa Tuhan. Iya megai jari aku, lalu meda tubuh aku ka udah berubah bejalai enggau Iya ba tebing tasik. Tuhan bejaku, “*Aku sayauka nuan, Anak.*”

“Aku mega sayauka nuan, Tuhan”

Kami duai sama duduk ba batu ti selalu endur kami duai lalu meda tasik Pasifik ti besai amat. Benung kami duai duduk, aku lalu belagu. Udah nya aku lalu nyabak ketegal gaga. Aku megai lengan Tuhan, enggau jari kanan Iya nempik jari aku enggau lembut.

“*Anak, Aku patut nunjukka utai ngagai nuan.*”

Bisi bunyi ti nyelai ti sama sereta enggau genera ka di beri Tuhan ti ngasuh aku mansang ke mua. Lalu aku tepedaka gudang bup ti penuh enggau bup, lalu aku nanya diri nama kebuah mayuh amai bup dia. Mata aku lalu tepaut ba siti bup ti manah. Kulit bupnya bisi gambar baka mas enggau istana ba atas—istana ti cukup manah baka ti di peda aku ba serega. Nama ba tengah bup nya—*Heaven is so Real!*—tulis ti amat besai. Ba baruh kulit bup nya bisi remang, manah amai baka ti dipeda aku ba serega.

## SEREGA NYA AMAT NYATA

Aku amat tekenyit laban genera tu. Nyelai agi, aku lalu meda mayuh amat bala bup terebai di langit, lalu urang ti ba tanah enchechit deka nyengkau sida.

Genera nya majak nyau-senyau, lalu aku belabuh belematika Iya. Tuhan nerangka aku, *"Aku udah madahka nuan Aku deka ngatur semua ka nuan, Anak. Anang irauka semua utai?"*

Iya udah nunjukka aku asil ari bup ti udah ngambi mayuh amai awak sereta pengiruh aku. Bup nya cukup manah, kulit nya amat narit ati. Ka berat agi, Iya udah nunjukka aku pemayuh urang amat deka nemu pemendar pasal serega, lalu aku nemu bup aku deka nyadika jalai urang nemu pasal serega.

"Tuhan, aku arapka semua utai ti dipadah nuan ka aku," aku nyebut, "tang aku enda ulih ngetu berunding pasal Iya."

*"Anak, bup tu enda tau enda tembu ba maya Aku sereta ulih peneka Aku. Aku dekaka nuan relax aja. Aku nemu pengidup nuan ukai enggi nuan agi laban awak nuan penuh kategal bup tu, tang bisi utai ti enda ulih di jampatka. Sida mesti tembu ba jam ti betul. Aku dekaka nuan belajar sabar. Aku dekaka semua bala anak-anak Aku lantang sereta gaga di dunya tu."*

"Tuhan, enda kira ni pamar, aku gaga amat ngabiska awak enggau bup nuan. Enda tusah nuliska semua jaku nuan. Roh Kudus ti ngiring ngembing aku ba semua leka jaku ti ditulis enti aku aja enda ulih iya."

Iya ti tusah, aku empu ngaku, iya nya nganti. Tuhan tetap talukka semua jaku Iya ti disebut ngagai aku. Jaku Iya endang bendar belama. Baka ti disaksika Isaiah "Baka nya mega jaku ti disebut aku—iya enda tau enda ngasuh utai ti dikedeka aku nyadi; iya deka ngereja sebarang utai ti di-asoh aku." (Isaiah 55:11). Bup tu mega enda pulai puang ngagai Iya. Iya deka mujur, Iya deka nyadi nitihka tuju Tuhan ti ngasuh bup tu ditulis.

Penatai Iya, nyawa Iya, tegu Iya, jaku Iya meri aku pemendar lalu meri pemaik ti amai ngagai aku. Aku nemu tu bup Iya, ukai enggi aku, Iya deka nguruska semua aspek bup tu, ari ti nulis ngagai ngaga kulit sereta nyelak iya, nyual lalu nyadung iya. Tu pengawa ti amat cukup manah ti meri gambar mulia serega.

Tuhan bediri, bejalai nuju tasik ti endur kami duai berengkah bejalai, lalu nyebut, *"Aku rinduka nuan, anak ti dikesayau."*



## *Idup Ba Jaku*

Iya enda merap aku sekali tu. Iya lalu mulaika diri.

### **SEMUA IYA UDAH TEMBU**

KENA 25HB APRIL, Tuhan berandau enggau aku ari jam 7.40 pagi sampai 9.13 pagi. Tubuh aku begetar balat amat, demuh aku nyau ulih dinga ba sekayu rumah. Lalu Tuhan bejaku.

*“Aku tu Tuhan nuan, anak ti disayau, Aku enda tau enda bejaku enggau nuan.”*

Lebuh Tuhan megai jari aku, tubuh aku begetar baka ti bisi karan elektrik ngerayap. Lalu aku meda tubuh aku ti udah betukar bejalai enggau Tuhan ba tebing tasik. Kami duai lalu duduk ba tempat ti selalu ba atas batu, tang aku enda belagu sekali tu. Aku meda gaya baju ti dikena kami duai. Lebuh aku meratika utai tu, Tuhan bejaku, *“Anak, Aku amat rindu enggau nuan.”*

*“Tuhan, aku rinduka nuan lalu aku deka enggau nuan belama.”*

*“Enda lama agi nuan enggau Aku, anak. Bisi nuan meda kaki nuan?”*

Enda kala aku beratika nya, aku ngena ‘sandal’ ti sama enggau Tuhan— bechura kuning ai enggau tali mas. Aku ngengkahka tapa kaki kanan aku sepiak Tuhan lalu sedar mit amai kaki aku ari kaki Tuhan. Kami duai lalu ketawa.

Diatu aku ngasaika baju aku. Baju nya amat lembut sereta beperenching.

Tuhan nyengkau lalu negu buk aku.

Iya muji buk aku, *“buk nuan manah”*

Buk tubuh aku udah betukar baka buk anak mit. Panjai, lurus, lembut lalu beperenching. Nya baka buk aku ti agi biak. Tuhan malik ke mua aku lalu nyebut, *“Nuan bajik amai, anak.”*

Jaku ti bakanya meh ti amat dikedeka dinga aku, laban aku nadai kala bisi imej diri empu ti manah pasal gaya aku empu tauka penau diri, ninga jakunya ti datai ari Tuhan aku ari serega ngasuh ati berasai lain ba dunya tu. Aku belabuh nyabak sabak gaga.

*“Anang malu, anak.”* Ku Tuhan meri jaku peransang ngagai aku.

Udahnya Iya lalu ngangkatka mua aku. Lalu meda gaya mua aku ka udah diberubah sereta buk ti bekilat chelum. Tu ti keterubah dalam pengidup aku, ngasaika diri amat bajik, lalu aku ngingatka jaku penulis Mazmur:

## SEREGA NYA AMAT NYATA

Aku muji nuan, laban nuan patut dikenangi; semua pengawa nuan nyelai sereta besai. Aku nemu utai nya enggau semua ati aku. Nuan meda tulang aku benung dipenjantil ka manah-manah dalam perut indai aku. Lebuh aku mansang dalam nyin enda ditemu orang - nuan nemu aku dia. Nuan meda aku, apin aku ada. Pemanjai umur aku udah ditulis dalam bup nuan, taja hari nya apin datai.

—Mazmur 139:14-16

Aku ulih meda Tuhan endang dempu aku. Iya ngaga aku nyadi urang ka chukup manah, tu meh utai diasuh Iya peda aku. Iya lantang enggau utai digaga Iya, lalu Iya deka aku lantang sama baka Iya mega.

Selalu Iya Tuhan enda suah bejaku maya Iya ngabas aku, semina enti Iya deka bejaku pasal pengidup sereta pengawa aku. Selalu Iya ngulang pesan ti berat tu.

Iya suah nyebut lalu berulang pasal Iya ti deka datai baru. Iya selalu nyebut leka jaku, perintah Iya udah disediaka anak-anak Iya. Iya selalu madah ngagai aku anang irau, mesti sabar, lalu arapka Iya.

Iya nyebut ngagai aku enggau nadai putus, bup tu amat dikemeranka laban deka meri pemendar serega amat bisi. Majak agi aku berunding pasal tu, majak agi aku sedar pasal beguna urang nemu pasal serega—penemu pasal serega deka ngasuh urang idup enggau manah sereta cukup andal. Nemu serega nya rumah kitai ngasuh pejalai idup tu lebih agi bisi reti.

Tu meh utai ti diasaika aku. Diatu udah aku suah amai niki ke serega, aku enda sabar deka diau dia tetap belama-lama iya. Bisi urang kala nyebut, "Di dunya, kitai semina bulih siti utai ti meruan belama—serega."

Amat berasai dipebasa aku enggau ngaga bup tu. Aku nemu Tuhan deka ngena iya mai urang mayuh tama ke dalam perintah Iya. Tu meh utai kedeka Iya, lalu tu mega utai ti kedekaka aku.

Ba pagi 25hb April, gaya Tuhan baka lebih gaga sereta suah bejaku ari ke selama tu. Leka jaku Iya sereta ulah Iya ngasuh aku ketawa, lalu Iya mega ketawa. Tu maya ti ngelantangka amai. Iya baka ti mensia ari Tuhan ti pepadu kuasa. Iya amat berasai gaga mega enggau aku.

Enda lama udah nya, kami duai nyau majak serius.

*"Anak, Aku berterima kasih ka nuan ti meri diri ka pengawa tu," Iya nyebut, "Utai ti berat ba Aku nuan udah ngaga bup tu nitihka padah Aku."*

## *Idup Ba Jaku*

*Anang nguji ngubah iya. Aku udah ngiring nuan siti singkang ke siti singkang, baka ti udah dipadah Aku ka nuan. Aku nemu nuan deka taluk ngereja iya, nya kebuah Aku milih nuan."*

*"Aku madahka nuan baru semua utai Perintah Aku udah sedia ka bala anak-anak Aku. Aku dekaka bala Kristin ti kurang pengarap sereta nadai pengarap nemu serega nya amat bisi. Aku deka mai semua bala anak-anak tama ke perintah serega, tang urang ti enda ngasika jaku Aku enda ulih tama. Bup tu deka nulung urang ti enda arap."*

*"Aku nemu nuan besampika mayuh urang, tang Aku enda nyaut semua sampi nuan laban bisi sekeda ka nemu Jaku Aku agi idup ngemeranka diri empu aja sereta idup ka dunya. Barang urang ti idup enggau enda lurus ati sereta enda bebasaka jaku Aku enda diberekatka, taja pen sida urang ti disayau nuan."*

*"Anak, Aku dekaka nuan ingatka sida ti disampika nuan, sida ti dikelala nuan, lalu berundingka ni leka sampi ka udah disaut Aku. Sekeda sida enda ngubah ati sida kudus, lalu sida enda kala diberekat ka."*

*"Mayuh orang Kristin miskin sereta dalam mayuh macham penanggul dalam pengidup sida, laban ati sida enda betul ba Aku lalu sida nadai meri sebagai ari sepuluh bagi. Ni Kristin ti enda meri sebagai ari sepuluh bagi enda diberekatka laban sida rindu agi ka duit ari rinduka Aku. Sida ti rinduka duit ari rinduka jaku Tuhan enda ulih meda perintah Tuhan. Nuan udah nemu ba pengujung iya endur sida."*

*"Lebuh tiap iku urang datai ngagai Aku enggau ati ti tebuka sereta nguji deka idup ba jaku Aku, sida deka diberekatka, lalu sida deka bulih pemaik enggau pengaga selalu. Sapa ti rinduka Aku lalu dekaka Aku merekatka sida patut bisi ati ti betul ngagai Aku enggau ngemeranka Aku dalam semua hal ba pengidup sida lalu bisi ati ti manah ngagai urang bukai."*

*"Sayau, Aku dekaka nuan gaga tiap hari dalam pengidup nuan ba dunya. Nuan pengerindu aku belama. Berekat Aku ka nuan enda deka kurang seagi nuan ba dunya tu."*

*"Aku deka ngelindung nuan ari utai ti dikengaika Aku ba dunya tu, sereta enda ngelengkaka nuan. Nuan deka tekenyit bulih utai ti enda disangka nuan ari Aku."*

*"Tuhan, nuan suah amai ngalitka ati aku enggau mayuh macham utai. Aku enda nemu nama utai ti deka digaga nuan ke dudi ari."*



## SEREGA NYA AMAT NYATA

Aku ulih ngasaika Iya tuchum ninga saut aku. Lalu udah nya Iya bejaku, "*Chukup maya endur pulai.*" Kami duai berdiri lalu mulaika diri nuju ai. Kami duai lalu beberap, lalu Iya nyebut, "*Aku rinduka nuan anak*" "*Aku rinduka nuan, Tuhan*"

## PEMADU BEKUASA SERETA PEMADU BISI

TUHAN NGABAS AKU kena 29hb April, aku enggau Tuhan ari jam 6.05 pagi sampai 8.00 pagi. Tubuh aku begetar setengah jam, lalu Tuhan bejaku, "*Choo Nam, anak Aku, Aku enda tau enda bejaku lalu nunjukka beberapa hal ngagai nuan.*"

Lebuh Iya megai jari aku, aku lalu tepedaka tubuh aku ti udah diubah benung bejalai enggau Iya ba tebing tasik. Udah kami duai duduk ba batu, aku berterima kasih ngagai Tuhan laban ti udah mai aku ngagai tempat nya.

Enggau alus Iya madahka aku, "*Aku rinduka nuan anak.*"

"Aku rinduka nuan mega Tuhan." Udah kami duai berandau aku belagu ka Iya.

Bunyi ti nyelai sama sereta enggau genera ti diberi Iya ngagai aku pansut, lalu aku meda kulit bup *Serega Nya Amat Nyata* baru. Udah nya bup tadi terebai, lalu urang ti diau di menua puang berebut-rebut sereta engkechit deka nyengkau bup nya.

Lalu siti bup terebai tunga kami duai, Tuhan nangkap Iya. Iya meri nya ngagai aku. Terubah iya aku megai enggau rapat ba jari aku, lalu kerap bupnya ba dada aku nyadika tanda bupnya amat besai reti. Ai mata pengaga labuh ba kuyu aku.

Genera ti nyelai tu nunjukka aku ba tempat kudus gerija lalu Tuhan berdiri belakang tempat meri Jaku Ajar. Iya ngangkatka bup nya enggau dua jari Iya. Mayuh urang nyau belanda nuju Iya. Amat berasai lantang sereta ngenakutka ati, meda pemayuh mensia datai ngagai Tuhan—udah nya aku mereti, Iya ngena bup tu kena mai mensia mayuh.

Genera tu muka mayuh agi genera ti bukai ti nyadi sama sereta. Aku ulih meda Tuhan ba gerija di sereta menua di dunya, enggau mayuh urang ari semua raban bansa datai ba mayuh macham gerija. Dalam tiap rumah sambiang tadi mayuh endar urang belanda nuju Iya. Tuhan aku ti Pemadu Kuasa sereta Pemadu Bisi ulih bisi ba dini endur pen - ba dalam gerija ti bukai dalam jam ti sama.



## *Idup Ba Jaku*

Aku diingatkan ayat ari bup Pemandang: "Udah nya aku ninga nyawa ti inggar, munyi surak nyawa urang mayuh, munyi panchor wong, munyi guntor. Aku ninga sida bejaku, "Alleluya! Laban Tuhan, Allah Taala kitai ti Pemadu Bekuasa, nya Raja! Tu meh genera serega ti di peda rasul John ba pulau Patmos endur Iya kena jil. Tu meh utai digaga sida ba genera aku—sida benung belanda ngagai Tuhan nyembah Iya laban sida nemu Tuhan nya Tuhan ti pemadu bekuasa.

Tu meh saut pemendar ti dipadahka John dalam Pemandang: "Nyadi bisi nyawa didinga ari penudok nya munyi tu: "Puji ka Allah Taala! Semua sida ka anembiak iya enggau semua sida ti nangi ka iya, besai enggau mit, sida ti nyembah iya!" (Pemandang 19:5). Benung urang kudus ngaga pengawa tu, sida penuh enggau pengaga sereta manjung: "Aram kitai sama manjong sereta gaga; aram kitai meri puji ka pemesai iya! Laban timpuh udah datai endur ngintu gawai tikah Anak Domba, lalu tunang iya udah nyendiaka diri. Iya udah diberikain linin ti tampak sereta beresi dikena iya." (Kain linin nya kereja badas ti dingaga sida anembiak Allah Taala). Udah nya ko melikat nya bejaku enggau aku, "Tulis tu: lantang meh sida ti udah kena ambi ngabang ngagai gawai tikah Anak Domba." (Pemandang 19:7-9)

Baka John, aku dikangau ngambika nulis, lalu pengawa aku baka enggi iya—awakka urang nemu gawai tikah Anak Domba udah disedia, lalu diberekatka meh sida ti dikangau ngabang ba pengujung hari ila. Semua urang diambi ngabang magang, tang semina sida ti enggau ati tebuka milih deka bejalai ba jaku Tuhan tau datai. Berat amai kitai idup nitihka jaku Tuhan, besampi nitihka ajar Iya lalu arapka semua semaya Iya. Kitai semua tu pengantin indu Tuhan, lalu Iya dekaka kitai kudus, beresi lalu bendar ba mua Iya. Hari nikah ti besai udah nganti.

Genera tadi abis lalu Tuhan nanya aku, "*Anak, kati nuan udah meda semuanya?*"

"Ya, Tuhan. Baka ni nuan ulih bisi ba sebarang endur?

"*Aku ulih di sebarang endur dalam sekelip mata.*"

"Tuhan, aku nemu bisi urang ka arap amai sereta taluk, tang sida agi ngaga ulah ti selalu kereja sida. Nama kebuah nuan enda ulih ngubah sida?"

"*Barang sapa ti deka berubah deka nerima bantu aku. Lebuah sida minta ngagai aku sebarang utai Aku deka meri ka sida enti Aku nemu sida nya*

## SEREGA NYA AMAT NYATA

*lurus ati lalu amat-amat deka. Aku deka nyaut sampi sida."*

*"Mayuh amai bala anak-anak tadi, enda besampi enggau jujur tauka enggau bebendar. Lebuh sida nadai sabar, sida enda ulih nerima berekat."*

*"Anak, nuan kieh amai. Nuan enda putus ati. Nuan terus minta ngagai Aku utai ti kedeka nuan dalam sampi. Aku ningaka sampi nuan."*

*"Ya, Tuhan, aku enda deka ngetu nyentukka aku nerima utai ka sampi laban aku nemu nuan bisi nyaut sampi aku. Siku ari pengajar Bup Kudus aku ngajar anang ngetu besampika utai ti kedeka nuan. Nya kebuah aku amat tekun ba sampi, Tuhan."*

*"Aku nemu nuan bisi saut ka semua utai dipeguna aku, lebih agi sampi peribadi aku. Nuan udah ningaka sampi aku lebih ari ti dikarapka aku. Terima kasih, Tuhan."*

*"Aku rinduka semua bala anak ti rajin. Laban tu nunjukka sida amat taluk, lalu enggau tu Aku nemu sida arapka Aku megai saut ka sampi sida. Aku mega dekaka bala anak nemu, taja pen Aku nyaut sampi sida, Aku mega deka nginsil saut enti sida enda taluk."*

*"Nama utai ti di gaga urang nyentukka nuan narit berekat ari pengidup sida?"*

*"Anak, lebuh sekeda bala anak begunaka utai, sida besampi siang enggau malam lalu meri awakka enggau Aku. Sida bebendar deka ngasi sereta idup nitihka jaku Aku. Udah nya, sida nerima berekat ari Aku, sida lalu berubah, ngenyauhka diri ari Aku lalu pulai ke pengidup lama sida. Sida lalu ngaga utai ti enda dikarinduka Aku. Tu kebuah Aku ngetuka berekat aku."*

Penemuai Tuhan, Penatai Iya, genera Iya udah lenyau, lalu aku ditinggalka enggau penemu ti terang agi pasal jalai Tuhan. "Tu meh jalai Tuhan manah; Jaku Iya amat bendar; Iya nyadi terabai ka sida ti manggaika diri ba Iya" (Mazmur 18:30).

## *Berekat Ti Tesiuh*

*Semua darung deka di-isi semua munggu  
enggau bukit patut digaga rata, Jalai bingkuk  
enda tau enda digaga lurus, lalu jalai ti kasar  
patut digaga alus. Semua mensia deka meda  
pengelepas ti datai ari Allah Taala.*

— Luke 3:5-6

PAGI 2 HARIBULAN Lima, ngemuaska ati lebuah besampi. Urapan Tuhan balat agi ari selama sampaika seluruh tubuh aku begetar lebuah aku ngujungka sampi. Asaika enda nemu badu getarnya. Demuh ari roh aku baka panjung ari dalam. Tubuh aku angkat sereta peluh-tusur.

Aku balat dilamun, dataika enda tepedaka jam. Udah nya, Tuhan tama ke bilik tinduk aku lalu duduk ba tempat ti selalu endur Iya.

Jaku Iya ngasuh aku tubuh aku jenuh.

*"Anak ti dikesayauka Aku, Aku datai deka madahka nuan sereta mandangka nuan sekeda utai. Nuan deka ngaga mayuh macham pengawa ka Aku sebedau Aku datai. Nuan mesti besabar enggau Aku. Mayuh orang apin besedia nerima Aku. Perintah Aku udah sedia ka sapa-sapa ti deka tama.*

*"Semua ti arap mesti ngagai Aku lalu orang ti enda nitihka ajar lalu belalauka Jaku aku deka ngesal.*

*"Aku deka meda semua mensia datai ngagai Perintah Aku. Sapa ti macha bup tu, Aku deka ngasuh sida arap sereta ngasai baka ni sida patut idup awakka ulih tama ke Perintah.*

*"Anak, Aku deka merekatka nuan sampai nuan nyau enda ulih nerima berekat Aku. Aku deka merekatka nuan lebih agi ari ti dipinta nuan.*

## SEREGA NYA AMAT NYATA

*“Anak, nuan udah ngasuh Aku lantang. Nya meh kebuah Aku ngasuh sereta milih nuan ngereja pengawa tu. Nuan enggau laki nuan deka bekereja enggau Aku sampai ke pengujung. Padah ngagai laki nuan Aku temegah ati lalu rindu bendar meda pengawa iya dalam bup tu.*

*“Udah semua pengawa tembu, dia Aku deka nirika Gerija Aku.”*

Jaku Tuhan meri aku pemandang ti amat terang lalu aku bisi meda rumah gerija nya enggau lebih semak sereta silik. Aku meda rumah gerija nya ari luar enggau ari dalam. Udah aku meda rumah gerija nya, aku berasai lantang. Udah nya Tuhan lalu nadai dipeda aku agi.

Tiap-tiap pagi ti bukai Tuhan datai betemu enggau aku enda milih maya. Tiap kali Tuhan datai ngagai aku, pengawa ti diasuh Iya kereja aku enda sama.

Utai ti nyata ba aku, Tuhan enda betemu enggau aku enti aku udah bisi merancang pengawa aku. Lebuah aku nadai ngaga pengawa, Tuhan selalu datai lalu mai aku ngagai tebing tasik. Kadang-kadang Tuhan duduk semak aku di tisi jenila lalu bejaku enggau aku lebuah aku besampi. Tuhan tu penuh enggau pengasih lalu pengerindu Iya enda ulih disema.

Utai ti nyelai, Tuhan nemu semua utai tentang aku. Tuhan nemu peragam ati, runding, pengawa ti digaga enggau tuju ati aku. Aku selalu besampi nitih ka Masmur 139:23-24:

*“Peresa aku Tuhan, lalu peda runding aku; uji aku lalu perati ka pikir ati aku. Giga enti aku bisi ati nipu, lalu iring aku nuju pengidup ti meruan.”*

## BAKA ANAK MIT

PENGARAP AKU SEMAMPAI teguh lalu kaul aku enggau Tuhan mansang betambah. Aku selalu enggau Tuhan lalu Iya selalu mai aku ngagai serega. Aku arapka Jaku Iya lalu aku nemu Serega nya amat nyata.

*“Awakka sida anak mit ngagai aku,” ku Tuhan Jesus, “laban Perintah Allah Taala endang enggi orang ti baka sida anak mit tu. Enggau bendar aku madahka kita, barang sapa ti enda nyambut Perintah Allah Taala baka anak mit, enda tau tama ke dalam iya.” (Mark 10:14-15)*

Tuhan kitai, ngasuh kitai nyadi baka sida anak mit awakka kitai tau bulih berekat ari Perintah Serega belama iya. Kitai mesti baka sida anak mit lebuah kitai nyerahka pengidup kitai ngagai Tuhan Jesus. Laban sida anak mit tu ngembuan runding ti tuchi, ati ti beresi, nadai runding ti enda manah, selalu lantang ati, nadai penusah, lalu bisi pengadang ati enggau



### *Berekat Ti Tesiuh*

runding ti manah. Tu meh jalai pengidup patut dikembuan kitai lalu dipandang kitai ngagai Tuhan awakka kitai ulih tama ngagai serega.

Tuhan madah, “Enggau bendar aku madahka kita! Barang sapa ti enda nyambut Perintah Allah Taala baka anak mit, enda tau tama ke dalam iya.” (Mark 10:15). Nyata bendar Tuhan ngasuh kitai arapka serega—lalu nyambut Perintah Iya baka sida anak mit. Tu meh kunci ti ulih muka pintu serega awakka semua kitai ti deka tama ulih tama ke serega.

Laban mayuh macham utai nuntung kitai dalam pengidup, kitai nyau nadai agi ngembuan ati ti tuchi, nadai agi pengarap enggau nadai pemeresi ati. Pengidup kitai diubah ulih Tuhan enggau pengerindu Iya. “Lebuh barang orang besaum enggau Kristus, iya nya orang ti baru; iya ti lama nadai agi, iya ti baru udah datai.” (2 Kor. 5:17).

Allah Taala ti Apai kitai, lalu kitai tu anak Iya. Allah Taala deka meda semua kitai nyadi anak Iya ti taluk, bisi pengasih enggau ngasika Iya. Kristus madah, “Anak, aku enda lama agi enggau kita. Kita deka ngiga aku... Enti kita bisi pengerinduka pangan diri, nya baru semua orang deka nemu kita amat murid aku.” (John 13:33, 35).

Allah Taala dekaka semua anak Iya begulai enggau Iya di serega belama iya. Enti deka kin, lalu diau di atas bukit serega ti pengabis tinggi, kitai mesti baka sida anak mit. Pengidup orang Kristin ti bendar iya nya kitai mesti baka sida anak mit—bejalai enggau ati ti taluk, bisi pengasi enggau pengerindu sereta pengasih.

Kristus udah madahka aku enggau terang sereta nyata, Iya dekaka semua kitai baka pendiau Iya—bisi pengarap baka sida anak mit. Iya dekaka pengidup kitai nunda Jaku Iya, bisi pengarap ba Iya enggau penuh ati lalu merening ngagai serega ti amat nyata.

Orang ti enda meri pengidup sida enggau penuh ngagai Kristus, Iya udah madah ngagai aku, orang nya enda ulih datai ngagai Perintah Serega lalu enda ulih ngasaika pengerindu Tuhan.

### **SEBUAH RUMAH TI MANAH ENGGAU KERETA**

BERENGKAH ARI PUKUL 6.17 pagi ngagai 8.14 pagi lebuh 6 haribulan Lima, aku bisi enggau Tuhan. Tubuh aku begetar kira bisi 20 minit lalu aku ngasaika kuasa Roh Kudus Tuhan balat bendar. Aku ngasaika samangat aku balat bendar gaga lalu aku manjung. Aku ngasaika Tuhan udah bisi di

## SEREGA NYA AMAT NYATA

bilik aku.

*“Kitu, Anak Aku Choo Nam, Aku mesti mai nuan ngagai tebing tasik,”*  
pia ku Iya.

Aku ngasaika diri bejalai enggau Tuhan di tebing tasik nya. Aku ngasaika pengaga enggau pengerindu. Aku ketawa lalu bejalai enggau Tuhan baka sida anak mit ti bejalai enggau apai-indai sida. Aku ngasaika seluruh tubuh aku bisi pengelantang lalu aku madah ngagai Tuhan pemesai pengelantang enggau pengerindu ati aku.

*“Tuhan, aku amat lelengauka nuan. Aku sayauka Nuan Tuhan.”*

*“Aku rinduka nuan, nya kebuah Aku mai nuan kitu.”*

Kami lalu bejalai ngagai batu alai kami selalu belelak. Aku selalu duduk ba muak ke kiba Tuhan lalu bepegai jari enggau Iya. Aku lalu belagu enggau ati ti pemadu gaga, sebedau Tuhan madah ngagai aku: *“Anak, Aku deka ngasuh nuan meda utai, lalu Aku ngasuh nuan gaga.”*

Aku meda pemandang nya lalu ninga nyawa dalam samengat aku. Aku ngasaika maya nya amat lama bendar.

Aku meda pemandang nya enggau terang baka sungai besai rapas mata meda. Mayuh rumah bisi ditebing sungai lalu rumah nya digaga di atas batu ti tinggi.

Aku meda siti rumah ti manah bendar lalu pagar iya bechura burak. Ngelingi rumah nya bisi kebun bungai enggau kayu ti ditanam chukup manah. Ngelingi rumah nya mega bisi batu ti chukup manah dipeda.

Di mua rumah nya bisi pintu pagar ti besai. Bisi siti kereta bechura mansau dipeda aku dia. Kereta mansau nya bansa kereta ti mar rega. Nuju ngagai rumah nya bisi jalai semin ngagai pintu. Pintu rumah nya dua beganding, lalu manah amat dipeda.

Pemandang dipeda aku enda ngetu. Dalam rumah nya aku meda tikai pedani, meja enggau kerusi ti pemadu manah. Rumah nya amat besai. Di bilik tinduk bisi katil ti besai ti digaga naka pemanah. Chadar tilam nyau bekilat baka mas.

Dalam bilik dapur aku meda semua perengka chukup magang.

Di luar bilik dapur bisi siti kebun bungai ti manah bendar. Tu meh amat rumah ti pemadu manah ti udah kala dipeda aku, lalu aku nanya diri, *“Nama kebuah Tuhan ngasuh aku meda rumah nya?”* *“Aku udah bisi rumah enggau kereta, pia ku aku berunding dalam ati diri.”*

Tuhan nanya aku, *“Kati nuan rindu meda utai ti dipeda nuan?”*

## *Berekat Ti Tesiuh*

“Naka pemanah Tuhan.”

“**Semua sida nya enggi nuan.**”

Aku chukup gaga. Utai dipeda aku chukup manah. Nadai nyangka diri tau diberi rumah enggau kereta. Dalam penemu aku, aku enda layak diungkupka pemerri baka nya. “Naka kebuah nuan milih lalu meri aku Tuhan?” Orang selalu nanya diri empu pasal penusah diri tang aku nanya diri empu tegal berekat ti diberi Tuhan. Aku berasai udah nerima tekelalu mayuh berekat ari Tuhan.

Berekat Tuhan mayuh bendar sampaika aku nyau enda ulih nerima. Amat munyi ku Malaki, semua nya nyadi nyata ba pengidup aku.

“Bai semua pemerri kita ngagai Rumah sambiang ngambika pemakai chukup di engkah dia. Uji aku! Lalu kita deka meda aku muka pintu serega lalu nuang mayuh bendar utai ti manah ngagai kita.”

—Malaki 3:10

Lama udah kami duai Roger meri *tithing* ari gaji kami duai. Kami meri ngagai semua ministri, tang aku enda kala nyangka asil iya baka nya tegal kami ti ngasi. Tuhan endang manah. Aku nadai nyangka Tuhan meri berekat Iya mayuh endar sampaika aku nyau enda ulih nerima iya. Tuhan deka muka pintu serega lalu nyendiaka semua utai ka kitai.

“Tuhan, aku enda beguna semua utai tu. Aku bisi semua utai ti dikedeka aku.” Aku bejaku enggau sabak.

“*Anang nyabak, anak.*” Ku Iya nyaum aku.

Lebuh aku nyabak ngenang pemanah Tuhan, Iya selalu madah anang tusah ati, lalu Iya deka meda aku lantang ati selalu. Dalam peragam runding aku Tuhan enda datai nitihka maya ti disadang aku. Enti Tuhan datai enda lama agi, nama kebuah Iya meri aku rumah besai enggau kereta ti berega.

Baka selama, Tuhan nemu peragam runding aku.

“*Anak, nama nuan irau enggaika aku enda datai laban aku meri nuan rumah enggau kereta?*”

Aku lalu nyabak ninga jaku Tuhan, lalu Iya nyaum aku, lalu ngendas ai mata aku. Uдах nya, Iya madahka aku, ku Iya, “Anak, Aku deka datai ke dunya tu, baka ti udah disemaya Aku, tang sebedau nya Aku dekaka nuan



## SEREGA NYA AMAT NYATA

bempu utai ti pemadu manah.”

“Tuhan, Nuan udah meri aku rumah enggau kereta ti besai. Aku enda ngiga reta agi. Aku semina deka ngelantangka ati Nuan lalu bekerejaka Nuan sampai Nuan datai ke dua kali ngagai kami. Nuan madahka kami mesti manah enggau semua orang. Nya alai aku deka mai seberapa mayuh orang ngagai Nuan. Nya pengawa ti dikedeka Nuan.”

*“Aku enggai ngasuh nuan irau. Nuan udah ngaga pengawa ti manah lalu ngelantangka Aku. Nuan mega enda ngiga pemer i ari Aku. Nya kebuah Aku deka meri nuan mayuh agi utai. Aku deka ngasuh nuan senang.”*

Jaku Tuhan nya ngasuh ati aku gaga sereta lantang lalu aku ngasaika bisi pengarap. Tuhan deka datai enda lama agi lalu aku enda agi irau ati. Aku agi ingatka Jaku ti nerangka orang ti arap enggau bebendar deka nyadi pala lalu ukai nyadi iku. (Ulang Adat 28:44). Tu meh berekat ti datai ba orang ti bekereja ka Tuhan enggau pengerindu sereta pengaga, berekat Tuhan deka nyadi nyata enggau naka pemayuh. (Ulang Adat 28:47).

Tuhan lalu bejaku, “Tua mesti pulai diatu,” Iya lalu bediri. Kami bejalai ngagai tempat selalu endur kami berengkah bejalai lalu datai di endur pengujung pejalai kami. Tuhan lalu nanggung aku, baka apai ti mai anak iya. Aku lalu ketawa gaga ati lalu ngasaika tubuh aku ti bendar angkat ari katil tempat aku tinduk. Kuasa Tuhan amat balat aku sepi.

Maya nya, maya ti pemadu manah aku ngasaika Tuhan. Tusah aku ka madahka asai iya. Aku ngasuh kita beratika.

Kebuah pia kena nentuka pengarap kita endang amat. Indah mas ti tau dirusak, diuji ngena api; lalu pengarap kitai, iya ti lebih agi berega ari mas, enda tau enda diuji, awakka ditemu bendar nyambut puji enggau mulia enggau basa, ba Hari Penatai Jesus Kristus. Kita rinduka Iya, taja kitai nadai udah meda Iya. Nya alai kita gaga bendar enggau pengaga ti bemulia ti enda ulih sebut ngena jaku, laban kita nyambut pengelepas samengat kita, ti endang tuju pengarap kita ka iya.

— 1 Peter 1:7-9

Pengaga ti diasai enda ulih disema lalu penuh enggau mulia. Pengarap aku udah dikeringka lebuah aku bisi pemandang ti diberi Jesus Kristus. Aku rinduka Tuhan enggau pengabis ati. Aku udah meda Iya. Mulia Tuhan udah aku asai lalu pemanah mulia Tuhan enda ulih sebut ngena jaku.



## **TEREBAI BAKA BURUNG**

PENGAWA TI NYELAI deka nyadi enda lama agi. Amat pen Bub Kudus enda kala ngena jaku “*rapture*”, Rasul Paul nerangka pemesai penatai Tuhan Jesus ari serega enggau bala orang ti kudus awakka ngangkatka gerija Iya. Orang ti nemu Tuhan Jesus ulih ngasaika utai ti nyelai lebu may nya. Tu jaku Tuhan ti ditusui kami ngagai kita:

Kitai ti agi idup lebu may Tuhan datai, enda sekali-kali dulu ari sida ti udah mati. Lebu munyi panjung ti meri ukum, munyi nyawa Pengulu malikat, munyi terumpit Allah Taala, Tuhan empu deka nurun ari serega lebu nya ila. Barang sapa ti udah mati sereta arapka Kristus deka angkat dulu; udah nya kitai ti agi idup lebu may nya deka digempuru ka enggau sida di remang, betemu enggau Tuhan di langit. Nya alai kitai deka selalu begulai enggau Tuhan. Nya alai kitai patut ngelantangka pangan diri enggau jaku nya.

— 1 Tesalonika 4:15-18

Tang orang ti enda nemu Tuhan deka dipecharaka, lalu deka nemu nama ukum sida laban sida nadai pengarap “lalu upah dosa iya nya pemat” (Rome 6:23). Sida ti nemu Jesus deka diberi upah ti pechuma ari Tuhan — “tang pengasih ti diberi Allah Taala iya nya pengidup ti meruan belama- iya” (Rome 6:23).

Penatai Jesus Kristus ti kedua kali, nya meh nyadi batang kenang lebu aku begulai engau Tuhan may 13 haribulan Lima ari pukul 6.20 pagi ngagai 9.00 pagi. Lebu may nya tubuh aku begetar balat amat, kira bisi setengah jam. Uдах nya aku ngasaika kuasa Tuhan dalam tubuh aku.

Tuhan datai semak aku lalu bejaku: “*Anak, Aku tu Tuhan nuan. Aku mesti bejaku enggau nuan lalu ngasuh nuan meda utai.*”

Maya tu aku bejalai ngagai Tuhan dalam samengat aku, lalu tuchum, “*Aku rinduka nuan Tuhan.*”

Aku meda Tuhan tuchum ngagai aku, taja pen aku enda ulih meda mua Iya enggau terang. “*Aku rinduka nuan anak,*” Tuhan nyaut aku.

Kami duduk di atas batu lalu Tuhan bejaku: “*Aku meda laki nuan ngambi kemisi awakka ulih nulung nulis bup tu. Seduai udah ngaga*

## SEREGA NYA AMAT NYATA

*pengawa ti manah.”*

*“Anak, Aku mesti madahka utai tu. Aku nemu nuan enda nulis semua utai ti udah dipadah Aku.”*

*“Tuhan, aku minta ampun. Aku deka ngereja semua utai nya baru.”*

Tuhan madah ngagai aku awakka nulis semua utai ti dipadahka Iya. Aku ngasaika tubuh enggau pala aku penat laban kelalu lelak, tang lebuah aku berengkah deka nulis, jaku Tuhan tama ngagai pala aku enda ngetu. Aku nemu pengawa Roh Kudus bekereja enggau aku. Tuhan mega nemu. Iya deka ngiga orang ti tau nulung aku nulis utai ti dipadahka Iya awakka tau ngerembaika Jaku Iya ngagai semua mensia.

Bisi mega orang madahka semua utai ti diasaika aku enggau berekat Tuhan ti diberi ngagai aku tusah ka dipechaya. Bisi mega sida madah semua utai nya nadai dalam Bup Kudus.

Tang iya ka bendar mayuh utai ti dipadahka Tuhan ngagai aku bisi ditulis dalam Bup Kudus. Tuhan dekaka bup tu ditulis ngamat lalu nyukung pemendar dalam Bup Kudus. Tuju iya awakka nerangka Serega Nya Amat Nyata ngagai semua kitai orang Kristin. Tuhan mega milih aku, kena Iya nerangka pemendar dalam Bup Kudus ngagai gerija Iya. Tuhan mega ngasuh kitai beragam enggau dalam nama serega ti bendar lalu pemanah utai dalam serega. Laban bisi utai pasal serega enda dipadahka dalam Bup Kudus enggau lebih terang.

Ku Tuhan: *“Nuan mesti nemu, Aku amat sayauka nuan, Aku ulih ngena nuan ngereja pengawa aku. Aku deka datai ngagai kitai lebih jampat ari maya ti patut.”*

*“Kati ulih semua orang Kristin diau dirumah baka rumah ti bisi nama aku, ti udah disediaka nuan, lebuah sida pulai ngagai serega?”*

*“Aku deka mai semua anak ngagai Perintah Aku di serega, tang enda semua orang ulih diau ba rumah ti besai enggi nuan. Rumah ti besai deka diberi ngagai orang ti ‘spesil’.”*

*“Kati ulih semua orang Kristin pulai enggau nuan, lebuah nuan datai ila?”*

*“Aku deka madahka nuan utai,” Tuhan nyaut aku enggau jampat. “Aku dekaka nuan ingatka utai ti udah dipeda nuan. Aku deka ngasuh seluruh dunya nemu semua utai ti deka nyadi enda lama agi. Aku nemu mayuh orang Kristin enda arap nama utai ti udah dipadahka bala Nabi. Nya meh kebuah Aku madahka nuan utai tu.”*

Kuasa pemandang datai ba aku awakka aku ulih meda Tuhan Jesus.

### *Berekat Ti Tesiuh*

Tuhan mega udah nyendiaka utai ti patut dipeda aku. Aku belagu dalam samengat aku. Uдах nya aku bisi meda utai ti diasuh Tuhan peda aku. Aku ulih meda seluruh dunya tu enggau semua utai ti digaga orang di dunya tu.

Aku meda di atas dunya penuh enggau utai ti burak lalu dipeda bejalai. Aku meda orang ngena baju burak terebai dibai angin. Aku meda langit nyau penuh laban mensia ti terebai, baka burung ti terebai pindah ngagai endur bukai.

Nya utai ti pemadu nyelai. Aku belagu enggau ati gaga. Aku enda kala ngasaika pengaga ati baka tu dalam pengidup aku. Aku enkechit ke atas — ke baruh laban aku ngasaika urapan Tuhan. Aku ngasaika diri sama terebai enggau sida ti bebaju burak nya. Aku manjung gaga ati, lalu panjung gaga ati aku nya ingar bendar dataika semua orang di rumah ulih ninga.

Aku ninga orang bisi madahka utai ti nyelai nya, tang enda kala beperagamka iya balat bendar ngasuh aku gaga ati. Aku mega berunding baka ni orang ti enda nemu Tuhan lebuх sida meda utai ti nyadi baka nya. Aku tekenyit ati lalu gaga meda utai ti nyadi nya.

Baru sekali tu Tuhan meri aku pemandang ti balat nyelai baka nya. Aku asaika enda pechaya meda kitai mensia terebai di langit baka burung. Sida terebai laju bendar baka bilun.

Aku meda uchu aku ti beumur setaun, ngena baju burak. Gamal iya badas amat peda aku. Iya ngena baju burak terebai di atas angin. Aku enda ulih bejaku meda utai ti nyelai bakanya. Nya nunjukka Tuhan kitai deka datai ke dua kali udah semak bendar.

Udahnya aku meda uchu aku ti indu beumur 10 bulan. Dalam pemandang aku iya udah besai lalu bajik bendar. Uchu aku tu pen terebai di atas angin.

Aku manjung enggau sabak. Bunyi ari bilik aku mesti ingar lebuх aku ti manjung. Mujur laki aku Roger lebuх maya nya udah nurun kereja. Enti enda mesti iya tekenyit ninga nyawa aku.

Aku enda nemu sekalika aku nyabak gaga ati tauka tusah ati. Uchu aku ti biak dipeda aku udah besai. Aku nemu Tuhan bisi kebuah meri aku pemandang meda uchu aku ti mit udah nyadi besai. Tuhan deka madahka aku uchu aku nya deka enggau aku di serega lalu begulai enggau Jesus Kristus. Kedua, aku nemu Tuhan deka madahka aku, berapa umur sida lebuх Tuhan datai baru. Tuhan datai nyau semak bendar.

Pemandang ti manah diatu udah betukar. Aku meda orang ti enda ulih

## SEREGA NYA AMAT NYATA

terebai enggau orang bukai. Mayuh tempat di dunya tu udah kuchar-kachir. Kin-kitu bunyi ti ingar, lalu orang lari kin-kitu nadai temu tuju. Penusah bisi dipeda ba mua sida.

Orang belanda lalu lari kin-kitu. Sida begigaka orang ti enda temu. Aku meda utai ti nyadi enggau sabak. Orang manjung lalu lari deka nyelamatkan diri. Bisi sekeda mai reta sida mansang ngagai kereta enggau perau. Beribu-ribu kapal udah di tasik besai. Semua orang nguji ngelarika diri.

Mayuh orang ti ngena *uniform* nyerang rumah, ngambi reta orang. Aku meda bisi 5 iku diri sebilik mati diperinsa bala orang ngena *uniform* tu. Darah nyau bedanau di dalam rumah.

Beratus agi orang lari ngagai bukit. Lebu ti lari ke bukit sida ditimbak, lalu sekeda sida mati. Orang ti semak sida ti ngena *uniform* dipalu sampai mati.

Aku meda rumah gerija dibom. Siku orang nikauka batu ke dalam gerija lalu kacha ti bisi gambar Tuhan Jesus pechah bekechai. Aku nyabak balat agi meda utai ti nyadi nya.

Siku indu ngiga anak iya ti udah lenyau. Iya ngangauka anak iya enggau ati ti sinu. Aku deka nulung tang enda ulih.

Aku nyabak meda indu nya lalu sinu mega meda orang bukai ti tusah.

Udah nya aku meda orang ti dikelala aku. Apai orang nya begigaka sida sebilik, ngangauka bini enggau anak iya. Iya tetemuka siku ari sida sebilik lalu seduai bepegai ba siti bilik lalu nyabak. Aku nemu sida nya tang aku enggai nuliska nama dalam Bup tu.

Pemandang aku nya tadi udah ngetu. Tang aku agi nyabak meda utai ti nyadi. Tuhan ngendas ai mata aku.

"Anak," Tuhan bejaku, "*Aku mesti ngasuh nuan meda semua utai nya awakka nuan ulih madahka orang di seluruh dunya nama utai ti deka nyadi. Aku rinduka semua anak-anak Aku, lalu Aku deka madahka sida, Aku deka datai ngagai sida enda lama agi. Tang aku enda ulih mai sida enti pengidup sida enda nitihka jaku Aku. Sida tu bedau besedia nerima Aku.*"

"*Mayuh orang Kristin tekenyit ati lebuh maya pengujung dunya datai. Utai ti udah dipeda nuan nya mimit aja, laban penusah ti deka nyadi lebih besai ari nya. Penusah ti nyadi lebih balat agi lalu enda ulih diperagam ulih runding mensia enti orang nya enda nemu Aku. Nya alai aku deka meda semua anak Aku ulih enggau Aku pulai ngagai serega.*"

"*Anak, Aku udah ngasuh nuan meda Perintah Aku di serega enggau utai ti deka nyadi di dunya tu laban maya udah nyau ka semak. Aku deka*



## *Berekat Ti Tesiuh*

*datai enda lama agi. Nya alai Bup tu beguna amat ba Aku. Lalu Bup tu mega beguna bendar ka semua kita. Nuan udah meda nama utai ti deka nyadi di dunya ti ka datai enda lama agi."*

*"Aku udah besedia deka datai, tang mayuh anak-anak Aku bedau besediaka penatai Aku lalu enda arapka Aku. Pengidup sida nitihka pengidup dunya tu. Orang ti datai ngagai Perintah Aku mesti orang ti beresi ati sereta taluk."*

Ati aku ngenang orang ti enda nemu Jesus Kristus lalu aku belabuh besampika keselamatan sida. Aku nyebut nama sida ti dikelala aku, lalu ngasuh Tuhan begulai dalam pengidup sida, awakka sida nemu Tuhan. Uдах nya aku besampika orang Kristin ti jauh pengidup ari Tuhan. Aku ngasuh Tuhan mai sida pulai baru ngagai Iya.

Aku nemu aku mesti nembuka bup tu enggau naka penyampat ti ulih, lalu aku besemaya ngagai Tuhan aku deka ngagai tempat kini-kini endur Tuhan ngasuh. Aku berasai temegah ati laban diberi peluang begulai enggau Tuhan lalu ngetau di umai Tuhan maya ujung dunya tu. Aku ingat dalam Bup Kudus bisi madah nama peragam Tuhan Jesus maya tu:

Lebuh Iya meda tugung orang mayuh, Iya sinu ati meda sida, laban sida mayuh pengerindu lalu enda nemu daya, baka raban bedus ti nadai orang ngibun. Nya alai ku iya bejaku enggau sida murid iya, "Utai di deka diketau amat mayuh, tang tubuh orang ti ngetau mimit. Besampi ngagai Iya ti bempu umai, awakka Iya ngasuh mayuh agi orang ngetau ba umai Iya."

—Matthew 9:36-38

Serega nya amat nyata! Paul madahka baka tu:

Tang munyi ti udah disebut dalam Bup Kudus: "Utai ti nadai kala dipeda tauka didinga mensia, utai ti nadai kala diperagam dalam ati tau nyadi, nya meh utai ti udah disedia Allah Taala ka sida ti rinduka Iya.

1 Kor. 2:9

Jalai kitai mandangka pengerindu kitai ngagai Allah Taala iya nya ari kitai ti ngasi — Tuhan Jesus madah:

"Enti kita rinduka aku, kita deka ngasika pesan aku."

John 14:15

## *Pengerindu Tuhan ti Besai*

*Dalam pengerindu ti chukup menyana nadai penakut. Tang pengerindu ti chukup menyana nya deka muai semua penakut, laban penakut nya bekaul enggau ukum. Nyadi enti orang takut iya apin nemu pengerindu ti chukup menyana nya.*

— 1 John 4:18

**S**EMUA PENGELAMAN AKU di Serega enggau Tuhan, nulung aku meretika utai ti ku Iya. Tuhan nya pengerindu, lalu Serega nya siti tempat alai pengerindu nyadi—iya terang enggau pengidup Serega.

Utai ti nyadi sebedau pengangkat gerija, taja pen pia, ngasuh kitai takut. Taja pen Tuhan udah muai pengingat pasal meda indai aku di neraka, aku agi ngibun pengingat apas-apas pasal iya din lalu aku berasai bingung amat dalam ati ngingatka nasip orang-tuai aku ti enda ulih berubah.

Udah aku nyadi orang Kristin, aku besampi bekali-kali ka orang-tuai aku. Aku minta enggau bebendar ngagai Tuhan, awakka Iya enda muai sida ngagai neraka, lalu aku ngingatka Iya pasal pemanah sida. Aku nyabak sereta besampi suah amat dataika aku ngasaika Tuhan enda nikauka sida ke dalam lubang neraka. Iya ka bendar aku minta Tuhan awakka kereja ka Iya sepanjangi pengidup aku awakka nimbang utai ti udah salah dikereja orang-tuai aku.

Indai aku endang orang ti manah ati. Dipeda baka orang tuchi enda salah dalam mayuh hal. Aku selalu mikir, indai aku enda kala nemu utai ti jai. Iya sakit nyau ka sepemanjai umur iya, lalu mati lebuuh umur iya 40 taun. Pengirau iya ti penudi bendar sebedau iya mati iya nya mikir pasal aku.

## *Pengerindu Tuhan ti Besai*

Lebuh indai aku mati, aku ngasaika diri deka mati sama. Iya meh pengerindu ti ditemu aku maya nya. Iya ka bendar aku menci apai aku laban aku nemu iya enggau indu bukai lebuh indai aku sakit.

Taja pen bakanya udah nyadi kebiasaan sida lelaki di Timur ngiga indu bukai lebuh bini sida sakit, aku tetap ringatka ulah apai aku. Aku nemu iya udah mudi indai aku, lalu aku ngasaika penusah iya.

Aku mai asai benci ka apai aku chukup pengelama, tang lebuh aku nyadi orang Kristin, aku ulih ngampun iya, laban aku ngasaika iya enda nemu Tuhan. Semina pengerindu Tuhan ti ulih ngelindung kitai ari dosa.

Aku selalu deka nemu ulih ka enda aku meda indai aku lebuh aku mati ila. Pikir tu selalu datai udah iya mati, lebuh umur aku 14 taun.

## **SEREGA NYA PINGERINDU**

TUHAN MEH TI nutup penyauh antara pengerindu ti patut diterima aku ari orang-tuai aku enggau pengerindu ti amat-amat ti diterima aku. Ba aku, Iya meh pengerindu ti tuchi. Iya bejaku ngagai aku, *"Anak, nuan udah idup ka Aku lama amat diatu, lalu nuan taluk amat ka Aku kelebihan agi pengujung bulan tu. Tu mesti dikereja enggau lengkas. Nuan mesti belelak."*

*"Aku enda senang ati enggau utai ti bisi di dunya tu, Tuhan, enti nuan nadai dia."*

Udah indai aku mati, aku ngasai nadai siku orang ti amat-amat rinduka aku. Nadai utai ti ulih dibanding enggau pengerindu ti udah diberi indai aku. Aku mesti dikerindu, tang lama amat asaika nadai pengerindu di dunya tu. Udah aku nikah lalu bisi anak, aku amat-amat ngasaika pengerindu ruang bilik kami begulai, tang mesai ni pen pengerindu sida ka aku, pengerindu ti diterima aku ari indai aku agi lenyau. Asaika bisi ruai puang dalam aku ti mesti diisi.

Ruai aku ti puang nya diisi enggau pengerindu Tuhan ti besai. Udah aku meri ati diri ngagai Jesus, aku ngasai chukup aman dalam pengerindu Iya lalu mudah ba aku deka pechayaka pengerindu Iya. Aku meretika pemendar lagu ti bebunyi, *"Nadai siku orang pen ulih bedulika aku baka Jesus—nadai siku orang pen ti ulih bedulika aku baka Iya."*

Enti aku labuh sereta telih lebuh agi biak, indai aku deka merap aku, sayauka aku, lalu ngubat aku. Enggau chara ti sama, lebuh aku tusah maya

## SEREGA NYA AMAT NYATA

baru nyadi orang Kristin, Jesus deka ngangkatka aku lalu mai pengeraiika semua penyakit aku.

Bup Kudus ngambarka urapan ti diterima ulih Jesus: “Roh Kudus bisi enggau Aku, nya kebuah Iya udah nata Aku, deka ngenataika berita manah ngagai orang ti miskin; enggau Iya ti nganjung Aku awakka meritaka pengelepas ngagai orang-orang tan, orang ti buta menchelak, ngelepaska orang-orang ti diterekam, meritaka taun berekat Tuhan udah datai” (Luke 4:18-19).

Jesus udah mai berita manah ngagai aku. Iya ngeraika ati aku ti patah. Iya ngelepaska aku ari penakut, aku ti selalu negatif pasal diri empu, ati ti enda aman ti selalu nguasa aku. Iya udah muka mata roh aku, lalu Iya udah ngelepaska setiap utai ti nanchang aku. Diatu Iya madahka “taun berekat Tuhan udah datai” atas aku. “Taun berekat” nya udah di tisi jalai.

Taja pen lebuah orang nguji ngelabuhka ati aku tauka bejaku jai pasal aku, aku berasai aman dalam pengerindu Jesus. Iya meh tempat endur aku beteduh, Batu Pelindung aku. Enti bisi orang medis ati aku, enggau sengaja tauka enda sengaja, aku ulih ngagai Tuhan dalam sampi, Tuhan rinduka aku. Iya enda kala ngasa tauka ninggalka aku.

Aku rindu endar belematika semaya-semaya Jaku Tuhan. Siti ari pengerindu aku iya nya ba Masmur: “Allah Taala kami, nya meh Allah ti idup; iya nya Tuhan, Tuhan kami ti ngelepaska kami ari pemat.” (Masmur 68:20). Pengerindu Iya ba aku dataika belama iya: “Aku selalu rinduka kita, nya alai aku agi mengkang mandangka pengerindu ti meruan.” (Jeremiah 31:3).

Aku nemu nadai utai ti ulih nyerara kitai ari pengerindu iya: nemu ka nya pemat tauka pengidup; nemu ka nya sida melikat tauka sida pemerintah sitan sekaligus kuasa bala antu; nemu ka nya dunya ti di atas tauka di baruh—nadai utai ti digaga di dunya tu ulih nyerara kitai ari pengerindu Allah Taala ti endang enggi kitai ulih Jesus Kristus Tuhan kitai.” (Rome 8:38-39)

Pemaik ti sempurna selalu enggau aku. “Ati iya ti teguh dijaga nuan enggau pemaik, laban ba Nuan meh iya pechaya” (Isaiah 26:3). Jaku Iya nyadika peti reta karun ti penuh ulih pemer-pemer ti berega ti ingin diberi Iya ngagai semua anak-anak Iya, lalu semua pemer-pemer ti berega tu deka nyadika pemakai tiap ari kitai di Serega.



## *Pengerindu Tuhan ti Besai*

Peratika utai ti ditulis Paul ngagai orang di Efesus:

Awakka kitai meri terima kasih ngagai Allah Taala, ti Apai Jesus Kristus Tuhan kitai! Kategal kaul kitai engau Kristus, iya udah merekatka kitai ulih meri ka kitai semua berekat Roh Kudus ari perintah iya di Serega. Apin penumbuh dunya Allah Taala udah milih kitai ka anembiak iya dalam Kristus awakka kitai tuchi sereta nadai penyalah di mua iya. Laban pengerindu ati iya, kenya ari pun Allah Taala udah ngeletak ka kitai nyadi anak iru iya ulih Jesus Kristus—nya ti dikerindu enggau ti dikedeka iya. Awakka kitai meri terima kasih ka Allah Taala ketegal pengasih iya ti bemulia ti diberika kitai dalam Anak ti dikerindu iya!

—Efesus 1:3-6

Tuhan udah merekatka kitai enggau semua berekat roh di dalam Kristus. Dalam pengidup kitai diatu, kitai ulih ngasaika “tempat-tempat Serega dalam Kristus.” Endang nyata, Paul nambahka di tusun nangkan ka tu dalam surat iya ngagai orang di Efesus:

Tang pengasih Allah Taala endang belimpah-limpah, lalu pengerindu iya ka kitai endang besai, keba lebu kitai mati samangat ketegal dusa, iya meri pengidup baru ka kitai ulih Kristus. Ulih pengasih Allah Taala kitai udah di-idup ka baru. Ulih penyerakup kitai enggau Jesus Kristus, iya ngangkat ka kitai engau iya, lalu kitai endang merintah enggau iya di Serega.

—Efesus 2:4-6

Kitai udah diangkatka secara roh, awakka duduk sama begulai di Serega enggau Jesus Kristus. Enti tubuh Kristus amat-amat meretika jaku tu, semua iya deka berubah. Dunya nyebut, “meda dulu baru pechaya,” tang orang pechaya nyebut, “Pechaya dulu baru meda.” Jaku ti bendar iya nya secara roh, ukai sementara aja. Mayuh urang mikir pemendar semina ulih ditentuka enggau utai ti dipeda, didinga, dipegai, enggau diasai. Tang pemendar ti pengujung iya dunya roh.

## SEREGA NYA AMAT NYATA

Bisi 4 bengkah pengerindu—*agape* (pengerindu Tuhan), *storge* (pengerindu ruang-bilik), *phileo* (pengerinduka pangan diri) enggau *eros* (pengerindu seks).

Sayau endar, dunya ngiga *eros* dulu lalu mimit ti tetemuka pengerindu *agape*. Sistem dunya bekereja tebalik dalam tusun utai ti besai guna ari sistem Tuhan. Tuhan nempa kitai nitihka gamal Iya—Iya meh Trinita (Apai, Anak enggau Roh Kudus)—lalu kitai bisi 3 bagi mega (tubuh, samangat enggau roh).

Jaku Greek *pneuma* ti disalin ngena “roh”, tu meh bagi kitai—tu meh seput pengidup kitai, jantung ati, alai Roh Kudus diau. Jaku Greek *psuche*, disalin nyadi samangat, lalu tu iya nya bagi kitai alai emosi, pengeras enggau penginein ati diau. Ditu meh alai penanggul kita datai.

Pengujung iya, jaku *soma* iya nya bagi tubuh kitai—perengka-perengka enggau sistem tubuh kitai. Pulai kitu baru, dunya ti udah ngasuh tusun iya tebalik. Sedangka Tuhan inginka kitai ngengkah roh kitai dulu, kelalu mayuh urang numpuka ati sida dulu ngagai tubuh, asai sida kedua, lalu enti bisi endur lebih, baru roh sida. Kita lupa, kitai tu lebih ari mensia ti benung dalam pejalai roh; tang kitai iya nya mensia roh dalam pejalai mensia.

Tuhan udah merekatka kitai enggau semua utai roh, berekat Serega di dalam Jesus Kristus, laban Iya rinduka kitai enggau pengerindu ti meruan. Lebu sedarka pemendar tu, aku ngasaika diri ingin deka muai tiap utai dunya awakka semina ulih nyenangka Tuhan kengka pengidup ti agi tinggal di dunya tu.

Aku udah beratka Iya dalam pengidup aku, jauh ari atas orang buka tauka hal buka. Tu meh diarpka Iya ari kitai semua. Jaku Iya besemaya, “Tang giga dulu Perintah Tuhan enggau pemendar Iya, lalu semua iya deka diberika nuan.” (Matthew 6:33).

Tuhan, dalam pementas ati Iya ti besai, udah ngemendarka aku tetemuka perintah Iya lalu Iya nyaga semua utai diguna aku. Dataika aku ulih ngasika Jaku Iya ti nyebut, “Kebuah nya, anang irauka ari pagila, laban pagila bisi penusah iya empu” (Matthew 6:34).

Pengirau, ti selalu nyadika pangan tetap aku, udah diganti enggau penyamai, pemaik, pemutus ati, enggau pengerindu. Aku enda peduli utai disebut orang tentang aku, lalu aku enda takutka utai ti deka nyadi ba aku. Pengaga aku ti besai iya nya gawa sereta nyenangka ati Tuhan. Semina dalam rinduka Iya aja meri aku siti pengaga ti luar biasa.

## *Pengerindu Tuhan ti Besai*

Iya rinduka aku sekalika maya aku salah tauka betul. Iya selalu madah ngagai aku, “*Aku dekaka nuan gaga, anak.*” Lebu hari ti spesil tu—13 Mei 1996—aku berasai gaga sereta likun taja pen sambil meratika cherita ti bekait enggau Pengujung Dunya pansut ba mata roh aku dalam gamal genera ti nyelai. Tuhan ngingatka aku, “*Bisi mayuh berekat spesil datai ngagai nuan.*”

Aku enda ulih mikir nama kebuah berekat ti mayuh ari ke udah diterima aku. Aku nemu pemendar jaku Tuhan ti nyebut, “*Laban Perintah Allah Taala ukai pasal makai enggau ngirup, tang pasal pengelurus, pemaik enggau pengelantang ti diberi Roh Kudus.*” (Rome 14:17). Nama agi ti dikinginka? Semua berekat tu—enggau ti mayuh agi—udah diempu aku, ditu enggau diatu, lalu aku nemu sida deka terus kekal di Serega.

Tuhan bejaku, “*Aku nemu nuan lelak, anak. Aku deka mai nuan pulai diatu.*”

Pagi tu ngangkatka samengat aku. Aku udah enggau Tuhan pengelama 2 jam setengah, udah nya aku besampi sejam setengah agi. Aku ngasaika diri udah di Serega alai pengerindu Tuhan nyadi angin kena aku enseput.

## **NGURUNG DIRI ENGGAU TUHAN**

SEKUMBANG 19 FEBRUARI 1996, aku ngabiska maya dani enggau Tuhan. Pengidup sosial aku t~~ek~~kat ba pengawa Tuhan enggau belanja pemakai ruang bilik aku. Semua taluh jam diberika Tuhan. Kaban-belayan ti datai nemuai semina sida ti semak kami aja. Tuhan udah nerang ngagai aku, baka tu chara ti dikedeka Iya ngabiska jam aku—numpuka runding aku ngagai Iya, Jaku Iya, enggau Peneka Iya. Iya benung nyendiaka aku ka pengawa ti nangkanka tu.

Taja pen aku baka ka “ngurung diri”, iya ka bendar “sampi nyemari tutup” aku udah nyadi pintu tama ke Perintah Serega. Aku udah dipasukka ngagai dimensi mulia ti lebih tinggi ari ti kala diasai aku.

Selalu endar, lebih orang talipun tauka bisi anggur ka datai, sida talipun baru madahka bisi utai datai ngasuh sida enda nyadi datai. Aku pechaya tu nyadi laban Tuhan dekaka aku ngabiska jam kediri enggau Iya awakka Iya ulih neruska pengawa Iya di dalam pengidup aku. Ari mula, Iya madahka aku awakka enda bejalai kini-kini jam diatu, lebih agi ke luar negeri, dataika bup tu tembu. Amat, taja pen enti aku deka pegi ke siti tempat, aku

## SEREGA NYA AMAT NYATA

enda ulih, laban urapan nyau meruwap. Urapan Tuhan ngasuh aku besugang terus di mua Iya.

Sebedau Hari Ista 1995 aku udah ngasaika urapan Iya, tang berengkah ari nya, tubuh aku belabuh begetar tiap kali urapan penatai Tuhan datai ba aku. Sekumbang bulan Januari 1996 urapan nya nyadi lebih kuat dataika aku enda ulih natka getar iya enggau utai ti nyadi ba tubuh aku ti bukai.

Chunto iya, belabuh nulis tu, aku enda ulih tama ke dalam ruai alai Roger bekereja enggau computer iya laban penatai Roh Kudus balat amat dia. Roger benung ngereja miki bup tu. Iya ngambi permisi pengelama seminggu ngereja pengawa tu, lalu aku ngerega tulung iya tu.

Lebuh aku pegi semak bilik computer iya tubuh aku belabuh terangkat laban kelalu gaga. Tu meh reaksi tubuh aku ti datai ari Tuhan, lalu aku nadai kuasa atas iya. Tu ukai utai ti digaga aku. Iya ka bendar, tu lebih baka reaksi roh ari reaksi ati aku.

Tuhan ti Bekuasa, Apai aku, enggau Tuan aku, udah ngabiska mayuh jam enggau aku, lalu tu meh siti basa lebuh aku meri jam ngagai Iya. Enda pedis ba aku ngaga kereja ka Iya laban aku rinduka Iya lebih ari pengidup aku empu. Aku pechaya jaku-jaku orang ti nulis masmur: "Pengerindu nuan ti meruan manah agi ari pengidup. Nya alai aku deka muji nuan." (Masmur 63:3).

## PENGIBUH NYA PENGIRAU

SEPANJAI PENGIDUP AKU, baka ti selalu disebut aku, aku selalu ka irau. Nuan ulih ngumbai aku siku orang ti pesimis. Nyangka tu bepun ari pengidup ti diasaika aku lebuh agi mit. Nama-nama kebuah iya, aku selalu bibat enggau pengirau, penakut, enggau pengerawan ati. Aku nemu semua tu ukai peneka Tuhan ba aku. Tuhan udah madahka aku beberapa kali, "*Anang irau, anak.*"

Aku belabuh meda pengirau aku bisi nyelai, ngangauka iya pengibuh ari pengirau. Entah baka ni, madahka aku "ibuh" ari "irau" ngasuh iya dipeda nadai apa-apa. Lebuh 20 Mei 1996 aku enggau Tuhan ari jam 5.40 pagi ngagai 6.10 pagi, lalu demuh roh aku nyadi pengelama setengah jam. Tuhan bejalai semak aku lalu bejaku, "*Anak sayau, Choo Nam, Aku mesti bejaku enggau nuan.*"

Jari Iya megai aku, lalu maya nya mega aku meda tubuh aku ti udah



## *Pengerindu Tuhan ti Besai*

betukar benung bejalai enggau Iya di tebing tasik. Iya dipeda aku amat gaga, lalu aku rinduka penatai Iya. Lebuah kami bejalai-jalai sepanjang tebing tasik nya aku bejaku, “Tuhan aku kasih sereta rinduka Nuan.”

Iya malas enggau nadai kakang, “*Aku rinduka nuan, anak.*”

Pengaga maya nya udah ngasuh aku ngenyampatka singkang aku, lalu aku bejalai dulu ari Iya. Iya belabuh ketawa, lalu pia mega aku. Kami duduk ba tempat biasa.

“*Aku meda nuan ngereja bup nya enda badu-badu.*”

“Ya, Tuhan. Roger benung kiruh ngaga iya. Jaku English aku enda tentu manah, nya alai iya miki sekeda sepil ti salah enggau jalai jaku iya.”

“*Aku nemu seduai benung bekereja kuat.*”

Aku nemu Tuhan nemu semua pikir, asai enggau kereja aku. Aku nemu diri enda ulih ngelalai apa-apa ari Iya, sereta aku enggai nutup apa-apa. Iya nemu aku ibuhka bup nya. Aku betanya-tanya dalam ati baka ni ila hasil iya, sapa ti deka nulis iya sereta sapa ti deka nerebitka iya.

Tuhan nemu semua tu, lalu Iya nyebut, “*Choo Nam, nuan irau pasal bup tu agi taja pen Aku madahka nuan anang irau.*”

“Aku enda irau, semina ibuh,” aku nyaut sambil engkendukka pala aku sereta malu.

Tuhan ngangkatka mua aku lalu nyebut, “*Anak, nuan malu.*”

Aku ngaku pemendar utai sebut Iya enggau tuchum ti berubah nyadi ketawa mit. Iya belabuh malas enggau ketawa, lalu nyebut, “*Anak, pengibuh nya pengirau. Berengkah ari diatu, Aku enggaika nuan irau. Iya ka bendar tu bup aku; Aku ti deka ngatur iya. Endaka aku udah ngereja iya sampai ke diatu?*”

“Oh, ya, Tuhan. Minta ampun. Ampun aku laban enda nitihka atur Nuan.”

Aku malas enggau pengaga. Dipeda Iya amat gaga mega pasal pengelurus enggau pamaruh ati aku.

Aku nemu iya udah ngampun aku. Pemaik enggau pengaga mungkur ati aku, aku berasai bebas ari pengirau ti mula iya ditulak aku sambil nipu diri empu madahka diri semina ibuh aja.

Sari tu aku belajar siti pelajar ari Tuhan—Iya dekaka kitai lurus ati penuh enggau Iya, orang bukai enggau kitai empu. Kitai enda ulih ngena chara dunya bepikir ngemendarka, ngenauka tauka nutup dosa-dosa kitai. Aku nemu, pengirau iya nya dosa, lalu aku nguji bepura-pura, madahka

## SEREGA NYA AMAT NYATA

diri enda irau.

Taja pen tu baka hal mit, aku nemu iya beguna ba mata Tuan aku. Iya enda ngasuh aku irau. Iya ka betul, Iya ngangauka kitai semua: "Datai ngagai aku, semua kita ti lelak ngema utai berat, lalu aku deka ngenyamaika kita. Pegai tangkun aku lalu simpan ba ti kita, lalu pelajar ka ari aku, laban aku nelap sereta baruh ati; lalu ati kita deka bulih pengelantang. Tangkun ti deka diberi aku ngagai kita mudah, lalu ma ti deka diasuh aku bai kita lempung." (Matthew 11:28-30).

Chara mensia iya nya pengirau. Chara Tuhan iya nya pechaya. "Baka nya mega, kita orang lekaki ti biak enda tau enda nunduk ka sida ti tuai. Lalu semua kita enda tau enda ngena pamaruh ati, mela diri sama diri. Laban Bup Kudus bisi madah: "Allah Taala ngelaban sida ti sumbung, tang iya mandangka pengerindu ngagai sida ti baruh ati." Nya alai ngemaruhka diri dibaruh jari Allah Taala ti bekuasa, awakka dudi hari iya tau ngangkatka kita. Tinggal ka semua pengirau ati kita ba iya, laban iya ngintu kita." (1 Peter 5:5-7). Nama kebuah kitai milih deka irau enti Apai kitai bejanji beberapa kali ngagai kitai?

Tuhan dipeda deka ngapuska pengirau aku enggau chara mandangka mayuh hal ti udah disedia Iya ka aku. Iya bejaku, "*Aku deka nuan meda tu agi.*"

Nyawa-genera pansut lalu udah pama pengelama, siti pemandang rumah ditunjukka Iya ngagai aku suba datai baru. Tuhan enda nunjukka tingkat atas rumah ti penudi dipandangka Iya ngagai aku, tang sekali tu aku meda 4 iti bilik tamu enggau siti bilik sampi ba tingkat ti ke dua. Aku meratika siti gambar ti begantung ba dinding bilik sampi—tu meh gambar Tuhan Iya Empu. Tajapen aku enda ulih meda Iya enggau terang, aku ngasaika bisi utai ti tentu narit ati sereta manah pasal gambar nya.

Genera mai aku ke dalam setiap ruai dalam rumah nya—rumah ti dijanjika diberi Iya ngagai aku enggau ruang bilik aku. Tuhan nanya, "*Rinduka enda nuan ka rumah tu?*"

"Ya, terima kasih, Tuhan. Tang iya ka bendar aku enda begunaka sebuah rumah buhai. Utai ka dikereja aku iya nyenangka ati Nuan, ngereja pengawa Nuan, enggau meda ruang bilik aku penuh pengarap ba Nuan.

"Semua hal ti dipandangka Nuan ngagai aku chukup pemanah, tang sida nya barang dunya, lalu sida tu enda narit ati aku agi. Asai Roger pen sama mega, Tuhan."

"Anak, biar Aku nentuka nama ti dikedeka enggau dipeguna nuan. Aku

## *Pengerindu Tuhan ti Besai*

*rinduka ati seduai. Tua mesti pegi diatu."*

Udah semilan kali ti keterubah kami nemuai ke Serega, Tuhan madahka aku Iya enda ngerak aku agi, lalu Iya ngamatka semaya Iya. Aku dani beberapa minit sebedau tauka udah pukul 6—udah aku tinduk semalam penuh.

Maya ti amat kudus sereta lantang. Nadai pengirau tauka pengibuh. Tuhan merap aku, lalu bejaku, "*Aku deka bejaku enggau nuan ila.*" Aku berasai *relax* ari sebedau tu.

## **SEREGA TAUKA NERAKA?**

SEKUMBANG PENEMUAI BULAN Lima nya aku udah besampika orang ti macha bup tu. Aku besampika *nuan*, pemacha ti dipebasaka aku. Aku inginka Tuhan nyiapka ati *nuan* nerima pemendar semua hal ti udah diasaika sereta ditulis aku. Serega nya amat bisi, lalu aku inginka *nuan* lebih pechaya ari ti udah diperagam. Tu meh peneka Tuhan ka *nuan*, laban Iya rinduka *nuan* enggau pengerindu ti meruan.

Tuhan mai aku ke Serega selalu dataika aku ulih nyerita ngagai *nuan* pemanah kitai rinduka Iya lalu idupka Iya enggau penuh. Iya enggau aku ingin ka *nuan* ulih pegi ke rumah besai ti manah ti udah disediaka Iya ka *nuan*. Hal-hal ti dipandang sereta dipadahka Iya ngagai aku endang amat. Sida bisi besangkut-paut enggau Bup Kudus. Sida nya pemendar ti jauh lebih ari pengalaman dunya kitai. Aku nemu sida lebih nyata ari hal-hal dunya tu, lalu aku inginka *nuan* nemu pemendar tu.

Sebedau Tuhan merekatka aku enggau genera ti mayuh tentang pemendar Serega, aku kadang-kadang ngembuan pengakang ati tentang pemisi Serega, taja pen aku rinduka Iya sereta pechayaka Iya enggau penuh ait. Aku enda mereti enggau penuh tentang Serega, lalu aku nemu mayuh orang pechaya baka tu. Diatu aku nemu nya semua amat. Tu ukai pasal pechaya ba aku, diatu iya nya penemu ti bendar—bansa penemu ti enda ulih dirampas ulih sapa-sapa. Penemu ti tuchi.

Suba selalu iya, aku takut mati sereta ibuhka mayuh hal di dalam pengidup aku udah aku mati ila; tang udah pengalaman aku di Serega, nadai siku pen di dunya tu tauka pengidup aku bisi reti agi. Aku nemu kini aku deka pegi udah pengidup dunya tu abis. Aku deka enggau Jesus belama iya di Paradise Iya. Nadai jaku ti ulih nerangka



## SEREGA NYA AMAT NYATA

pemanah, penyukup Serega. Utai ti ulih diasaika aku iya nya pengaga ti chukup.

Udah pejalai ke Serega aku minta ngagai Tuhan awakka mai aku pulai, tang nyawa Iya bisi kecewa nyebut: *"Aku enda nunjukka perintah enggau lubang neraka ngagai nuan tang mai nuan pulai diatu. Aku mandangka nuan semua nya awakka nuan ulih nulung nyelamatkan orang ti tesat lalu madahka tiap orang nama ti diguna awakka tama ke Serega."*

Udah Iya nyebut nya, aku berasai malu laban udah mentingka diri aja, lalu aku minta ampun. Diatu siti hal ti dipikir aku semina gawaka Iya dataika pengujung. Enda peduli baka ni chara iya, aku deka nyenangka ati Iya.

Nyadi siku ari anak ti spesil, nama kebuah Iya mediska ati aku dalam ti ngena indai aku di dalam bup tu sekira iya hal tu enda beguna ba orang ti mereti semina enggau pengidup ti manah aja lalu enda ngelala Jesus, enda nyelamatkan sida. Siku orang bejaku enggau aku, "Enti Iya rinduka kitai, nama kebuah Iya sampai ati ngena indai nuan deka mediska ati nuan baka nya?" Aku amat tekejut ulih tanya ti nadai bepengarap tu.

Taja pen tu semina pengingat ti balat ngenusahka ati aku meda indai aku enggau sida bukai di dalam lubang neraka, aku mesti nerima utai ti nyata nadai nama-nama utai ti ulih mai sida pansut ari dia, jadi aku nerima kenyataan sida deka bisi dia belama-lama iya laban sida enda ngelala Tuhan Jesus.

Tuhan bisi kebuah ti tentu ngena indai aku di dalam bup tu. Enti enda, nengah iya, taja pen semina siku indai, sida ti bukai ulih diselamatkan, aku berasai dipebasaka.

Enda peduli baka ni tusah pengidup aku ila, aku enda ka ringat ngagai Tuhan. Enti bisi sapa-sapa ti dikerindu mati ka Tuhan aku, aku gaga ka sida. Enggau nya aku deka nemu enggau pasti pengidup meruan sida deka diabiska enggau Tuhan Jesus. Baka ti disebut Jesus:

Laban Allah Taala balat rinduka dunya, iya meri Anak Tunggal iya, awakka tiap orang ti arap enda ka mati, tang bulih pengidup ti meruan.

—John 3:16

Aku pechaya penatai Iya ke dua kali udah semak awakka orang Iya ulih



## *Pengerindu Tuhan ti Besai*

nemu pemesai pengerindu Iya ka sida lalu Iya dekaka gerija Iya besedia ka penatai Iya.

Tuhan rinduka **nuan** lalu tu meh pemendar ti pemadu besai di seluruh dunya. Tu meh kebuah iya Iya udah nyendiaka Perintah Iya ka **nuan**. Taja pen Iya rinduka anak-anak Iya, Iya ringatka sida ti enda pechaya. Laban tu meh Iya milih aku nulis bup tu. Iya udah mayuh kali madahka aku keselamatan samengat-samengat besai reti/guna ba Iya. Iya tusah mikirka anak-anak Iya ti milih neraka nyadika tempat meruan sida ari ti milih tempat ti manah penuh mulia ti udah disediaka Tuhan ka sida.

Pengujung iya, Serega nya siti pilihan. Tuhan enggaika sapa-sapa bulih pengujung di lubang neraka. Enti **nuan** pechaya, **nuan** deka bulih pengidup ti meruan enggau Tuhan:

*Utai ti ku jaku nya munyi tu: "Jaku Allah Taala bisi ditu enggu kita, ati kita nemu jaku nya, lalu tau nyebut iya" —reti nya, jaku pengarap ti ditusui kami. Enti kita ngaku enggau mulut kita, "Jesus endang Tuhan", lalu arap enggau ati kita, Allah Taala udah ngangkatka iya ari mati, kita deka bulih pengidup ti baru. Laban kita arap dalam ati kita lalu digaga lurus dimua Allah Taala; kita ngaku enggau mulut kita lalu bulih pengidup ti baru. Laban ku Bup Kudus, "Barang sapa ti arap ka iya enda lebu."*

—Rome 10:8-11

Enti **nuan** enda pechaya, **nuan** deka tetemuka diri di tempat orang dipedis alai orang-tuai aku nadai ulih itung pemayuh sida ti terpaksa natka pemedis belama-lama iya. Nya pilih diri empu/peribadi. Tu chara Tuhan ngelaban sitan. Tu chara perintah Serega ngelaban pemetang. Tu pengidup ngelaban pemat. Tu Serega ngelaban neraka. Ni ti menang dalam pengidup **nuan**? Pilihan bisi di jari **nuan**.

Tiap jaku dalam bup nya semua amat. Jaku-jaku Jesus udah diaku tepat baka ti udah disebut Iya ngagai aku. Tuhan milih aku ka pengawa tu, lalu aku udah bebendar ngasuh iya tepat dalam jaku enggau pengelaman. Enggau tulung Tuhan, tulung Roger enggau penulis, aku udah bebendar meri gambar-gambar ti tepat ari tiap pengelaman tu udah diulih aku.

Pengujung iya, taja baka nya, aku ngasaika pilihan bisi ba **nuan** empu.

## SEREGA NYA AMAT NYATA

Ti ulih aku kereja iya nya semina madah ngagai **nuan**. Diatu udah nuan macha ruai tu, **nuan** betanggung-jawap atas pemendar ti udah ditanam. Nama ti deka dikereja **nuan** enggau pemendar ti udah diberi ngagai nuan?

Sebedau aku pegi ke Serega, aku deka nyelamatkan samengat-samengat ka perintah, tang diatu aku sedar aku mesti enggau naka pemendar nyelamatkan sida ti benung diperinsa. Aku enda kala ngelupaka pengingat tentang tubuh-tubuh ti telanjai ti belanda kin-kitu di dalam api lalu manjung dalam pemedis sida. Iya deka abis jampat ka kitai semua, anang laun ngaga pemutus **nuan** ka Jesus enggau Serega.

Aku bisi pengerindu-ati ti besai deka meda orang ti tesat diselamatkan, awakka sida enda ngagai tempat ti jai ti udah dipandangka Tuhan ngagai aku. Pengerindu-ati aku ti pengabis dalam iya nya awakka tiap iku orang tetemu tauka tepedaka nama iya ba pintu rumah di Serega.

Bup Pemandang ngambarka dua bansa orang. Aku udah meda hal-hal ti sama dipeda ulih Rasul John.

John ngambarka nasib meruan ari bansa ti terubah, kumpulan nasib sida sial baka tu: "Nyadi asap api nya ti merinsa ka sida deka melelap belamalama iya. Asap nya nadai ngetu siang enggau malam, nepuk sida ti nyembah jelu enggau engkeramba iya enggau barang orang ti bisi kelai nama iya." (Pemandang 14:11). Kumpulan bansa ti kedua, digambarka baka tu: "Tu ka ditatka sida ti anembiak Allah Taala, sida ti ngasika pesan Allah Taala lalu taluk ka Jesus. Uдах nya aku ninga munyi nyawa bejaku ari Serega, ku iya, "Tulis ka tu: Kenyau ari diatu, lantang sida ti mati ketegal gawa ka Tuhan!" (Pemandang 14:12-13)

Kati nama **nuan** bisi ditulis dalam Bup Pengidup Anak Domba?



## **BAGI DUA**

*Nyikap enggau Urapan*

## *Urapan Spesil*

*Iya ngiri ka minyak pinata ba  
pala Aron kena nyiri sereta  
nyerahka iya ngagai Tuhan.*

—Adat Lewi 8:12

**B**AGI TI KE dua bup tu mandangka chara Tuhan bekereja dalam pengidup aku sereta nyendiaka tubuh aku betanda sereta gawaka Iya udah Iya meri aku genera pasal bup tu. Sekumbang ari, 27 haribulan Lima, 1996, Iya selalu ngabas aku. Iya udah mai aku dalam tubuh ti udah betukar ngagai tebing tasik di dunya tiap pagi ari Satu.

Tebing tasik ti manah tu, iya ka bisi dicherita dalam bagi ti sebedau tu, nya tempat ti spesil ba Tuhan. Kena 27 haribulan Lima, 1996, Iya besemaya enggau aku Iya deka mai aku ngagai tebing tasik tiap-tiap ari Satu, lalu Iya udah ngamatka semaya nya.

Sebedau nyendiaka tubuh aku, Tuhan ngabas aku tiap pagi. Tu belabuh kena 11 haribulan Tujuh, 1996. Iya nata aku, lalu belabuh nyendiaka aku ka pengawa ti udah ditaga Iya. Iya madah sebedau pengawa nyendia tu tembu, bup tu enda tau dichelak dulu. Iya terang bendar madahka aku Iya dekaka aku nyimpan semua rikut pengawa ti dikereja Iya dalam aku awakka ulih disengkaum dalam bup nya.

Tambah mega, Tuhan udah bekereja enggau aku lebuah lemai ari. Iya ka bendar, Iya jarang bekereja pagi enggau aku agi. Terubah iya, penemuai malam selalu nyadi laun, kira pukul 10 malam tauka 11 malam. Uдах nya Iya selalu ayan tumu mah ke lemai. Tegal tu, Iya ngasuh aku tinduk tumu.



## SEREGA NYA AMAT NYATA

Lebuh aku nyendiaka diri tinduk, aku ngasaika tubuh aku belabuh begetar dalam kuasa Tuhan kira pukul 8 lemai. Lebuh iya begetar aku lalu macha Bup Kudus sereta besampi. Uдах nya aku tinduk, tubuh aku begetar balat agi pengelama lima tauka sepuluh minit. Dalam semua nya, perut aku deka mulas, aku lalu ngasaika pemedis ba kanda.

Semua tu nyadi tiap lemai sebedau Tuhan datai ba bilik aku. Urapan Roh Kudus datai ba aku mega. Lebuh penemuai tu, Tuhan bejaku terus enggau aku. Uдах nya Iya belabuh nyendiaka tubuh aku. Lebuh nya nyadi, aku nadai ulih nguasa tubuh aku pengelama dua tauka tiga jam. Tuhan enggau aku sepemanjai tu.

Selalu iya Iya bejaku enggau aku leбuh tubuh aku balat begetar. Kadang-kadang Iya madahka aku nama utai ti ka nyadi nangkanka nya, lalu leбuh Iya ngasaika ati aku deka mantah pengawa enggau anggur Iya, Iya nganu aku sereta nyebut, "*Ngasika Aku!*".

Iya selalu bejimat dalam ti ngenataika pengarap enggau anggur Iya. Kadang-kadang tu ngasuh aku tusah, lalu ngasaika aku enda ulih agi, tang Iya nemu peneka ati aku iya nya ngenyamaika ati Iya dalam semua ti dikereja aku, aku enda takut. Aku meda sida terebai belakang pala Tuhan, tang leбuh aku nganu, sida lalu lari.

Nengah semua tu, aku pechaya Tuhan ngajar aku chara nyaga diri. Aku pechaya mega Tuhan ngemendarka aku meda penatai Iya leбuh Iya ngereja pengawa awakka aku belajar numpuka runding aku ba Iya aja tiap maya.

Suah Iya madah aku mesti numpuka ati ba Iya enggau pengawa Iya aja. Tu keбуah, Iya nulung aku ngambika bup tu dataika iya sedia dipansutka. Maya tu, Iya ngasuh aku numpuka diri ba Iya enggau semua pengawa ti nyendiaka diri dikereja Iya dalam pengidup aku. Deka nembuka bup tu siti pengawa ti berat ba aku, tang ulih tulung Tuhan enggau laki aku, enggau tulung penulis ti diiring Roh Kudus nya, besai bengkah ari projek tu tembu dalam bulan Dua 1997.

## GENERA ROH

TIAP KALI PENGAWA nyendia belabuh, Tuhan bejaku enggau aku pasal masa-depan aku. Iya mandangka aku genera ti mayuh—tasik, sungai, bukit ti diempa api, darung mas, dunya iya empu, semua rumah di dunya, seleju, gerija, ai terejun enggau Tuhan empu di tengah sida.

## *Urapan Spesil*

Iya mega meri aku genera pasal pekara asal enggau roh. Tiap genera dipandang beberapa kali. Iya mega mandangka aku ujan batu mesai pintu labuh ari Serega. Genera tu datai dalam mimpi. Nama-nama ti dipandang Tuhan, selalu dikingatka aku.

Iya ka bendar, genera nya mayuh sereta bekampi sampaika enda ulih itung/tiap. Tuhan mai tubuh aku ti udah betukar ngagai tasik, lalu Iya megai jari aku lalu kami bejalai ba tasik. Naka pengaga aku ngasaika tu—bejalai sereta bejaku enggau Tuhan ba atas tasik! Selalu iya, aku nyaut sereta ketawa.

Penemuai ngagai tebing tasik tu endang ngerinduka ati. Aku asai baka anak mit—Tuhan enggau aku belanda meda sapa ti ulih belanda laju agi. Pengalaman ti manah bakatu nyadi lebuah Tuhan mai aku ngagai tebing tasik, utai tu ulih nyadi laban Tuhan udah nukar tubuh aku dalam Iya ti nyendiaka tubuh aku ka pengawa ti udah ditaga Iya ka aku.

## **URAPAN TI MERUAN**

LEBUH MAYA PENEMUAI NYA, urapan Tuhan amat besai dataika aku nyau ka ngantuk sereta lelak. Taja lelak, aku tetap ngemaruhka diri di mua Tuhan, lalu nyerahka diri ngagai pengawa Iya.

Bisi dua kali Iya ngereja pengawa tu, aku tetinduk kira sejam. Lebuah aku tedani, tubuh aku mupuk begetar baru lalu pengawa nya berengkah baru. Tuhan deka ngasuh aku belajar enggau chara ti mar, aku pechayaka chara Iya nyendiaka aku laban pengawa ti udah ditaga Iya ka aku endang penuh cabaran.

Aku berati, mega, Tuhan selalu nembuka utai ti udah dipunka Iya. Ngasaika tu, aku enggai tinduk agi, tang kadang-kadang pedis endar aku deka ngasuh diri enda tinduk.

Bisi sekeda maya Tuhan deka bekereja enggau aku dua jam lebuah pagi, udah nya aku tetinduk, Iya ngerak aku baru pukul 2 tauka 3 pagi awakka gawa enggau aku dua tauka tiga jam agi. Pagi siti aku lelak, mua aku kembai laban kurang tinduk.

Peda aku Tuhan berumban deka ngereja pengawa tu. Iya selalu madahka aku, "*Nadai mayuh maya tu.*" Aku pechaya tu kebuah Iya muai mayuh jam enggau aku tiap malam. Iya nyendiaka aku ka semua ti deka ditempuh lebuah pengujung ari tu.

## MINYAK PENATA

PENGAWA NYENDIAKA TUBUH aku ka pengawa Tuhan nyengkaum mua, jari, pala, kaki enggau belakang. Tuhan ngena jari aku negu semua perengka tubuh aku ari atas pala ngagai tapa kaki berulang kali. Udah nya aku ngunsut ngena jari aku seluruh tubuh baka ka masu latak ari jari aku. Roh Kudus ngajar aku ngereja tu.

Aku enda ulih nguasa jari diri, tauka sebarang perengka tubuh diri, lebuah Roh Kudus ngereja pengawa Iya ba aku. Datai ari tu, aku udah bulih pengering Roh. Lebuah aku besampika orang, lalu ngengkahka jari atas sida, selalu iya jari aku angkat katas ke baruh ba pala tauka bau, laban kuasa Roh Kudus bekereja nengah aku. Lebuah aku di-urap nadai siku orang ulih megai jari aku laban iya laju di baruh kuasa Roh Kudus.

Bisi sekeda malam Tuhan nataka minyak atas aku. Minyak tu dalam butul baka gamal telu nyau ka baka butul minyak wangi. Mayuh chura butul nya. Iya nata minyak nya atas pala sampai ke kaki, ba belakang aku mega.

Aku ngerikot pengalaman tu ba siti bup, aku udah ngira Iya udah nata ka penyampau 85 butul minyak atas aku. Semua butul dikena Iya bisi tudung magang semina iya ka penudi bendar nadai.

Sebedau tiap kali diunsut enggau minyak, bisi genera-lagu ti nyelai datai, lalu aku ulih meda Tuhan lebih terang maya tu. Tiap kali iya nata minyak atas aku madahka aku ngasuh ngingatka chura butul awakka aku ulih nulis ka iya. Kadang-kadang tusah aku ka nemu chura iya, maya nya Tuhan empu madahka chura iya. Tiap iti chura bisi reti spesil ba Tuhan.

Tuhan nemu tiap-tiap runding pikir aku, nya chara Iya ulih ngasai aku bisi penanggul madahka chura butul nya. Sekeda malam Iya nuang ari 7 iti butul ti enda sama, tiap iti sida bisi lebas chura. Sekeda bisi siti chura, ke bukai bisi mayuh chura. Tiap iti chura manah magang.

Lebuah Iya nata minyak atas tubuh aku, aku belabuh begetar, engkanjung sereta bepeluh angkat. Demuh ari roh aku nyadi inggar, lalu aku nyau kurang seput. Tu nyadi kira 10 minit, udah nya aku belelak kira 5 minit.

Lagu spesil lalu datai sebedau Tuhan datai ngagai aku mai butul minyak nya baru. Baka ka udah disebut aku, sekeda malam Iya nata 7 iti butul. Maya bukai, Iya semina nata siti. Berengkah ari nya aku belajar 7 nya lumur genap.



## *Urapan Spesil*

Lebuh Tuhan bejaku, “*Aku nata tu ba belakang nuan,*” tubuh aku nyaut, nginsit atas perut di baruh kuasa Roh Kudus. Lebuh Iya nyebut, “*Tu ke jari nuan,*” tubuh aku nginsit ke tunga alai Iya bediri, Roh Kudus lalu ngasuh aku nyurungka dua piak jari aku ngagai tunga Iya.

Selalu Tuhan negu jari aku ngena jari Iya ti angkat. Ari pengalaman tu aku ngasaika pengangat penatai Tuhan, aku lalu nyabak. Kuasa enggau api Tuhan kelalu balat lebuh maya tu ti ngasuh nyawa aku nyadi lembut sereta nadai beseput.

## **LAGU ROH**

DI BARUH URAPAN Roh Kudus aku belagu pengelama 3 jam ba sekeda malam. Tu lagu Roh, digaga sereta diiring ulih Roh Kudus. Iya ngangkat sereta meransang.

Udah semalam-malam belagu nyawa aku nyau lelak sereta lemi ari siti enti enda ulih iring Tuhan. Sama enggau tubuh aku. Udah semalam-malam Tuhan bekereja ba tubuh aku, aku nadai-apa-nama, semina tak lelak.

Sekeda malam, lebuh Tuhan bekereja ba tubuh enggau jari aku, seluruh tubuh aku nyadi chelum sereta chelap. Mula-mula, iya ngenakut sereta ngenyitka aku, tang penatai Tuhan ngasuh penangi nya lenyau. Iya deka bejaku, “*Aku bisi sepiak nuan; anang takut.*” Bisi mega maya bukai lebuh seluruh tubuh aku lesap lebuh bekereja nyendiaka pengawa Iya ba aku.

Mayuh ari kereja tubuh nya ba jari, mata, mua enggau pala. Kadang-kadang Iya ngaga tubuh aku baka gamal regang, lalu Iya ngesuhka seput Iya ngagai aku. Bisi maya Iya nimbakka api ari mata Iya ngagai mata aku. Dalam semua tu, urapan Roh Kudus selalu iya besai kadang-kadang aku mikir diri mati. Aku nyaut ngena demuh enggau ai mata.

Kadang-kadang Tuhan ngangkat sereta ngulur tubuh aku. Tubuh aku ngasika kuasa Iya bediri sereta nginsit.

Baka ka udah disebut aku, genera roh selalu disempulang kereja ba tubuh. Sekali iya mandangka aku siti bukit. Mula-mula, bukit nya dipeda rama, tang udah nya iya bebali nyadi api. Seluruh bukit nya diempa api, iya manchar baka mata-panas terang. Udah nya aku meda penatai Tuhan bisi ba tengah-tengah mata-panas nya, tubuh Iya nyadi baka gamal regang.

Di baruh iring Roh Kudus, tubuh aku nyadi baka gamal regang mega. Iya ka bendar, iya bebentur balat dataika aku ngasaika pemedis iya. Tiap



## SEREGA NYA AMAT NYATA

iti perengka tubuh aku dibentur pengelama 10 minit, aku nyangka Tuhan ngukum aku. Aku nyabak sepanjangi pengalaman tu.

Tiap bansa kereja-tubuh enggau genera roh nyadi beberapa ari. Nya baru Tuhan sedia mindah ngagai tempat bukai. Tiap iti kereja nyendia tu nyadi dalam kandang 3 tauka 5 ari. Udah tembu, Iya agi ngulang utai ka udah dikereja Iya ba aku. Selalu mega Iya ngangkat sereta ngulurka tubuh aku 49 kali.

Tiap kali pengawa nya tembu, penatai Tuhan bediri semak enggau aku. Sekeda malam Iya semina ngunsut aku ngena minyak Roh Kudus. Sepemanjai penatai Tuhan nya, aku peluh laban angkat, lalu roh aku bedemuh. Kuasa Roh Kudus sangat besai, iya ka bendar, bisi maya, aku ngasaika diri nyau asai ti ka gila.

## MALAM SEBEDAU KRISMAS

LEBUH TUHAN NGABAS aku Iya selalu ngena baju burak, tang lebu malam sebedau Hari Krismas taun 1996, 1997, 1998, 1999, 2000, 2001 enggau 2002 Iya ngena gari ti manah enggau mahkota. Mahkota nya digaga ari mas, disaruk enggau permata ti bemacham chura. Baju gaun Iya bechura mansu tuai, lalu disalut ngena mas.

"Tuhan, nama kebuah Nuan ngena gaun enggau mahkota ti manah bakanya?" ku aku nanya.

*"Anak, saritu Hari Pengada Aku,"* Iya nyaut sereta tuchum.

Tiap kali Tuhan tuchum ngagai aku, aku pun tuchum ngagai Iya. Aku enda ulih nutup mulut diri. Taja pen aku enda ulih meda mua Iya, aku ulih nemu lebu Iya gaga tauka tusah tauka ringat.

Bisi 28 kali Tuhan ngena baju mas enggau mahkota. Maya tu Iya dipeda aku gaga. Iya ngena baju bakatu lebu maya pengerami, nyengkaum tiap kali pengawa kereja-tubuh aku tembu.

Lebu ati aku nanya ka kebuah Iya ngena gari raja bakanya, Iya bejaku, *"Aku berami, anak."* Ngena tanda jari, ati enggau tubuh aku nyaut peneka Iya berami, lalu roh aku nyaut ngena genera-nyawa ti spesil enggau lagu Roh Serega.

## SITI KUNCI MAS

UDAH BEBERAPA BULAN pengawa tu dikereja, Tuhan meri aku siti kunci

## *Urapan Spesil*

mas mit, lalu aku nyabak tanda balat berterima kasih enggau baruh ati. Lebuh aku nerima pemerit ti berega nya ari Ketuai, tubuh aku begetar sereta engkanjung enda ulih tagang, Tuhan lalu ngangkat sereta ngulurka tubuh aku. Aku ditata ngena api ari Serega, lalu tubuh aku nyau nadai seput di baruh kuasa Roh Kudus.

Lebuh tu udah tembu, aku belelak beberapa ari. Uдах nya Tuhan datai baru lalu belabuh bejaku enggau aku. Beberapa malam, Iya semina nata aku. Tiap iti tata tu kira 15 minit, udah nya aku lalu belelak 5 minit. Tu nyadi beulang-ulang kira 7 kali semalam. Tiap kali aku gali lalu bedemuh baka orang ka sakit, baka orang ka udah luput.

## **REGANG**

UDAH BEBERAPA MALAM urapan ti spesil bakatu, Tuhan mandangka aku tubuh Iya ti diregang, lalu aku dikingatka semua ti dikereja Iya ka aku. Sebedau tu, Iya nangkan aku anang takut ka sebarang utai laban Iya deka enggau aku, tang Iya bisi nangkan aku sessi ka sekalitu bisi lain mimit lalu pedis ka tubuh aku laban aku deka ngasaika kuasa Iya lebih kuat ari ke udah.

Lebuh aku meda tubuh Iya ti diregang, darah pansut nerusor mua enggau tubuh Iya. Mahkota duri ba pala Iya. Aku meda tubuh Iya besai sereta tegap. Kulit Iya redam puda, bok Iya chelum sereta begelung. Tubuh iya bepeluh sereta penuh gumpal isi.

Mata Tuhan ngerembus sereta idup. Taja pen, tubuh Iya kamah penuh ulih darah, Iya dipeda aku sigat amat. Aku enda ulih ngelupaka pengalaman tu. Iya bediri ba mua aku jari Iya digaga baka regang. Baka ke udah, tubuh aku nyaut lalu ngaga gamal regang mega.

Kuasa nya sangat berat asai ti nyau ka mati aku. Tu meh siti pengalaman roh ti ngalitka ati. Aku asaika nadai seput, lalu nyabak sepanjangi nya. Aku gaga sereta tusah. Tang pengaga ti diasaika aku chukup penuh dataika aku asai ktideka mati ka Iya maya nya.

Aku enda ulih madah berapa lama jam udah nyau, tang aku nemu iya udah lama laban jari aku pedis. Lebuh genera udah abis, Tuhan bejaku, "*Tu meh pengawa ti pemadu pedis/mar.*" Malam nangkanka tu, Iya nguasa aku ngena urapan ti besai alai tubuh aku diangkat sereta diulur 7 kali. Mayuh macham urapan nyadi udah nya, aku lalu belelak 10 ari.

## SEREGA NYA AMAT NYATA

Pengalaman tu chukup narit ati, ngubah pengidup aku. Terubah iya dalam pengidup aku, aku ngasaika munga-mit pasal pemedis ka diasaika Tuhan ba regang ka aku. Dalam jalai ti mit, aku ngasaika pemedis ti diasaika Iya, lalu aku nyabak pedis dalam samengat nyangka sama enggau ti diasaika Iya.

Baka nya mega, aku nemu enggau terang lebih ari suba Iya ngasaika semua pemedis nya ka aku awakka aku ulih idup, enda mati. “Laban Allah Taala udah rinduka dunya, iya meri Anak Tunggal Iya awakka barang orang ti arap ka iya enda ka mati tang bulih pengidup ti meruan” (John 3:16).

## MUKA KUNCI TUBUH AKU

UDAH BELELAK 10 ARI, Tuhan belabuh bekereja ba tubuh aku dalam mayuh jalai. Iya bakaka muka kuasa dalam tubuh aku. Ambi ka banding, Iya ngangkatka tubuh aku ari tingkap ngasuh iya duduk, lalu Iya ngasuh aku angkat ari katil lalu berdiri ba lantai. Semua tu dikereja di baruh kuasa Roh Kudus, ukai kuasa aku.

Semua kereja-tubuh tu ngasuh aku lelak, laban Iya ngasuh tubuh aku angkat enggau besugang berulang-ulang. Aku nyabak lebu tu dikereja.

Selalu aku kelalu lelak sampaika aku enda tan agi. Enti aku gali iya bisi nyamai mimit. Tang selalu mega Iya ngasuh aku berdiri 2 jam, kadang-kadang utai tu diulang sampai 7 kali.

33 kali Iya “muka” mayuh bengkah tubuh aku. Sekeda ari “kunci tubuh” aku mesti “dibuka” 7 kali tiap-tiap sessi. Lebu Iya muka jari aku, ambi ka banding, iya begetar balat dataika aku pen nyau takut, lalu lebu Iya muka mata aku, iya nyadi angat lalu mesti ditutup rapat pengelama 5 minit.

Tuhan selalu madah dulu ni bagi tubuh aku ti deka dibuka. Baka ka dipadah aku, Iya muka jari aku 7 kali, baka nya mega mua enggau pala. 33 kali ka agi nya ba bengkah tubuh bukai.

Tiap kali Tuhan nata ka minyak atas aku tauka muka kunci tubuh aku, tubuh aku nyaut ngena getar, engkanjung, angat, demuh enggau kuasa roh ti ngasuh tubuh aku terangkat. Semua pengawa tu neritka urat enggau gumpal isi tubuh aku. Lebu utai tu nyadi, bunyi nyawa aku bisi takut lalu nadai seput. Sebedau utai tu nyadi, nyawa roh datai ari dalam aku.



## *Urapan Spesil*

Lebuh Tuhan udah ngabiska pengawa kereja-tubuh tu, Iya meri aku siti agi kunci mas ti besai. Kala aku meda kunci besai bakanya, aku pechaya nya nyadika tanda Iya muka tiap-tiap sukut pengidup aku awakka ulih dikena ka mulia Iya.

### **KUNCI TI PENUDI ENGGAU PENAMBIT**

LEBUH MALAM 11 haribulan Sabelas, 1997, Tuhan bekereja enggau aku pengelama 2 jam satengah, lebih pandak ari selama. Maya tu ditumpuka ba jari. Lebuh Iya ngereja nya, jari aku begetar balat. Tu nyadi pengelama 1 jam satengah.

Sekalitu aku takut laban jari aku enda kala begetar balat baka tu, iya diulang 7 kali. Lebuh Iya udah tembu, bisi siti nyawa datai, lalu Tuhan mandangka aku siti kunci enggau siti penambit.

Iya udah muka tubuh aku dikena ngereja pengawa. Kunci ti penudi bendar enggau penambit nya ti pemadu besai udah dipeda aku. Lebuh kunci musinka penambit nya, aku meda penambit nya tebuka, lalu tubuh aku terangkat laban iya begetar, engkanjung sereta bepeluh. Uдах nya, aku belabuh begetar baru, lalu ngaga gamal regang 7 kali.

Uдах nya Tuhan bejaku enggau aku.

*"Anak, Aku puas ati enggau kereja-tubuh dalam pengidup nuan. Diatu nuan sedia ka dunya. Laban pengasi enggau pengarap nuan, Aku ulih nembuka pengawa tu enggau penuh. Terima kasih ka penyabar nuan."*

Tuhan selalu madahka aku pengawa kereja-tubuh dikereja Iya enggau aku utai ti pemadu mar. Enti nadai kuasa pengerai Iya, aku enda ulih nat ka nya. Uдах 4 jam pengawa tu dikereja, tubuh aku nyau lelak.

Tuhan nerang: *"Sejam kereja-tubuh diasaika nuan lebih pedis ari 8 jam, laban urapan."*

Aku nemu utai tu amat, ba ujung pengawa tu, aku selalu ngasaika diri sebening pala sereta lemi tulang. Aku mesti ngambi peluang tinduk sereta belelak.

### **GENERA API**

LEBUH 6 HARIBULAN Dua-belas, 1997, Tuhan belabuh bekereja enggau aku ngena chara ti lain udah sambiang pagi enggau lemai. Iya mandangka aku



## SEREGA NYA AMAT NYATA

genera ti baru ti disempulang enggau genera-jaku roh. Aku ulih meda sekayu dunya dibalut remang biru, udah nya pemandang betukar nyadi remang tebal. Lebuw remang belabuh pechah, api datai ari langit. Sekayu dunya diempa api, udah nya api betukar nyadi seleju. Sekayu dunya dibalut seleju.

Genera ti kedua datai, disempulang genera-nyawa ti kuat. Tuhan mandangka aku sekayu dunya baru. Langit dipenuh ulih remang chelum. Iya belabuh beguntur sereta ujan. Kilat mangka, mayuh nengeri dirusak. Aku meda mayuh rumah tumbang.

Nyawa aku majak balat, aku belabuh nyabak lebuw Tuhan madahka aku semua utai tu deka nyadi maya nya.

*"Aku deka ngerusak mayuh menua ngena ai bah, ribut biau balai, tanah berenyang awakka mandang ngagai mensia Aku tu Tuhan, lalu sida mesti besedia ka penatai Aku. Mayuh orang deka pedis, mayuh deka sarak, mayuh ati deka pechah ka orang ti dikerindu, mayuh nyawa deka mati, nyengkaum orang Kristin. Nuan mesti nyengkaum genera tu dalam bup nuan, anak."*

Enda ulih tiap berapa kali Iya mandangka genera ti sama, lalu Iya madahka aku tu meh maya patut nyendiaka penatai Iya.

## *Nabi Indu Pengujung Maya*

*Iya nya ti "ngenjuk pemerl ngagai mensia." Iya nuduhka sekeda nyadi rasul, sekeda nyadi orang ti nusui pesan ari Allah Taala, sekeda nyadi pemerlta Injil, sekeda pengibun enggau pengajar. Iya nyendia nya kena nyendiaka anembiak Allah Taala ngereja pengawa orang Kristin kena niri ka tubuh Kristus.*

—Epesus 4:11-12

**T**IAP KALI TUHAN datai semak aku, demuh roh aku belabuh. Nadai jaku pansut semina demuh aja. Tu ngasuh aku ulih bejaku enggau Tuhan ari ati aku ngagai ati Iya ngelaung nyawa enggau pikir runding aku. Kadang-kadang kami betelai sama diri.

Tuhan nerang, bejaku ari ati ke ati, siti kaul ti amat beguna. Nengah tu sitan enda ulih mendingka utai disebut. Lebu pengawa dalam tubuh aku bekereja, aku enda ulih bejaku terus ngagai Tuhan ngena nyawa, tang semina nengah ati aja.

*"Anak, nuan siku nabi indu pengujung maya, lalu nuan nyadika saksi ti idup ba jaku Aku enggau bejakuka utai ti ka nyadi."*

Iya nerangka kebuah Iya nunjukka bala penulis ti bisi mai bup tulis ba bilik ti pemadu tinggi lebu aku niki ke serega enggau Iya. Iya madah ngagai aku mayuh orang enda arapka jaku Iya, sereta utai ti ka nyadi. Lalu Iya madah indah sekeda orang Kristin enda arapka nya mega. Tang diatu aku sedar semua utai ti disebut Iya kena netapka Jaku Bup Kudus Iya sereta jaku benabi ti diberi Iya ngagai aku iya nya bunyi Jaku Iya.

### **PENGAGA TI TESIUH**

LEBUH MAYA NYembah di gerija aku bisi ngasaika pengaga ti enda kala

## SEREGA NYA AMAT NYATA

diasaika aku. Penuh pengaga dataika aku enda sedar orang bukai ngelingi aku. Uдах pemandang serega diberi Iya ka aku, aku semina numpuka ati aku ngagai penatai Tuhan. Aku meda Iya di mua gerija lalu Iya dipeda amat gaga.

Utai ti runding orang pasal aku enda nyadi penanggul ba aku. Lebuх aku pegi ke gerija aku semina nyenangka ati Tuhan ukai mensia. Aku nemu orang enda ulih nyenangka ati Tuhan enti iya irauka utai ti dipikir orang mayuh.

Uдах Ista 1995, mayuh orang nyangka pengawa aku semina 'action' aja, laban aku begetar enggau merejuk dalam kuasa Roh Kudus. Taja pia, diatu lagu enggau tanda serega disengkaumka dalam tiap maya nyembah. Selalu iya aku deka nemu nama dipikir orang tentang aku, tang diatu aku enda peduli, asal Tuhan gaga ka aku ti ngasika Iya. Pastor Larry Randolph bisi benabi pasal aku—"orang kudus ti lain ari orang bukai," lalu tu amat bendar.

## MAYUH UTAI DIBUKA ENGGAU GENERA

UDAH 16 BULAN kereja bebendar, aku lalu ngetu belelak pengelama 26 hari. Aku mikir Tuhan deka belabuh ngena aku, tang Iya semina nemuai tiap pagi antara pukul 1 pagi ngagai 2 pagi lalu bejaku enggau aku pengelama sejam. Tu nyadi 8 kali, uдах nya Iya belabuh nata aku sereta ngereja latih atas jari aku uдах abis sampi tinduk, lalu kadang-kadang uдах besampi pagi.

Tiap kali lepas sampi tetap, Tuhan datai ngagai aku. Iya suah ngiri aku ngena kuasa ti kuat, lalu aku berulang kali ngayunka jari baka ti uдах dikereja aku ngelama tu, lalu Iya mandangka aku mayuh genera ti disebut Iya ngelama tu. Iya neruska tu ngena mayuh macham jalai bukai nyengkaum ngempaika jari aku. Iya ngemendarka aku belelak ba antara siti-siti bengkah pengawa tubuh.

Muka penambit ke lumur 23 nya siti pengalaman ti amat nyelai ari sida bukai. Penambit tu digaga lain ari sida bukai, lalu iya penambit enggau kunchi ti pemadu besai ari semua iya. Tuhan ngena mahkota enggau baju mas. Iya negu jari aku, uдах nya bejaku, "*Nuan ditetapka Tuhan nuan.*"

Malam siti Iya ngasuh jari aku bepusin 7 kali nengah 7 macham jalai ti lain. Tu ditangkanka genera-nyawa ti luar biasa, lalu aku meda baju mas Iya. Iya nunjukka aku siti bol pirak ti segala ti bekilau baka kacha. Iya



## *Nabi Indu Pengujung Maya*

megai enggau jari kanan Iya lalu bejaku, "*Anak, nuan nya perengka ti digaga enggau manah.*"

Aku nemu tiap kali Tuhan mai siti utai dalam penemuai Iya enggau aku, nya ngelambangka siti utai ti benung digaga Iya dalam pengidup aku. Malam siti, udah badu sampi tinduk aku, Tuhan nunjukka aku genera ti bukai tentang langit.

Bulan enggau bintang nerangka langit, lalu aku meda Tuhan dalam berekas penerang ti seterang mata ari. Iya ngena mahkota enggau baju mas, lalu Iya benung megai siti bol mas ti ditutup enggau permata ti diturunka Iya ari serega. Siti terang ti bekilau ngelingi Iya.

Nyawa-genera aku lalu pansut, lalu aku meda Tuhan di mua aku. Iya megai bol nya di ke dua piak jari Iya, lalu Iya ngengkahka nya ba jari kanan Iya lalu nyebut, "*Aku deka nata urapan tu atas pala nuan.*"

Lebuh Iya muka pala bol nya, '*steam*' tauka wap pansut. Lebuh Iya nuangka nya atas aku, aku enda ngasaika kuasa kuat ti sama diasaika aku lebuh urapan sebedau tu. Uдах tu, Iya mandangka aku tasik enggau dunya, lalu ku Iya, "*Dunya tu enggi nuan.*"

## **SEPUN TIANG API**

KENA 31.3.1998, udah besampi deka tinduk, Tuhan datai semak aku. Uдах kami bejaku, Iya madahka aku, "*Aku mesti mandang tu ka nuan.*" Mata aku pejam rapat lalu nyawa-genera pansut. Kuasa Roh menuhka tubuh aku, lalu aku meda semua langit diempa api.

Aku belelak beberapa minit, lalu mata aku pejam rapat baru. Sekali tu aku meda pun api datai ke baruh ari langit. Iya labuh di tengah tasik. Uдах sesikin belelak, mata aku pejam rapat agi lalu kuasa datai ke dalam tubuh aku.

Aku ninga nyawa ti ingar amat di langit, lalu aku meda mayuh bilun terebai di langit. Sida betimbak enggau peluru ti besai ti baka gamal telu. Lebuh peluru ditimbak, mayuh rumah anchur. Orang ti ngena senjata enggau bebaju *uniform* pambar kin-kia, lalu aku belabuh nyabak. Tuhan nerangka perang tu deka nyadi belabuh ari taun 1998.

## **MAYA ANGKAT BEJAGA**

LEBUH PAGI 1.4.1998, udah aku besampi pagi, Tuhan nunjukka ngagai aku



## SEREGA NYA AMAT NYATA

siti genera ti sama baka malam ti dulu. Iya madahka aku utai ti jai tu nyadi ukai semua pengawa sitan.

*"Aku mesti ngerak mensia ti agi tinduk," Iya nerangka. "Mayuh sida ti agi diau dalam pemetang lalu lebuu utai ti jai nyadi, sida nya nyalahka sitan. Aku deka ngasuh ati mensia begetar laban mayuh sida iya enda meda tauka ninga pengelengkas Aku deka dataika sida. Semina sida ti udah besedia aja ulih ningaka terumpit lalu nganti penatai Aku. Sida ti bukai deka nengah jalai penusah ti pemadu besai."*

## SITI BUTUL MAS

HARI SITI, 2.4.1998, hari ti besai reti mega. Uдах besampi sebedau tinduk, Tuhan bisi datai semak aku baka selama. Uдах kami berandau, Iya bejaku, *"Anak, Aku bisi utai ngenyit spesil ka nuan malam tu. Nuan mesti meda iya."*

Tekala nya Iya nyebut jaku tu, mata aku pejam rapit lalu aku bedemuh ingar. Uдах nya aku meda serega terbuka, lalu dua iku mensia nurun ke baruh. Tempat tu dikelingi mensia terang baka mata panas. Siku ngena gari burak sereta benung megai siti butul ti besai enggau ke dua piak jari iya. Tuhan ngena gari enggau mahkota mas. Uдах nya mensia ti ke dua iku seduai tu tadi lesap lalu nyawa-genera aku pansut.

Uдах tu Tuhan berdiri di mua aku megai butul mas ti besai. Iya megai butul ti digaga ari mas tulin lalu nadai tutup ari atas iya.

Tuhan megai butul nya ngena jari dua piak. Pemesai butul nya ngiranka aku, aku mikir, bedau tentu aku ulih megai iya enggau ke dua jari aku.

Ingin ati deka nemu nama utai nya, aku lalu megai butul nya, amat betul iya ngemenuh sereta nutup lengan aku. Aku ngasaika tu kebuah melikat mesti mai iya nurun ka Tuhan. Tuhan bejaku ngagai aku, *"Aku deka nuangka tu ba nuan ari atas pala nyentukka tapa kaki nuan. Tubuh nuan deka ditata enggau api."*

Lebuu Iya belabuh nuangka isi butul mas ke atas aku, seluruh tubuh aku baka ti diempa api lalu munyi nyawa aku baka munyi orang ti benung pedis lalu aku belabuh nyabak. Uдах nya aku belabuh belagu, jari aku nging ke sepiak-sepiak, udah nya terangkat niki ngagai atas pala aku.

Maya hal tu nyadi aku benung nyebut, "Apai, terima kasih ka semua

## *Nabi Indu Pengujung Maya*

semaya Nuan ngagai aku.” Aku enda ulih nurunka jari, dataika aku udah nyebut “Dalam Nama Jesus.”

Udah nya jari aku angkat 7 kali ngagai Apai, aku nyebut hal-hal ti deka disebut di dalam nama Jesus. Udah nya aku labuh ningkap di lantai, lalu mua aku kena lantai lebuah aku ngemaruhka diri empu di mua Apai. Aku sedarka diri enda ulih ngangkatka pala dataika aku nyebut, “Dalam nama Jesus.”

Udah nya baru aku nemu diri enda ulih ngereja utai ka diri enti enda “Dalam Nama Jesus”, jari aku enda nurun, lalu mua aku enda nginsit. Aku pasti Tuhan ngajar aku pemesai guna besampi ngagai Apai dalam nama Jesus.

Aku seruran besampika semua utai dalam Nama Jesus lalu aku pechaya Iya dekaka aku nyengkaum tu dalam bup tu awakka sida ti enda ngangauka nama Jesus deka mereti. Tuhan lalu madahka aku malikat ti udah nulung Iya iya nya Michael.

## **MALIKAT MICHAEL**

KENA TUMU PAGI 3.4.1998 udah maya sampi tetap aku, Tuhan ngajar aku ngingatka semua ti udah dipadahka Iya ngagai aku malam sebedau tu. Aku nanya Iya enti aku ulih meda malikat Michael, penghulu malikat. Ku Iya, “*Michael ti malikat ti amat sigat. Peningi iya 7 kaki (2.1 meter), berat 300 pound (150 kg), mata iya biru lalu bebok pirang.*”

Nengah kaul ti digaga ari ati-ke-ati kami, aku nanya ngagai Tuhan kati aku ulih meda Michael enggau terang. Tekala nya mata aku pejam rapat, lalu demuh roh aku betambah balat. Tubuh aku nginsit ke belakang betentang enggau katil. Udah nya aku meda Michael berdiri di belakang rumah.

Dalam sekelip mata aku meda iya berdiri di mua aku, pala iya nyauka negu dek rumah. Baka ti udah dicheritaka Tuhan, Michael bebok pirang lalu mata iya biru terang. Kulit iya kuning lensat lalu iya ngembuan tuchum ti manah ba mua iya. Iya nyebut, “*Choo Nam, nuan meh anak dikesayauka Tuhan, lalu nuan ngenyenangka Iya.*” Enggau nya, iya tuchum sekali agi lalu pegi. Hal ti diingat aku pengabis terang tentang iya, mata iya ti bekilau, biru tuai. Tuchum iya ti manah ngasuh aku gaga sereta bisi pemaik.

## SEREGA NYA AMAT NYATA

### SITI PENEMUAI KE SEREGA AGI

LEBUH 28.4.1998 udah besampi tinduk, Tuhan mandang ngagai aku semua hal ti udah ditunjukka Iya ngagai aku ba penemuai-penemuai ke serega. Iya mega ngingatka aku semua hal ti deka nyadi di dunya dalam maya ti amat semak.

Siti hal ti enda dipandangka Iya agi iya nya neraka. Aku pechaya Iya enggaika aku ngasaika agi utai ti ngasuh takut. Amat, aku enda kala enda teingatka semua ti udah dipandangka tauka dipadahka ulih Tuhan ngagai aku.

Jesus madah ngagai murid-murid Iya, "Semua tu disebut Aku lebuah Aku bisi enggau kita; tang Penulung, iya nya Roh Kudus, yang deka dianjung ulih Apai dalam nama Aku, Iya meh ti deka ngajar semua utai ngagai kita lalu deka ngingatka kita semua ti udah disebut Aku ngagai kita" (John 14:25-26).

Nya ti amat nyadi dalam pengidup aku lalu Roh Kudus ti bekereja ba pengingat aku majak bekereja dalam pengidup aku sampai ke diatu.

## *Pemerani Ngerembai*

*Awakka penetap ati meruan ba kita belama,  
ngambi ka kita mansang sereta chukup manah  
dalam pengarap, nadai utai ka timpang.*

---

— James 1:4

**K**ENA 7 HARIBULAN Lima, Tuhan datai ngagai aku ngena gari enggau mahkota mas. Iya bediri di mua aku, tubuh aku nerima urapan ngasuh aku takut terubah iya. Aku meda jari Tuhan diangkat, kedua piak jari aku mega diangkat ngagai Iya. Ku Iya bejaku, “*Aku merekatka nuan ka pengawa ti udah ditaga Aku ka nuan.*”

Ari 11 haribulan Tujuh, 1996, dataika saritu Tuhan udah ngereja mayuh utai dalam pengidup aku. Aku udah nguji nyeritaka semua tu nuliska tiap singkang iya. Tuhan ngasuh aku ngerikot pengawa enggau Jaku dibaruh iring Roh Kudus. Terubah iya, enda ulih dipechaya semua tu—pemerika ka spesil, penemuai, genera benabi, pejalai ke Serega enggau pengawa roh ka bukai.

Merening ke belakang meda semua utai ti udah diasaika aku, aku ngasaika Tuhan mai aku nengah pemansang ka spesil lalu nyendiaka aku ka ministri Iya. Kebuah nya, pengarap aku terangkat lalu pengadang aku meletup dalam aku. Diatu aku arapka semua utai ti dipadah sereta dipandang Iya. Iya udah ngamatka semua semaya, nyengkaum semua semaya pasal bup tu. Iya meri aku tajuk bup nya, lalu Iya ngirumka penulis ti penuh ulih Roh Kudus ti nulung aku ngemas sekeda genteran enggau empas jaku. Nemu semua utai ti disebut Iya amat magang ngasuh nulis bup tu nyamai agi.



## SEREGA NYA AMAT NYATA

Udah genera pasal Serega, Tuhan udah ngemenuhka semua utai ti patut dikereja sampai ke diatu. Iya selalu datai lebuah maya aku besampi. Nya semaya Iya, lebuah aku ngasaika diri enda lantang pasal utai nyadi di gerija, aku besampi bebendar ngagai Tuhan. Aku begunaka penemu enggau iring Iya.

Aku nemu semaya Bup Kudus endang amat: "Tang sebarang kita ti kurang penemu, iya patut besampi ngagai Allah Taala, ti deka meri utai nya ngagai iya; laban Allah Taala meri enggau penelap sereta enggau pengasih ti besai ngagai semua orang. Tang kita enda tau enda arap lebuah kita besampi, lalu anang kakang ati. Barang sapa ti kakang ati, nya baka gelumbang di tasik ti dipuput ka ribut." (James 1:5-6).

Taja pen aku pechayaka semaya nya, lebuah aku besampi Serega tak asaika nyadi temaga. Aku enda ulih meda Tuhan tauka ninga nyawa Iya, lalu betanya kada ka aku ulih meda Iya agi. Aku belabuh nyabak. Udah badu nyabak sereta manjung enggau nyawa inggar ngangauka Jesus bekali-kali pengelama 15 minit tauka lebih, Tuhan ayan baru.

Sari nya, aku belajar siti utai ti berguna. Iya mandangka aku, ati aku mesti gaga sereta beresi awakka ulih ngasaika penatai Iya. Iya enggai ka nama-nama utai ngachau runding aku lebuah Iya ngelatih aku ka pengawa ti ditaga Iya ka aku.

## SAMPI, ENGGAU PENATAI TUHAN

AKU RINDUKA TUHAN, lalu aku nemu Iya rinduka aku. Aku selalu besampi tiap ari nyau ka sama maya. Tiap kali aku besampi, penatai Tuhan datai ngagai aku. Udah nya kami bejaku. Tu nyadi tiap ari, kadang kami bejaku lama. Tuhan ngingatka aku semua utai ti berguna ti udah dipandang sereta dikunsi Iya enggau aku.

Tiap kali aku besampi, ba pengujung maya besampi perut aku mulas, tubuh aku begetar, roh aku bedemuh udah nya Tuhan lalu ayan. Lebuah Iya ngejang, tubuh aku ngasaika utai ti diasai aku ngelamatu.

Udah semua pekara tubuh tu abis, Tuhan ngabas aku tiap ari lebuah maya makai lemai. Laki aku, Roger, selalu besampi lebuah maya makai lemai, lalu aku setuju enggau iya dalam sampi ngena besampi dalam jaku nyelai. Lebuah kami ngereja tu, penatai Tuhan ayan tepat ba maya iya, Iya lalu ngejang udah abis sampi nya. Iya selalu meri komen pasal pemakai, lalu

## *Pemerani Ngerembai*

betundi enggau aku. Aku selalu ketawa ninga tundi Iya.

Tuhan selalu ngasuh aku makai nama-nama ti dikedeka aku, Iya nerangka di Serega, aku enda ulih makai utai ti dikerindu bisi di dunya. Roger nemu utai ti diasaika aku maya tu laban iya meda tubuh aku begetar. Tiap kali urapan nya balat tubuh aku asaika kena api. Lebuah pemakai nya pemakai tasik (seafood) enggau sayur, Tuhan selalu madahka sida nya peniakai ka manah.

## **SAPA TUHAN NYA BA AKU**

MAYUH URANG MADAH Tuhan nya Tuhan ka terit. Ba aku, Iya nelap, rindu begagai, mereti, sabar, pengerindu, Tuhan ti penuh pengasih. Iya selalu bejaku siru enggau aku, kelimpah ari lebuah aku nyoal Iya pasal utai ti diasuh Iya. Nya baru Iya ringatka aku. Aku belajar Tuhan enda rinduka orang selalu nyoal sereta komplek.

Iya siku ti sabar ninga, taja pen aku bejaku panjai. Iya nadai kala nyempelah aku. Iya nemu semua pasal aku. Iya selalu ngingatka aku semua anggur aku ka sari nya.

Diatu udah dua taun setengah udah udah idup dalam iring Tuhan. Aku selalu nguji deka ngasika Iya, aku ngasaika semua utai mujur, tang aku selalu belaban enggau diri empu ti enda sabar.

Jesus pangan ti meruan, Iya baka kitai mensia. Aku ulih bejaku enggau Iya sebarang maya tauka dini-dini. Iya bisi mega madahka aku, aku ulih nanya mayuh macham tanya, tang aku enda tau nyoal Iya lebuah Iya ngasuh aku ngereja utai.

Taja pen, Iya pangan aku ti meruan, aku ngemaruhka diri di mua Iya. Aku nangi sereta masa besai, laban aku nemu Iya endang Tuhan. Terubah iya, aku minta penatai Iya terang agi, ningaka jaku Iya terang agi. Iya nyaut, "*Anak, nuan meda Roh Aku.*"

Laban Iya roh, aku enda ulih meda Iya enggau terang tiap kali. Lebuah penatai Iya nyadi nampak ba aku, aku ditengelim ulih kuasa urapan Iya ti besai atas pengidup aku. Bisi maya aku meda Iya enggau terang mimit. Lebuah tu nyadi, urapan iya balat bekuasa. Laban Tuhan mandangka aku Serega enggau lubang neraka, aku udah berubah. Diatu, lebuah meda orang ka bedau diselamatkan tauka orang ti nyau tendur dalam pengidup nyadi orang Kristin, ati aku belabuh pediska sida laban aku nemu nama utai

## SEREGA NYA AMAT NYATA

diguna deka ngagai Perintah Serega.

Pengelengkas tu aku ngasaika samengat ngasuh aku ransing selalu. Diatu aku deka nulung munsuh aku dini maya aku ulih. Tuhan udah ngulang ngagai aku beberapa kali utai ti deka nyadi ba orang udah sida dipechara.

Iya nerangka aku semina 20% orang Kristin ti amat-amat ngenyenangka ati Iya. Iya ngelikunka aku, taja pia, Iya deka meri bala Iya peluang ti penudi meresi diri empu sebedau Iya datai ngambi kitai, lalu Iya nerang nya kebuah Iya milih aku nulis bup tu.

Iya ngasuh aku nyadi saksi Bup Kudus ti idup enggau jaku benabi Iya, laban mayuh orang enda arap utai ti dibacha dalam Bup Kudus, lalu mega enda arapka Iya deka datai baru enda lama agi ka bala Iya. Iya mega bisi madah bup tu nyadika perengka dikena nyelamatkan bejuta samengat.

## NADAI TAKUT!

LABAN SEMUA UTAI TI udah diasaika aku, aku nadai takut agi. Siti pemerani udah datai ba aku—pemerani kudus dalam Tuhan. Diatu aku ngasaika diri ulih berdiri ba mua juta iku lalu besaksi ngagai dunya semua utai ti udah dipeda sereta didinga.

Tubuh enggau mulut aku udah ditambit lebu Tuhan nyendiaka pengidup aku. Tuhan madahka aku Iya dekaka aku nyimpan semua utai tu dalam aku empu dataika maya Iya mandangka. Maya nya mesti betul laban mayuh orang enggai pechaya enti aku madahka sida utai ti udah nyadi.

Udah aku ngasaika genera enggau pemandang roh, penulis aku nunjukka sedeka ayat ari Bup Kudus kena aku ngechik pengalaman diberi Tuhan ka aku. Maya nya, aku enda tentu nemu Bup Kudus dini alai ngiga ayat nya.

Iya ka bendar, aku bisi komplek ngagai Tuhan aku enda tentu nemu Bup Kudus deka dikena Iya. Selalu aku nanya Iya, “*Nama kebuah nuan milih aku, Tuhan?*”

Iya nyaut terang bendar: “*Laban nuan senang diajar kebuah Aku milih nuan.*”

Iya nerangka aku enda ngereja pengawa aku empu laban aku nemu diri begunaka Iya dalam semua utai. Nya, iya ka bendar nyadika kunci pemandang dalam pengidup roh. Iya mega nyadika kunci awakka kitai

## *Pemerani Ngerembai*

dikena Tuhan — mengkang tebukaka Iya enggau semua ka udah disedia Iya ka kitai.

Diatu, lebuah aku macha Bup Kudus, aku ulih mereti sekeda utai enggau terang, tang kelia aku buta dalam pemendar. Aku nemu diri ulih ngeripit ayat Bup Kudus enggau senang, aku udah ulih ngeripit 300 ayat ti dikerinduka aku. Tuhan udah nulung aku laban aku rindu amat ka Jaku Iya. Tu mega beguna lebuah besaksi sereta belemati ka iya. Aku ngasaika enti kitai enda nemu Jaku Tuhan, pedis bendar kitai deka besaksi.

Tuhan udah ngelatih, nguji sereta mutus ka asa aku dikena Iya netapka pengering pengarap aku iya ka bendar.

Iya muai semua pengaruh ti enda manah (nyengkaum mensia) ari pengidup aku. Kadang-kadang Iya ngemendarka penyakit ngagai orang ti udah digeraika Iya dikena netapka pengering pengarap enggau pengerindu sida ka Iya. Bisi maya, Iya ngemendarka aku putus asa dikena Iya netapka penyabar enggau pengeringat aku; taja pia aku nadai kala enda rindu tauka arap ka Iya; taja aku balat putus asa.

Aku suah nyabak ba mua Iya, minta Iya nerangka kebuah Iya lama ngamatka semaya Iya. Bisi maya aku ngarapka Iya deka ngamatka semaya Iya dalam seminggu, tang Iya madahka aku mesti nujah latih ka sama baru. Tu ngasuh aku pudar ati dataika aku sanggup mati.

Kadang-kadang aku ngasai kelalu lelak dataika nyau deka putus asa enggau semaya Tuhan. Bisi maya aku tedingaka nyawa ti salah. Selalu aku nanya Iya sekalika aku ninga nyawa ti salah tauka nyawa aku empu. Iya munyi nyawa ti tusah, dikena ngingatka aku ninga nyawa Tuhan aku Jesus Kristus ari Nazaret.

Lebuh Iya nyebut jaku tu, tekala nya pengaga datai lalu aku enda ingatka diri putus asa tadi. Enti Iya enda bejaku enggau aku, enda aku ulih tan.

Lebuh belatih, aku nyabak beberapa kali. Lebuh Iya udah abis, ku Iya, "*Choo Nam, nuan udah pas peresa lalu bulih lebih 100%.*" Jaku puji enggau peransang Iya ngenyamaika samengat aku. Tiga taun belatihka minstri, aku ulih enggau ati bendar madahka enda kala sekali aku enda ngasika Tuhan. Iya nemu aku seruran bisi deka ngereja pengawa Iya.

Mar kini-kati pen pengawa nya, tauka asa kini-kati aku, aku selalu ngasaika pengaga enggau pemaik Tuhan ti dalam. Uдах penemuai aku ke Perintah Serega, aku asaika diau di Perintah Tuhan. Utai ti dirunding aku



## SEREGA NYA AMAT NYATA

semina deka ngenyamaika ati Tuhan, lalu aku deka ngereja iya, enda milih baka ni. Utai di dunya tu nadai reti baka aku diatu.

Selalu iya, aku ngasuh Tuhan mai aku ke Serega tetap, tang Iya enggai laban ku Iya agi mayuh pengawa deka dikereja aku. Sekumbang bulan Satu, 1996, tiap ari pengidup aku diserahka ngagai Tuhan. Iya ti terubah, pengujung enggau semua iya di antara. Iya meh ka semua enggi aku. Iya selalu besampi empat tauka lima jam sari, tang lebu may belatih nya, aku muai tujuh ngagai semilan jam sari enggau Tuhan, kadang-kadang lebih.

## LAKI TI DIKERINDU AKU

AKU AMAT BETERIMA kasih ka pengerindu ti taluk sereta pemereti ti sabar ari laki aku, Roger. Aku besampi awakka iya nemu Tuhan, lalu iya nemu Tuhan setaun-setengah udah nya. Aku enda kala mejal iya dalam semua pengawa roh tu, tang iya selalu nyukung aku—nyadi pangan enggau penyukung. Aku minta Tuhan nulung kami awakka sama penemu dalam pengawa Iya, lalu Iya meri aku siku lelaki ti baru. Taun terubah iya bejalai enggau Tuhan, Roger macha Bup Kudus enam kali.

Enti nadai jaku setuju ari iya, pengidup melaki-bini kami enda ulih idup. Roger tu penulung ti talukka aku dalam semua segi, iya siku penulung ti manah dalam ministri aku.

Roger enggau aku nemu enti nadai Tuhan kami nadai pengering. Bisi Iya, kami sama nemu diri ulih ngereja semua utai. Nadai utai ti enda ulih kereja Tuhan kitai ti sempurna. Iya nemu semua utai pasal kami duai. Iya nemu utai ti diguna kami sebedau dipadah. Jesus madah, “Apai kita nemu utai ti dipeguna kita, sebedau kita minta ari iya” (Matt 6:8).

Kami udah mutus ati ngengkah Tuhan terubah dalam pengidup kami. Ku Jesus bejaku, “Giga dulu perintah Allah Taala, enggau pengelurus iya; lalu semua iya deka diberi ngagai nuan” (Matt. 6:33). Semaya tu udah dikamatka dalam pengidup kami ari sekali ke sekali.

Aku mesti ngaku pengemar idup penuh dalam pengidup roh, selalu ngengkahka Tuhan terubah; tang aku udah belajar aku enda ulih ngereja utai enti nadai pemendar ari Tuhan. Iya selalu ngasuh aku numpuka semua utai ba Iya enggau pengawa ti udah ditaga Iya ka aku. Iya nangkan aku enda ngasuh sapa-sapa tauka nama-nama di mua tuju nya.

### *Pemerani Ngerembai*

Pama pengemar ke udah, tang aku udah belajar ngasuh runding aku tetap ba Iya nya nyadika pun pemaik ti meruan, baka ka disebut nabi Isaiah. Enti bisi utai ngachau aku, aku enda ulih numpuka runding ngagai Iya, pemaik aku lenyau. Aku nemu tu ukai peneka Tuhan, laban ku Jesus: “Pemaik ditinggal aku enggau kita, pemaik diberi aku ngagai kita; ukai baka ka diberi dunya. Anang ati kita irau, tauka takut” (John 14:27).

Tuhan selalu bisi ulih nulung pengidup kitai, taja pen kitai enda ulih meda tauka ninga Iya. “Jesus Kristus sama kelia, diatu, lalu datai ke belama-lama iya” (Heb. 13:8). Iya idup dalam kitai, nya kebuah Iya nemu semua pasal kitai. Aku belajar lebu kitai besampi ngagai Iya tauka nyembah Iya, Iya dekaka kitai numpuka runding semina ba Iya.

## *Serega Tebuka*

*Tang Stepen, penuh ulih Roh Kudus, nengkadang ke Serega lalu meda mulia Allah Taala, lalu Jesus bediri muak ari kanan Allah Taala. Ku iya, "Peda! Aku meda langit tebuka lalu Anak Mensia bediri muak ari kanan Allah Taala!"*

— Kereja Rasul 7:55-56

**L**EBUH PAGI 16 haribulan Lima, 1998, Tuhan madah aku mesti tindak tumu lemai nya. Nya alai, udah besampi ba katil, urapan ti spesil datai ba aku, lalu Tuhan bejaku, "*Aku mesti mandangka nuan utai.*" Lebuah Iya nyebut jaku nya, tekala nya, mata aku tutup rapat lalu demuh ti spesil datai ari roh aku. Serega belabuh tebuka di mua aku.

Terubah iya semua utai tampak, udah nya aku meda Serega. Iya tempat ti penuh tuchi temuli sereta burak, jalai enggau rumah semua beresi.

Iya mai aku ngagai Serega sekali agi, lalu Iya belabuh mandangka utai ka aku siti-siti. Mata-panas manchar enggau terang.

Udah nya Tuhan mandangka aku semua tasik enggau dunya. Seleju nyerungkup dunya. Tuhan nerang: "*Aku mesti meresi orang Aku sebedau Aku mai sida ngagai Perintah Aku. Enti sida bedau diberesi, sida enda ulih meda Perintah Aku.*"

Udah nya aku ingatka ajar Tuhan (Beatitudes): "Lantang meh sida ti tuchi ati, laban sida deka meda Allah Taala." (Matt. 5:8)

Jari aku diangkat ke tisi, ngaga gamal regang ari tubuh aku. Tu nyadi pengelama 10 minit. Aku nyabak sepanjangai tu, tang aku enda pasti sekalika ai mata aku datai ari terima kasih, pengaga tauka pemedis. Tuhan ngulang pelajar ke udah, lalu Iya nandu ngasuh aku ngerikot semua tu dalam bup aku.

## *Serega Tebuka*

Tu nulung aku mereti lebih tajuk ti deka dipilih, Serega Nya Amat Nyata! Ari ti ngulang pelajar enggau pengalaman tu dalam pengidup aku, aku nemu Serega enggau dalam agi.

## **KERUSI TAKHTA TUHAN**

LEBUH 6 HARIBULAN Enam, 1998, Tuhan ngasuh aku tinduk tumu sekali agi. Aku nemu bisi utai besai deka nyadi. Uдах aku besampi ba katil, urapan ti besai datai, sekali agi Serega tebuka ari atas aku. Aku meda kerusi takhta Tuhan, lalu aku meda Apai duduk atas iya. Iya ngena mahkota burak enggau baju panjai, bok Iya panjai sereta burak. Tuhan Jesus bediri sepiak Iya. Gamal Jesus mega sama baka ka selalu dikingat aku.

Apai enggau Anak sama ngena gari burak. Aku enda ulih meda mua seduai, tang aku ninga jaku nyebut: *"Choo Nam, aku ngelepaska nuan ngereja pengawa ti udah ditaga ka nuan. Nuan deka bekerejaka Aku diatu. Aku rindu ati ka semua pasal nuan."*

Ninga penetap tu aku gaga lebih agi ari jaku ulih ngenatai. Uдах genera Serega tu nadai agi, penatai Tuhan ayan sekali agi, lalu Iya ngulang utai ka udah disebut Apai. Baka ka aku dilancarka ngereja pengawa ti udah lama ditaga ka aku, utai tu balat ngerinduka ati aku.

## **MALIKAT MEDA KITAI**

SEPEMANJAI BULAN DUABELAS 1998, Tuhan mandangka aku mayuh utai ti udah dipandang Iya. Iya mega ngulang sekeda kereja-tubuh. Iya suah muka Serega ka aku. Tiap kali Iya ngereja nya, aku tepedaka seluruh langit enggau terang, nyengkaum sida bintang Serega ti tampak.

Ari atas bintang aku meda mua-ari, ari atas mua-ari aku meda Serega. Penampak Serega ngasuh ati techengang, lalu pemesai iya enda ulih ditusui. Tiap kali Tuhan mandangka Serega ka aku, aku nyaut enggau lagu pengaga.

Sekali tu lebuх Tuhan mandangka aku Serega, Iya mandangka aku mayuh bala malikat terebai kin-kitu. Aku meda, malikat Serega terebai di dunya mega. Tuhan madahka aku malikat ti dipeda aku terebai di dunya nya nyaga orang iya.

Sekeda genera diberi Tuhan ka aku datai udah Tuhan ngasuh jari aku



## SEREGA NYA AMAT NYATA

negu mata aku lebih ari 1000 kali dalam 2 bulan. Iya mai aku nengah tiap-tiap langkah 7 kali.

Lebuh tu nyadi aku meda utai bekilat, baka intan, udah nya aku ulih meda batu Serega. Siti batu, nyau ka baka igi mata. Mula-mula, iya dipeda bechura kelabu tuai, udah nya iya betukar ngagai chura ka muda agi nyadi intan tulin. Iya ka pemadu manah udah dipeda aku. Asaika ba jari aku, laban aku ulih meda iya bekilat sereta terang.

## PENGINGAT MALAM SEBEDAU KRISMAS ENGGAU TUHAN

LEBUH 24 HARIBULAN Duabelas, 1998, Tuhan datai ngagai aku sekali agi ngena mahkota enggau baju Krismas. Penatai Iya sebaka enggau penatai sebedau malam Kristmas 2 taun ke udah, tang pengalaman enda sama. Lebuh aku meda penatai Iya sekali tu, aku besugang, belagu, betanda sereta nyabak enggau pengaga. Tu ukai utai digaga tauka ditempa aku; iya datai laban Roh Kudus nguasa pengidup aku.

Enggau rentang/lurus aku madahka diri enda ulih ngelupaka nama-nama utai ti udah dipandang sereta disebut Iya ngagai aku. Iya selalu ngulang utai dikena nulung aku besabar, lalu iya selalu ngingatka aku enti nadai penyabar, nadai orang ulih bekerejaka Iya.

Iya nunjuk mega selamat tu datai ari pengasih Tuhan, tang nerima pemeru bukai begunaka kereja bebendar. Semua pemeru nya enda dibayar (free), tang kitai mesti besabar awakka tulihka sida. Tiap utai dalam pengidup kitai mesti dikereja nitihka jalai Iya, ukai jalai kitai. Kitai mesti ngasika Iya, nadai ngira pemedis iya.

Iya nerang lebuh maya Iya di dunya Iya idup semina ngasika peneka Apai Iya. Iya enda ingin deka majakka peneka tauka anggur Iya, semina enggi Apai. Iya mega nunjuk ngagai aku orang ka diberi Iya pemeru ka spesil mesti mayar rega ka mar agi ari orang bukai. Iya ngujung lalu nyebut, *"Enti sema nuan enggai ngereja pengawa tu, nuan mesti ngereja iya, laban Aku udah milih nuan nyadi nabi Pengujung-Dunya"*.

Baka ti disebut aku dulu, Tuhan meretika utai diguna aku, indah lebuh maya aku komplek. Iya selalu bisi dia lalu ningaka semua ti disebut aku. Lebuh aku abis, ku Iya: *"Anak, Aku meretika asai nuan, tang Aku mesti ngereja iya bakatu. Iya mesti dalam jalai Aku enggau maya Aku."* Udah Iya negah bakatu, aku selalu ngasaika diri baruh ati, lalu aku nyaut ngesal

## *Serega Tebuka*

ati ka penyalah aku ti enda sabar, selalu nyoal enggau kurang mereti.

### **TAUN BARU DATAI**

1 HARIBULAN SATU, 1999, Tuhan mandangka aku baju enggau mahkota Iya baru. Terubah iya Iya mandangka nya lebuah Ari Taun Baru. Aku nanya Iya reti perubahan tu, lalu Iya nyaut, "*Anak, tu taun ka spesil ka orang Aku.*" Penatai Iya ngalunka aku, aku lalu belabuh belagu, betanda enggau nyabak ba mua Iya.

8 haribulan Satu, 1999, Tuhan sekali agi ngena gaun enggau mahkota ti spesil tu. Genera-jaku datai nengah aku, lalu aku belabuh nyabak. Aku ngasaika Tuhan ngena gaun ti spesil bakanya kena ngerami taun baru.

Iya madahka diri ngerami pengawa aku. Kami bejaku enda lama, jari aku dituju ngagai Iya, lalu Iya ngengkahka jari Iya atas jari aku. Iya nyebut, "*Berekat ka nuan.*"

Lebuah Iya nyebut tu, aku ngasaika tubuh diri becantum enggau enggi Iya. Aku nyabak di baruh urapan Tuhan, udah nya jari aku diengkah atas dada aku lalu belabuh sunyi.

Ari 9 haribulan ngagai 14 haribulan Satu, 1999, meruan dikingatka aku. Tuhan mandangka genera pasal gerija aku. Dalam genera roh tu aku meda mayuh orang di gerija ti dilamun kuasa Roh Kudus, lalu aku meda orang ti timpang pendiau bejalai, kerusi-roda udah puang enggau berekat bukal. Aku belabuh belagu sereta betanda lalu aku meda tempat alai *parking* pen penuh ulih kereta.

### **KUASA SAMPI**

15 HARIBULAN SATU, 1999, udah besampi ba katil, Tuhan datai lalu bejaku enggau aku. Urapan ka spesil datai ba aku, lalu genera-jaku datai. Aku belabuh belagu. Aku meda Tuhan betukar ngagai mahkota enggau gaun ti manah, lalu aku belabuh belagu sereta betanda. Jari aku engkepai 7 kali.

Udah kereja-tubuh tembu, Tuhan betukar baru ngagai baru rama Iya. Iya terus madahka aku Iya mandangka semua pengawa ti udah ditaga Iya ka aku. Berengkah ari diatu, ku Iya nerang, aku mesti semina besampi dalam jaku nyelai dikena mandangka semua pengawa ti udah disedia enggau disemaya ka aku. Lebuah Iya ngepunka ministri betanda, aku semina begaul

## SEREGA NYA AMAT NYATA

enggau Iya sereta mega besampi. Iya madah aku nadai tentu mayuh maya dikenai besampi.

Betaun udah enggau orang sampi pinta 7 ari seminggu. 2 jam aku besampika orang ti diengkah Tuhan ba ati aku, enggau semua menua di dunya. Ku aku, "Tuhan, tusah ba aku enti enda besampika sida tu."

Iya nyaut, "*Datai maya sida patut besampika nuan.*"

Udah nya Iya madahka aku baka ni besampi awakka bisi kesan. "*Choo Nam, lebuch nuan belabuh besampi, selalu muji Apai dulu, udah nya belabuh besampi dalam jaku nyelai ka ministri nuan.*" Iya mega meransang aku bediri atas semaya Iya awakka munsuh enda ulih ngenchuri semaya nya ari aku.

Lebuch Ketuai ngajar aku lebih agi pasal sampi, aku ngasaika pemesai guna iya ba pengidup siku-siku. Iya ngasuh aku besampi dalam jaku nyelai lebuch aku angkat pagi sebedau aku ngagai gerija ari Minggu. Iya ngasuh aku datai ngagai gerija 30 minit tumu tiap kali, lalu besampi dalam jaku nyelai enda dikachau dataika servis belabuh.

Sekeda orang enda mereti nama kebuah aku ngereja tu, tang sida ka mereti nya orang ti bisi pejalai enggau Tuhan. Sida mereti lebuch aku nyebut Jesus tu lebih nyata ba aku kelimpah ari aku ba aku empu.

Iya mending enggau penuh sabar lebuch aku bejaku. Nadai ngira pematat utai nya, enti aku bejaku enggau Iya, utai nya nyadi manah. Aku bejaku enggau Iya dalam Roh, tang ba aku, Iya endang mensia (human) sereta nyata. Nadai siku orang mereti pasal aku kelimpah ari Jesus. Aku ngerega Iya lebih ari pengidup.

Pengawa aku diatu iya nya besampika gerija, orang, bala pastor enggau sida ka bukai. Aku ngereja iya tiap ari, lalu aku nyembah Tuhan enggau pengabis ati aku lebuch maya servis di gerija. Lebuch maya servis nya aku enda sedarka utai ti nyadi.

Aku selalu meda Tuhan bejalai sebelah mua ke penatiai gerija enggau mua ti gaga. Nya kebuah aku selalu ketawa gaga lebuch maya nyembah. Lebuch maya nya aku meri semua pengering enggau tumpu aku ngagai Tuhan, lalu nya meh sembah iya ka bendar.

## MENGGANG JENUH DATAIKA MAYA TI NGENA

BULAN SATU, 1999 aku dipentin Tuhan enda ngasuh madah pasal utai ti di



## *Serega Tebuka*

kereja dalam sereta ka aku ngagai sapa-sapa. Iya madahka diri deka mandang ngagai orang lebu may ti ngena datai. Tu pedis ba aku, kelebih pasal ruang bilik enggau pastor, tang aku nadai pilihan laban aku nemu berekat deka lenyau enti aku enda.

Kadang aku ngasaika diri deka ninggalka gerija ngagai gerija bukai ka enda nemu aku. Dek ngelalaika diri ari orang bukai, laban aku orang ti *sensitif*, enggaika orang nyangka aku ngelarika diri ari sida.

Utai tu begunaka penyabar. Aku ngasaika mayuh orang nyangka enda pechayaka aku pasal pemandang Serega, tang aku enda bedulika pasal nya, laban aku nemu Tuhan aku Jesus deka ngintu nya laban nya semaya Iya. Diatu aku nemu baka ni asai Jesus lebu orang enda pechayaka Iya, lebu Iya di dunya suba. Lebu aku salah-sangka orang, aku meretika utai tu.

## **PERIUK TI DIGUSUK**

LEBUH PUN BULAN Satu 1999, Tuhan mandangka aku sekeda tanah ti kasar bechura kelabu lalu bejaku, "*Anak, nuan baka tu lebu aku belabuh bekereja ba tubuh enggau samengat aku. Diatu, nuan udah nyadi periuk ti udah digusuk manah.*" Iya mandangka nya ngagai aku baru lalu tanah liat kelabu nya tadi udah nyadi perenching sereta bekilat. Pemandang tu ngasuh aku baru ati sekali agi, laban aku baru meretika utai ti udah dikereja Tuhan dalam pengidup aku.

Lebu 23 Januari 1999, Tuhan madahka aku, pagi ila (Hari Minggu) pukul 6 pagi saya mesti belabuh besampi dalam roh di atas semua semaya Iya lalu terus ngagai may ti ngetu. Iya mega ngasuh aku pegi ke gerija 30 minit tumu, muji Apai dulu sereta besampi dalam roh dataika servis belabuh.

Iya amat bejimat ngingatka aku awakka nadai siku orang ngachau aku. Ajar Iya terang, "*Nuan ulih angkat tumu pagi, tang anang laun ari pukul 9.30 pagi.*" Tu, aku ngasaika, mesti beduduk ari aku ti bejaku nyelai ti diberi Iya ngagai aku kira-kira 10 hari ti udah lalu.

Seminggu udah nya, Tuhan ngasuh aku ngaga pekara ti sama. Kira-kira 10 minit sebedau servis belabuh, aku meda Tuhan bediri di pulpit, lalu Iya ngena gaun enggau mahkota ti manah ti selalu dikena Iya lebu may tetentu. Iya dipeda aku gaga amat ati lalu lebu aku meda penatai Iya aku ngasaika urapan roh kudus amat kuat/



## SEREGA NYA AMAT NYATA

Aku nyau ka enda ulih bediri maya servis nya. Uдах servis abis, aku besampi baka selama, lalu nanya Tuhan nama kebuah Iya ngena gaun ti spesil pagi nya. Iya nyaut, "Aku uдах muka pintu awakka pengawa nuan ulih berengkah."

## PENGAWA UDAH BERENGKAH

LEBUH 7 FEBRUARI 1999, Tuhan ngerak aku kira pukul 2 pagi deka madahka aku, pengawa aku uдах berengkah. Iya nerangka, hari nya hari ti pemadu spesil ba aku, lalu aku ngarapka Iya mai aku ke mua gerija awakka betanda baka ti lama uдах disemaya Iya, tang nadai kala nyadi.

Aku balat putus asa lalu aku nyabak sereta muchau di mua Iya lebuх aku pulai. Pengelama lebih-kurang sejam Tuhan ningaka aku, uдах aku abis mansutka asai ati aku, aku ngemaruhka ati diri sereta minta ampun. Tuhan semina bejaku, aku nyangka enda mereti. Taja pia, enggau asai ti negatif tu, tu meh urapan ti pemadu kuat ti uдах diasaika aku lebuх maya sembah.

Lebuх 11 haribulan Tiga 1999 uдах badu besampi pagi, jari aku belabuх negu mata aku, Tuhan mandangka aku batu-batu ti manah sekali agi. Aku enggai muka mata aku. Siti asai datai ba aku, lalu aku madahka Tuhan enti ulih aku enda ibuh betemu enggau sapa-sapa tauka nama-nama agi pengelama aku agi di dunya tu, aku agi dekaka Iya ngena aku baka tu uдах disemaya Iya, awakka orang ti buta roh di dunya tu amat-amat ulih meda.

Aku uдах chukup meda dunya tu enggau smeua ti bisi dalam iya nyadi nadai reti enggau rega dibandingka enggau penerang genera Serega ti uдах diberi Tuhan ngagai aku. Semina enggau meda Tuhan sereta kereja ka Iya sepemanjai pengidup aku chukup ba aku, aku ngasai, lalu aku belabuх nyabak. Aku amat-amat meretika tiap-tiap jaku ti disebut aku lalu Tuhan meretika pikir aku. Iya nyebut, "*Anak, nuan diberekat belipat-ganda.*"

Taja pen aku enda tentu meretika reti semua nya, aku nemu aku uдах madahka Tuhan enti aku mesti nganti pengidup aku enggau bup tu, aku ngasaika diri dibasa amat deka ngereja iya. Pengidup aku di dunya tu nadai besai reti ba aku diatu. Aku semina dekaka orang macha bup tu sereta nemu jalai tama Perintah Tuhan.

## *Nyadi Orang Beli Ka Tuhan*

*Tang Allah Taala udah milih utai ti dikumbai  
mensia nadai reti ngambika dikena ngemalu sida ti  
bepenemu.*

---

— 1 Kor.1:27

**B**A HARI TI keterubah lebuḥ musim bungai (Spring) dalam taun 1999, Tuhan madah mayuh bendar utai lebuḥ besampi, lalu aku baka ti nyau deka ngemeli ka diri. Enti nunda lebuḥ maya besampi, jari aku bisi mindah kia-kia lebuḥ aku enggau betanda sereta belagu dalam Roh, tang lebuḥ pagi Hari Minggu tu, aku enda ulih ngangkatka jari aku semanjai sambiang, tang tubuh udah dikering lebuḥ maya tu. Aku enda mereti meda ubah bansa tu.

Enti nunda, utai tu ngasuh aku tusah bendar. Tu nyau ka ke empat kali Tuhan udah nunjukka genera pasal Serega lalu tu ti ngasuh aku enda tentu lantang. Aku bisi pengelantang tang runding aku bisi bebalut mimit, taja pen nya udah abis sambiang lalu Tuhan bisi mega dia.

Udah pulai ari gerija, aku bisi madah diri enda tentu lantang ati, lalu nyebut nya baru bedau makai lemai, tang Tuhan lalu enda engkeretik. Aku nyau majak tusah. Tang runding bisi datai ba aku madahka nya sigi pengawa sitan, nya alai aku lalu muru sitan nya ngena nama Jesus, lalu aku terus lantang kemaya nya.

Aku gaga lalu tuchum dalam pengerindu, lalu minta Tuhan ngampun aku. Iya nyaut, *“Anak, nuan enda nemu nyaga diri empu. Mayuh orang Kristin enda nemu muru munsuh baka enggi nuan, lalu nuan enda tau*

## SEREGA NYA AMAT NYATA

*enda nulis utai tu ba bup nuan. Beguna bendar ba tiap-tiap iku orang Kristin nemu muru munsuh pansut. Lebuh nuan sakit tauka bisi pengirau ba pengidup nuan, nuan enda tau enda muru sitan pansut dulu, udah nya baru nuan besampi ngagai Apai ngena nama Aku."*

Nya ajar ti berguna bendar ba aku. Uдах nya baru Tuhan ngajar aku pasal mantah orang bukai. Aku selalu berunding nama kebuah orang, taja pen bisi Roh, agi bisi penusah enggau pengawa dunya tu. Aku enda mega tentu bisi jai runding ngagai sida, tang aku endang selalu bisi berundingka utai tu. Aku bisi ngira sida tu bisi ngelaban peneka Tuhan, lalu ketegal tu, utai enda manah bisi datai ngagai sida sebilik. Nya alai Tuhan ngena anak aku empu kena ngajar aku pasal pengirau tu.

Anak enggau aku empu sigi manah bendar kaul, lalu kami duai bepangan rapat enggau pangan diri tang dalam tiga taun ti ke udah bisi utai ngachau kaul kami duai. Iya tu endang udah di-iri Roh, lalu kami nyangka pengidup iya enggau laki iya nadai bisi penusah, tang enda mukai-mukai iya enggau laki iya bisi penyarut.

Ka pengujung, anak aku lalu nyarak laki iya. Seduai bisi anak dua iku. Seduai nadai penimpang, bisi ari orang bukai, tang semua pemisi seduai nyau magang ketegal penyarut ruang-bilik. Amat meh anak aku mujur dalam pengawa iya, tang iya dikelinggi orang-orang ti nadai bepengarap lalu idup nadai Tuhan. Kategal nya, iya mayuh bendar bansa penusah.

Sebedau penusah seduai nyadi, aku meda iya bisi berinsur jauh ari Tuhan. Tiap kali aku nyebut nama Tuhan ngagai iya, iya enggai ninga pasal Iya tauka bejaku pasal Iya. Iya semina ngagai gerija sekali seminggu enggau anak iya, macha Bup Kudus sereta besampi, tang kelimpah ari nya iya nitihka pengidup dunya.

Sebedau penusah iya nyadi, iya bisi ningaka ajar aku, tang udah nya iya sigi enggai mendingka aku agi. Iya udah berubah. Roger enggau aku enda meretika pengidup iya. Kami ngasaika iya nadai agi arus pengidup.

Iya meri aku pengelantang mimit laban nemu Tuhan sigi belematika pengidup iya, tang aku nemu Tuhan enda ngubah ulah iya dataika iya ngesal lalu nyerahka diri empu ngagai Tuhan. Tuhan enda mejal kitai ngereja utai enti kitai enggai.

Tuhan ngajar kami mayuh bendar utai ari anak indu kami. Berengkah aku nyadi orang Kristin, aku enda nemu reti sarak tauka ngereja utai ti ukai enggi Tuhan enggau sengaja. Nya-alai aku malu bendar laban anak aku ti

## *Nyadi Orang Beli Ka Tuhan*

sarak enggau pengidup iya ti enda nemu Tuhan. Iya ngenusah ati aku lalu enda ngelantangka Tuhan Yesus. Tu utai ti pemadu pedis ti udah nyadi ba kami sekumbang kami ti udah diselamat, tang kami enda kala ngutuk Tuhan. Kami ngemaruhka diri empu laban kami nemu Iya ulih ngereja utai nitih ka jalai Iya empu.

Aku nemu Tuhan enda rinduka runding aku ti malu pasal utai tu, tang Iya sigi enda meri aku jalai bukai, tang ngemasukka cherita anak aku tu dalam bup tu. Aku udah besemaya enggau Iya, nama-nama utai ti nyadi, aku endang ngasika Iya dalam pengidup aku. Nya alai aku enda kala nanya Iya nama kebuah aku ngereja semua utai tu. Semina aku nyebut, "Enti tu peneka nuan, aku sigi ngereja iya."

Tang diatu pengidup iya udah jenuh, lalu kaul kami duai nyau pulai baka selama, tang pengidup iya kiruh bendar, dataika iya nyau nadai hari ka diri empu enggau ngagai orang bukai. Aku irau agi enggai ka iya nadai hari diberi ngagai Tuhan.

Udah ngasai sereta dipadahka pasal Serega, Tuhan bisi nyebut ngagai aku dua tiga kali pasal urang ka sarak, orang ka pechah ruang bilik enggau orang ka mati.

Aku nemu utai tu nyadi ngagai anak kitai nya nadai bisi besangkut-paut enggau kaul apai indai enggau Tuhan. Tuhan nerangka iya munyi tu, *"Indah orang Kristin ti arap enggau sida sebilik pen sama kena tinggang penusah. Mantah orang nya siti ari dusa ti pemadu jai. Kitai nadai tau bebantahka orang, ni maya lalu dini endur, dataika nuan udah ngasaika nya empu, tu utai ti pedis amat ditemu kitai."*

Udah bekau nya, nama-nama utai ti jai ninggang orang bukai, aku enda berunding jai ngagai sida nya. Tang semina aku ngayanka penyinu ka sida, nitihka jar Rasul Paul: Menyadi, enti orang ditemu ngereja utai ti salah, sebarang kita ti ngembuan Roh Kudus ngasuh iya ngelengka ka dosa, tang kita patut ngereja iya enggau ati ti baruh. Lalu jaga diri empu, enggai ka kita kena laban penguji. Besaup mai ma pangan diri, lalu ngena jalai nya kita deka menuhka adat Kristus." (Gal 6:1-2)

## **LEBUH BESAMPI**

BERENGKAH ARI 7 haribulan Dua, 1999, Tuhan bisi ngayanka diri tiap-tiap pagi Hari Minggu, selalu antara pukul 1 ngagai pukul 2 pagi. Iya ngena



## SEREGA NYA AMAT NYATA

maya tu madahka nama utai patut dikereja aku lebu sambiang Hari Minggu. Berengkah ari 21 haribulan Tiga, aku selalu enda ulih ngangkatka jari aku lebu maya besambiang.

Tang kena ka 28 haribulan Tiga, aku enda ulih ngangkatka jari sereta muka mulut aku, lalu aku nyabak sekumbang ti besambiang enggau pengelantang sereta baruh ati laban aku nemu kuasa Roh jaga tubuh aku. Tuhan madahka aku semina duduk aja dataika Roh Kudus negu aku.

Lebu maya tu tubuh aku udah balat bendar dikuasa Roh Kudus, lalu aku terus bediri, tang aku bedau ulih ngangkatka jari aku lebu maya besambiang. Lebu sambiang abis, jari enggau mulut aku mansutka kuasa Tuhan.

Kena 11 haribulan Empat 1999, Tuhan madahka aku hari nya beguna bendar, nya-alai aku lalu nyendiaka diri ngereja mayuh bendar pengawa ajih. Tang Tuhan datai ngena mahkota enggau baju mas Iya, lalu Iya bediri ba 'pulpit' bisi 20 minit. Ku runding aku, nya pen siti ari kereja ajih.

Aku besampi semanjai sambiang nya dalam kuasa Roh. Aku enda ulih ngangkatka jari aku tauka betanda lebu maya besambiang.

Lebu 18 haribulan Empat, 1999, Tuhan madahka nama utai patut dikereja aku pagi nya udah aku besampi ngena jaku nyelai kira 30 minit sebedau sambiang berengkah. Iya enda ngasuh aku mindahka tubuh aku nitihka sepeneka ati aku tang semina duduk lalu nganti, lalu nya meh utai dikereja aku.

Sebedau lagu keterubah abis, tubuh aku lalu engkebut, tang aku lalu enda ulih ngangkatka kaki jari aku tauka tubuh buhai. Tang tekala nya, lagu ari Serega datai, lalu Roh Kudus mindahka tubuh aku bekalih ngagai bala mayuh lalu aku berengkah betanda ngena lagu Serega.

Lebu sambiang abis, lagu enggau tanda aku mega ngetu, lalu aku pulai ngagai penuduk aku ari asuh Tuhan. Lebu maya aku betanda, mata aku selalu pejam, lalu merening ngagai Jesus. Aku berasai lantang bendar sekumbang ti sambiang. Enti nunda, aku tu sigi orang pemalu, tang aku udah diisi Roh diatu, lalu enda bedulika nama utai disebut tauka dirunding orang buhai.

Tuhan ngasuh aku madah ngagai Pastor pasal mayuh bendar berekat enggau utai buhai deka datai ngagai gerija, lalu tanda nya siti ari kuasa Roh Kudus. Iya nya siti hari ti pemadu lantang dalam pengidup aku — hari ti lama udah dianti aku laban Tuhan udah besemaya tanda tu nya ngepunka pengawa aku.

## **RACHEL DALAM SEREGA**

KENA 6 HARIBULAN Lima, 1999, udah besampi malam, Tuhan ngasuh aku nulis dalam bup aku pasal siku nembiaik sekula Secondari ti kena timbak ba Columbine High School di Colorado. Nama iya Rachel.

*"Rachel dikena ka guna pengujung dunya," ku Iya, "lalu iya tu endang udah dipilih sebedau iya ada. Ari iya tu, Aku deka negu bejuta iku orang, biak enggau tuai."*

Sebedau tu aku selalu nyabakka Rachel, laban iya amat ngelantangka ati aku lebu ngingatka iya sigi arapka Tuhan lebu nempuh pemat. Aku nemu iya sigi enggau Tuhan dalam Serega, lalu penemu nya mai pengelantang ngagai aku. Aku enda kala tusah ngenang kati iya mati laban aku nemu kini ke penunga iya udah mati. Sapa ti mati ka Tuhan, ngasaika berekat ti pepadu besai.

Tuhan madahka aku mayuh bendar utai pasal Rachel, tang lebu aku dani pagi siti kategal deka nulis pasal Rachel, aku endang sigi enda te-ingatka nama iya. Bendar endar aku deka ngingatka nama iya, tang lalu enda te-ingatka nama iya, nya alai aku nyangka utai nya enda tentu beguna ditulis dalam bup aku.

Udah besampi pagi, lebu Tuhan bejaku enggau aku, aku madahka Iya kati nama iya lalu enda ulih dikingatka aku. Iya betelai, *"Rachel,"* lalu udah nya aku selalu ingatka nama iya. Tuhan bejaku, *"Rachel diatu lantang agi ari lebu maya iya ba dunya, lalu aku deka merekatka sida sebilik. Suah bendar orang nganu sitan kategal utai ti nyadi ba sida. Enti pemat Rachel nya peneka sitan, nama Aku enda disebut sebedau iya mati. Sitan nadai bisi kuasa ba anembiaik Aku enti Aku enda meri iya,*

*"Siti pengidup endang bisi batang tuju ba dunya tu. Nya kebuah Aku ngena tiap-tiap iku mensia dalam mayuh bengkah tuju. Nya alai, anang ngumbai orang ka arap nya panjai umur lalu idup enggau nadai penimpang dalam dunya tu. Enti aku deka ngidup ka orang bukai, Aku tau meh.*

*"Nitihka udah disebut Aku suba, Aku deka ngambi mayuh bendar nyawa mensia sebedau aku datai baru. Sekeda ari sida tu orang Kristin. Pengidup meruan nya beguna bendar ba aku. Tang kita mesti ingat, Aku enda kala merinsaka orang."*

## SEREGA NYA AMAT NYATA

### KENA ANU/BANTAH

SEKALI LEBUH ARI Minggu, 1999, Roh Kudus mai aku ngagai mua, ba mua orang ka besampi, lalu aku berengkah betanda sereta belagu enggau gaga. Tang lebu Pastor datai, iya lalu mantah tanda aku.

Pastor lalu nangkap lengan aku lalu mai aku pulai ngagai penuduk aku. Aku berengkah nyabak, laban aku nemu iya ngemedis ati Tuhan, tang aku enda malu tauka ringatka utai ti udah dikereja iya ngagai aku. Tang aku enda berasai lantang ngagai Pastor, lalu nya ari asuh sitan.

Tanda ti dikereja aku lebuh maya sambiang nya ukai tanda sengapa. Laban Tuhan ti udah ngatur tubuh enggau jari aku bebulan ti udah, kuasa ti besai udah diberi ngagai aku, lalu Tuhan ti ngatur rentak enggau singkang dalam tanda aku. Lebu aku betanda aku enda mindahka jari aku, tang Roh Kudus ti mindah iya ka aku. Aku enda kala nguji ngetuka jari aku. Aku ngasuh Roh Kudus ngereja nya ka aku.

Tiap singkang enggau gerak tubuh aku digaga 7 kali, lalu aku enda ulih ngereja tu aku empu. Roh Kudus ngatur semua utai tu. Tu kebuah aku datai ngagai gerija enda kurang ari 30 minit dulu ari orang bukai, lalu aku mesti besampi 2-3 jam tauka lama agi sebedau ngagai gerija, nitihka ajar Tuhan.

Udah nya, tiap-tiap hari Satu, Tuhan mai aku ngagai tebing tasik dalam tubuh roh aku, lalu kami duai bejaku, aku besugang ba mua Iya. Udah nya, aku betanda ba mua Iya ngena lagu Serega; iya nya tanda ti diasuh Iya kereja aku lebuh maya sambiang.

Tanda tu nyau nyadi utai ti beguna bendar ka Tuhan, lalu aku nemu tu siti ari pengawa ti diberi Iya ngagai aku. Dalam tubuh aku berasai mayuh bendar pengering, lalu udah betanda, aku nadai agi pengering lalu nyau deka enda ulih bediri.

Udah aku dianu, aku pulai lalu bejaku enggau Tuhan. Aku nemu Tuhan enda lantang bendar enggau Pastor. Ku Iya, *"Iya enda arap ka nuan laban sitan udah tama ba iya. Iya ngetu ka Roh Kudus Aku. Nuan anang agi pulai ngagai gerija nya."*

Nyau ka sebulan aku betanda ba dalam gerija, lalu Tuhan udah ngatur mayuh bendar berekat ka gerija nya. Sitan ngerusak semua utai nya.

"Kira 20% aja gerija arapka Aku; iya ka bukai nya irauka nama utai disebut orang bukai lalu berundingka penyampau duit dikemisi sida. Mayuh gerija enda beduli deka nyelamatkan samengat ti udah lenyau. Tu



## *Nyadi Orang Beli Ka Tuhan*

utai ti pemadu besai reti ba aku.

*“Aku enda tau enda madah ngagai nuan, Anak, mayuh bendar Pastor deka tama ke darung ti udah ditunjuk Aku ngagai nuan, lalu bala gerija iya deka nitihka sida. Enti bisi Pastor begedika anembiak Aku enggau Nabi Aku, sida tu enda bulih berekat. Tang urang ti bulih berekat ari aku deka mai berekat nya ngagai semua gerija. Nuan enda tau enda nulis tu ba bup nuan, Choo Nam.”*

Aku minta kasih Tuhan enda ngasuh utai tu nyadi ba aku, laban aku irauka pemerat nya ba Pastor nya, tang Tuhan ngelalau aku ngasuh ngasika Iya belama. Iya dekaka semua gerija nemu pasal utai tu.

Pastor tu endang orang bepengarap sereta siru, tang sitan udah datai nyerara iya enggau aku. Kami sama datai ba gerija nya bisi lebih 4 taun ke udah, lalu semina enda datai ngagai gerija sekali aja laban seleju ti balat bendar labuh.

Pengawa aku ba gerija nya besampi begulai bebala mayuh, lalu laki aku mayuh bendar tulung ngaduka rumah. Roger mega ketua orang ka ngelalu orang ka datai, lalu kami amat rinduka Pastor enggau gerija, tang kategal utai ti nyadi sari nya ngubah semua utai.

## **PUN TI BARU**

AKU BISI KALA ninga nama gerija Bethel, tang aku nadai kala bisi ati ngagai gerija nya tauka ngagai bukai laban Tuhan udah ngasuh kami meruan ba endur kami diatu datai ngagai Tuhan ngelepaska kami.

Lebuh 16 haribulan Lima, 1999, aku nemu diri enda ulih pulai ngagai gerija lama kami, lalu aku arapka Tuhan deka nunjukka gerija ti baru. Aku lalu berengkah berundingka gerija Bethel, lalu lebuh besampi sebedau makai lemai Tuhan bisi nelai aku, *“Bethel”*.

Nya lalu netapka runding aku pasal Bethel, lalu ati aku keran bendar deka besambiang dia. Malam nya kami bisi sambiang dia, lalu aku ngasai kuasa Roh ti siru sereta nelap. Laban tegu Roh kelalu balat, baju dikena aku nyau basah laban peluh.

Lebuh 23 haribulan Lima, aku bisi besambiang Hari Minggu ba Bethel, tang kami salah maya datai laban kami bisi 30 minit laun, tang lebuh aku duduk, kuasa Roh Kudus berasai nyerangkap tubuh aku sekali agi. Iya endang enda ulih tagang, amat meh aku enda sempat besampi sereta



## SEREGA NYA AMAT NYATA

betanda ka Tuhan sebedau sambiang lebuah besampi 30 minit dalam Roh nya sigi amat berguna bendar.

Lebuah 30 haribulan Lima, kami besambiang baru ba Bethel, lalu lebuah maya tu aku suka ati betanda. Tang lebuah betanda ba gerija tu lama, aku bisi berasai rawan.

Tuhan bisi madahka aku pasal serekang penemu pasal betanda ba mua orang ti besampi ba gerija lama suba. Aku nemu pengirau aku sigi datai ari Roh lebuah maya ti betanda. Tuhan bisi ngingatka aku, *"Ni-ni gerija ti enda ngasuh Roh Kudus bejalai lalu negu tubuh gerija, enda bulih berekat. Aku berunding nyiuh mayuh agi Roh ngagai gerija sebedau aku datai baru, lalu gerija mesti besedia nerima utai tu."*

Tuhan bisi madahka diri deka berandau enggau aku udah sambiang pasal mayuh bendar utai ti berguna. Iya ngasuh aku bejaku enggau penulis pasal bup tu. Iya ngasuh aku meri utai ti udah ditulis aku ngagai penulis lalu ngerintaika semua utai ti dipeda aku dalam Serega ti udah dipandangka Iya dalam genera dalam tiga taun aku belatih.

Amat aku selalu nyebut pasal bup ngagai Tuhan, Iya selalu madahka aku Iya deka ngatur iya dalam maya ti ku Iya lalu enda ngasuh aku irau. Tuhan udah meri aku peransang pasal bup nya, lalu aku keran bendar nganti penembu iya.

Iya mega ngasuh aku ngerintai semua utai pasal Serega dalam genera aku, lalu meri iya ngagai Pastor baru kami, Pastor Wolfson.

Sekumbang aku ti enggau Tuhan dalam 3 taun setengah, aku nemu semua runding enggau pengawa aku ukai enggi aku empu. Semua pengidup aku enggi Tuhan. Runding, ulah sereta enggau peranggai aku udah berubah. Aku bisi bendar penyinu ka orang ti lenyau samangat enggau orang ka merinsa lalu ati aku pedis meda orang ka bedau nemu Tuhan.

Diatu aku nemu lebuah aku ngerinduka Tuhan, lalu meri Iya keterubah ari utai buhai, semua utai dalam pengidup aku deka nyadi. Tuhan aku ti manah udah mali tubuh aku, lalu Iya udah ngajar aku mayuh bendar utai ti manah pasal jalai Iya. Nadai siku orang ulih ngeringatka aku laban pengerindu Tuhan dalam pengidup aku ulih ngampun orang ti salah.

"Naka pengerindu aku ka nuan, Tuhan. Nuan ka penyaga aku. Tuhan ti Pengelepas aku; Iya kota ti Tegap. Allah Taala aku ti penyaga lalu ngasuh aku likun. Aku ngangauka Tuhan, lalu Iya ngelepaska aku ari munsuh. Puji ka Tuhan!" (Masmur 18:1-3).



## **BAGI TIGA**

***Tiga Taun Belatihka  
Ministri***

## *Timpuh Nyau Semak*

*Lalu Tuhan Allah Taala, Iya ti meri Roh Kudus Iya  
ngagai sida nabi, udah ngasuh malikat Iya, nunjok  
ngagai sida anembiak Iya, gaya utai ti enda tau  
enda nyadi enda lama agi*

— (Pemandang 22:6)

**K**ENA 11 HARIBULAN Ogos 1999, udah aku tembu besampi sebedau tinduk malamnya, aku ngasaika Tuhan bisi pegari sereta aku di iri ulih kuasa Iya. Aku bisi ninga siti lagu sembah di Serega, dalam leka jaku ti pemadu manah.

Udah nya Tuhan bejaku, "*Choo Nam, Aku bisi mai berita manah ka nuan.*" Badu Iya bejaku, siti genera datai, lalu aku ngasaika Tuhan bisi pegari, Iya ngena baju mas enggau mahkota. Iya bediri enda jauh ari aku.

Tubuh aku tekering-kangkang, lebuah aku ngasaika kuasa Iya datai atas aku. Tuhan ngasuh aku ngedarka jari aku ngagai Iya. Aku meda Iya bisi megai siti baka kunchi mas ti besai. Tuhan lalu madah, "*Aku meri nuan kunchi mas tu kena nuan ngaga kereja ajih.*"

Lebuah Iya ngengkahka kunchi nya ba jari aku, tubuh aku lalu begetar sereta baka-kejuk. Seput aku asai ti ka alit lalu aku berengkah nyabak. Aku lalu ngengam jari aku sereta mai iya ke dada aku. Udah nya jari aku begetar pengelama berapa minit. Tuhan begari ngena baju biasa lalu madah ngagai aku, semua semaya Iya udah dikamaika. Ku Iya, "*Kunchi diberi aku nya meh ti penudi nya. Nuan deka ngasuh dunya alit ati, lalu nuan meh anak ti beberekat.*"

## SEREGA NYA AMAT NYATA

### SEREGA NYA AMAT NYATA

SEBEDAU TINDUK MALAM 8 haribulan Disember 1999, udah tembu besampi, Tuhan lalu bejaku enggau aku. Tuhan selalu bejaku pasal pengawa ti patut dikereja aku nitihka atur Iya, lalu ni pengelengkas aku ulih berengkah ngereja iya. Tang ka malam tu, Iya berat bendar madahka kebuah bup, "*Serega Nya Amat Nyata*", patut dichelak. Ku Iya, "*Serega Nya Amat Nyata, meh peluang penudi iya, orang tau ulih nemu pengelengkas Aku datai ngagai sida ti enggi Aku.*"

Iya mega madah, "*Enti sida ti enda ngasi majak enda tedani, sida enda ninga munyi terumpit, sida deka ngasaika penusah besai.*" Iya madah enggau terang ngena chara ngajar nembiak sekula, tang sida semina takut sekejap aja, lalu pulai baru ngagai jalai lama sida.

Iya nampung, "*Aku udah meri sida mayuh tanda ngasuh sida pulai besampi ngagai aku, tang sida enda enggau ati mutus ngagai Aku. Aku enggai ngena jalai pejal, tang semina meri tanda ti tau ngasuh sida nemu utai ti diasuh Aku dikerja sida.*"

"*Aku udah meri cukup jaku tangkan ngasuh sida pulai ngagai Aku selama tu. Aku enda ulih nganti sapemanjai maya ka sida ti endang sigi enggai besediaka Aku. Aku datai ka sida ti sedia nganti aku, lalu tu ka nyadi lebih tumu ari ka disangka sida.*"

Tuhan ngasuh aku mesti nyimpan jaku tu dalam bup nya.

### PENGAGA TI BESAI

MALAM HARI KRISMAS 1999, udah tembu aku sambiang malamnya, Tuhan pegari berasai bendar. Uдах aku bejaku, ku Iya, "*Aku lantang bendar ulih rami nyambut hari pengada Aku enggau nuan.*"

Maya tu, lagu ari Serega ti pemadu badas bisi didinga lalu aku betanda enggau Tuhan. Utai tu nyadi pengelama 30 minit lalu aku mengkang betanda sereta nyanyi. Berekat Tuhan, berasai bendar, lalu aku semina deka siti utai aja, nya Tuhan mai aku pulai tekalanya. Aku nyabak sambil tuchum ngagai Tuhan laban ti pemadu gaga.

### TUHAN NGANTI SIDA TI NGADANG IYA

MALAM KETUNGKAH TAHUN Baru 2000, aku bisi ngasaika utai ka bisi nyadi



## *Timpuh Nyau Semak*

sama enggau iya ti nyadi lebuH Hari Krismas 1999. Utai ka nyadi tu lebih agi ngalitka ati dibanding enggau Hari Krismas enggau Hari Tahun Baru ka udah. Sekeda ari utai ti dipadahka Tuhan ngagai aku enda ulih simpan dalam bup tu. Siti utai ka nyemetak bendar nya Tuhan sigi besediaka sida ka besedia nganti Iya.

Kena 6 Januari 2000, udah bekau aku sambiang di Gerija Ka Semua Bansa. Tu nama baru Gerija Bethel. Aku nerima genera tu lebuH sambiang Hari Minggu, lebuH aku betanda-kereja ajih. Dalam genera tu, Tuhan, dipeda aku bediri ngimbai alta alai Iya ngajar, Tuhan ngangkatka jari kanan Iya. Meda bakanya, semua orang lalu rebah.

## **DI-IRI ULIH KUASA**

KENA 8 JANUARI 2000, malamnya sebedau tinduk, kuasa di-irika Tuhan enggau naka penguat, dataika aku enda ulih duduk lurus. Semua tubuh aku nyadi lemi. Dilah aku pun udu enda ulih nyebut seleka jaku. Aku ngasaika diri semina deka gali aja.

Ba pengujung maya ka sambiang, Tuhan ngasuh aku dani jam 5.00 pagi lebuH Hari Minggu lalu nyembah Apai dulu, udahnya Iya ngasuh aku besampika semaya Iya, ngena jaku ti nyelai, besampika pengawa eklisia, lalu dataika gerija sebedau 9.30 pagi. Iya mega ngasuh aku anang dikachau orang.

*“LebuH nuan belabuh deka besampi, anang ngereja utai nitihka ati diri empu, sebedau nuan abis betanda.”* Iya madah. *“Nuan mesti nemu semua langkah tanda tu.”*

Maya aku tama ke dalam tempat kudus kena ka 9 Januari, aku asaika dibendang api, lalu aku berengkah nyabak lebuH aku belabuh besambiang, aku meda Tuhan pegari. Iya ngena baju mas sereta mahkota siti. Lalu Iya bediri ba meja tinggi, tuchum ngagai aku.

Iya lalu nyebut, *“Aku deka muka pintu ka pengawa kereja ajih nuan.”*

Aku berengkah betanda ba mua orang mayuh. Nyangka bisi empat kali lebuH sambiang pagi di gerija mula-mula aku datai sambiang, udah nya aku berengkah betanda lebuH sambiang lemai genap hari lima, lebuH maya nya ‘revival’ nyadi ba Bethel. Aku ngereja semua utai tu selama dua bulan.

## SEREGA NYA AMAT NYATA

### NADAI MAYA KENA NGANTI AGI

KENA 13 HARIBULAN Satu, 2000, udah tembu sembiang pagi, Tuhan bejaku pasal pengawa aku tentang bup *"Serega Nya Amat Nyata"*. Iya madah ngagai aku diatu nadai maya nganti agi. Iya nerang ngagai aku diatu udah datai alai nyelak bup tu.

Iya mega madah ngagai aku, timpuh udah diberi ngagai semua orang tau nemu Iya. Iya udah madah ngena mayuh chara ngagai semua orang ngambika sida tau ngelala Iya endang Tuhan. Iya mega nyebut; *"Sida enda nangika Aku, lalu mayuh sida ti nemu jaku Aku enda ngereja nitihka pesan Aku. Tang Aku deka meri sida peluang siti agi ngena bup nuan lalu ngena chara bukai mega."*

Udah Iya nyebut utai tu, aku ngasaika kuasa ti kuat datai atas aku, ti ngasuh aku mejamka mata aku enggau naka iya lalu aku ninga sada ti ingar datai dalam tubuh aku, ti ulih di dinga seluruh rumah ti ngasuh aku nyabak.

Tuhan mandangka genera senentang dunya ngagai aku enggau ngelansa. Aku meda mayuh rumah ti tinggi—tinggi runtuh seluruh dunya udahnya ditangkanka remang petang, ribut enggau kilat nyelar sebelah dunya, disempulang ulih ujan, ai bah enggau letup bom merata tempat. Uдах nya Iya nyebut, *"Bacha Isaiah 64:3"*. Ayat tu madah pasal bukit ti begetar, lebuл nuan pegari. Uдах nya Tuhan nyebut, Aku meri jaku tangkan tu ngagai sida ti enggi Aku sekali agi, laban Aku deka datai lebih jampat ari ti disadang sida. Iya terus nerang: sida ti sedia nganti Aku deka ninga terumpit lalu sida ti enda sedia deka nempuh pengerusak, lalu ngasuh mayuh sida deka dipenyati sitan. Aku udah meri cukup timpuh alai sida ngadang penatai Aku tang sida enda mendingka jaku Aku. Aku enda nganti sida belama. Aku dataika sida ti sedia nganti aku. Mayuh utai ditandu Tuhan laban Iya dekaka orang sedia ka penatai Iya.

## *Kereja Ajih Dalam Pengawa Tuhan*

*Lebuh sida malik ngagai Iya, sida meda gamal  
Iya berubah: mua Iya perenching baka ti  
dipanchar mata panas, lalu baju Iya burak baka  
penampak.*

—Matthew 17:2

PAGI 15/1/2002, Tuhan madahka aku. “*Aku bisi utai deka dipadah ngagai nuan. Nuan mesti tinduk tumu.*” Udah aku sambiang lemai, sebedau tinduk, tubuh aku balat begetar. Aku di-iri chukup balat, lalu munyi sada nyawa ti inggar pansut ari aku ti lalu dikenudika ulih siti genera mega. Aku meda Tuhan datai ngena baju mas enggau siti mahkota. Lebuh aku meda Iya pegari, nyawa aku belinsur inggar, lalu aku nyabak sereta begetar enggau pamaruh ati di mua Tuhan. Tekalanya mega aku ngasaika ati aku penuh pengerindu.

Aku udah meda, dulu agi ari tu Tuhan ngena baju Iya, tang meh sekali tu aku di-iri balat agi, laban Tuhan meri kuasa ti pengabis dikena aku dalam pengawa ti udah diasuh Iya kereja aku.

Tuhan nadai leju, madah sereta nandu semua utai ti dipadah Iya ka aku, awakka aku ulih nemu enggau terang agi. Udah nya Tuhan ngasuh aku ngulurka jari aku nuju Iya, sereta lalu kerja aku bakanya. Iya ngangkatka jari kanan Iya, lalu nyebut, “*Aku ngemendarka kereja nuan.*” Udah nya Tuhan ayan ngenda bediri mua aku, ngena baju burak, lalu nerangka aku, maya aku betanda, nya meh maya kerja Iya di pandang ngagai gerija. Maya Tuhan ti pegari enggau aku, mayuh kereja ajih nyadi.



## BESEDIA NGERJA PENGAWA TUHAN

BERENGKAH ARI BULAN Enam ngagai bulan Dua-belas taun 2000, Tuhan udah ngayan ngagai aku mayuh genera berulang-ulang. Beserimbai enggau nya meh maya aku di-iri, jari aku nyeremang kiba-kanan, baka aku ti selalu murus mata aku empu berapa kali. Suah mega Iya ngasuh aku meda batu ti manah, lalu meri jaku ajar ti mudah dititih. Semua ajar Iya, beguna bendar ba aku. Aku nemu Tuhan ngerak aku dani ninting pagi. Lebuah aku nyebut utai ka kamah ti enda sengaja disebut aku, dia Iya lalu meri aku nemu penyalah nya, lalu aku enda nyebut nya agi.

Enti aku enda bejaku pasal Tuhan, tauka macha jaku Iya, ati aku tusah, asaika enggai besulu orang ti sida enda baka aku. Bisi mega raban kristian ka bisi ngembuan Roh Iya, enggai besaksika Jesus ninting maya. Asai sepi aku, Jesus meh ti pemadu beguna setiap sikin aku menchelak, meli barang di shopping complex, aku ngena awak tu besaksika Jesus ngagai orang mayuh.

Aku enda kala berasai sunyi, tauka ngiga bakih orang bukai, laban mayuh utai ti ngelantangka ati enggau Tuhan. Jaku Iya manis ari madu, lalu enti aku ngabiska setengah ari enggau orang lalu enda ngambi Jesus ka batang randau kami, aku asaika udah masau jam ngapa. Aku selalu deka besaksi pasal Tuhan, laban penatai Iya ka kitai nyau semak.

Suah mega aku ngasaika kuasa Iya di-iri ari jari enggau lengan, ti di asaika deka patah. Sekali lebuah Hari Minggu, jari aku negu mata aku nyangka bisi 36 kali, lalu sebedau jari aku negu mata, aku ngasaika jari aku bisi bergerak dalam 7 gaya.

Tiap pagi Hari Minggu, aku mesti besambiang abis kurang dua jam enggau Tuhan, sebedau aku nurun sambiang ke gerija. Uдах nya baru aku sedia betanda Tanda Aji. Aku nadai ngira jam, tang Tuhan selalu ngiring aku enggau betul, ngasuh aku sedia pegi gerija. Tuhan nemu semua utai pasal kitai, nya alai Iya besamaya meri semua utai nitihka guna kitai (Phil.4:19). Suah aku ngasaika tubuh aku lembut lebuah aku semak Tuhan, dataika aku rebah ke lantai mua Iya. Uдах aku nutup sambiang enggau nyebut, "Dalam Nama Jesus", baru aku ulih ngangkatka pala aku.

Tiap pagi Hari Minggu aku bendar nyabak di mua Tuhan. Tu nyadi lebuah aku sambiang dalam tempat ke pemadu kudus sebedau sembah berengkah. Ai mata aku bakarenjoi ngasuh aku ngemaruhka diri di mua Tuhan, meri terima kasih, sereta mansutka pengerindu ati diri empu ngagai Tuhan.



## *Kereja Ajih Dalam Pengawa Tuhan*

Genap kali aku besambiang pengelama 30 minit, sebedau tanda Kereja Ajih, aku ngasaika Tuhan pegari di *pulpit* tauka alta. Iya selalu bejaku pengelama 10 minit sebedau aku berengkah betanda. Nya ti ngasuh aku nyabak sereta enggau ketawa.

Dalam pengidup aku nyadi orang kristian, aku jarang bepasa, datai meh maya aku nerima pemandang ari Serega. Uдах nya aku nguji bepasa tiga hari, tang ba hari kedua, tubuh aku udu lemi, dataika aku enda ulih bejalai, lalu Tuhan ngasuh aku ngetu, ku Iya "*Nuan tau enda ibuh bepasa kena nuan ngayan ka diri meri terima kasih ke semua berekat ti datai ari aku dalam pengidup nuan, laban aku udah nemu ati nuan*". Taja pia aku empu meruan deka bepasa ninting Hari Minggu, selama dua puluh empat jam tiap minggu, kena aku meri basa enggau sembah ngagai Tuhan ti udah nyelamatkan kitai.

Aku bepasa belabuh ari maya makai lemai hari Enam, nyentukka maya makai lemai Hari Minggu selama dua puluh empat jam. Roger (laki aku), madahka diri deka nitihka aku sama bepasa, lalu kami duai udah bepasa bakatu, semina ngirup ai aja, lalu Roger ngirup ai kopi.

Kami duai enggau ati bendar, ngaga Hari Minggu, berengkah ari pagi ngagai maya tinduk malam—Hari Tuhan. Tang Tuhan ngasuh aku ngetu bepasa, lebuх aku berengkah bejalaika pengawa Iya. Ku Iya, "*Nuan begunaka pengering dalam ngerja pengawa aku*." Tuhan nemu utai ti manah ka guna kitai. Diatu aku nemu pemesai guna iya kita meri jam ka Tuhan tiap Hari Minggu, ari ti bejalai ngagai pusat meli-belah tauka makai diluar beselibuh enggau orang ka nadai arapka Tuhan. Lebuх Hari Minggu manah agi kitai ngisi awak nya nyeritaka injil.

## **AKU DIGERAI KA**

SEBEDAU AKU NEMU Tuhan, aku bisi kurang pengerai—ati ti nadai pemaik. Lepas dua bulan aku udah sambiang ke gerija, semua penusah aku nadai agi. Ambi ka banding, ni gaya pemalat aku ringat, aku enda mansutka jaku jai. Aku tekenyit bendar nemu utai nya tau nyadi ba aku, laban aku nadai minta diri digeraika. Tambah mega aku nadai nyangka Tuhan tau ngeraika aku. Lebuх aku ngerunding pengidup aku ka udah lalu, aku nemu dosa ka udah di gaga aku, baik enggau sengaja tauka enda sengaja. Nya alai Tuhan ngeraika aku enggau chara belubah, awakka aku ngelala dosa, lalu dosa ti mai penyakit.

## SEREGA NYA AMAT NYATA

Aku udah nyadi orang kristian berengkah ari bulan Tiga 1992. Aku bisi suah udah betemu enggau lutur dalam timpuh tu, kena meresa pengerai tubuh. Tang aku bejarit agi betemu enggau lutur ngeli. Lebuah aku ngaku Tuhan ti merinsa dilunsi 39 kali ketegal dosa aku, ngambika kitai tau gerai, aku nyerahka genap iti penyakit aku ngagai Tuhan.

Suah aku ngasaika pemedis, tang Tuhan nyumanka aku enggau lengkas. Bisi ga maya pemedis lubah suman. Utai ka bakatu ngasuh aku nemu, nadai utai ka enda ulih dikerja Tuhan. Aku bepanggai ba Tuhan seratus peratus, laban aku nemu Iya sayauka aku.

Bisi sekali, kira lima taun udah lalu, aku sakit ba rekung ti pedis bendar. Dua malam aku enda ulih tinduk, tang taja pia aku nadai ati deka betemu enggau lutur tauka makai ubat. Deka nelam liur pen pemadu pemedis.

Genap kali aku ngasaika pemedis, aku ngingatka Jesus ti ngetatka diri dilunsi ketegal aku, lalu pemedis ti di asaika aku nya mimit aja ti dibanding enggau pemedis enggau pemerinsa Tuhan Jesus lebuah Iya ti di regang ketegal aku. Nya alai lebuah aku ngasaika pengamat kuasa Tuhan dalam pengidup baru, lebuah aku bisi tabin, iya naka dua-tiga hari aja lalu gerai, nadai dataika seminggu dua tauka sebulan.

Aku bisi pemerai ari Tuhan, tang awak alai aku ngena pemerai nya mimit aja. Aku semina ulih besampika orang.

Jalai aku nemu diri bisi pemerai ngeraika orang, lebuah aku empu bisi pemedis, aku megai tempat tubuh aku ti pedis, lalu aku besampi minta digera ka. Lebuah utai tu nyadi, aku ngasaika tubuh aku berasai angkat lalu baka gitik. Pemedis lalu lesap lalu aku ngasaika diri empu gerai tekalanya.

Lebuah Tuhan enda ngeraika aku tekalanya, aku bendar agi besampi minta, dataika maya Tuhan ngeraika aku. Tuhan madahka aku, orang ti besampi enggau degil lalu enda mudah putus asa, sampi sida deka disaut. Sida ti pabu penemu dalam jaku Tuhan, enda bulih pengarap tau ka enda sabar, lalu enda deka nerima utai nitihka semaya Tuhan. Sida ti enda meretika jaku Iya tauka lesa sambiang.

## TUHAN NINGA SERETA NYAUT SAMPI

SUAH BENDAR, UTAI ti dulu di kereja orang kristian lebuah sida sakit, nya beguai betemu enggau lutur. Sida enda nguji muru antu jai pansut ari sida. Enda mega sida sambiang ngagai Apai "Dalam Nama Jesus", lalu ngabas

## *Kereja Ajih Dalam Pengawa Tuhan*

ati diri empu. Ngesalka dosa.

Bisi mega maya Tuhan ngasuh kitai betemu enggau lutur, nyadi tu nyadi ba aku empu. Sekali aku pedis ngeli gum ti enda ulih tat. Lebuh Tuhan enda ngeraika aku sekian lama, aku nanya, nama kebuah bakanya. Tuhan semina meri aku ajar, ngasuh aku nyabut gigi aku ti pedis. Aku ngasika padah Tuhan, lalu nyabut gigi nya. Ka bendar nadai utai ti enda ulih di kereja Tuhan, tang bisi maya Tuhan bekerja nitihka peneka Iya tau milih enda nyumanka kitai.

Sigi patut kitai meretika jaku Tuhan. Selalu besampi dulu, giga peneka Tuhan lalu meruan ngasaika pemaik dalam ati nuan.

Tu siti jalai nuan ulih nemu petunyuk datai ari Tuhan. Ingat Tuhan tu pemaik. Enti ari sitan, petunyuk nya selalu keliru lalu kurang menyenangkan. Selalu tanya sereta minta ngagai Tuhan lebuh nuan begunaka sebarang utai nitihka guna diri empu. Tuhan dekaka semua anak Iya begantung penuh dalam Iya. Enti nuan minta lalu enda leju, semampai minta, sambiang kita deka nerima saut ari Tuhan. Nya alai sampi ti disebut sechara ngungut nadai putus, deka disaut Tuhan.

Sekeda orang berpikir, laban sida enda ninga sada Tuhan, sida ngumbai Tuhan nadai mendingka sampi pinta sida. Lebuh aku baru nyadi orang kristian, aku enda nemu besampi, lalu aku enda kala ninga sada ari Tuhan, tang aku meruan besampi enda putus, arapka diri empu nerima utai di semaya ulih Tuhan.

Kira dua taun ka udah, nyauka semua sampi pinta aku disaut Tuhan. Diatu Tuhan selalu bejaku enggau aku di sebarang endur. Bisi mega maya, sampi laun di saut Tuhan. Aku pechaya Tuhan deka nyaut sampi sida ka bulih selamat dulu, enti sida mengkang arap enggau bendar, lalu ngembuan ati ti beresi lalu semak enggau Iya.

Lebuh aku baru nyadi orang kristian, taja aku enda nemu besampi, aku besampi ninting hari. Aku tatuk minta siti utai ti dikadeka aku, indah enda baka anak mit ti tatuk minta ngagai apai. Aku begunaka mayuh utai. Lepas nya, kira dua bulan pengelama, Tuhan nyaut sampi aku siti-siti.

Ketegal nya tadi aku nangika Tuhan, lalu bebasaka Iya, sereta ngemaruhka diri di mua Tuhan. Aku rajin besampi, lalu macha bup kudus, taja aku enda ulih meretika semua utai ti di bacha aku. Tu nyadi tabiat aku. Berekat Tuhan betambah belimpah dalam pengidup aku. Mayuh agi berekat diberi Tuhan, balat agi aku nangi sereta bebasaka Iya. Aku enda

## SEREGA NYA AMAT NYATA

ngereja utai sengapapia tauka sengaja ngelaban peneka Tuhan. Uдах aku chukup nangi sereta bebasaka Tuhan, aku badu ngereja pengawa dunya ti dikerinduka aku selama tu, baka program T.V. ti nyadika pengerindang aku semanjai hari, aku enggai agi meda iya.

Reti nya aku enda lantang ati ba sebarang orang, enti jaku Tuhan nadai enggau sida. Semua pengerindu ka utai dunya lenyap ari pengidup aku. Aku udah mereti Tuhan enda mejal kitai nitihka peneka Iya, tang lebuл kitai besedia ngelekaka utai dunya, lalu deka melayan Iya, Tuhan deka tama ke dalam pengidup kitai sereta ngasuh Roh Iya meri ka kitai ati ti ngasi penuh ka Tuhan. Ngasika Tuhan enggau penuh, nya siti berekat ti besai ba mua Tuhan.



## *Pengasi Ti Merekatka Tuhan*

*"Nyadi kita endang pangan aku, enti kita  
ngereja utai nunda ti dipesan aku."*

—John 15:14

**T**UHAN NAGANG AKU ngereja pengawa gerija tauka pekara bukai betaun-taun sekumbang ti belatih. Iya terus ngasuh aku musatka pikir aku ba Iya lebu ti nyendiaka diri ngereja pengawa sereta majak besampi awakka janji Iya nyadi nyata. Penatai Roh Kudus belabuh ngisi aku, merekat nata aku, ngelinggi aku lebu aku betanda ba mua Tuhan.

Iya nagang jari aku negu tubuh orang lebu aku besampi lalu maya berekat roh ti besai diasai. Taja aku nguji deka negu orang, jari aku enda ulih engkebut. Lebu aku dibai Roh betanda, orang endang ditagang negu jari tauka tubuh aku.

Aku sigi amat berasai lelengau deka negu tubuh orang bukai lebu aku besampika sida. Maya diatu, lebu aku besampika orang ti sakit, aku ngereja iya ari jauh aja. Lebu maya sampi pinta, berekat Roh datai ba tubuh aku lalu aku deka begetar. Asaika tubuh aku ti nganti tubuh orang ti sakit ti disampika aku. Lebu tu nyadi, aku meda penatai Tuhan ba tubuh orang nya. Tu suah agi nyadi ba sida anembiak mit.

Aku pechayaka kebuah tu bakanya laban Tuhan dekaka jari aku tuchi, lalu awakka Roh Kudus ulih betanda enggau jari aku. Nya kebuah ba pemun hal kereja-tubuh ti diterangka ba bagi kedua bup tu, Tuhan madah ngagai aku *"lebu maya nuan mula betanda, jari nuan enda tau sekali-kali*

## SEREGA NYA AMAT NYATA

*negu jari bukai tauka tubuh maya besambiang."*

Perangai aku berubah udah bekau serega dipandangka ngagai aku lalu diasaiaku. Semua chara aku bepikir berubah. Semua utai ti diangkunka aku ngelamatu, nadai reti agi ba aku.

## PENGERINDU TUHAN

SAPA-SAPA RINDU ka pekara dunya enggau diri sebilik lebih agi ari Tuhan deka ngemedis sereta enda ngelantangka Tuhan. Enda ngemediska ati Tuhan pengabis iya besai reti. Tuhan madah ngagai aku mayuh orang Kristin ngemediska ati Iya. Ba Iya, ulih disebaka enggau gaya anak kitai ti ngemediska ati apai-indai.

Tuhan udah meri aku pengasih ti chukup besai kasihka orang bukai ti enda ulih diasaiaku ngelamatu kelimpah nerima pengasih ari bala diri sebilik. Diatu aku ngembuan pengerinduka orang bukai, lebih agi ka anembiak mit. Setiap kali aku meda sida, aku tuchum ngagai sida lalu deka negu sida. Aku nemu tu pengerindu Jesus ti dalam aku, laban Iya rinduka anembiak mit.

Diatu aku enda kakang merap sereta negu orang enggau pengerindu Jesus sampaika orang ti enda ngelala aku. Tu siti pekara ti enda mudah dikereja aku ngelamatu. Bakanya mega pengingin aku meritaka Injil Jesus enda ulih ditagang. Asai ti enda ulih kawal agi pengeras aku deka ngereja pengawa Tuhan.

Sebedau meda serega, aku sigi bisi pengerindu deka nginjil laban deka ngerinduka ati Tuhan. Tang tuju ati aku ti meritaka injil diatu udah berubah, laban aku udah nemu kini ke penunga aku ila.

Aku ngembuan pengasih ti enda ulih dibanding ka samengat ti tesat. Enggau bendar tu meh pengasih ti pemadu iya besai reti dalam pengidup aku. Suba aku besai penyinuka orang ti timpang pendiau ti dipeda aku dalam gerija. Diatu aku enda sangat sinu tekellu agi. Aku nemu sida iya rinduka Jesus lebih agi ari orang ti menyana tubuh.

Aku pechaya Tuhan meri tugas ti berat tu dalam ati aku ka samengat ti tesat. Nya kebuah Iya ngayanka apai indai aku enggau orang bukai ti dikelala aku di neraka. Diatu pen agi meh aku nyabakka indai aku.

Apin aku ngelala sapa Tuhan Jesus, aku selalu berunding deka enggau indai aku udah aku mati. Maya nya ba runding aku, kitai tentu ngagai

### *Pengasi Ti Merekatka Tuhan*

tempat siti lebu kitai udah mati. Aku apin nemu tempat ti dikumbai serega enggau neraka. Diatu aku nemu tempat dua iti tu sigi bisi. Dua iti tempat tu sigi nyata baka dunya ti bendar alai kitai diau diatu.

Aku beterima kasihka Tuhan laban Iya merekatka ati ti penuh penyabar baka laki aku, Roger. Penyabar Roger sepemanjai betaun-taun laban iya sama sejalai enggau Tuhan lalu udah nulung aku nyadika peransang aku.

Laki aku enda kala mut-mut pasal pengawa ti deka dikereja aku ka Tuhan. Enggau bendar iya endang enda kala besangkal enggau aku pasal ni utai ti besangkut-paut enggau pengidup roh aku. Iya bebasaka Tuhan lalu rinduka Iya lebih agi ari pengidup diri empu.

Tuhan meri tugas ka laki aku ngisi maya iya. Nya alai aku mega bekenanas ngintu iya nunda jalai bini patut nyaga laki iya nitihka chara ti udah diajar ulih Tuhan. Aku sedar diatu, bini patut nyadi mahkota ka laki iya. (Jaku Dalam 12:14).

### **PEMESAI RETI PENGASI**

KENA 28 HARIBULAN Lima 2000, udah tembu besampi pagi, Tuhan ngayan ngagai aku genera luar gerija, udah nya aku diasuh meda ke dalam gerija. Aku tepedaka Jesus, ngena baju mas enggau mahkota, bediri ari mua pulpit. Dalam gerija penuh laban penampak. Nyau baka perenching matapanas. Lebu maya nya Jesus madah ngagai aku Iya ngelepaska kereja nyelai ngena chara tanda ke dalam dunya.

Aku keran amat minta gerija diberekatka ngena tanda nya lalu aku deka mai mulia ngagai Tuhan. Jesus udah bekereja lama amat enggau aku nyendiaka pengawa tu.

Enggau bendar, nama utai ti deka dikereja aku dalam dunya tu ka menyadi lelaki sereta menyadi indu dalam Jesus kristus nyengkaum samengat ti tesat. Tuhan udah merekatka semua utai ti diguna kitai dalam pengidup. Utai ti dikedeka kitai diatu iya nya ngengkahka Tuhan lumur satu dalam pengidup, enda ngira bakani gaya pengidup. Aku dekaka orang bukai diberekat nengah aku. Iya ka bendar, aku endang orang ti rindu kediri lalu nadai pengingin dipeda orang. Taja aku orang pemalu, Tuhan nadai meri aku pilih bukai, tang awakka aku ulih diperatika orang bukai.

Pengidup ti senang, taja pen sejam aja, ukai pengidup ti digiga aku. Ati aku sigi selalu rajin deka ngereja pengawa ka Tuhan lalu pengeran tu

## SEREGA NYA AMAT NYATA

ngisi setiap maya aku enchelak. Lama amat aku endang udah selalu dani sebedau jam 4.00 tiap-tiap pagi lalu besambiang. Lebu nuan besambiang lebih ari setengah ari, tiap-tiap ari, nuan tetap nadai mayuh jam ka pekara bukai.

Kenyau ari Tuhan ngayanka serega, aku enda tinduk baka ka dulu suba. Nadai mayuh jam alai belelak. Tiap-tiap ari aku deka belajarka mayuh macham utai pasal jaku Tuhan awakka besediaka pengawa aku, taja pen pengawa aku diatu semina betanda-sembah. Tuhan madah ngagai aku Iya deka ngereja semua utai ka aku tang agi meh aku betambah keras deka nemu pasal Iya enggau Jaku Iya. Aku sigi amat auska Tuhan enggau Jaku Iya.

Nadai jalai ti bisi nyamai ngereja pengawa Tuhan. Ba hal ngerinduka Tuhan, kitai mesti nyerahka semua utai ngagai Tuhan, nyengkaum utai ti dikesayauka kitai. Kitai ngereja iya laban kitai rinduka Iya.

Lebu maya penusah tauka pemedis datai, aku mai diri empu ngingatka regang Tuhan, lalu pengingat nya nyungkakka aku ngalahka semua utai. Sapa ti deka enggau Tuhan Jesus belama-lama iya mesti ngereja pengawa ngiga jalai penyelamat diri empu tiap ari, sepemanjai umur iya agi idup. Kitai enda ulih ngaku diri orang Kristin sari tu lalu ukai orang Kristin ari siti, laban kitai enda nemu ni maya Iya datai ngambi orang ti enggi Iya.

Lebu nuan udah teleba enggau pengidup ti penuh pengasi, nuan enggaika pengidup bukai agi. Lebu pengidup kitai lengis ngasika Tuhan, kitai enda agi irauka semua utai. Endang bisi maya kitai dipinta nengah jalai penguji enggau penusah. Nengah semua nya kitai ulih belajar bepanggai ba Tuhan lalu ni gaya pekara kitai tetap bisi pemaik enggau pengerindu ba Iya lalu ari Iya.

## **BEPANGAN ENGGAU PEKARA DUNYA BEMUNSUH ENGGAU TUHAN**

AKU DEKA MADAH ngagai orang Kristin ti enda ngasi dalam dunya tu, minta kasih kita anang tekellu nyamai dalam dunya tu. Dani, laban Jesus deka datai ngambi kitai. Tu tau nyadi sebarang maya. Bacha Luke 17:26-36. Enti nuan endang enda kala ngasi lalu merindang diri dalam dunya tu lebih agi ari ti ngasika Tuhan, ti udah mati lalu nebus dosa nuan, nuan tetap enda ulih tepedaka mua Iya.



## *Pengasi Ti Merekatka Tuhan*

Pengasi tu beguna amat ba Tuhan. Iya udah ngayan ngagai aku, mayuh orang Kristin deka tinggal dalam dunya tu lebuah maya Tuhan ngambi kitai, nyengkaum mayuh orang ti dikelala aku diatu. Iya datai ngangkatka orang ti besedia nganti Iya lalu pengawa tu deka nyadi sebedau kitai nemu tauka ngadang.

Ati Tuhan semampai merinsa laban orang ti enda ngasi lalu agi tesat. Iya diatu dalam aku, ngasuh aku berundingka samengat ti tesat enggau orang Kristin ti nyilu kuku di semua tempat. Aku nemu utai ti deka nyadi ba sida ba pengujung ari enti sida enda dani, tang aku semampai belematika sida dalam sampi.

Enti nuan orang Kristin ka nyilu kuku, minta kasih, peratika enggau naka ulih utai disebut aku. Nuan enda ulih rinduka pekara bukai lebih agi ari ti rinduka Tuhan Jesus ti udah mati ka nuan. Enti paderi/pastor kita madah ngagai nuan semua orang Kristin ti ngagai gerija tama serega, nuan patut ngiga gerija bukai.

Lebuah kitai udah diselamatkan, Tuhan ngadang kitai besampi enda ngetu lalu belajarka Bup Kudus. Awakka nuan tetap berjaga belama dalam roh lalu enda bepanggai ba semua orang bukai ngajar diri empu. Maya nuan belajar pinta enggau sampi belama, nya baru nuan ulih meretika Bup Kudus, laban tata Roh Kudus ngajar nuan semua utai (peda 1 John 2:27).

Udah kitai diselamatkan kitai mesti bekeras bekereja nuju jalai selamat. Reti nya kitai ngasika Jaku Tuhan lalu ngelantangka Iya ba setiap bagi pengidup kitai. Surat tu udah nyebut pasal pengasi suah amat laban pekara pengasi besai reti ba Tuhan. Tuhan deka mai semua orang tama Perintah Iya. Mayuh orang Kristin dituntung macham-macham penusah setegal enda ngasika Jaku Tuhan pasal *tithing*, pemeru ngagai orang seranta. Sida agi idup chara lama baka sida ti bedau diselamatkan.

Aku udah belajarka orang mayuh ti meri *tithing* enggau *offerings* nyengkaum bala anak aku empu enggau bala pangan. Orang ti meri *tithing* nerima berekat ti enda putus-putus ba pengidup sida. Tang orang ti enda meri *tithing*, taja sida ngagai gerija, suah agi ngasaika pengidup sida enda diberekat penuh lalu penusah enda ngetu nuntung sida. Tuhan enda lantang ati ngagai orang ti enda meri *tithing* (peda Malaki 3:8-10). Tuhan ngayanka lalu madah ngagai aku, barang sapa ti enda *tithing* sigi sekali-kali enda tepedaka mua Tuhan laban sida gila duit ringgit sida lebih agi ari rinduka Tuhan.

## SEREGA NYA AMAT NYATA

*Tithing* tu 10% ari gaji (pemisi) kasar nuan, ukai gaji (pemisi) beresi. Tuhan enda begunaka duit kitai, tang Iya dekaka semua orang ti arap mai *tithing* ngagai rumah Iya. Awakka gerija ulih ngereja pengawa Tuhan. Pemerit tu pemerit pengerinduka orang umang lalu ka tanda terima kasih ngagai rumah Tuhan sereta enggau mayuh bengkah pengawa gerija. Semua pengawa Tuhan begunaka duit. Ni bagi orang ti ulih ngereja semua utai tu enggau tekun deka nerima berekat Tuhan enggau pengabis iya laban nya pengasi enggau pengasih ti chukup nyata. Dua iti pekara tu pesan ti pemadu iya berguna ari Tuhan. Enti nuan amat bebendar deka diau enggau Jesus di serega belama-lama iya lalu bempu pengidup ti diberekat lebuhi agi dalam dunya tu, minta kasih peratika enggau silik jaku Tuhan. Aku diberi tanggung-jawab nuliska pengamat jaku Tuhan. Aku nulis iya enggau naka pemetul iya ulih aku awakka orang ti baru arap sereta orang Kristin ti agi keliru pasal *tithing* enggau pemerit bukai ulih mereti enggau penuh.

## BESAUKA JESUS

LEBUH BESAUKA NGAGAI orang bukai, mayuh madahka diri besetuju nerima jaku Tuhan Jesus nyadi penyelamat diri, tang mayuh mega nyebut “ukai diatu”. Selalu iya aku madah ngagai sida enda ngasuh sida nganti tekellu lama, laban iya tau ngujunga tekellu laun. Lebuhi kitai udah mati, kitai nuju siti ari dua iti tempat, ke serega tauka neraka. Aku nemu, aku tentu enda ulih agi betemu enggau sekeda ari kaban enggau pangan, kasih amat, laban pemutus sida deka nerima Tuhan Jesus udah laun.

Lebuhi aku madah ngagai orang pasal Jesus aku selalu belabuh enggau nama utai di dikereja Iya enggau pemesai pengasih Iya ka kitai. Barang sapa pechayaka Iya nya Anak Iya deka idup belama-lama iya enggau Iya di serega. Uдах nya enti sida nulak janji-janji selamat ti dikenataika nengah aku, aku madah udah orang ti pechaya diangkatka serega, enti kitai agi idup, anang sekali-kali nerima lumur 666 ti diberi sitan.

Enti kita nerima lumur tu nuan deka diempu sitan, ukai enggau Jesus lalu nuan deka ditunu ba danau api belama-lama iya. Enti kita nulak lumur sitan, nuan deka dibunuh, tang nuan deka idup belama-lama iya, laban nuan udah mati ketegal Jesus (bacha Pemandang 13:15-18, 14:9-13, kena meretika pekara tu enggau dalam.)

Aku pechaya Roh Kudus nguluka aku nyebut utai tu. Nya kebuah aku

### *Pengasi Ti Merekatka Tuhan*

bisi kuasa ti nyelai sereta berani bejaku pasal berita tu ngagai orang bukai. Baka Jesus, aku mega enggai meda siku ari kitai mensia tenggelam padam dalam neraka. Aku belabuh ngagai gerija laban aku enggai ngagai neraka. Aku pechayaka Injil tu, lalu aku takut amat enggaika diri empu mati lalu enda sempat dibaptisa. Nya alai aku dibaptisa dulu agi ari ti belajarka jaku Tuhan.

Neraka ti diayanka Tuhan ngagai aku lebih jai agi ari cherita ti ditusui orang. Aku arapka barang sapa macha bup tu tentu majak pechaya sereta belematika Injil pasal jalai selamat. Amat kitai ngagai gerija ukai reti nya kitai ulih tama ke serega.

Enti kitai idup enda nitihka pesan Tuhan, Iya ringat lalu enda rinduka kitai. Orang Kristin ti enda ngasi enda ulih tama ke Perintah Tuhan. Serega mayuh bengkah peringkat enggau tempat. Tuhan Jesus udah suah ngayan sereta nusui ngagai aku.

Udah kitai diselamatkan nengah darah Tuhan Jesus, kitai mesti bekerja keras ninggalka pengaya dunya lalu idup nitihka Iya aja. Kitai mesti belajarka Jaku Tuhan laban kitai enda ulih tuchi enti enda belajarka jaku Tuhan. Aku nemu mayuh orang Kristin enggai sereta enda rindu ninga pengamat jaku Tuhan semata-mata laban enggai berubah. Udah diadaka baru, reti iya, nuan nadai pengingin agi ka utai ti enda tuchi ti selalu dikinginka nuan. Nuan asai ti semina deka ngelantangka ati Tuhan aja. Aku nyebut tu laban aku sayauka nuan. Aku semina arap aku ngambi hal berat pasal nuan enggau naka ulih.

## *Tumpuka Iching Ba Tuhan Dulu*

*Lalu David betanda ba mua  
TUHAN penapat inat..*

---

— 2 Samuel 6:14

**L**EBUH AKU BETANDA dalam Roh lebuah servis di gerija kena 4 haribulan Enam, 2000, aku ngarapka siti utai ngenyit ari Tuhan, tang nadai utai ti luar biasa nyadi. Tang, aku amat gaga di gerija enda mit ati baka ti udah kala diasai aku maya buhai.

Nyata endar, aku berasai mit ati suah endar ngelamatu pasal tanda aku laban aku ngarapka kereja ajih ka gerija. Enti kereja ajih enda nyadi aku mutap pasal hal tu ngagai Tuhan. Lebuah bulam Lima 2000, taja pia, aku bejanji ngagai Tuhan nama-nama utai nyadi, aku enda ka mutap agi pasal tanda diri.

Udah aku ninggalka servis di gerija hari nya dalam bulan Enam, aku belabuh ngasai diri mit ati baru. Lebuah aku datai di rumah, aku belabuh besampi baka ti selalu dikereja aku udah servis di gerija. Sekali tu, taja pia, aku berasai makin balat jai. Taja pen asai aku baka tu, aku besampi. Lebuah bejaku enggau Tuhan, aku nanka asai ati aku. Aku ngasaika Tuhan nemu asai ati aku, tang Iya baka ka enda meretika asai ati aku.

Aku pechaya Iya benung nganti deka meda sekalika aku ulih ngintu janji diri ngagai Iya suba. Kami nampung randau rama lalu Iya ngelepaska aku. Udah aku dilepaska, aku berasai betambah jai, lalu aku nganu munsuh. Tu mega enda nulung, nya alai, tu nandaka asai-asai aku ukai datai ari sitan.



## *Tumpuka Iching Ba Tuhan Dulu*

Beberapa jam udah nya, maya besampi, aku duduk lalu nguji deka besampi. tang aku enggai besampika semaya-semaya Iya sekali tu. (Selalu iya aku besampi empat kali sehari kira-kira lebuah maya ti sama). Aku bejaku enggau Tuhan aku enggai besampika semaya-semaya sekali tu. Tu meh terubah iya aku nulak Tuhan, tang saut Iya sederhana sereta mantang: *“Nuan mesti ngasi.”*

Taja pen aku meretika pesan Iya, pikir aku kelalu binggung deka ngasi, lalu ngasuh pengawa sampi aku nyadi enda lurus. Aku bejaku ngagai Tuhan, *“Aku enggaika pemeru-pemeru pengawa Nuan laban sida ngasuh aku bedosa ngelaban Nuan. Aku enda minta pemeru-pemeru tu ti udah diujuk Nuan ka aku. Utai ti deka dikereja aku iya nya nyembah Nuan seumur pengidup aku, nyenangka ati Nuan, lalu ngasuh Nuan gaga.*

*“Semua janji Nuan ngasuh aku bedosa ngagai Nuan, laban aku ngarapka kelalu mayuh utai lalu pengingin aku awakka semua menyadi indu enggau lelaki diberekatka ulih tanda tu. Aku enda ulih numpuka iching aku ba Nuan lebuah maya aku nyembah Nuan sekumbang aku patut ngaga tanda tu.”*

*“Lebuah maya tiap tanda aku irau tentang kereja ajih ti deka nyadi atas gerija. Aku kelalu deka meda gerija diberekatka ulih tanda tu, lalu suah endar aku enda ingat deka muji Nuan.”*

Udah jaku-jaku tu, pikir baru datai ba aku. Ingat, taja pia, aku benung bejaku nengah ati aku, enda enggau mulut aku. Lebuah aku bisi dalam penatai Tuhan, aku enda ulih bejaku enggau mulut diri. Tekala nya aku sedarka diri mayuh pekara ti salah dikereja diri. Mega, aku udah mutap suah endar maya ngasaika ati diri mit. Sedar ka semua tu, aku belabuh ngemaruhka ati diri di mua Tuhan lalu minta ampun ari Iya.

Iya enggau lembut nyaut, *“Aku udah enda ngingatka semua nya sayau.”* Uдах nya Tuhan belabuh bejaku ngagai aku. Iya nyebut, *“ Aku udah madah nuan mesti numpuka iching ngagai Tuhan nuan lebih dulu, udah nya baru pengawa nuan. Nuan enda ngereja tu. Tiap tanda nuan semina gagauka kereja ajih ka orang lalu nuan enda ingatka mulia Tuhan nuan. Tanda tu digaga Aku ka penyenang nuan, ukai awakka nuan gagau pasal kereja ajih.*

*“Enti Aku gaga, kereja ajih nya deka nyadi. Tu meh kereja ajih Aku, ukai enggi nuan. Nuan mesti selalu ingat pemesai guna tanda tu ka Tuhan nuan.”*

## SEREGA NYA AMAT NYATA

Udah Iya nyebut hal tu, aku berasai amat malu. Aku lalu sedar pemesai reti tanda tu ba Tuhan aku. Semina latih jari aja udah makai maya enam belas bulan, lalu semua latih-latih ke bukai sereta ngangkatka kuasa Roh Kudus dalam tubuh aku udah ngambi maya semak tiga taun sebedau aku belabuh betanda di gerija.

## BETANDA DI TEBING TASIK

DALAM TUSUN-TUSUN ke sebedau tu aku udah nyebut tentang beberapa ari kami di tebing tasik. Tiap pagi ari Satu Tuhan ngerak aku udah pukul dua belas dini ari, lalu Iya ngasuh tubuh aku begetar pengelama 30 minit. Iya nadai kala laun seminit pun tauka kelalu pagi. Enti aku tetinduk taja pen semina 5 minit, getar tubuh aku deka belabuh baru.

Udah begetar pengelama 30 minit, penatai Tuhan bisi enggau aku. Iya madahka aku, "*Anak, tua mesti pegi ke tebing tasik.*" Lebuah Iya nyebut tu, tubuh aku begetar lebih kuat agi lalu urapan ti amat besai pen datai, udah nya aku ulih meda tubuh aku ti udah berubah bejalai enggau Tuhan Jesus di tebing tasik, lalu kami bepegai jari. Kami bejalai ba tisi pasir enda lama, udah nya kami niki ke bukit lalu duduk di atas batu ti panjai sereta besai. Tebing tasik enggau batu tu meh ti selalu dikena Iya mandangka serega.

Lebuah kami datai dia, lalu duduk, aku ngengkahka lengan kanan aku dibaruh lengan Iya, udah nya Tuhan madahka aku, "*Nuan mesti meda ai.*" Lebuah Iya nyebut jaku tu, aku ulih meda ai di tebing tasik di mua kami.

Pemandang ti sama dimainka lebuah maya penemuai aku enggau Iya udah Iya nerangka mayuh hal pasal tanda aku sereta tuju iya ka bendar. Uдах kami bejaku enda lama, Iya nyebut, "*Nuan mesti belagu.*" Uдах nya aku belagu. Uдах aku belagu, kami bejaku enda lama, lalu Iya nyebut, "*Diatu nuan mesti betanda.*" Terus aku besugang di mua Tuhan lalu belabuh belagu sereta betanda.

Tuhan selalu duduk di mua aku enggau kaki-kaki Iya nyilang lebuah aku ngaga tanda tu. Aku enda ulih meda paras gamal Iya, tang aku nemu lebuah Iya gaga tauka tusah. Enggau tanda tu, Iya selalu dipeda gaga, lalu aku nemu Iya benung tuchum. Aku terus tuchum ngagai Iya lebuah aku betanda.

Tiap kali aku enggau Tuhan di tebing tasik, aku ngasaika sama baka lebuah Iya mai aku ke serega. Lebuah maya baka tu aku meri perati ti penuh ngagai Tuhan. Aku enda kala mikirka utai bukai. Nadai jaku ti chukup

## *Tumpuka Iching Ba Tuhan Dulu*

manah ulih mantaika pengaga aku lebuah aku begulai enggau Iya. Aku amat-amat ngarapka kaul ti manis baka tu ulih nyadi datai ke belama-lama iya.

Tiap kali aku enggau Iya di tebing tasik aku madahka Tuhan aku enggaika tu beujung. Tanda lebuah ari Satu nya dikereja pengelama 40 minit tiap kali. Uдах tanda abis, Tuhan meri mayuh jaku puji ti manah-manah ngagai aku dataika aku selalu berasai malu, laban utai ti disebut Iya kelalu manah deka dipechaya.

Uдах Iya ti muji aku, Iya bejaku, "*Nuan mesti meda tu.*" Uдах nya aku belabuh belagu baru, lalu aku meda seluruh tasik besai. Tekala nya pemandang aku beganti ngagai seluruh dunya. Uдах tu, kami bejaku baru, lalu Iya nyebut, "*Aku mesti mai nuan pulai awakka nuan ulih tinduk.*" Tiap jaku ti disebut Iya, tubuh kami engkebut bakaka sida nya tubuh di video.

Semua tu nyadi antara dua tauka dua satengah jam. Ba pengujung maya kami begulai, Tuhan selalu kerap aku, uдах nya aku meda Iya bejalai di tisi ai. Aku selalu ulih meda belakang Iya enggau terang lebuah Iya benung bejalai.

Semua ti nyadi di tebing tasik ngelibatka tubuh aku ti uдах berubah. Tubuh aku iya ti bendar benung gali ba atas tempat tinduk, sama nunda dalam tanda enggau lagu. Ingat, Tuhan ngena tubuh roh aku, tang semua pikir enggau asai nyadi dalam tubuh aku ti bendar. Tu bereti tubuh roh Jesus enggau tubuh roh aku nyadi sama. Enti tubuh aku pedis sebedau penemuai, ka selalu agi iya digerai uдах penemuai tu enggau Tuhan di tebing tasik.

Aku ingin nerangka semua utai tentang pengalaman tu seterang ti ulih, dataika enti orang macha iya, sida deka mereti enggau penuh. Sida ngembuan pengering ti besai ulih meretika kebuah bup tu amat berguna sekali ba Tuhan, laban sida enda bedosa, pechaya sereta tebuka ngagai Tuhan.

Lebuah ari Satu, 27 May, 1996, lebuah Tuhan mai aku ke tebing tasik tu lalu madahka aku, "*Aku deka mai nuan ke tebing tasik tiap-tiap ari Satu.*" Dataika diatu, Iya enda kala puntan. Iya madah tu deka terus nyadi dataika ari pengujung.

Aku pengujung iya sedar pengarap aku uдах lemi, lalu tu meh kebuah iya aku nyadi mit ati sereta mutap ngagai Tuhan ti pemadu bekuasa. Uдах aku sedar tu, ba tiap tanda, aku semina ngagai mua Tuhan lalu enda peduli pasal diri empu tentang apa-apa tauka sapa-sapa lebuah aku benung betanda.

Aku semina mutap tentang tanda laban aku nyangka enggau tiap tanda

## SEREGA NYA AMAT NYATA

pengerai enggau pengelepas ti besai amat deka nyadi di gerija. Aku mikir baka tu laban Iya nunjukka ngagai aku mayuh kerusi roda di gerija. Tuhan kitai enda kala nerangka secara dalam, tang taja pia, jaku-jaku Iya amat pandak sereta mimit.

## UJI TI BESAI

TUHAN BELABUH NGUJI aku dalam tiap sukut pengidup aku. Uji ti pemađu besai iya nya besangkut enggau orang ti dikerinduka aku. Aku mega pechaya putap aku tentang tanda udah ngasuh Iya laun ngereja janji Iya. Tentu aja Tuhan ulih madahka aku utai ti dikereja aku salah tauka betul, tang Iya ingin aku belajar kediri. Pengawa Iya ti nyikap aku ka pengawa ti udah ditaga Iya ka aku ukai nya mudah.

Aku udah belajar Iya enggaika kitai te-ulih ka utai enggau jalai mudah. Jaku Iya madahka kitai mesti ngasaika pemerinsa aʼwakka ulih tama ke perintah Iya (peda Kereja Rasul 14:22).

## BETANDA DI ATAS PELASAR

LEBUH 17 JUN 2000, udah besampi sebedau tinduk, lebuđu pengujung jaku kami, Tuhan bejaku, "*Nuan mesti ninga utai disebut Aku pasal tanda.*"

Aku nyaut: "Nama aja disebut Nuan, Tuhan. Aku ngarap lalu nganti."

Iya nyebut, "*Nuan mesti betanda di atas pelasar pagila. Nuan mesti pegi ke gerija pagi-pagi lalu bejaku enggau pastor lalu madahka iya nuan deka ke atas pelasar betanda.*"

Lebuđu aku ninga tu, ati aku labuđu, laban tu meh siti hal aku enggai ngereja sebedau kereja ajih nyadi enggau tanda aku. Taja baka nya, aku nyebut ngagai Iya, "Aku deka ngasika Nuan, Tuhan."

Ati aku amat tusah pasal tu, laban aku udah ngereja tanda ti sama setiap Minggu, nunga ngagai orang, berengkah ari 9 Januari 2000. Aku udah ninga ari siku pastor nama kebuah aku enda betanda nunga sida ti nyembah. Aku madahka iya aku mesti ngasika Tuhan. Tu ukai laban aku deka ngereja tu. Ukai laban aku ngachau sida ti nyembah, tang aku ngelaban Tuhan pasal hal-hal tu. Tu meh saut aku, aku mesti selalu ngasika Iya.

Kira-kira tiga bulan ti udah, aku bepikir, Baka ni enti Tuhan ngasuh aku pegi ke atas pelasar betanda? Nyadi aku bejaku enggau pastor ti lebih



## *Tumpuka Iching Ba Tuhan Dulu*

tinggi, Pastor Wolfson, lalu nanya iya sekalika aku ulih betanda di sebarang alai, nyengkaum di atas pelasar.

Pastor madah aku ulih betanda dini alai nyengkaum di atas pelasar. Uдах iya nyebut tu, aku mikir nadai agi penanggul ba aku betanda di atas pelasar lebuch Tuhan ngasuh.

Lebuch aku dani lebuch pagi 18 haribulan, aku berasai gaga ngereja utai ti diasuh Tuhan. Aku pegi ke gerija pagi nya, tang aku enda ulih betemu enggau Pastor Wolfson. Lebuch ngiga iya, aku betemu enggau pastor bukai, lalu aku nyeritaka ngagai iya utai ti udah disebut Tuhan ngagai aku pasal betanda di atas pelasar.

Pastor nya nyebut, "Nya nadai tau dikereja."

Aku madahka iya, "Pastor, nuan ngengkah mensia ari jaku Tuhan. Tuhan udah minta awakka aku betanda di atas pelasar ka berekat gerija."

Uдах nya Tuhan bejaku enggau aku, "*Anang irau tentang hal tu. Aku deka ngatur iya.*"

Maya aku besampi sebedau tanda belabuh, ati aku bejaku, biarpun pastor nulak, aku bisi niat deka niki ke pelasar lalu betanda, laban aku mesti ngasika Tuhan, lalu aku enda peduli enti aku dikeluarka ari gerija. Enti enda chukup tempat di mua, aku deka pegi ke belakang orang ti nyembah, enti Roh Kudus mai aku kin. Nama-nama pengujung iya, aku enggai ngelaban peneka Tuhan.

Tuhan selalu nemu pikir aku. Jaku Iya ti lantang nyebut: "*Anak, nuan enda ibuh pegi ke pelasar dataika maya Aku nyendiaka nuan. Aku amat senang enggau pengasi nuan. Gaga meh. Lebuch nuan kin, nuan deka bediri di mua sekali, anang bediri di belakang orang ti nyembah. Seluruh pelasar nya enggi nuan.*"

Tuhan nemu pengenggai aku bediri di atas pelasar deka betanda enggau ba mua bala orang ti nyembah. Aku pechaya Iya deka meda ni penyauh aku deka nitihka ka peneka Iya, ngenyamaika Iya lalu ngengkah Iya terubah. Aku ngasika Iya, lalu semua iya bejalai enggau manah.

## **PEGI KE GERIJA ENGGAU KEBUAH TI BETUL**

UDAH *PUGET SOUND Christian Centre* (gerija lama kami) digaga baru, sida mesti nganti maya pemerik dikena mayar ungkus masang carpet. Pansut dalam pikir aku, Roger enggau aku ulih mantu mayar carpet, lalu aku

## SEREGA NYA AMAT NYATA

betanya ngagai Tuhan pasal hal tu.

Enggau nyawa ti enda tentu senang Iya bejaku, *“Anak, nuan enda ibuh irau pasal tu. Aku enda ngiga carpet di rumah Aku; Aku semina ngiga ati orang.”*

*“Mayuh endar gerija-gerija bebelanja mayuh ngasuh gerija manah dipeda, tang enda mayuh sida nguji deka ngenyamaika ati Aku. Aku dekaka setiap gerija melatih orang-orang ngajar Injil lalu ngirumka sida pansut gawa di mission.”*

Maya ti sama mega Iya nyebut diri enda senang pasal orang ti datai ke gerija enda numpuka iching ngagai Iya dulu agi. Pagi tu, lebuah aku benung besampi pengelama 30 minit sebedau servis belabuh, aku ninga orang bejaku ingar sereta ketawa; mayuh ti becherita pasal pengalaman minggu ti udah enggau diri sama diri.

Tuhan bejaku ngagai aku, *“Nuan meda, anak, ukai besugang sereta besampi ngagai Aku, sida lebih ka agi bejaku pasal hal-hal dunya. Nuan ulih meda nama kebuah bisi gerija ti enda kala diberekat.”*

## *Meritaka Injil Enggau Pemer*

*Laban Allah udah balat rinduka dunya,  
nya alai iya meri Anak Tunggal Iya,  
awakka barang sapa ti arap enda ka  
mati, tang bulih pengidup ti meruan.*

—John 3:16

**G**ENERA TENTANG SEREGA enggau ke bukai alai aku udah nerima berekat meransang aku deka besaksi ngagai orang bukai. Aku meli Bup Kudus deka diberi ngagai orang bukai. Aku meri tanda ba ayat-ayat ti beguna di dalam iya, nyatit utai awakka nerang pasal Jesus, lalu nyelitka *surat pandak* tentang penyelamat. Aku meri tiap kali aku bisi peluang besaksi.

Ari bulan Duabelas 1999, aku mega udah nyelitka surat berita gerija kami enggau siti kaset *Siti Genera Tuhan Tentang Neraka* ari Mary K. Baxter di dalam utai ti diberi aku lebuah besaksi. Aku nyimpan semua dalam siti paket lalu tiap kali aku pansut aku mai mayuh enggau aku. Aku udah nyadung paket tu sepanjangai Tuhan ngiring aku.

Aku enda kala muai peluang, aku bejaku enggau orang dini-dini—di stor bup, di opis enggau lebuah maya bebaris dalam bank enggau di tempat bukai. Siti basa ti besai besaksika Tuhan kini-kini aku pegi.

Tuju ati aku deka bejaku pasal Jesus amat meluap dataika aku enda ulih ngetanka diri empu. Kadang-kadang tu nyau ngachau orang bukai ti pegi enggau aku; nya alai aku selalu pegi kediri.

Aku belajar chara ti manah belabuh besaksi ngagai orang iya nya semina nanya sekalika sida pechayaka Jesus. Mayuh orang nyaut. “Aku

## SEREGA NYA AMAT NYATA

pechayaka Tuhan.” Tu reti iya selalu iya sida enda nemu apa-apa pasal Jesus. Tu meh udahnya maya iya aku belabuh ngenataika berita Injil.

Aku kala ngasai berapa kali ditulak orang maya aku besaksi, tang tu nadai asai ba aku sama sekali. Aku nemu amat mudah deka besaksi orang ti agi biak lalu mega ngagai orang negro Amerika.

Semak 99% ari orang biak apin diselamatkan ti disaksika aku deka ngambi paket ti diberi aku ngagai sida. Kadang-kadang Roh Kudus nerang ngagai aku ngasuh besampika sida maya nya. Aku besampika keselamatan sida sereta ngasuh sitan lari ari sida. Lebu ngasuh sitan lari, urapan ti kuat nurun atas aku lalu aku asai ti deka merejuk. Aku pechaya tu nyadi laban tu ngasuh Roh Kudus gaga. Aku enda kala nganggur deka besampika orang; Tuhan ti selalu nerangka aku.

Mayuh orang ti udah dibai bejaku awakka ngelala Tuhan, tang sida nadai jam ka Iya. Amat mayuh orang Kristin bekereja lebu Hari Minggu. Beberapa kali lebu aku nguji besaksi di tempat ngengkah kereta ti besai, baka nya aku nyebut nama Jesus, orang deka nyaut, “Aku enggai ninga hal nya,” lalu sida deka lari ari aku. Bisi sekali utai nyadi, siku indu nyebut ngagai aku, “Ketegal orang baka nuan tu meh kebuah aku enggai ngagai gerija.”

Aku pechaya iya nyebut jaku nya laban aku nyebut nama Jesus ngagai iya. Ba iya, sayau endar, aku benung ngereja siti pengawa ti jai amat. Iya enda sedar utai ti kedeka aku iya nya iya diselamatkan. Aku minta Tuhan merekatka iya lalu nyelamatkan iya.

Ati aku amat-amat patah ka sida ti enda nemu tentang Jesus. Aku enda kala ngelupa ka sida ti bisi di neraka, ti bebendar deka nyelamatkan diri ari api, tang sida enda ulih. Tu nyadi ba orang-tuai aku, laban sida nadai bisi peluang deka ninga tentang Jesus. Tu siti ari kebuah aku mesti nyeritaka nama Jesus enggau Injil Jesus ngagai orang dini-dini aja. Sida mesti ninga pasal Iya, sida gaga nerima berita enggau utai ti diberi aku ngagai sida.

Tuhan ngasuh aku nepu ka kaset Mary K. Baxter ke dalam paket keselamatan ti disadung aku. Kaset Mary *Siti Genera Tuhan Tentang Neraka* ti udah diberi ulih siku orang di gerija aku udah genera aku pasal Serega. Maya nya aku nadai pengingin deka ningaka iyaa, laban aku baru udah ngasaika pengalaman ti luar biasa tentang Serega enggau siti pengalaman tentang neraka. Maya nya aku ngasaika siti pemandang aja udah chukup ka seumur idup.



### *Meritaka Injil Enggau Pemerl*

Dua taun udah nya, taja pia, Tuhan ngingatka aku tentang kaset tu lalu aku bisi penginein ti kuat amat deka ningaka iya. Lebuah aku ningaka jaku Mary, aku belabuh pechaya semua pengalaman iya pasal neraka.

Aku ninga bup Bup udah disalin ke dalam mayuh jaku. Aku nemu bup iya disalin ngagai jaku Korea. Siku ari anak menyadi aku di Korea macha bup nya, bup nya ngasuh iya takut setengah mati. Iya pechaya semua iya, lalu iya diatu pegi ke gerija.

Aku pechaya 100% ka *Siti Genera Tuhan Tentang Neraka* laban iya amat besangkut-paut enggau Bup Kudus. Bup Kudus nyebut orang ti bedosa enda ulih meda Tuhan (peda Pemandang 21:8). Tuhan mega madahka ka tiap jaku ti disebut Mary tentang neraka nya amat. Iya bejaku, "Ukum berapa orang deka lebih balat ari utai ti disebut Mary." Iya neruska, "Bup genera Mary amat beguna deka dibacha tiap iku orang, laban ukum tu ulih nyadi atas sapa-sapa aja, indah orang ti arap."

Tegal nya, aku ngembuan siti penginein ati ti dalam deka magi kaset tu. Aku udah meri beratus iti kaset tu ngagai orang bukai. Aku pechaya kaset ti udah diberi aku deka negu pengidup orang bukai.

Aku udah belajar mayuh hal tentang mensia pengelama aku ngereja ministry di jalai sereta besaksi. Aku udah meri paket kesaksian ngagai mayuh orang Kristin ti enda pegi ke gerija tauka enda ulih pegi. Aku mega udah meri orang Kristin ti pegi ke gerija awakka sida melayan orang bukai dalam ti magi utai tu enggau sida.

Beberapa iku orang ari jaku bukai udah nerima paket tu. Aku iran ninga sereta nemu, bisi sida enda ngaku diri orang Kristin. Aku selalu iya bejaku enggau sida, "Pengelama nuan pechaya ka Jesus, nuan orang Kristin."

Baka nya mega, aku udah bejaku enggau beberapa orang Mormon enggau Jehovah Witnesses. Orang-orang ti berega tu, taja pia, enda kala ngambi paket aku. Ngagai sapa ti diberi aku paket tu, aku nerang pasal Jesus, lalu aku madahka sida nama ti dalam paket kaset nya. Selalu iya sida gagaka iya. Malah sida ti enda pechaya madahka diri deka ngempu Bup Kudus.

Kitai mesti ingat deka besampika orang Kristin ti tepaksa bekereja lebuah Hari Minggu. Aku pechaya penatai Jesus udah amat semak, lalu sitan bebendar ngaga orang Kristin sibuk lebuah hari Tuhan.

Baka ti udah disaksika aku, aku belajar tentang tempat-tempat kereja orang. Chunto iya, enti bisi 5 iku orang di tempat kereja lalu 2 ari sida

## SEREGA NYA AMAT NYATA

diselamatkan, lalu 3 pangan sekereja iya ka bukai apin selamat, mayuh agi sida ti apin selamat enda kala ninga tentang Jesus ari 2 iku ka bukai ti udah diselamatkan.

Aku nemu tu selalu nyadi, laban lebuw maya aku besaksi ngagai 3 iku orang ti apin ngelala Jesus, udah nya nerangka ngagai sida tentang Jesus enggau keselamatan lalu meri paket ngagai sida, mayuh sida nyadi gaga amat deka nerima iya. Kadang-kadang sida nyebut sida nemu pangan sida ti orang Kristin, tang sida enda kala nyeritaka ngagai orang ti apin selamat tentang pengarang sida.

Kitai mesti magi pengarang kitai enggau semua orang ti ditemu kitai, kebuah iya laban besaksi nya kereja ti pemadu beguna ti ulih dikereja kitai ka Tuhan Jesus. Iya mati ka orang ti bedosa. Tuhan nyebut ngagai aku, *“Enti sida ti diselamatkan enda meri saksi, baka ni orang ti enda pechaya deka ngelala Aku?”* Aku pechaya enti orang Kristin enda bejaku tentang keselamatan sida enggau orang ti enda pechaya, tu ngasuh Tuhan enda lantang.”

## DUA DARUNG

ENTI KITAI PEGI ke Serega, kitai deka meda bisi dua iti darung ti nyelai di mua pintu perintah. Aku enggai bejalai ngelingi darung nya belama-iya. Tuhan nunjukka 2 kali ngagai aku kedua darung tu. Sida ti betemu di darung tu tetap di luar perintah Serega.

Lebuw kitai pegi ke perintah Serega, lalu idup din belama iya maka pengidup kitai seribu kali lebih manah ari dunya tu, taja pen maya tu kitai idup enggau Tuhan kitai Jesus ditu. Iya udah nyendiaka semua utai ka penyenang kitai, laban Iya nemu nama ti dikerinduka kitai. Pemanah dunya enda kala ulih dibanding enggau Serega. Berapa iku orang deka nyebut sida enda pechaya hal-hal tu laban hal-hal tu nadai dalam Bup Kudus.

Tu semina pasal pilih diri empu. Taja baka nya, aku nemu nyauka semua utai ti udah dipandangka Tuhan ngagai aku beduduk ari Bup Kudus. Tuhan udah milih aku nyadi nabi maya pengujung awakka Iya ulih nunjukka ngagai aku beberapa hal ti enda disebut enggau terang dalam Bup Kudus (peda Joel 2:28-30). Tu benung nyadi laban Iya udah sedia deka mai orang-orang Iya ke Serega.

## **PENEMBU MINISTRI BA JALAI**

UDAH MINISTRY ba jalai pengelama lapan bulan, lebu 30 haribulan Tujuh 2000, Tuhan nyebut ngagai aku, ministry ba jalai udah tembu. Begetar ati aku ninga Iya nyebut aku udah bekereja enggau manah.

Ngelama aku ngereja ministry ba jalai tu, aku bisi pengingin ti besai deka magi paket-paket nya, nya ka setiap orang nerima iya. Uдах Tuhan nyebut ngagai aku, ministry ba jalai udah tembu, aku enda agi tetemuka pengingin ti sama. Taja pia, aku agi bebendar deka besaksi sereta meri paket ngagai orang, tang tujuh orang nulak aku dalam sehari. Aku berasai gaga ninga tiap orang ti diberi paket nya sida ti udah dipilih Tuhan, lalu aku pechaya enggau penuh sida enda ka dirusak.

Aku rinduka setiap sikin ministry ba jalai. Aku agi besaksi setiap bisi peluang, tang tu udah enda lama agi baka ministry ti dikerindu aku pengelama lapan bulan. Tiap kali aku besaksi, aku ngasaika pengaga ti enda ulih sebut. Aku bejalai ngelinggi tempat enggau tuchum ba mua aku lalu orang ti meda aku nyau alit ati.

Diatu kita ulih mereti nama kebuah melikat gaga sereta betanda tiap kali orang ti bedosa betubat. Ka orang udah dibai ngagai Tuhan, aku terus besampi pengelama enam hari seminggu. Tu ngingatka aku siku orang bumai ti nanam benih dalam tanah, lalu iya nemu iya mesti nyiram, nyaga benih nya awakka iya ngasilka buah. Sampi pinta nya siti ari kuasa roh ti kuat.

## **PENGINGIN DEKA MERI**

TIAP MALAM HARI Enam udah aku besampi sebedau tinduk enggau tiap pagi Hari Minggu udah aku besampi, Tuhan nyiyuh ke atas aku siti urapan ti kuat. Tu mungkur seluruh tubuh aku, lalu mayuh hal ti luar biasa nyadi atas tubuh aku lebu maya baka tu. Pedis endar deka nerang enggau lenak utai ti nyadi, laban ba aku kedua tubuh enggau pikir aku berasai nyelai amat. Urapan ti kuat amat tu selalu nyadi lebu aku mesti ngereja tanda-kereja ajih lebu pagi Hari Minggu.

Sekumbang aku nyadi siku orang ti pechaya pengingin aku iya nya deka selalu meri. Lebu mula iya aku cemburuka sida ti ulih meri *tithing* enggau *giving*, laban lebu nya aku enda ulih. Kami baru aja udah pindah ari

## SEREGA NYA AMAT NYATA

California lalu laki aku apin diselamatkan.

Baru satu setengah taun udah nya Roger diselamatkan. Lebuah minggu kedua pengidup baru nya, iya belabuh meri *tithing*, laban tu meh aku minta iya ngereja iya. Nyadika balasan, berekat kami belabuh betambah setiap ari. Datai ke diatu, kami enda kala minta agi utai *material*. Tuhan terus merekatka kami lebih ari ti diarpaka.

Aku enda ngemesaika hal tu. Aku semina deka tiap iku kita lelaki tauka indu ngasika Jaku Tuhan pasal tu, laban aku nemu tiap orang ti ngereja nya deka diberekat enggau chara ti sama ti diterima kami. Aku enda kala enda ulih meri ngagai orang ti minta tulung.

Laki aku enggau aku bisi sekat lebuah meri, tang aku ingin sekali ulih meri lebih. Anggur aku deka meri enti Tuhan merekatka aku enggau semaya Iya nyadi pun belanja kami deka mantu ministri mission di dunya tu. Aku bejaku ngagai Tuhan enti Iya ngasuh aku kaya, baka ti udah disemaya Iya ka aku, anak- anak di dunya enda ka lapar.

Laban aku betumbuh dalam Tuhan, aku udah belajar siti utai ti amat beguna tentang pemer. Bisi sekali lebuah pagi Hari Enam dalam bulan Lima 2000, aku ngagai siti tempat nuchi kereta, lalu aku ngetu dia deka nulung sida lalu besaksi ngagai sida tentang Jesus sereta meri sida paket keselamatan.

Maya aku ngereja tu, aku meda ba tempat bukai bisi segelintir orang dia benung makai. Sida richah bendar ngangauka orang tentang Russia lalu siti raban meritaka injil ti deka diatur dalam bulan Enam. Sida benung ngumpul duit ka gerija di Russia.

Aku semina bisi \$40, lalu aku terus meri duit nya ka sida. Lebuah aku pulai aku ngasaika pengingin ati deka meri lebih. Laki aku nadai di rumah maya nya. Tekala nya aku te-ingatka duit \$500 tunai ti udah disimpan aku ka benabat lebuah maya suntuk. Nya alai aku nanya Tuhan, lalu Iya madahka aku mesti meri duit nya.

Lebuah aku pulai baru ke tempat orang nuchi kereta nya lalu meri duit nya ngagai sida, aku berasai gaga. Aku meda ari penyampau ka udah digumpul sida, enggi aku ti paling mayuh sari nya, laban aku nyain bup nya lebuah aku meri duit nya.

Udah aku tama ke dalam kereta, aku belabuh ketawa naka pengaga dataika aku enda ulih ngetu sepanjangi jalai pulai. Lebuah aku tama ke dalam rumah aku belabuh ketawa lebih kuat lalu aku merejuk enggau pengaga ti



### *Meritaka Injil Enggau Pemerl*

enda ulih kira. Sepanjai hari nya aku ngasaika pengaga ti besai amat, lalu aku bisi pengingin deka meri mayuh agi.

Kebuah aku chukup pengaga iya nya aku nemu Tuhan gaga. Amat bendar, Iya nyebut ngagai aku Iya amat senang ati enggau utai ti dikereja aku sari nya. Belabuh ari bulan nya, Tuhan udah merekatka aku lebih ari iya ti dipikir kami. Mula-mula aku enda madahka laki aku, tang beberapa bulan udah nya aku nyerita ngagai iya lalu iya senang ati.

Selalu iya, kami ngerunding nama aja diberi kami, tang sekali tu aku ngereja iya ngena duit ari tabung aku empu. Ari tu aku belajar sapa ti meri enggau ati ikhlas deka diberi seratus kali lipat. Aku ti sanggup meri ngasuh aku deka muji Tuhan lebih.

Aku udah nyebut ngagai Tuhan aku ingin semua orang sanggup enggau mampu macha bup aku, lebih agi sida ti mit. Aku ulih mikir pengaga sida lebuah sida nemu utai ti diangan-anganka sida udah nganti sida di serega, alai bisi penyenang belama-lama iya.

Tuhan kitai ngembuan pengerindu ti amat spesil ka anak-anak Iya, lalu aku meri pengerindu ti spesil ngagai sida tu. Aku besampika orang-orang biak tiap hari, minta Tuhan nyelamatkan sida.

Laki aku enggau aku nadai pengingin deka bempu lebih ari ti bisi kami diatu. Tuhan merekatka kami enggau semua utai ti diguna sebedau kami ngelala Iya lalu kami selalu chukup dalam pengidup. Kami nadai kala kaya, tang kami mega enda peduli deka kaya. Diatu pengingin kami deka nyadikaya laban semina deka gawaka Tuhan sereta ngasuh pengidup kami nyadi teladan ti kuat ka orang bukai.

Amat nyata, aku enda ngasaika penyenang enti aku bempu sebuah rumah enggau kereta ti mar. Laban aku nemu mayuh amat orang ti benung mati lapar lalu kurang amat pan dikena bejalaika pengawa mission ti beguna amat ke seluruh dunya. Aku pechaya, taja pen enti aku dekaka iya, Tuhan deka merekatka aku enggau sebuah rumah enggau kereta ti lebih manah, laban Iya udah mandangka semua tu ngagai aku.

Sebedau aku nyadi orang ti arap, pengingin ti besai enggau pengawa aku iya nya bebelanja. Diatu pengingin deka bebelanja nadai agi. Taja pia, aku deka meli baju ti manah dikena ba rumah Tuhan deka nyembah Tuhan aku.

Aku nemu Iya semina meda ati kitai aja, tang aku deka meri basa ngagai Iya sebarang maya. Lebuah kitai bediri ba mua Tuhan ti pemadu bekuasa,

## SEREGA NYA AMAT NYATA

kitai mesti meri penampilan ti paling manah. Aku selalu asai serba-salah lebih aku ngena baju manah ke gerija, laban aku nemu enda semua orang bisi barang-barang tu. Tang, Tuhan madahka aku anang asai besalah ngena utai ti udah diberi Iya nyadi berekat ngagai aku.

Taja pen aku bekaul enggau Tuhan di dalam Roh, aku ngasaika Iya amat nyata ba aku lalu Iya benung ngamaika aku dalam enggau luar. Ulih nya, aku amat takut ngaga Iya enda senang. Aku madahka Iya, "Nama aja ti ingin dikereja aku udah nadai reti agi ba aku Tuhan, laban ngenyenangka Nuan ti semua iya ba aku. Pengidup di dunya tu nadai reti apa-apa ba aku enti aku enda ulih ngenyenangka Nuan."

Iya udah malas sampi aku baka tu, "*Anak, utai ti udah disebut nuan ngenyenangka ati Aku.*" Selalu iya jaku Iya pandak.

Tu dituju ngagai orang ti pechaya. Enti Nuan bisi baju ti manah, anang asai besalah lebu ngena iya. Tuhan udah madah ngagai aku, kitai enda ibuh ngelalaika diri ari orang bukai utai ti udah diberi Iya nyadi berekat ka kitai. Manah ba orang ti enda arap, orang-orang Kristin udah diberekat. Aku meda, mayuh orang Kristin berasai amat besalah lebu ngena utai kemisi sida di gerija. Anang irauka orang bukai, laban nunjukka ngagai sida utai ti udah diberi Tuhan ngagai kitai deka meri pengarap ngagai sida ka berkat Tuhan atas pengidup sida mega.

Tu ti temu aku: Tuhan amat senang enti penampilan kitai amat manah di rumah Iya. Selalu endar Tuhan madahka aku: "*Nuan dipeda bajik amat di gerija, Sayau.*" Nama utai ti enda temu Iya pasal kitai?

## NYEMBAH TUHAN

UDAH AKU PINDAH ke Gerija Bethel, aku semina betanda 4 kali lebu servis pagi. Uдах nya aku semina betanda lebu malam hari Lima, ka servis ngangkatka roh, belabuh kira-kira bulan Enam datai ke bulan Sebelas 1999.

Uдах kami pindah ke gerija kami ti baru, Gerija Ka Semua Bansa, aku enda ngaga tanda-kereja ajih sementara, tang tiap maya nyembah, Roh Kudus deka mai tubuh aku ke alta betanda. Tanda tu enda kala dilatih aku sebedau tu, tang Roh Kudus nguwingka kaki enggau jari aku nitihka lagu. Tiap langkah diulang tiga kali.

Mayuh orang enda nemu pemesai guna sembah kitai ngagai Tuhan.

## *Meritaka Injil Enggau Pemerl*

Lebuh kitai nyembah, kitai nerima urapan, buah-buah Roh, pengerai, pengingin Tuhan, baptisa Roh, enggau pengaga, penyenang enggau pengelepas. Barang sapa nyembah enggau ati penuh pengerindu ti tulus sereta beterima kasih ngagai Tuhan kitai, lalu ngiga mua Iya enggau nadai pengachau, deka nerima berekat ti luar biasa.

### **BESIKAP TI NGENA MAYA LAMA**

AKU NANYA NGAGAI Tuhan nama kebuah tiap siti ari semaya Iya ka pengawa aku sereta bup tu dichelak ngambi maya ka lama.

Iya nyaut: *"Enggau chara tu, Aku nunjukka ngagai nuan pengawa nuan siti pengawa ti amat begunaka pengujung dunya. Ministry tanda-kereja aji nuan ngelibatka mayuh hal enggau orang. Ulih nya, Aku mesti nyikap semua orang ti deka gawa dalam pengawa nuan lalu ngatur hal-hal ti bukai di tempat iya. Ti berguna, Aku mesti ngatur nuan sepenuh iya, di dalam enggau di luar. Pengasih nuan ka orang bukai enggau semua suket dalam pengidup nuan diubah nyadi lebih baka Aku lebh Aku bisi di dunya tu."*

*"Enda peduli baka ni gaya iya, ati nuan mesti ulih ngengkah Aku nyadika lumur satu lebh sebarang maya, dataika nuan ulih ngasika Aku baka Aku ti ngasika Apai Aku lebh Aku bisi di dunya tu. Tanda tu ti digaga Aku ka nuan mesti selalu tuchi sepenuh iya dataika Roh Kudus ulih ngaga tanda. Laban nya, Aku ngadaka tanda di mua orang mayuh lama awakka nulung nuan berani; mutus ati lalu enda takut deka bediri di mua sapa aja."*

*"Taja pen pia mayuh ngelinggi nuan, tauka berapa mayuh orang ngeliling nuan, nuan mesti ulih numpuka ati nuan semina ba Aku aja. Nadai bunyi tauka orang ti ulih ngachau pikir nuan. Nya meh kebuah iya mata nuan ditutup lalu Aku ngengkahka tejal pending ba pending nuan lebh nuan betanda. Enti Aku udah puas amat nyikap ministri nuan, baru Aku ulih bejalaika semua iya baka babas ti angus. Nadai siti utai ulih nagang iya."*

## *Dilepas Dalam Ministri*

*Tang tunda sida ti ari pengarap enggau  
penyabar ka bempu ka semaya.*

—Hebrew 6:12

**L**EBUH 22, 23 enggau 24 haribulan Duabelas 2000, Tuhan ngerak aku maya pukul 3.30 pagi, lalu tubuh aku begetar dalam pengelama 30 minit. Udahnya penatai Iya bisi nyata, lalu Iya bejaku kira 20 minit tiap pagi. Dia Iya madahka aku tanda-kereja-ajih aku deka berengkah. Ku Iya udah chukup lama aku belatih. Iya mega berterima kasih ngagai aku laban ketegal ti endang selalu sabar lalu ngasika Jaku Iya.

Lalu lebu may tu mega, aku nemu sekeda orang mayuh mut-mut pasal aku ti betanda dalam gerija. Tang aku pechaya enti orangnya amat penuh ulih kuasa Roh Kudus sida iya enda ka mut-mut pasal pengawa orang ti benung dalam kuasa tauka ditata ulih kuasa Roh Kudus. Lebu gerija nerima urapan kuasa Roh Kudus mayuh orang ngereja pengawa ti nyelai. Bup Kudus bisi nyebut chunto pengawa tu.

Kami duai melaki-bini endang naka ulih besampi awakka gerija kami diberekat. Kami besampi 2 kali sehari dalam tujuh hari seminggu, sampai ka laki aku besampi tiap kali lebu deka makai. Kami amat berterima kasih ketegal gerija ti meri peluang ngasuh Roh Kudus betanda ngena tubuh aku. Lalu Tuhan terus madahka aku ku Iya “Awakka merekatka gerija tu, Pastor Wolfson sigi endang siku ari anak ti dikerinduka Aku.”

Iya ngelantangka ati Tuhan. Aku pechaya tu meh kebuah aku dianjung



## *Dilepas Dalam Ministri*

ngagai gerija tu udah aku dianu ba gerija lama kami.

### **TANDA LANTANG ATI**

PAGI HARI MINGGU, 24 haribulan Duabelas, lebuah aku besampi sebedau betanda tekalanya aku bisi ngasaika tata/urapan ulih kuasa Roh Kudus, udahnya aku lalu meda Tuhan ngena baju Krismas enggau mahkota. Iya bediri ba pulpit tuchum lalu aku mega tuchum meda Iya.

Ku aku, "Tuhan."

Iya nyaut, "*Sayau, aku ngintu Hari Pengada aku enggau nuan.*"

Aku lalu nadai ulih besampi laban ati enggau mata aku tetumpu ngagai Iya. Tuhan endang udah nemu runding aku Iya lalu lesap.

Pagi tu lebuah aku betanda, aku berasai rindu sereta gaga. Uдах badu betanda Tuhan ngasuh aku belelak 2 minggu. Iya ngelalau enda ngasuh betanda kereja ajih nya tang tau betanda pemerl.

### **PENGERAMI KRISMAS**

MALAM KRISMAS 2000, udah badu sambiang, Tuhan bisi bejaku enggau aku enda lama. Maya nya mega aku ngasaika urapan Roh Kudus, lalu bisi ninga lalu meda Tuhan bediri semak aku lalu tuchum. Sekali agi Iya madahka diri ngintu Hari Pengada Iya enggau aku. Maya nya mega bisi didinga munyi lagu ari Serega ti alai aku lalu betanda kira 30 minit.

Pengawa ti diasaika aku malamnya enda ulih disebut. Aku ngetu betanda lalu Tuhan pen nadai agi dipeda, tang jaku Iya bisi didinga ti madah "*Nuan ti endang dikerinduka Aku di pengujung haritu.*"

### **TAUN BARU 2001**

UDAH BADU BESAMPI maya tinduk Tahun Baru 2001, Tuhan ngayanka diri baru ngena baju mas enggau mahkota Iya ti spesil ngagai aku baka ti udah dikereja Iya 4 kali sebedau tu. Tiap kali maya Krismas enggau Taun Baru sama bakanya.

Utai ti lain mimitnya, Iya meri aku lagu enggau tanda ti lain agi ari selamatu. Krismas enggau Taun Baru tu, aku betanda lalu belagu lama agi ari maya ti bukai.

## SEREGA NYA AMAT NYATA

### **PRESIDENT GEORGE W. BUSH**

KENA 4 HARIBULAN Dua, 2001, udah badu besampi, Tuhan madahka aku mayuh utai ka berubah. Iya enda ngasuh besampi minta janji Iya dikemendar ka dalam ministri aku. Aku endang udah besampika Jaku Iya pasal janji Iya nyau ka 2 taun.

Kenyau ari Tuhan ngayan ka gambar Serega aku endang selalu besampi 4 kali sehari dalam 7 hari seminggu nyentukka diatu. Aku nadai kala tinggal besampi tiap kali maya besampi. Barang utai ti deka dikereja aku enggau Tuhan aku nadai ulih badu ngapa nundaka peneka ati dataika Iya ngasuh badu. Tu meh kebuah Tuhan udah nyedarka semua orang ti ditemu aku dalam pengidup aku. Nadai utai tauka orang tau ngachau runding aku lebu Tuhan nyendiaka aku ti deka ngereja pengawa Iya.

Tuhan udah madahka aku maya taun bepilih di United States iya nya George Bush orang ti udah dipilih Iya. Aku nemu kebuah chara bepilihnya tusah amat. Kebuah iya laban sitan nemu George Bush ka ngubah orang Kristin dalam dunya tu, lalu munsuh endang sigi ngelaban iya berari.

Pagi 27.1.2001, Tuhan madahka ari President Bush, Iya deka nguluka mayuh samangat orang pulai ngagai Iya lalu munsuh bendar amat nguji ka menang. Nyalai Tuhan madahka aku tiap gerija mesti muai sitan keluar lalu besampika President. Aku enggau orang dalam cabinet besampi tiap hari ka iya, lalu Tuhan ngiring kami. Aku arapka semua orang Kristin ti besampika iya enggau bala anak kita lalu enggau semua samangat ti udah lim pang dalam dunya ti tusah tu.

### **TANDA TI SPESIL ENGGAU GAUN BURAK**

PAGI 11.2.2001, lebu aku bejalai nuju gerija, tubuh aku tak begetar enda ulih tagang. Urapan Roh Kudus datai baru, ti alai Tuhan madahka tanda nya amat begunaka Iya enggau gerija, lalu Iya naburka berekat ngagai gerija. Aku ka ngadang lalu nerima utai nya.

Kena 4.3.2001 udah badu sambiang, Tuhan madahka aku ku Iya, "*Anak, nuan mesti ngena baju burak lebu Hari Minggu 11.3.2001.*"

Aku tekenyit ninga utai ti dipadahka Iya tang enda nanya kebuah. Aku nemu Tuhan enda rindu kitai nanya Iya lebu Iya madah ngasuh ngereja utai. Aku gagit amat laban Tuhan endang udah madahka aku mesti ngena gaun burak nya

## *Dilepas Dalam Ministri*

lebuah aku berengkah ngereja pengawa Iya ti terubah. Iya mandangka gambar aku ngena gaun nya bediri atas batu lalu betanda nunga tasik.

Maya ti diberi Tuhan nya pandak amat alai aku ka nyendiaka gaun nya tang aku nemu aku mesti ngasika Iya dalam semua utai.

Nyalai maya 5.3.2001, aku bejalai ngagai 4 buah kedai ngiga baju gaun burak, tang tusah amat ka bulih iya ka chukup semadi meh diubah baru.

11.3.2001, dalam pejalai ngagai gerija, aku nyabak sepemanjai jalai laban ngasaika pamaruh ati diri ngagai Tuhan. Aku mikir nama kebuah Tuhan ngasuh orang ti baka aku tu tau betanda nunga Iya.

Lebuah aku nyabak, aku nanya Iya ulih ka enda Iya ngangkatka aku baka Iya ti enggau Elijah awakka tiap orang dalam gerija nya nemu Tuhan bisi enggau aku. Awakka laki aku ti nyendiaka Bup *Serega Nya Amat Nyata* nya endang amat! Lalu semua orang ka arapka pengamat utai nya. Ngambika orang sedia nganti penatai Tuhan. Tang Tuhan madah ngasuh aku mesti agi meruan di dunya tu nyentukka pengabis ari.

Pagi tu iya ti terubah aku ngasaika diri endang amat bajik lebuah betanda ngena baju burak ba mua Tuhan. Aku kala beratika lebuah orang Kristin begempuru selalu nya ka siku aja ti ditata ulih kuasa Roh Kudus maya pengawanya.

Lebuah betanda tiap kali aku berasai ditata ulih kuasa Roh lalu Tuhan mega bisi enggau dia, tang aku beratika apin siku pen orang digeraika, laban Iya apin ngelepas tauka meri kuasa nya ngagai aku. Tuhan ka nentu ka aku udah sedia ka utai di dunya tu. Taja pen, runding aku endang udah ngasaika diri udah besedia ngelamatu, tang enda dikira.

Nama-nama utai nyadi, aku deka ngasika Tuhan lalu nganti Iya sampai ke pengujung hari enggau seput aku. Pengidup aku di dunya tu nadai guna enti aku enda ulih ngelantangka ati Tuhan. Mayuh utai ti diasuh Iya endang dikereja aku, tang laban aku rinduka Iya aku nadai kala ngelaban Iya. Aku pechaya sapa-sapa ti endang amat rinduka Tuhan enda tau ngelaban Iya.

Udah sambiang kena 11.3.2001, Tuhan madahka aku mesti ngena gaun burak lebuah betanda kereja ajih (miracle dance). Iya madah enda tau ngena chura bukai. Aku nerang ngagai Iya aku tau enda ibuh ngena baju ti manah lebuah betanda ti terubah iya.

## **NGELEPASKA SEMAYA MINISTRI**

KENA 25.3.2001, lepas sambiang Tuhan bisi bediri di atas pulpit. Lebuah

## SEREGA NYA AMAT NYATA

aku meda Iya aku lalu nyabak. Tuhan tuchum lalu bejaku, “*Aku ngelepaska semaya ministri nuan.*” Uдах nya, Iya betukar ngagai gari rama lalu belabuh bejaku enggau aku pasal utai rama.

Lepas sambiang lebuх 27.3.2001, aku besampi baka selama, Tuhan madah, “*Dalam sambiang ti ka datai ila nuan ka bejaku nyelai*” ku Iya.

Berapa jam uдах nya aku belabuh besampi agi. Nyata endar tu siti jaku baru ti uдах diberi Tuhan ngagai aku. Aku uдах suah nerima bemacham jaku, tang iya ka tu amat lama. Aku begunaka sampi lama ari ngelama tu. Enggau jaku baru tu, aku enda meretika utai ti disebut diri. Tuhan madahka aku anang irau pasal tu. Iya netapka aku, Iya mereti semua ti disebut aku, lalu Iya madahka aku Iya benung muka pintu ka setiap ministri kereja ajih aku.

Tuhan madahka aku belabuh ari sari nya aku enda agi besampika sida ti uдах lama disampika aku. Iya nyebut aku mesti besampika orang bukai semina lebuх bisi maya aja ari maya sampi tetap aku.

## LAGU-LAGU SEREGA BARU

PAGI HARI SITI, aku belabuh nyembah di mua Tuhan di rumah enggau chara ti amat nyelai ari ti uдах dikereja aku sebedau pagi hari. Uдах aku besampi, aku belabuh belagu lagu serega baru ti diberi Iya ka aku sari sebedau tu. Iya mega meri aku leka jaku deka dilagu.

Uдах nya aku belabuh betanda serega. Aku selalu nyembah enggau tanda sekali sari sebedau makai tengah hari, tang sembah pagi nya amat nyelai, lalu aku ngasaika diri bisi di serega enggau Tuhan. Aku pechaya Iya lebih rindu enti aku nyembah Iya ari besampika orang bukai. Iya mega madahka aku Iya uдах ningaka tiap sampi aku.

Aku uдах besampi 7 hari seminggu betaun-taun pengelama. Iya selalu nyebut, lebuх Iya berengkah ministri kereja ajih aku, aku mesti numpuka diri ngagai Iya dulu, uдах nya ngagai pengawa Iya, uдах nya belelak tiap hari dataika hari ti pengujung. Tu nyedarka aku nadai pengidup *sosial*. Iya ka bendar, ministri aku, sekali iya belabuh, deka nyadi amat pandak.

## DUA BANSА TANDA ENGGAU LAGU

KENYAU ARI NYA aku endang betanda dua bansa tanda enggau lagu. Iya ti



### *Dilepas Dalam Ministri*

terubah nya gambar ba tebing tasik enggau Iya dalam tubuh Roh. Sepanjang maya nya aku belagu enggau nadai jaku. Tuhan enggau aku ulih bejaku enggau pangan ari ati ke ati, lalu aku ulih muji Iya enggau ati ti mereti. Aku berundingka utai ti dipandangka Iya ngagai aku, lalu aku berundingka utai ti dikereja Iya enggau aku di serega. Aku mega ngerunding utai ti dikingin kereja aku di serega enti aku datai din ila. Lalu aku muji Iya enggau chara ti luar biasa.

Udah nya Iya madahka aku nama reti aku ba Iya, lalu Iya madahka mayuh semaya ngagai aku—semaya ti bekait enggau maya aku di dunya tauka maya di serega.

Tanda kedua bisi jaku, tang aku enda ulih meretika jaku nya. Tanda ti kedua tuchi sama baka iya ti ditanda di gerija dua taun ti udah. Tuhan nyebut nya tanda kereja ajih. Dalam tiap tanda nya, penatai roh Tuhan selalu berdiri di mua aku. Lebuh tiap tanda Iya madahka aku, nadai utai ti lebih ngenyenangka ati Iya. Tu ngasuh aku amat gaga dataika aku baka deka terebai aja. Tiap tanda tu makai maya sejam.

### **PINTU TEBUKAKA MINISTRI**

PAGI 30.5.2001, lepas sambiang, Tuhan madahka Iya nata kuasa Roh Kudus ba aku. Lebuh Iya nyebut nya tubuh aku asai ti bisi api, udah nya aku bisi ninga nyawa Tuhan lalu meda baju mas enggau mahkota ayan.

Iya bejaku ka mayuh utai lalu ngasuh aku nyua ka jari ngagai Iya, ti alai Iya lalu merekatka aku. Maya tu tubuh aku berasai angkat lalu tusah enseput, jari aku lalu ngerendut dada. Udah nya aku lalu berengkah nempapka jari kira-kira 10 minit laban ti kelalu gaga.

### **NEMPIK JARI**

MALAM HARI ENAM 16.6.2001, Tuhan ngasuh jari aku engkebut ngena mayuh chara. Hari siti, udah sambiang pagi, bakanya mega Iya ngasuh jari aku negu mata aku 10 kali. Tuhan madahka aku, tanda pagi tu bisi nyelai. Pagi tu aku nyabak di gerija sebedau sembah, lalu aku nyabak sepemanjai maya lalu tanda nya ti pemadu iya nyenangka ati Tuhan.

Udah badu betanda aku lalu nempik jari enda badu. Udah nya badu, aku belabuh nyebut, “aku rinduka nuan Tuhan” bekali-kali sereta enggau jari

## SEREGA NYA AMAT NYATA

aku diangkat ngagai Iya.

Tuhan ngasuh aku belelak ari tanda kereja ajih pengelama 2 minggu, ari 8 ngagai 15 haribulan Tujuh, 2001, tang Iya ngemendarka aku betanda pemerl lebh 2 minggu nya.

Nyalai, kena 22.7.2001, Tuhan madah aku mesti betanda ba tangga keterubah ba pelasar nya.

## SIKU PASTOR TI MERETI

KENA 29.7.2001, badu sambiang jari aku negu mata 14 kali. Aku mega bisi meda mayuh utai mereci. Jari enggau lengan aku asai ti kena api. Lebh maya aku tama ke dalam gerija, aku ngasaika penatai Tuhan, lalu lebh maya aku besampi, aku meda Tuhan duduk ba tangga terubah alai aku diasuh betanda, kami sama tuchum.

Aku ngasaika urapan ti spesil datai atas tubuh aku. Sekali tu, iya lebih kuat ari iya ti ngelama tu, lebh betanda aku ngasaika penyelai ari aku ti betanda ba lantai.

Lepas sambiang aku madahka pastor Wolfson aku udah betanda ba atas anak tangga terubah. Iya enda nemu hal tu laban ti laun datai. Iya madah, "nuan enda tau enda ngereja utai ti diasuh Tuhan". Aku mega nanya enti orang bisi bejaku. Aku rinduka pastor nya laban iya mega rinduka Tuhan lalu nangi ka Iya. Aku mega rindu ninga jaku ajar iya. Enda mayuh *preacher* ulih sama manah enggau jaku ajar iya. Iya ngembuan pengerinduka sida ti agi biak. Tuhan selalu nyebut iya siku anak lelaki ti spesil ba Iya.

Aku madah ngagai iya 'nadai orang ti nyebut nama-nama'. Aku madahka iya aku udah betanda ari maya sembah belabuh. Enda peduli sekalika bisi orang dia tauka nadai, aku mesti maju ke mua lebh maya Roh Kudus bekereja dalam aku. Tanda aku nya semina ngelantangka Tuhan ukai orang bukai. Lebh Iya puas, nya baru kereja ajih deka nyadi. Enda ulih diitung berapa jam Tuhan ngabiska maya ngelatih aku tanda tu. Lebh aku betanda tu Iya selalu tuchum. Bup tu selalu nyebut pasal tanda, tang tu amat beguna ba Tuhan.

Malam 4.8.2001, Tuhan madahka aku ari ke nangkanka tu iya hari ti penudi bendar aku betanda ba tangga ti terubah. Semua tanda ti dikereja aku atas lantai iya nya latihan aja.



## *Dilepas Dalam Ministri*

Iya madahka aku Iya amat puas ati enggau latih aku. Uдах nya Iya terus nerangka: *"Aku enda ulih ngaga kereja ajih sementara Aku ngelatih nuan ka ministri. Tanda ti nangkanka tu deka dikereja ba atas pelasar. Seluruh pelasar nya deka nyadi enggi nuan."* Aku amat-amat ngarapka Iya madahka aku hal tu sebedau tu awakka aku enda ngarapka kereja ajih setiap kali aku betanda.

## **GIGA MUA TUHAN**

LEBUH MALAM 4 haribulan Lapan, udah besampi, api Tuhan tama ke dalam seluruh tubuh aku ti ngasuh jari aku negu mata aku beberapa kali. Nyawa bisi didinga lalu aku meda gerija kami. Penatai Tuhan ti bisi bediri semak aku lalu tuchum. Iya dipeda baka ti tinggi agi ari ti ngelamatu. Iya madah penatai Iya nya tiap kali aku betanda kereja ajih, *"Nya kebuah aku ngelatih nuan numpuka runding semina ba Tuhan nuan lebuch nuan betanda"* Ku Iya, *"Tiap tempat ti alai nuan betanda mesti bisi orang madahka sida ti bukai nama guna tanda nya, padah ka sida uji anang ngemataka tanda nuan. Sida mesti nutup mata lalu ngiga lalu muji Aku enggau pengabis ati dataika pengujung tandanya."*

Aku mesti betanda udah abis pengawa puji sembah lalu bisi lagu ti nadai leka lagu dalam nya. Iya nerangka panggau nya ka penuh laban mulia Iya, lalu aku ka betanda ba mua Iya. Aku nemu Tuhan bisi tiap kali aku betanda tang tusah ka meda Iya.

Aku besampi minta diri enda rebah tiap kali betanda laban tiap kali aku bejalai ngagai alta aku selalu asai ti ka rebah. Tuhan bisi ningaka sampi aku laban aku nadai kala rebah taja pen tata Roh nya balat. Tu meh siti kebuah Tuhan meri kuasa dalam tubuh aku ngelama nya.

## **TANDA GAGA**

PAGI ARI 5.8.2001, udah sambiang, tata Roh bisi datai baka selamatu. Utai tu nyadi lebuch aku betanda kereja-ajih malam hari enam enggau malam Hari Minggu ba gerija. Jari aku ka negu mata penyampau 14 kali, tiap kali negu, jari aku ka ngaga tanda regang.

Dalam gerija taja aku nemu nya ka pengabis iya ka betanda kereja-ajih ba lantai. Aku berasai lantang, gaga sereta lapang pasal ti enda agi betanda

## SEREGA NYA AMAT NYATA

ba lantai. Aku nemu Tuhan ka ngaga semua pengawa aku.

Iya ka bendar nya, Tuhan bendar amat udah ngelatih aku. Ku Iya, *“Diatu nuan ulih bediri ba mua beribu iku orang laban udah chukup latih.”*

Ari 9.1.2000 ngagai 5.8.2001, aku semina belelak 8 kali aja, antara siti tanda pengelama 2 minggu sekali timpuh.

## KETAWA KUDUS

LEBUH 12.8.2001, maya besambiang Hari Minggu lebuah aku ba alta, kuasa ti kuat datai ba aku, lalu aku enda ulih bediri. Sekumbang ti nyembah Tuhan aku semina duduk lalu ketawa. Aku endang enda ulih ngetu ketawa. Kebuah iya laban tu pemerit ti nyelai ti dikumbai aku Ketawa Kudus.



## *Bup Tu, Testimoni Aku*

**N**YAU KA SEMUA urang nemu *World Trade Center's Twin Towers* ti kena bom bala penyelawai kena 11 September, 2001. Kenyau ari pekara tu nyadi Aku semampai nyabak lalu besambiangka bala kaban sida ti udah lesi bebad. Aku kasihka bala sida ti enda ulih ngemansutka diri tauka sida ti nadai ditemu enggau bala kaban sida mega. Penyinu aku ka orang mati ti pechaya bisi kurang, laban aku nemu sida ba endur ti menyana; tang aku tusah ati ka sida ti mati enda nemu Tuhan Jesus, laban aku nemu kini ka penunga sida.

Kena 14 September, aku nyabak enggau naka pemalat lebuah aku berundingka pemedis ti diasaika sida. Aku berundingka bala anembiak ti lenyau, bala apai enggai indai sida. Lebuah semua pekara tu datai ngagai runding aku, ti ngujungka ati aku tusah ngenang pemedis enggau pemerinsa sida.

Lebuah aku nyembah Tuhan aku berengkah nyabak baru. Aku nyabak naka pemalat lalu enda ngetu. Aku ngasaika urapan penatai Tuhan ba aku naka pemalat, lalu aku meda Tuhan Jesus sama nyabak enggau aku. Aku ulih meda Iya tusah bendar, lalu aku ulih ngasaika ati Iya tusahka bala sida ti tusah tu.

Ingat, runding kitai ba Kristus. Iya belabuh bejaku enggau aku, lalu

## SEREGA NYA AMAT NYATA

nyebut: "Anak, Aku ulih meda pengasih nuan ka urang bukai. Ati aku tusah ka sida ti merinsa laban sida ti udah ditinggal urang ti dikesayauka.

Iya nerang: "Aku mesti madahka nuan, sida mesti ibuhka urang ti enggau sida. Sida ti udah mati lalu enda nemu sapa aku, sida endang ukai enggi aku, tang ari pematid sida, bala sida sebilik tau bulih pengelepas. Sida ti mati lalu enda nemu Aku, sida bisi peluang dilepaska tang sida enda ibuhka Berita Manah Aku. Endang udah ditulis, anang ngerunding pengidup dudi ari tang berundingka pengidup diatu.

"Penatai Aku ka Bala Aku nyau semak. Aku naka ulih ngelepaska semengat enggau naka ulih Aku, nadai ngira ni gaya. Sitan nemu utai tu lalu iya enggau naka ulih ngerusak semengat sebedau sida dilepaska. Urang patut nemu nama kebuah urang majak mati diatu. Tiap gerija mesti muru kuasa penyai ngena sambiang enggau enda ngetu. Gerija aku enda tentu bebendar lalu aku enda tentu lantang ati ka mayuh ari bala sida.

"Aku dekaka semua dunya nemu Aku tu meh Tuhan ti patut dikenangika. Aku rinduka bala anembiak Aku, lalu nya meh kebuah Aku mati ketegal sida. Aku mesti lumur satu ba pengidup tiap iku sida. Tiap iku sida mesti ngesalka dosa lalu ngemaruhka diri ba mua aku. Utai ti udah nyadi di New York nya pekara mit. Mayuh agi pekara ti besai ari tu semampai nyadi nyentukka Aku datai ngagai bala Aku. Hari nya deka datai jampat agi ari ti disangka sida."

Udah ti nerima jaku tu ari Tuhan, baru aku mereti enggau dalam agi kebuah Tuhan ngayanka mayuh bukit enggau rumah angus. Api nurun ari langit lalu selju lalu nurun nyentukka semua dunya dibungkur ulih selju.

Iya dekaka semua urang nesalka dosa tiap hari lalu meresi diri empu awakka Iya ulih mai semua bala Sida ngagai Perintah Iya. Tuhan Yesus Kristus balat rinduka kitai lalu Iya enggaika kitai enda ampit ninga munyi terumpit. Iya madahka nadai urang ulih rinduka Iya lebih ari Iya ti rinduka kitai. Enti aku nyebut ngagai iya, "Aku rinduka nuan semillion, belaksa chara, "Iya mengkang nyebut, "Aku rinduka nuan balat agi."

## PEMESAI RETI NGEMARUHKAN DIRI

NGEMARUHKAN DIRI BESAI bendar reti ba Tuhan kitai. Iya ngajar pemesai reti ngemaruhka diri lalu ngayanka nya ba Iya empu ti nyadi mensia lebu Iya

### *Bup Tu, Testimoni Aku*

ba dunya tu. Aku beterima kasih ka Iya ti ngayan lalu ngajar aku ngemaruhka diri ngena mayuh jalai.

Ngambika banding, Iya mai aku ngagai tukang jait ti ulih nyait gaun burak aku. Urang bukai ngasuh aku ngagai indu nya lalu madah ngagai aku indu nya ti mayuh pengelandik nyait utai nitih ti diasuh sida. Tang taja pia, lebuah iya ngaga gaun aku, tak enda ulih kena.

Aku tekejut ketegal tu, lalu aku datai ngagai Tuhan dalam sambiang pasal tu. Iya madah ngagai aku meri peluang ngagai iya sekali agi lalu aku ngasika Iya. Nyau ka tiga bulan iya ngaga jaket enggau baju ka aku. Aku meli mayuh perengka tang iya nadai awak nyait ka aku. Aku ngasuh iya mulai ngagai aku. Aku ngerunding iya enda ulih ngena perengka burak. Nyau pengujung, Aku ngasuh iya betemu enggau aku ba kedai lalu meli utai ti dikerindu iya lalu mai iya merarau.

Pengudah iya setuju nyait gaun burak ka aku, iya dituntung macham penanggul. Tu nyengkaum penanggul ti nuntung batang tubuh seduai melaki-bini. Iya amat kiruh tang iya enggai mutuska kaul enggau aku. Kami duai sama bisi penyinuka pangan diri.

Tang taja pia, aku enda ulih ngena utai ti digaga iya ka aku. Tang aku enda nyalah iya. Aku naka ulih ngayanka diri semampai rinduka iya. Diatu baru aku nemu Tuhan nguji aku.

Taja pan aku ulih ngingatka lumur talipaun iya, tang udah iya meri pulai perengka baju, Aku enda ingat agi ka lumur talipaun iya, siti lumur pan enda meh aku ingat. Ketegal pekara tu, Aku pechaya Tuhan ngajar aku pasal penyabar enggau ngemaruhka diri.

Aku endang selalu besambiang pasal ngemaruhka diri lalu mengkang ngereja nya laban aku dekaka semua urang mgemaruhka diri. Aku dekaka semua pekara pasal aku empu baka Jesus. Ni gaya utai ti nyadi, aku enggai ngakim urang bukai., Aku ka rinduka sida lalu besambiang ka sida. Nya meh utai ti dikedeka Tuhan ari tiap iku kitai.

Udah genera pasal serega, Tuhan meri aku penginein ti balat deka macha 1 Korint 13. Aku udah macha enam kali dalam seminggu lalu nadai kala ngetu macha nya, tang aku nadai kala nguji ngingatka. Aku pechaya Tuhan meri aku pengerindu ngagai aku nengah Jaku Iya. Tuhan mega meri aku penginein ati besambiang ngena Apai kami Di Serega tiap hari pengudah aku besambiang baka selama.

## KEREJA NYELAI PASAL Pengerai

KENA 24 DISEMBER 2001, Tuhan ngayanka diri ngena gaun Krismas enggau makota lalu kena 31 Disember 2001, ngena gaun emas enggau makota. Semua utai nyadi sebaka enggau iya ti nyadi maya Krismas enggau Mantar Taun Baru sebedau tu. Utai tu balat ngelantangka ati aku dibanding enggau Krismas enggau taun Baru ti udah lalu dalam pengidup aku.

Ba pengujung pekara ti nyadi tu, Tuhan madahka aku, "*Nuan meh pengerami ti chukup manah ka hari Pengada Aku enggau Taun baru, lalu Aku rinduka nuan, sulu, gaga meh.*" Uдах nya iya lalu lesap.

Pengudah aku ti ngetu betanda nyelai, Tuhan mai aku besambiang ba mija kudus tiap pagi Hari Minggu sebedau pengawa nyembah belabuh.

Munyi utai ti inggar nyau majak ba pendang kanan aku, lalu aku ngasuh Tuhan ngeraika aku. Iya madahka diri deka ngintu aku. Pengerai nya datai tang semina nyadi dalam dua minggu udah nya.

Kena 13 Januari 2002, lebuх aku mansang ke gerija, aku madahka Tuhan aku dekaka pending aku gerai Hari Minggu nya ba mija kudus. Tiap Hari Minggu lebuх aku nurun ke gerija, keterubah utai ti digaga aku iya nya besugang ba mija kudus lalu muji Apai enggau terima kasih. Uдах nya aku besambiang ka bala pastor ba gerija lalu ka revival. Kena ka pagi nya, lebuх aku besugang, enggau enda berunding, mua aku tepantup ba segi tangga lalu api Roh kudus nyelamar ba semua tubuh aku, ti ngujungka aku enda ulih bejaku.

Tang taja pia, ati aku bejaku: "*Aku rinduka Nuan, Tuhan. Nuan udah nemu utai ti udah diasuh Aku kereja Nuan pagi tu.*" Kenyau ari nya, aku semampai nyabak nyentukka pengawa nyembah belabuh. Kenyau ari pagi nya, utai ti inggar lalu ngetu ba pending aku.

Siti agi kereja nyelai nyadi Hari Minggu udah nya. Sebedau aku nurun ke gerija, Aku ngasaika pemedis ti chukup balat ba sepiak kiba tubuh enggau berang ti ngujungka aku nyau ka enda ulih nginsit. Sekali tu, Tuhan enda ngeraika aku baka selama. Aku madah ngagai Tuhan, "*Ni gaya utai ti nyadi, aku ke gerija lalu nyembah Nuan, lalu aku ngarapka Nuan ngeraika aku sebedau aku mupuk ke gerija.*"

Sekali agi, lebuх aku besugang ba mija kudus, pala aku tepantup ba segi tangga, semua tubuh aku berasai angkat lalu aku belabuh nyabak. Uдах nya,



### *Bup Tu, Testimoni Aku*

sembah lalu belabuh lalu aku muji Tuhan sepemanjai pengawa nyembah. Aku nyau enda tingatka pemedis, lalu sedar kediri udah digeraika.

Aku udah kala ngasaika pemedis ti bakatu dulu suba sebedau aku betemu enggau Tuhan Jesus. Kadang-kadang dua minggu baru gerai. Tuhan Jesus kena sipat tiga puluh sembilan kali ba tubuh Iya awakka ulih ngeraika kitai. Sapa urang ti amat arapka Iya, rinduka Iya, ngasika Iya lalu ngengkah Iya lumur satu ba pengidup iya, deka ngasaika Iya ngintu kitai baka ti udah disemaya Iya.

Iya ulih ngeraika aku tekala nya baka ti sebedau tu, tang sekali tu Iya ngajar aku ngemaruhka diri ba mua mayuh, awakka aku tau nuliska ba bup tu. Mayuh urang pedis bendar ngemaruhka diri ba mua Tuhan di mija kudus tauka ba mua mayuh.

Endang beguna amat ba Tuhan iya nya kitai ti anembiak Iya ngemaruhka diri ba mua Iya enggau ba urang bukai. Aku udah ngasaika tu lebu muji Tuhan maya ti duduk enggau ba mija kudus. Bida iya nya aku ulih ngasaika api Roh Kudus nyelar aku tiap kali Aku besugang ba mua Tuhan ba mija kudus.

Lebu kitai diempu Jesus, kitai enda patut irauka utai ti dikerejaku tauka runding urang bukai. Utai ti pemadu beguna iya nya ngelantangka Tuhan ti udah mati ketegal kitai. Iya Anak Allah Taala lalu iya ngasaika pamaruh ati lebu ti kena regang ketegal kitai. Iya ngemaruhka diri dataika mati ketegal kitai.

### **PEMESAI RETI PUJI**

PAGI NYA MEGA, sepemanjai aku ngangkatka jari sereta ngiga Tuhan, urapan ti kuat amat datai ba tubuh aku. Beguna bendar ngangkatka jari ngagai Tuhan lebu ti nyembah sereta muji Iya. Tu siti ari jalai Tuhan ngajar aku lalu tu meh kunchi kena nerima urapan Iya ba tubuh aku.

Sekeda urang berunding sida chukup beberekat sampaika sida enda ibuh muji Tuhan. Tu runding ti salah bendar. Tuhan ngaga kitai nyadika mulia Iya. Iya dekaka tiap urang ti nganggau ngagai Iya Tuhan ngemesaika Iya selalu. Ba runding Tuhan nadai siku urang kelalu tinggi tauka beguna sampaika sida enda ibuh nyembah Iya. Penatai Tuhan ba gerija awakka Tuhan ulih nerima mulia ari bala anembiak Iya lebu ti nyembah. Tu meh siti ari kebuah Jesus madahka kitai Apai ngiga urang ti nyembah (peda John 4:23).

SEREGA NYA AMAT NYATA

## TANDA-TANDA PENGELEPAS

TUHAN NGINGATKA AKU ngambika nulis pasal urang ti ngumbai diri selamat tang enda kala datai ke gerija tauka begulai enggai urang Kristian ti bukai. Sekeda urang berunding baptisa ngena ai tau nyelamatkan sida. Tuhan madahka aku urang ti selamat iya nya sida ti idup nitihka ajar Iya lalu bejalai dalam Roh Kudus.

Sapa urang ti arapka Iya mesti rinduka Iya enggau pengabis ati lalu begempuru enggau urang Kristian ti bukai. Tuhan mega dekaka sida datai ke gerija lalu mayar *tithing* enggau pemerl sida. Sida ti enda ulih datai ke gerija mesti mayar *tithing* enggau pemerl ngagai gerija sida empu tauka gerija bukai.

Sida ti gawa lebuw Hari Minggu, enti sida deka datai ngagai gerija, patut ngiga jalai. Jesus madah, *"Sapa urang ti udah selamat mesti bekunsika jaku Aku enggau urang bukai lalu nyembah Aku enggau urang bukai nyadi siti raban. Baka nya mega, sapa ti enda ulih datai ke gerija mesti besambiangka semua pastor enggau semua gerija, lalu besambiangka pengelepas sida ti agi tesat."*

## JESUS ENGGAU ANEMBIAK MIT

TAJA PEN ANEMBIAK agi biak umur, Roh Tuhan ngiga awakka ngelepaska sida. Bala apai-indai ti nemu Jaku Tuhan lalu enda ngajar bala anak sida tauka mai sida ke gerija deka salah ketegat bedosa.

Bala sida indu ti kala bebuaika anak tauka sida indai ti bisi anak ti mati sebedau umur tujuh taun patut nemu semua anak sida nya enggau Tuhan Jesus ba perintah Iya. Tu nadai ngira apai-indai anembiak nya arap tauka enda arap; sida mengkang enggau Jesus. Sapa urang ti datai ngagai perintah serega deka meda sida ti udah mati. Aku ngengkah semua utai dalam bup tu laban Tuhan ti ngasuh aku.

## DICHIRI ULIH TUHAN

KENA 4 APRIL 2002, udah sambiang pagi hari ba mua Tuhan, Tuhan bejaku enggau aku: *"Aku nyiri nuan."* Lebuw Iya nyebut jaku ti manah tu, kuasa ti kuat lalu datai ba semua tubuh aku, lalu munyi nyawa ti inggar pansut ari

### *Bup Tu, Testimoni Aku*

mulut aku. Utai nya datai ari perut aku lalu bemunyi inggar bendar.

Kedua piak jari aku nunjuk ngagai tunga Tuhan ti bediri. Lama mega utai tu nyadi, udah nya kedua piak jari aku lalu megai dada aku. Enda lama udah nya kuasa nya lalu pansut ari tubuh aku.

Tuhan udah madahka aku Iya udah nyiri aku ka ministri. Iya lalu bejaku, “*Tu meh maya semua ti disemaya ba nuan deka belabuh.*” Tuhan nyirika aku suah bendar. Seharitu, udah aku ti besambiang kedua kali, sekali agi kuasa ti kuat datai ngagai tubuh aku. Jari aku begetar lama bendar, lalu jari aku betempik naka pemalat mega. Jari aku ti begetar sereta betempik dalam pengelama kira empat puluh minit.

### **PASAL BALA MELIKAT DI SEREGA**

AKU KALA NGASAIKA bisi dua macham melikat, indu enggau lelaki, dua taun ti udah lepas lebuah aku ba tempat ngengkah kerita di pasar besai. Lebuah aku ngengkah kerita aku tepedaka siku urang bujang datai ngagai aku baka ti ngelala aku. Iya bediri ba mua aku. Aku nanya nama utai ti dikedeka iya. Iya madahka diri minta tulung. Aku madahka iya agi biak sereta sigat gamal lalu nanya nama kebuah iya nadai pengawa. Iya madahka diri datai ari Kanada lalu pedis amat bulih kereja. Aku nanya sekalka iya nemu Tuhan Jesus, lalu iya madahka diri nemu. Nyadi aku madahka diri deka ke *The Church for All Nations* lalu mai iya sama kin lalu bisi urang ulih nulung iya ngiga pengawa. Iya madahka diri nemu mayuh macham pekara pasal gerija kami. Aku madahka iya semua pasal Jesus, lalu aku merap iya lalu sambiangka iya. Aku meri iya duit lalu ngasuh iya datai ngagai gerija kami, tang aku nadai kala meda iya agi udah tu.

Iya semampai dalam runding aku lama bendar lalu aku agi ingatka iya. Uдах nya, Tuhan madahka aku iya nya melikat. Iya madah mayuh urang kala betemu enggau urang ti baka tu lalu enda manah enggau sida, lalu enda nemu sida tu melikat.

Aku betemu enggau melikat indu enam bulan ti udah lepas maya besambiang lebuah aku duduk ba mija kudus muji Tuhan. Aku tengah dalam urapan ti balat bendar lebuah urang negu berang aku. Aku muka mata, lalu bisi siku indu dara biak duduk muak ke kiba sereta mua iya singit malik ngagai aku sambil senyum ti manah bendar baka ti ngelala

## SEREGA NYA AMAT NYATA

aku. Lalu aku negu berang iya mega. Selalu iya nadai urang kala negu tauka bejaku enggau aku maya sambiang. Uдах badu sambiang, aku ngiga iya tang nadai tetemuka iya.

Aku meda indu dara biak ba pasar uдах badu sambiang baka gamal iya. Aku lalu datai ngagai iya lalu nanya nyangka iya negu aku maya sambiang. Iya madah nadai, lalu aku nanya iya enti iya dekaka manuskrip pasal *Heaven Is So Real*. Iya chukup gaga amat nerima nya. Kenyau ari nya, aku bisi pengasai ti manah pasal iya.

Nama iya Julie. Iya datai ngagai gerija maya ujung minggu uдах nya lalu duduk ngimbai aku. Aku nadai kala meda iya sebedau aku meri iya manuskrip. Aku datai ngagai sambiang 9.00 pagi lalu iya datai ngagai sambiang 11.00 pagi. Iya endang semampai nganti ba pasar leбуh aku ti uдах badu sambiang. Iya diau kira setengah jam, kira setengah jalai ari gerija kami, lalu iya datai ngagai gerija laban iya rindu ninga jaku ajar pastor. Iya nadai agi laki lalu bisi anak lelaki tiga iku.

Dua bulan uдах nya iya madahka aku nyadika melikat iya. Aku nanya nama keбуah. Iya madah tiga hari sebedau iya betemu enggau aku, iya tusah amat ati, iya besampi, nyabak lalu minta Tuhan nganjung melikat ngagai iya. Dalam tiga hari iya betemu enggau aku lalu meri manuskrip. Iya madahka aku nya meh hari ti pemadu gaga ka iya lalu iya mega madah pengudаh ti betemu enggau aku, iya gaga amat ati lalu deka betemu enggau aku tiap ujung minggu awakka tepantup ati. Uдах iya madahka aku pasal melikat, aku sedarka indu dara biak ti negu berang aku nya melikat ti mai aku ngagai Julie. Aku nadai kala meda tuchum ti ngemanah nya ba mua iya. Tuhan madahka aku Julie tu anak indu Iya ti chukup manah. Aku sedarka Julie amat rinduka Tuhan lebih agi ari utai buка tauka sebarang urang di dunуa tu. Iya tu menyadi ti beberkat. Aku rinduka nuan Julie.

## BAKANI TUHAN NGEMUN LALU NGELUARKA BUP TU

TUHAN NADAI MADAH pasal ngeluarka bup beberapa taun, tang diatu Iya belabuh bejaku pasal tu uдах aku besambiang. Ba pengujung Julai 2002, Iya ngasuh aku nganjung semua manuskrip ngagai penulis awakka iya ulih meratika semua nya lalu nusun enggau manah awakka tau nembuka nya ka sida ti nyadi penyelak.

Aku enda nemu sapa ti deka nyelak; Iya nadai madah ngagai aku. Aku



### *Bup Tu, Testimoni Aku*

nemu urang ti nyelak nya endang urang ti penuh dalam roh sereta mayuh kaul laban Iya selalu nyebut bup tu mesti disalinka ngagai mayuh macham bansa jaku. Iya dekaka semua gerija macha bup tu lalu nyendiaka pasal penatai Iya.

Iya udah besediaka anembiak Iya, tang mayuh sida bedau sedia ka Iya, lalu Iya enda ulih nganti sida sampai belama iya. Iya dataika sida ti besedia lalu nganti Iya.

Tuhan mega madahka aku ngasuh ngirum sekeda ari manuskrip ngagai pangan aku, semua ministri TV lalu sebarang sapa ti deka diberi aku awakka sida tau ngena nya bekunsi enggau urang bukai. Aku asai ti enggai ngereja tu, tang aku patut ngasika Tuhan lalu aku ngirumka manuskrip ngagai semua pangan aku lalu ka ministri TV ti disukung kami. Aku ngirum lebih seratus iti manuskrip nya. Aku mega meri ngagai mayuh urang ba gerija kami enggau urang bukai mega. Aku ninga utai tu ngubah pengidup sida. Mayuh sida madah ngagai aku sida asai ti enda patut nerima pemandang ti baka nya ari serega.

Ari ministri TV Aku nerima balas ti enda disadang ari bala pastor ti tebilang. Tuhan merekatka nuan ketegal ti meransang aku lebuah aku begunaka nya, aku semampai ingatka nuan. Aku selalu berunding kemaya Tuhan deka ngeluarka bup tu, taja pia, aku nadai ulih ngereja utai nama-nama; Tuhan enda ngasuh aku ngereja nama-nama pasal bup tu.

Kira sebulan udah nya aku ngirumka manuskrip, kena Hari Enam, karung surat datai nuju aku lalu muka siti ari karung surat nya; tak ngenyit aku lalu berasai angkat. Aku muka karung surat lalu nya datai ari *Creation House Press*, lalu bisi ati deka ngeluarka bup tu.

Tuhan madah, “*Aku udah madah ngagai nuan Aku deka ngaduka tu.*” Sehari nya aku gaga amat ati. Kami ngirumka manuskrip lalu kira sebulan aku lalu talipaun ngagai *Creation House* deka nemu enti semua utai bejalai enggau mujur. Uдах nya kami nadai ninga berita ari sida dalam pengelama lima bulan. Tuhan majak madah ngagai aku milih *Creation House Press* ti dipilih ka bup tu. Chara Iya bejaku aku nyangka deka nerima balas ari sida dalam pengelama sehari, tang aku nyau nganti lima bulan. Maya tu aku suah kena uji lalu suah putus asa. Mayuh utai ti enda disadang enggau enda ngelantangka ati nyadi ba aku. Munyi ti ku Iya, enti nadai sabar, nadai urang tau nerima pemerit manah. Aku deka talipaun *Creation House*, tang Tuhan majak madah ngagai aku sebedau aku sempat mukul talipaun aku deka ninga berita ari sida.

## SEREGA NYA AMAT NYATA

Sekumbang ti nganti, Tuhan madah ukai *Creation House* ti ngasuh utai tu tejenggat, utai semua dalam jari Aku, lalu Aku bisi kebuah ti manah ngasuh utai tu laun. Bup tu ba jari Iya lalu utai tu nyadi nitih peneka Iya. Pengujung iya, Tuhan madahka aku, “*Endu, nuan udah mujur peresa ti beguna bendar. Aku temegah semampai meri puji, taja pan nuan selalu putus asa lalu enda nusui ngagai urang bukai*”. Amat bendar, ni gaya pen utai nya, aku nadai kala nyebut ngagai urang bukai, nyengkaum laki aku. Pengujung iya, kena 3 March, 2003, udah aku sambiang pagi, bisi kuasa datai ngagai aku lalu nyawa aku inggar sampaika enda ulih enseput enda lama. Bisi lagu serega ti nyelai sereta inggar, ti ngujungka aku ngembuan pengaga ti enda ulih sebut enggau leka jaku.

Udah nya, Tuhan madah ngagai aku jenila serega terbuka ka semaya Iya pasal ngeluarka bup tu. Kena pagi 6 March 2003, Tuhan madah, aku deka ninga berita ari *Creation House* sehari nya. Tengah hari nya setiausaha ari *Creation House* talipaun aku lalu ngirumka aku cadangan pasal bup nya lalu ngirum e-mail sehari nya mega. Aku berasai andal.

Udah tujuh taun nganti lalu belatih, utai tu pedis bendar. Bisi maya aku asai ti deka badu tang nadai daya. Tuhan madah, nuan udah dipilih maya pengawa Pengujung Dunya lalu patut ngasi.

Dalam pengelama tujuh taun aku nadai kala ninggalka Amerika. Kami nadai nemu utai ti dikumbai pengelantang dunya. Aku enda ulih bejalai ke bukai enti nadai pemendar ari Tuhan semina ngagai gerija enggau meli utai ke pasar. Kami nemuai ngagai anak lelaki kami di *Federal Way* dua kali dalam setaun nyengkaum siku ari pangan kami.

Tuhan madah udah ministri tanda nyelai berengkah, pengidup aku lalu betukar kenya ari nya. Tu begunaka bejam-jam alai besambiang, aku nadai awak alai ngelantangka diri sampai ngagai ujung. Tu nadai ngira ni gaya, baka ni kitai idup di dunya tu. Utai ti pemadu beguna iya nya baka ni kitai idup ngena pengidup meruan enggau Tuhan Jesus. Jaku Tuhan madah kitai enda ulih idup ngena dua jalai. Ni gaya utai nyadi, aku milih pengidup meruan. Aku ngarapka tujuh taun dalam pengeliat tau nulung tiap iku pemacha ti enda idup dalam pengudus. Tuhan madah mayuh semangat deka diselamatkan nengah bup tu. Ngadang meh; Jesus deka dataika kitai. Aku udah belajar nganti tu utai ti pedis bendar ari semua utai bukai. Utai ti dikarapka aku iya nya tiap urang Kristin deka diangkatka lalu tau tama perintah Tuhan, ari ti tinggal tauka ngagai darung serega.

## *Bup Tu, Testimoni Aku*

Tuhan suah bendar madah ngagai aku barang sapa ti diangkatka deka bediri ngadap kerusi hakim sebedau tikah berengkah.

Utai ti pengabis jai nyadi ba sebarang urang Kristian iya ukai enda diangkatka tauka enda meda mua Jesus. Tu meh kebuah Tuhan ngayan ngagai aku dua iti darung ka sida ti enda ngasi enggau urang kristian ti bedosa.

Aku selalu berunding sebarang sapa ti udah “selamat” lalu datai ngagai gerija tau tama ke serega lalu ngerasukka baju gaun tikah ti manah. Aku saru. Urang ti ulih meda mua Jesus lalu ngena gaun tikah iya nya sida ti ngembuan ati ti tuchi baka ai. Tuhan endang kudus lalu utai ti kamah enda tau tama ngagai perintah Iya. Nya meh kebuah Tuhan nyendiaka darung ka urang ti enda chukup kudus tama perintah Iya.

Aku dekaka nuan besedia ka penatai Tuhan kitai. Peningin ati aku iya nya nadai siku kitai urang Kristian enggau urang ti dikerinduka sida deka tinggal. Lebu Tuhan ngayan ngagai aku pasal pengangkat, mayuh bendar urang Kristian deka ditinggalka. Iya ngayan ngagai aku pasal genera tu dalam dua bagi. Ba genera ti keterubah urang deka nengah angin baka raban burung burak. Genera ti kedua pasal sida ti tinggal. Keterubah nya ngerinduka sereta ngelantangka tang ti kedua nya aku nyabak berari. Nyawa ti inggar ari dunya lebu utai tu nyadi chukup balat jai. Genera tu nyadi lebih ari tiga puluh minit. Iya ngayan ngagai aku enggau silik amat pasal genera dua bengkah tu. Ati aku tusah ka utai tu udah genera nya abis. Tuhan madah utai ti udah dipeda aku tu nadai nama-nama dibanding enggau utai ti deka nyadi maya nya.

Tuhan Jesus amat rinduka semua kitai lalu Iya enggaika kitai tinggal tauka datai ngagai dua iti darung di serega. Iya dekaka semua urang ti arap nyendiaka penatai Iya. Iya semampai madah ngagai aku utai tu nyadi tumu agi ari ti dijangka.

Arap meh lalu peratika ati nuan lalu peda bakani kaul nuan enggau Tuhan Jesus. Tiap iku urang ti arap ti bisi kaul enggau Jesus nya meh utai ti beguna bendar ba iya. Enti ati nuan enda betul enggau Iya, aduka sebedau utai nya kelalu laun. Aku arapka nuan bekunsika berita tu enggau urang bukai awakka urang bukai tau besedia lalu nganti penatai Tuhan Jesus. Lalu aku besampi awakka nuan tau nyadi murid ti tegap ka Tuhan kitai. Aku mega besampi ngambika nuan tau diberekat ulih Iya lebu nuan di dunya tu lalu meda mua Iya lebu nuan datai di serega.



## SEREGA NYA AMAT NYATA

### KA PENGELEPAS

AKU BISI NINGA mayuh urang madah sida pechayaka Tuhan tang enda pechayaka Jesus. Pechaya meh utai ti dipadahka aku. Taja pen nuan arapka Tuhan, enti nuan enda arapka Jesus nya Anak Tunggal Allah Taala, nadai bisi pengelepas. Pengelepas semina datai nengah Tuhan Jesus. Jesus mati ka semua kitai laban Iya amat rinduka kitai. Iya madah, “Ko Jesus nyaut iya, “Aku tu meh jalai, pemendar enggau pengidup, nadai siko orang ulih datai ngagai Apai enti enda ulih aku.” (John 14:6).

Jesus meh semina urang ti ulih nyelamatkan nuan lalu ngampun semua dosa nuan awakka nuan tau bulih pengidup meruan enggau Iya. (peda Mark 9:48). Enti nuan nadai kala minta Jesus ngelepaska nuan, tu meh maya nuan ngereja nya sebedau nya kelalu laun. Sebut sambiang tu enggau inggar, ari ati nuan; **“Tuhan Jesus, Aku pechaya Nuan Anak Tunggal Allah Taala lalu Nuan mati ketegal aku. Datai meh dalam ati aku, nyadi Tuhan enggau Pengelepas lalu ampun semua dosa aku lalu intu semua sukut pengidup aku ari diatu. Jesus, iri aku ngena Roh kudus lalu kena aku ka mulia Nuan. Aku deka bekerejaka Nuan lalu rinduka Nuan sepemanjai umur aku. Terima kasih Apai, diatu aku nyadi anak Nuan, dalam nama Jesus ti kudus. Amen.**

Udah sambiang tu, kena ngemendarka pengelepas tu, bacha Bup Kudus, selalu sambiang lalu datai ngagai gerija awakka ninga jaku Tuhan lalu begempuru enggau anembiak Tuhan. Pengidup nuan deka berubah, nuan deka ngasaika pengidup ti lantang lebu di dunya tu lalu diau belama iya enggau Jesus di serega. Tuhan merekatka nuan.

### SEREGA NYA AMAT NYATA!

NUAN TAU NGUMBAI ba pun bup tu aku madah kala enggau Jesus di serega. Kemaya tu, lebu nuan datai ba pengujung Serega Nya Amat Nyata!—Aku ngasuh nuan semina nerima bup tu baka iya ti udah ditulis—enggau ati ti chukup tebuka ngagai Tuhan enggau peneka Iya. Aku sekali agi mai nuan meratika utai ti udah diasaika aku nengah Jaku Tuhan.

Nitihka padah Tuhan, Aku udah ngereja baka ti udah dikereja nabi Habakuk—Aku udah merati lalu nganti Iya, meda utai ti disebut Iya ngagai aku:



### *Bup Tu, Testimoni Aku*

“Aku deka niki ngagai kubau peninjau, lalu nganti utai ti di-asoh Tuhan sebut aku, sereta enggau saut iya pasal serebana aku. Tuhan nyaut aku munyi tu: “Tulis ba lampang batu bata utai ti di-ayan aku ngagai nuan, awakka iya nyamai dibacha. Awakka utai tu ditulis, laban timpoh apin chukop endor iya nyadi. Tang timpoh deka datai jampat, endor utai ti udah di-ayan aku ngagai nuan deka nyadi amat. Penatai iya baka ti laun, tang anti iya. Iya deka datai ba maya ti udah diletak aku, lalu iya enda betanggoh agi.”

—Habakuk 2:1-3

Baka Habakuk, aku udah nuliska genera lalu ngayanka, awakka nuan ti macha tau “belanda” nitihka perambu Tuhan ti chukup manah ka nuan—perambu ti nyengkaum tempat ti udah disediaka nuan di serega enti nuan semina pechaya ka Anak. Iya lalu nerima Iya nyadi Tuhan enggau pengelepas nuan.

Sambiang aku ka nuan tau ditemu ba Isaiah 40:31—tang sida ti arap ka penyaup ari Tuhan deka ngasaika pengering sida dipulai baru. Sida angkat baka menaul ngerembaika sayap lalu ngindang enggau Jesus. Sida deka belanda lalu enda nemu lelak. Sida deka bejalai lalu enda nemu lembut tulang. Jesus amat deka datai enggau jampat!

## SEREGA NYA AMAT NYATA

### TENTANG PENULIS

CHOO THOMAS MAGI saksi iya ti luar biasa lebuah iya ti betemu enggau Tuhan Jesus Kristus, alai iya suah nemuai ke serega lalu meda neraka dua kali. Bup Serega Nya Amat Nyata! iya lebih ari siti bacha—bup tu siti pesan pengasih Kristus ngagai raban ti udah enda ingat, enda mereti, tauka enda ngambi berat deka ngelala Iya. Bup tu deka negu ati enggau samengat kita sereta deka enchabar kita awakka tulihka pengidup ti taluk sereta beresi baka ti enda kala dikereja ngelama tu.

### TENTANG CHOO THOMAS

CHOO THOMAS TU siku indu bansa Amerika ada di Korea ti sederhana aja. Iya udah beruang bilik, bisi dua iku anak sereta empat uchu.

Lebuh taun 1992, iya nerima Jesus nyadika Tuhan enggau Pengelepas iya, lalu berengkah ari nya bebendar deka ngenyamaika Tuhan enggau sepenuh ati iya. Dua taun udah nya, iya meda penatai Jesus enggau terang di gerija Neighborhood Assembly of God di Tacoma, Washington lalu taun 1995, iya belabuh tulihka genera ari Roh kudus.

Lebuh taun 1996, Tuhan Jesus mai Choo ke serega lalu ngasuh iya nuliska utai ti dipeda sereta didinga iya, lalu ngasilka siti bup, Serega Nya Amat Nyata! Bup tu diterbitka bulan Sepuluh 2003.

**Salin enggan Chelak-Baru Bup Serega Nya Amat Nyata lebu 12/14/2005**

<b>Disalin</b>	<b>Di-chelak Baru</b>
1) Afrikaans-Afrika	1) Australia
2) Andra Pradesh	2) Fiji
3) Arab	3) India
4) Belanda-Holland	4) Kenya
5) Cambodia	5) Malaysia
6) Mandarin-China	6) New Zealand
7) Dayak-Indonesia/Malaysia	7) Nigeria
8) Perancis	8) Papua New Guinea
9) Jerman	9) Filippina
10) Hungary	10) Singapura
11) Iban-Malaysia	11) Afrika Selatan
12) Bengali-India	12) Thailand
13) Hindi-India	13) United Kingdom
14) Kannada-India	14) Uganda
15) Malayalam-India	15) Zimbabwe
16) Tamil-India	16) Zambia
17) Telugu-India	17) Perancis
18) Urdu-India	18) Switzerland
19) Indonesia	19) Jerman
20) Jepun	
21) Korea	
22) Laos	
23) Mizo-India & Myanmar	
24) Mongolia	
25) Nepal	
26) Tagalog-Filippina	
27) Portugal	
28) Russia	
29) Sepanyol	
30) Tanzania Afrika	
31) Thailand	
32) Turki	
33) Vietnam	